



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

### Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

### About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>



AC  
41  
N972a





AC  
41  
M992a

THE OFFICE OF THE  
ATTORNEY GENERAL  
WASHINGTON, D. C.

1914

# A N E C D O T A,

QUÆ

EX AMBROSIANÆ BIBLIOTHECÆ  
CODICIBVS

*Nunc primum eruit,*

NOTIS, AC DISQVIGATIONIBVS  
AVGET

LUDOVICUS ANTONIUS  
MURATORIUS,

IN EADEM BIBLIOTHECA  
AMBROSIANI COLLEGIJ DOCTOR,

*TOMVS SECVNDVS*

Præter veterum monimenta Commentarium continens  
DE CORONA FERREA,  
qua Romanorum Imperatores in Insu<sup>bris</sup>  
coronari solent.



M E D I O L A N I,

---

Typis Iosephi Pandulfi Malatestæ . 1698.  
*Superiorum permissu ; & Privilegio.*

THE UNIVERSITY OF CHICAGO

DEPARTMENT OF THE HISTORY OF ARTS

RECEIVED

THE UNIVERSITY OF CHICAGO

LIBRARY

1000 S. MICHIGAN AVE.

CHICAGO, ILL. 60607

TEL. 733-7321

WWW.CHICAGO.EDU

1990

**S. R. E. Cardinali , S. Rom. Imperii,  
Regniq; Hispaniarum Protectori**

A decorative initial letter 'S' in a black and white woodcut style. The 'S' is large and stylized, with intricate floral and foliate patterns integrated into its curves. The design is enclosed within a square border.

Plendidissima Gens tua Domina-  
trix, SERENISSIME CARDINALIS,  
in te regalem Majorum sangui-  
nem, & gloriam fudit; tu vero  
hereditatem magnarum virtutum  
generosa imitatione auxisti, & per  
te parva meritorum opulentia  
amplificasti. Inter hæc universorum  
animos, & præsertim sapien-

tium mirifice capit amor iste tuus plane regius, quo  
 literas, earumq; cultores humanissime suscipis, quam  
 laudem tibi gentilem munificentia morum tuorum im-  
 plet

plet augustissime . Nimirum certam hanc viam ad immortalitatem nominis inivisti, quam Leo X. Pont. Max., Cosmus M., Laurentius, ceterique Majores tui constantissime institerunt, adeo ut Serenissimæ Domui tuæ in primis debeant Italica ingenia, quod sordes inundante olim barbaria contractas eluerint . Enim vero quid magis decorum, & consentaneum politicæ caritati, optimisq; rectoribus gentium, quam alere bonas artes, quibus subiectorum animi in præstantissima ipsorum facultate, nempe intelligentia, sunt pulchriores? Quantum vero in hac laude excellas, Mecœnas Serenissime, docent Europæ ingenia excultissima, quæ certatim sua ipsorum opera dicant tibi, quod scilicet intelligant, hinc duci auspicia Musis felicissima . Horum certe sapientiam mihi non arrogo; hanc tamen venerabundam fiduciam imitatus frontem hujus libelli tam grandi nomine insignire ausus sum, tibiq; hæc vetusta monumenta supplex offerre, certus exiguis muneribus non lædi majestatem Principum, quibus potius obsequium animi, quam pretium rei spectatum est . Reliquum igitur erit, ut qui novis in dies magnanimitatis nominibus me devincire non dedignaris, huic quoq; opusculo excessum patrociniū tuum largiare, concedasque, ut tributi exilitas tribuentis veneratione suppleatur . Faustitati Musarum, & exemplo optimorum Principum te diutissime fospitet Deus Optimus Maximus.

Mediolani IV. Idus Septembr. MDCXCVIII.



# INDEX MONIMENTORVM, AC DISQVISITIONVM hujus Tomi.

<b>B</b> Athiarii antiquissimi Scriptoris Apologia, seu Catholica Fidel formula.	pag. 9
Ioannis de Cermenate Historia de gestis sub Henrico VII. Impera- tore ab Anno MCCCVII. ad Annum MCCCXIII.	31
Fragmentum vetustissimum, in quo Manichaorū Heresis damnatur.	112
DISQVISITIO de Manichæis, eorumq; damnationibus.	113
Oratio Ænea Silvii pro auctoritate Romani Pontificis contra Austria- les Anno MCDLII. Vienna habita.	121
DISQVISITIO de rebus gestis, aliisq; ad Ænea Silvii Vitam, & scrip- ta spectantibus.	176
Forma vetusta Manumissionis, sine qua ex familia nemo propria ad Sa- cros Ordines promovere valet.	187
Index Sanctorum Martyrum, quorum Corpora S. Gregorii M. Tempori- bus Roma quiescebant.	191
DISQVISITIO de Reliquiis, Sanctuariis, Oleis miraculorum virtute imbutis, Martyribusq; Romanis.	193
Chronicon Regum Italiae a Rodulpho ad Conradum I.	204
Chronicon aliud simile.	205
Vetustissimi versus, qui olim in Bibliotheca S. Isidori Hispalensis Episco- pi legebantur.	208
Expositio Fidei Catholica Fortunati, seu explicatio Symboli Qui- cumque.	212
DISQVISITIO de Symboli Quicumque Auctore, & an is fuerit Ve- natus Fortunatus.	217
Guiniforti Barzizii Oratio in Sponsalibus Philippi Bonromei circiter Annum MCDXXX.	231
Anonymi Oratio in Nuptiis Io. Augustini Vicecomitis, & Ottonis Mandelli circiter annum MCDXXX.	240
DISQVISITIO de Guiniforto Barzizio, & nobilitate, atque antiquita- te Borromeæ Familiae.	246
DISQVISITIO de IV. Temporum jejuniis, eorumq; origine, atq; usu.	246
COMMENTARIUS de Corona Ferrea, qua Imperatores in Insucribus coronari solent.	267

Finis Index.

Hono;

**H**onorificam meretur Censuram secundus etiam hic Tomus, quem D. Ludovicus Muratorius in publica Bibliotheca nostra Mediolanensi Ambrosiani Collegii Doctor Anecdotis, extraxis ab eiusdem Bibliothecæ Ambrosianæ Codicibus locupletavit: plurima afferens scitu dignissima, optatisque referta eruditio- nibus. Qua in re taliter ille sapientiæ partibus usus est; ut præsens commendabile omnino arbitrer ipsius Opus: quodque imprimi, ad pretiosum literarij Orbis ornamentum, & queat, & debeat. Ita fixum animo hæsisse meo assero. Calendis Mar- tii, Anno MDCXCVIII.

Ego D. Hieronymus Meazza Clericus Regularis, Sacræ Theo- logiæ Professor, pro Sancto Officio Censor Librorum, &c.

### *IMPRIMATUR.*

*F. Prosper de Leonibus Inquisitor Generalis Medio-  
lani &c.*

*Bartholomæus Crassus Canonicus Ordinarius pro Emi-  
nentissimo D. D. Cardinali Archiepiscopo.*

*Franciscus Arbonapro Excellentiss. Senatu.*

PRO-



# PROLEGOMENA IN BACHIARIVM.



Ecundum Anecdotorum librum aperit pretiosum Bachiarij Philosophi Christiani Opusculum, cui hucusq; cum blattis, ac pulvere secretissimum bellum fuit. Quæ de Hlo Gennadius Massiliensis Presbyter attulerit, primum videamus. *Bacharius*, inquit ille, *vir Philosophia Christiana nudus, & expeditus, vacare Deo disponens, etiam peregrinationem pro conservanda proposita integritate elegit. Edidisse dicitur grata opuscula; Sed & ego ex illis unum de Fide librum legi, in quo satisfacit Pontifici Urbis adversum querulos, & infamatores peregrinationis suæ, indicans se non timore hominum, sed Dei causa peregrinationem suscepisse, ut exiens de terra sua, & cognatione sua coheres fieret Abrabæ Patriarchæ. Quid sibi Gennadius velit, quum Bachiarium Philosophia Christiana nudum, & expeditum, appellat, non ita facile explicatu est; ea enim verba ignarum potius Philosophiæ, quam peritum testantur, quod nihilominus ex eius scriptis omnino falsum probatur. Itaq; mendam in Gennadij librum irrepsisse crediderim, & pro nudus legendum nitidus arbitrarer, ut Bacharius de Christiana Philosophia nitide, atq; expedite loqui significetur. Certe Honorium Augustodunensem antiquum Auctorem, nempe qui A. C. 1130. claruit, in lib. de Luminar. Ecclesiæ, quem ex Hieronymo, Gennadio, alijsq; expressit, hac voce usum animadverti; etenim hæc adfert verba non aliunde sane, quam a Gennadio mutuatus: *Bacharius vir Christiana Philosophia nitidus, & expeditus edidit grata opuscula de Fide. Quin & ipse Gennadius alibi vocabulum hoc usurpavit, quippe Gennadium Constantinopolitanum Antistitem virum lingua nitidum, & ingenio acrem vocat. Bacharius igitur, uti nuper didicimus, peregrinatione instituta sese Patriæ suæ eripuit, ut doctior exinde, scæzq; Religioni addictior evaderet. Verum non sine quorundam obtreccatione consilium eius exceptum fuit, & calumniatores eo usq; perrexere, ut ad Romanum Pontificem querimonias in illum deferrent. Quapropter publica fidei professione per Pontificem Summum expetita, elegantissimum Opusculum Bacharius paravit, tum suæ Religionis testem, tum futuris seculis præclarissimum de Fide documentum.**

tonius Possevinus e. S. I. in Appar. Sac. de Bachiaro ita inquit: *Quod vero Gennadij Catalogus habet eum scripsisse adversus querulos, Codex Viridis vallis legit adversus Cerellos. Sed nullius momenti lectionem huiusmodi cenſeo; quinam enim, & cuius loci fuere iſti Cerelli? Deinde queruli voce hoc eſt obtreſſatoris alibi uſus eſt Gennadius; ait enim in laudato Catalogo: Orosius Presbyter Hispani generis vir eloquens, & Historiarum cognitor, scripsit adversus querulos Chriſtiani nominis. Itaq; retinenda & alio in loco vox querulos. Quod vero ait idem Gennadius, Bachiarium indicare ſe non timore hominum, ſed Dei cauſa peregrinationem ſuſcepſiſſe, ut exiens de terra ſua, & cognatione ſua cohaeres fieret Abraha Patriarcha, Opusculo, quod nunc proferimus, integram conciliat fidem, quum heic ita loquatur Bachiarus: Nos Patriam eſſi ſecundum carnem novimus, ſed nunc iam non novimus, & deſiderantes Abraha filij fieri terram noſtram, cognationemq; repulimus: Nemo igitur dubitauerit, quin libelli huiusce certus ſit Auctor Bachiarus.*

### *De Patria Bachiarj.*

**I**oannes Baleus inter Heterodoxos Scriptor peſtilentiſſimus in Cent. 1. de Scriptor. Britannia num. 46. Bachiarium natione Britannum pronunciat. Neq; ab eo diſſentit Ioannes Piſeus tomo 1. de Illuſtr. Britannia Scriptor. ad Annum C. 460. Mirzus vero in Auctario ad Auctores Eccleſ. Hiberniam ipſius cunabulis illuſtratam affirmat, in quorum ſententiam nunc omnes pedibus eunt. Ego rem altiori indaginedignam examini ſubijciam, & quicquid in huiusmodi quæſtione fidei reliquit Bachiarus, in medium adducam. Inquit ille primis Opusculi lineis ad Romanum Pontificem: *Suſpectos nos, quantum vides, facit non ſermo, ſed regio, & qui de Fide non erubeſcimus, de Provincia confundimur.* Pergit infra: *Sicut Samaritanis, ſic nobis non creditur, eo quod cuiusdam hæreſis macula ſolum noſtrum originale perſtrinxerit, ſic Preſidentum quorundam ſententia iudicamur, quaſi liberi eſſe ab erroris deceptione nequeamus.* Tum varijs exemplis eruditiffime oſtendit, ſe à Patriæ ſuæ erroribus purum, atq; ab improborum contagio immunem ſervaviſſe. Addit: *Iam in Chriſto renatis terrene Provincie error adſcribitur? Si agnoſcimus Patriam, erubeſcimus at culpam.* Itaq; conſtat Bachiarj Patriam hæreſis cuiuſdam febri correptam, quin & eo uſq; pervaviſſe morbum, ut in eiſdem ſuſpicionem omnis indigena traheretur. Hæc ibi ſatis aperte expreſſa. An vero eadem de Britannia dici commode poſſint, dubitare vehementer cogor. Certum eſt, ab ipſis Fidei Chriſtianæ incunabulis eam in Inſulam veræ Religionis ſemina inveſta fuiſſe. Nullæ deinde tyrannorum minæ, nulla Echnicorum immanitates Chriſti legibus Britanniam eripere potuit, innumeriq; ibi Martyrij palma augeri, quam Chriſtum eiurare, glorioſius, feliciuſq; cenſuere. Phuribus

ribus hæc tradunt Iac. Usserius Archiep. Armach. in Britann. Eccles. antiquitatibus, & Harpsfeldius in Hist. Anglic. Eccles. Diatius de tanta felicitate gloriata esset Britannia, ni suo malo fecunda Pelagium ipsa in lucem protulisset, famosæ hæresis postea auctorem. Quamquam, ut verum fateamur, non ab eodem Pelagio illuc illata pestis, sed ab Agricola quodam, cui Severianus Episcopus Pelagianus Pater erat. In S. Lupi Trecentis Vita apud Surium die 29. Iulij legitur: *totam fere Britanniam Pelagianum hæresim occupavisse*. Id autem Anno Christi 429. Florentio, ac Dionysio Cols. contigit; ad eum siquidem Annum Prosper in Chronico ait: *Agricola Pelagianus Ecclesias Britannie dogmatis sui insinuatione corrupit*. Idem testantur Beda lib. 1. Hist. Eccles. cap. 17. Constantius in Vita S. Germani apud Surium 31. Iulij lib. 1. cap. 23. Baronius Anno 429. §. 10. Em. Norisius cap. 5. lib. 2. Hist. Pelag. & Usserius cap. 11. de Brit. Eccl. Primordijs. Quibus animadversis iam quis suspicetur Bachiarium Pelagianæ hæresis suspitione laborasse, ac propterea in Britannijs primam lucem vidisse? Nulla alia profecto hæresis seculo, quo is in vivis egisse creditur, Provincias illas occupat. Sed si diligentius adnotata perpendamus, quæ alijs e Britannia Bachiarium prodijisse suadere possunt, ea mihi eundem alibi ortam probare omnino videntur. Etenim, si in Pelagianorum censum coniectus Bacharius fuisset, cur à se tantam ille calumniam amovere conatus non esset, productisq; suæ Fidei documentis cur a Pelagij sententia se longe abire non ostendisset? Integer eiusdem libellus legatur, nullumq; de huiusce hæresis questione verbum occurrer. Totus ille est in Trinitatis sacratissimæ dogmatibus exponendis, totus in Apostolorum Symbolo explicando; in originem animæ inquit, de disciplina Ecclesiastica disserit, adiecitq; *Hic est baculus defensionis nostræ, quo marmurantium adversus nos orafiamus &c. Hoc scutum Fidei nostræ, quo obtrestantium verborum, & venenata suspitionum spicula repellimus, ac vitamus*. Enim vero, si male Bacharius audisset, sibiq; Pelagianæ labis communionem obijci sensisset, neq; aliquid in eius confutationem protulisset, adeo confidenter sibi paratum esse contra calumniatores suos clypeum dicturus non erat. Quin minus proprie hæresis Pelagiana a Britannorum finibus fluxisse, eiusq; regionis error peculiaris diceretur, nempe quæ Pelagium quidem Britannum Auctorem habuisset, sed extra Britanniam ab eodem promulgata alias Provincias altiusquam istam gravi contagione infecerit. Reliquum igitur est, ut Britannis scriptoribus Bachiarium eripiamus, in quorum albo incautissime hucusque consignatus vixit. At quamnam, inquires, Patriam eidem assignabis? Ego Britanniam non fuisse certissimum pene habeo; videant modo alij, cuiusnam illum Patriæ civem faciant, illos enim non moror, neq; mihi heic diutius immorari vacat.

*De tempore, quo Bachiarus vixit.*

**Q**uod ad ætatem, tempusque, quo Bachiarus vixit, una est Scriptorum sententia, sed nullis freta testimonijs, solisque nixa coniecturis. Baleus Cent. 1. num. 46. hæc ait: *Bachiarus Maccus Divi Patricij Discipulus natione Britannus post varia bonarum artium in Legionensi Gymnasio studia Mathematicis Disciplinis ætate juvenili se totum impendit &c.* Editio tandem libello *Romana Urbis Pontifici Leoni, ut fertur, satisfecit &c.* Claruit senex Anno *Virginei partus* 460. Pitseus de Illustr. Britan. script. ad A. C. 460. num. 37. iisdem fere verbis hæc repetit: *Et quoniam apud singulos se excusare non potuit, ad communem in terris omnium Christianorum Patrem Romanum Pontificem Leonem primum scripsit &c.* Claruit senex Anno post mundum à Christo redemptum 460. regnante in Britannia *Portigerno*. Horum opinioni subscribere Possevinus in Appar. Sacro, Oudinus in supplemento ad Labbeum pag. 100. Morer. in diction. Hist. alijq; non pauci. Verum coniecturis nimium indulgere laudati Scriptores, & quamquam vehementer doctam nulla huiusce rei expressa documenta nobis à Bachiaro relicta, nihilominus ad istorum sententiam accedere nequeo. Si enim ad Leonem Magnum scripsisset Bachiarus, cur Nestorianæ, ac Eutychiez hæreseon nullam mentionem inieciisset? Ferebant eo tempore de horum pravis opinionibus quæstiones, totusq; pene Christianus orbis acri contentione divisus Nestorium, & Eutychem, aut fovebat, aut damnavat. Gemina iccirco Oecumenica Concilia ad Fidem restituendam coacta, omnibusq; necessitas imposita hos hæreticos publica Fidei professione ejurandi, ut se quisq; Catholicum proderet. Nemo igitur sibi facile suadere poterit, sub Leone Bachiarium hanc pro Fide sua Apologiam protulisse, quum adeo famosas, gravesq; hæreses omnino non confutaverit. Ut autem hac de re & ego opinionem meam proferam, censeo ad seculi à Christo nato quarti finem initiumve sequentis cum Opusculo isto Bachiarj ætatem esse referendam. Quandoquidem, si bene animadvertamus, eas tantum hæreses Bacharius stylo configit, quæ à Christi morte ad illud usque tempus eruperant; eas vero, quæ seculum quintum respiciunt, nullo prorsus telo confodit. Arium, Macedonium, Helvidium, aliosq; damnat; de reliquis hæresibus recentioribus ne verbum quidem. At cur hoc silentio usus fuisset Bachiarus, si post hæreses exortas scripsisset? Verum audire iuvat, quid habeat ille, quo opinioni nostræ robur addatur. Si, inquit, *pro culpa unius Provinciae anathemanda generatio est, damnetur & illa Beatissima Discipula, hoc est Roma, de qua NUNC non una, sed due, vel tres, aut eo amplius hæreses pullularunt, & tamen nulla earum Cathedrali Petri, hoc est Sedem Fidei, aut tenere potuit, aut movere.* Ijs igitur temporibus, quibus scribebat Bachiarus, non unam tantum vides, sed duas tresve hære-



hæreses ex Urbe prodijisse, quæ tamen Cathedram Petri labefactere nulla ex parte potuerant. Id autem procul dubio Leonis Magni ævo non evenit, sub quo Romæ nullus hæreticus primum erupit. Contra hæc ad seculi quarti finem aptissime referenda videntur. Etenim tunc Helvidius, ac Iovinianus venenum suum Romanis Civibus propinare coeperunt, illosq; diu ibidem constituisse certissimum est. Præter Auctorem Libri, qui *Prædestinatus* appellatur, unus Hieronymus sententiæ huic confirmandæ sat erit. Inquit S. Doctor lib. contra Helvidium: *Consecutus es quod volebas, nobilis factus es in scelere. Ego ipse, qui contra te scribo, cum in eadem tecum Urbe committam, albus, ut aiunt, aterve sis nescio &c.* Eodem ergo tempore, quo Hieronymus scribebat, Helvidius & ipse hæresim suam spargebat; uterq; autem Romæ commorabatur. Iovinianus quoq; non alibi merces suas venum exposuit; licet enim diu in quodam Monasterio (Mediolanense hoc non erat, uti contra Baronium probat erudite Puricellus cap. 38. num. 7. Diss. Nazar.) vir flagitiosus delituerit, ibi tamen perniciosum dogma proferre ausus non fuit. Quamobrem in publicum Romæ prodians, ac tum primum personam exuens impijs vocibus virginicatis vota, meritumq; ieiuniorum aggredi cœpit. Hieronymus adversus illum in arenam descendens duos elucubrauit libros, quorum primum ita exorditur: *Pauci admodum dies sunt, quod Sancti ex Urbe Roma fratres cuiusdam mihi Ioviniani commentariolos transmiserunt &c.* alterum vero librum sermone ad Romanam converso ita concludit: *Urbs potens, urbs Orbis Domina, urbs Apostoli voce laudata; interpretare vocabulum tuum &c. virtus te excelsam facit, voluptas humilem &c. cave Ioviniani nomen, quod de Idolo derivatum est &c.* Epist. quoq; 51. ad Domnionem de Ioviniano loquens inquit: *Inter mulierculas sciolus sibi, & eloquens videtur. Postquam Romam mea Opuscula pervenerunt, quasi amulum exhorruit.* Augustinus etiam in lib. de Hæres. ad Quod vult Deum num. 82. de Ioviniano paria habet: *Virginitatem, ait, Sanctimonialium, & continentiam sexus virilis in Sanctis eligentibus cœlibem vitam coniugiorum castorum, atque Fidelium meritis adequabat, ita ut quædam Virgines sacra profecta iam ætatis in Urbe Roma, ubi hæc docebat, eo audito nupsisse dicantur.* Itaq; Helvidius, ac Iovinianus blasphemias suas primum Romæ propoliere, atq; icsirco tunc dicere Bacharius potuit non unam, sed duas, pluresq; ex Urbe pullulasse hæreses. Hinc ille acerrimo studio, enixeque istorum hæreticorum dogmata se detestari fatetur, quasi aperte magis eorum anguium nondum extinctorum protervia confodi oporteret. *Virginem, inquit, de qua natum scimus Christum, & Virginem ante partum fatemur, & Virginem post partum, ne consortes Helvidiani erroris habeamur. Infra: Continentiam predicamus, virginitatem utpote egregium germen, & ex effusa trunci radice procedens extollimus, & miramur.* Igitur circiter Annum Christi 390. & quod excurrit, Bacharium hanc sibi parasse Apologiam crediderim.

*De scriptis, ac dignitatibus Bacharij.*

**P**orro quæ de Bachario præter Gennadij auctoritatem refert Ba-  
leus, omnino commentitia, & sine tabulis affirmata mihi videntur. *Bacharius*, inquit ille, *D. Patricij Discipulus natione Britannus* (alii *Macceum vatem* appellant) post varia honorum artium in Legionensi Gymnasio studia Mathematicis disciplinis ætate iuvenili se totum impendit. Perveniens deinde ad annos provectiores per Philosophiam Christianam nudus, & expeditus Deo vacare disponens longam peregrinationem pro concepta integritate conservanda suscepit. Inaudita enim illis diebus tyrannide (ut in Historijs docent Gildo, Gualfridus, & Beda) Huni, Picti, & Scoti Britannos per Maximum Regem attenuatas opprimebant, & ob id aufugisse Bacharium ex Patria suspicabantur quidam &c. Composuit vir eloquentissimus ad Ianuarium de reparatione lapsi, alias de fructu Penitentia librum 1. *De Fide perseverante* lib. 1. *Prognostica Nativitatum* lib. 1. &c. Hunc alij *Bacharium*, alij *Bachianum* vocant. Huius verba, seu malis somnia, serme exscripserunt Pitseus de reb. Anglic. ad A. C. 460. Aet. 5. Oudinus de script. Eccles. Nicolaus Harpsfeld. Guilhelmus Cave in Hist. literar. de script. Eccles. & alij. Sed, ut modo præfatur, quum hæc sine ullo teste proferantur, fidem nullam impetrabunt. His accedit quod Usserius vir magni nominis cap. 17. de Britann. Eccles. Primord. animadvertit, scilicet perperam ab istis cum Bachario confundi *Macceum vatem*, seu *Mothæum*, qui revera S. Patricij Discipulus fuit, & ab Annalibus Ultoniensibus Anno Ch. 535. vel 537. e vivis excessisse dicitur. Quod autem ad libros spectat *de Fide perseverante*, & *de Prognosticis Nativitatum*, quum neq; Gennadius, neq; Honorius Augustodunensis, alij ve antiqui eorum meminerint, Bachario male inscribi arbitror. Epistola vero *de Reparatione lapsi ad Ianuarium*, quæ in Bibliotheca Patrum ult. edit. extat, ab omnibus scriptoribus Bachario nostro tribuitur, quæ tamen in re me in dubitationem adduxit Codex MS. Bibliothecæ nostræ, ubi hæc eadem Epistola legitur, & sic inscribitur: *Incipit liber Sancti Bacharij Monachi ad Ianuarium de reparatione lapsi*. Ita porro exorditur: *Benedicto in Christo fratri omni mihi Fide, & dilectione venerabili Ianuario Bacharius peccator salutem &c.* Utiq; a Bacharij nomine, atq; instituto Epistolæ huius Scriptor differre videtur, hic enim Bacharius, & Monachus, & Sanctus appellatur, ille vero nequaquam. Quare hæc mihi iniecta erat dubitatio, satisne vere ad nostrum referenda hæc Epistola foret. Quum tamen utrumq; Opusculum simul contulerim, unum eundemq; eorum Auctorem continuo agnovi; ipsamet enim scribendi ratio, ipsæ pene dictiones, ac phrasæ ita utroq; legenti occurrunt, ut ovum ovo similis non sit. Quod ad Bacharij dignitates attinet, eum fortassis

## T O M U S II.

7

fortassis Monachorum instituta sequutum fuisse ex Epistolæ nuper laudatæ inscriptione cognoscere possumus; & in hanc rem quædam eius verba prorsus expendenda supersunt. Uti vidimus Apologiam hanc ille ad Romanum Pontificem scripsit; quid autem est, quod ille Episcoporum Maximum *Fratrem Beatissimum* vocat? Rem alius quæramus: *Fratris* nomen prioribus Ecclesiæ seculis ab Episcopis invicem scribentibus usurpatum fuit, ita ut quicumq; Episcopus vel ad ipsum Urbis Pontificem literas daret, hoc eodem fere semper titulo uteretur. Quod ad Episcopos inter se agentes, res extra omnem dubitationis afeam posita est, neq; exemplis, quæ passim occurrunt, roboranda. Illud nostræ etiam tempestate in usu est, summusq; ipse Pontifex ad Episcopos scribens eos *Fratris*, reliquos vero *Filij* appellatione distinguit. Eundem vero Romanum Antistitem, quoties ad eum Episcopi scribebant, *Fratrem* appellare consueverunt. Cyprianus Carthag. Ep. plures ad S. Cornelium Urbis Episcopum Epistolas conscripsit, eumq; semper *Fratrem* nuncupat. S. Ambrosius una cum Patribus Mediolani contra Iovinianum coactis ita Epistolam ad Syricium Papam inscribit: *Domino dilectissimo Fratri Syricio Papa Ambrosius Episcopus, Bassianus, & ceteri Episcopi &c.* Patres Concilij Carthaginienensis de actis adversus Pelagium, & Cœlestium ad Innocentium Summum Pontificem scribentes hunc titulum Epistolæ inscribunt: *Domino beatissimo, & honoratissimo Fratri Sancto Innocentio Papa Aurelius, Mandius &c.* Patres quoq; Synodi Arelat. 1. ad S. Sylvestrum ita scribunt: *Domino Sanctissimo Fratri Silvestro Marinus, vel cæterus Episcoporum, qui adunati fuerunt in Oppido Arelatenfi.* Plura congerere nolo. Ita tamen hoc nomine erga Romanum Pontificem semper usi non sunt Episcopi reliqui, ut etiam reverentiæ ergo, quam quisq; maximam erga Petri Sedem profitebatur, *Patris* vocabulo quandoq; non exornarent. Ceretius, Salonius, & Vettanus Galliarum Episcopi Epistolam ad Leonem Magnum ita exordiuuntur: *Domino Sancto, Beatissimo Patri, & Apostolica Sede dignissimo Papa Leoni &c.* Tom. 1. Conc. Gall. pag. 42. collect. Sirmond. S. Cyrillus Alexandr. Ep. in Epistola ad Cœlestinum Romanum Episcopum sic loquitur: *Sanctissimo, Deoq; amantissimo Patri Cælestino Cyrillus salutem.* Tom. 1. cap. 29. Conc. Ephesini. Pluribus parco exemplis, atq; hoc adnotare mihi sat est, à multis seculis ita uni Romano Pontifici *Pape*, ac *Patris* nomina adhæsisse, ut ab omnibus Episcopis illa semper obtinuerit. Qua de re consule etiam V. C. Ioannem Mabillonium lib. 2. cap. 2. de re Diplom. Quum vero dignitate inferiores ad Romanum, aliosq; Antistites scriberent, *Patris* vocabulo utebantur. Paulinus nondum Nolanus Episcopus ad Augustinum, ad Delphinum Burdegalem, ad Victorium, aliosq; Præsules scribens *Patres* ubiq; appellat. Paulus quoq; Orosius Hispanus Presbyter S. Augustino Historiarum libros inscribens hoc eodem utitur stylo, ac S. Hieronymus Augustinum *Sanctum, ac honoratissimum Papam*, hoc est, *Patrem* sæpe vocasse

vocasse cognoscitur. Hæc igitur quum ita se habeant, quid de Bachiaro dicemus, qui Romanum Pontificem, hoc est Episcoporum Maximum *Fratrem beatissimum* appellat? An Episcopales & ipse infulas gerebat? Ego suspicor, at affirmare non amsim. Profecto, ni tanta ille dignitate conspicuus fuisset, vix suadere mihi possum, ab illo per Urbis Episcopum Fidei professionem exigendam fuisse, quum in Ecclesia Dei absq; hoc gradu infimi subsellij, parvique, ut ita dicam, momenti Bachiarus futurus fuisset. Plura tamen sunt, quæ me ab huiusmodi sententia abducunt. Gennadij quidem, aliorumq; veterum de hac dignitate silentium prætereo, quippe illis non magis, quam mihi perspectæ res Bachiarij fuere; sed alia se offerunt, quæ me validius deterreant. Ipsemet Auctor silet, quin ab Episcopis diversum, illisq; subiectum se facit, dum Episcoporum, Patrumq; decretis se omnino subscripturum affirmat, ac addit: *Neq; enim tam stulti sumus, ut quibus capita pro sanctificatione submittimus, his corda nostra humiliare nolimus.* Itaq; quod *Fratris* nomine erga Summum Urbis Pontificem Bacharius utatur, ea ratione id ab illo usurpatum arbitror, qua omnes absq; ulla conditionis differentia in Christo Fratres sumus. Lactantius lib. 5. cap. 23. Divin. Instit. *Iustus*, inquit, *ac sapiens scit cunctos ab eodem Deo, & eadem conditione generatos iure fraternitatis esse coniunctos.* Ita invicem à primitiva usq; Ecclesia vocabantur Christiani, quam rem pluribus illustratam comperies à Claudio Espencæo in Comment. ad Epist. 2. Pauli ad Timoth. cap. 4. Sentiant igitur heic quod lubet eruditi: ego Episcopos constituere ex coniectura non audeo, & fortassis errore Librarij factum, ut *Fratris* nomén pro *Patris* hoc in loco legatur. Ceterum Opusculum hoc mihi depromptum est ex antiquissimo Ambrosianæ Bibliothecæ Codice, quem ante annos minimum mille conscriptum characterum forma non dubitanter testatur. Fuit autem olim celebris Monasterij Bobiensis, & ex illo in Ambrosianam translatus à Magno Card. Federico Borromæo, cuius nomini perpetuam debent bonarum literarum cultores æternitatem precari.



*Bachiarij Fides.*

**O**Mne, quod fuit, ipsum, quod erit, & non est, omne recens sub sole, & iterum Apostolus: *Omnia hac in figuram Eccles. 1. 10. nostri contigerunt*, quod præsents rei probatur effectu, *1. ad cum gesta olim Evangelici Sacramenta Mysterij iterum Cor. 10. 6.* ætatis nostræ temporibus renovata celebrentur. Ecce nunc, quantum intelligimus, Christus a Samaritana aquam postulat, cum Beatitudo tua Fidem a nobis requirit. Suspectos nos, quantum video, facit non sermo, sed regio, & qui de Fide non erubescimus, de Provincia confundimur. Sed absit, Beatissime, ut apud viros sanctos macula nos terrenæ nativitatæ inficiat. Nos Patriam etsi secundum carnem novimus, sed nunc iam non novimus, & (1.) desiderantes Abrahæ filij fieri terram nostram cognationemq; repulimus. Hoc autem ideo dicimus, quia sicut Samaritanis, sic nobis non creditur a Iudæis, eo quod cuiusdam hæresis macula solum nostrum originale perstrinxerit, sic Præsidentum quorundam sententia iudicamur, quasi liberi esse ab erroris deceptione nequeamus. Dicitur est similiter quondam ab incredulis: *10. in Nazareth potest aliquid boni Evang. 1. 6. esse?* & tamen inde Christus processit. (2.) Nunquid, rogo, Apostolorum merita unius perfidia, avaritiæq; mutavit, qui nondum de eadem regione, sed eorum processit è latere? Nunquid Patriarcharum

*Nota in Bachiarij Fidem, seu Apologiam.*

**D**esiderantes. Gennadius de script. Eccles. hæc de Bachiarij Apologia refert: *Satisfacit Pontifici Urbis adversum querulos, & infamatores peregrinationis suæ indicans se non timore hominum, sed Dei causa peregrinationem suscepisse, ut exiens de terra sua, & cognatione sua coheres fieret Abrahæ Patriarchæ.* Quibus postremis verbis ad hoc loci respexit Gennadius. Quamquam fateor difficile hinc posse cognosci, peregrinationem ullam a Bachiario susceptam fuisse.

Nunquid rogo. Apposite in hanc rem S. Cyprianus scribit lib. de Unit. Ecclesiæ: *Ut Iudam inter Apostolos Dominus elegit, & tamen Dominum Iudas postmodum prodidit. Non tamen idcirco Apostolorum Fides,*

charum vitam fratrum culpa turbavit? Nunquid Prophetarum oracula Pseudoprophetarum commenta falsarunt? Chore illo Levitico in hæresim declinante, nunquid reliqua cognatio ex hac stirpe descendens maculam ex propinquitate contraxit? Pontificis filijs ignem offerentibus alienum, germani eorum Sacerdotali funguntur officio, & inculpatoſ se a crimine fratrum ministerij sui honore testantur. (3.) Nicolao Diacono in hæresim declinante, gloriosa collectorum fratrum in virtutibus Dei opera refulserunt. Crimen nobis regionis intenditur. Quisquis hoc dicit, legat (4.) Christum Samaritanum, in qua Provincia non solum (5.) hæresis, sed Idolatriæ criminibus servierunt. In domo Achab Abdias servus Domini inven-

3. Reg.  
18.

*des, & firmitas cecidit, quia proditor Judas ab eorum societate defecit. S. Hieronymus quoque; Epist. 22. ad Eustach. Neque, ait, undecim Apostoli Iudæ proditione sunt fracti. Et contra Vigilantium: Apostolorum seriem Iudæ proditio non destruxit.*

Nicolao Diacono. Hic ille est Nicolaus, qui Apostolorum temporibus in Diaconorum censum cooptatus Nicolaitarum heresi originem dedit, cuiusq; mentio est in Act. Apost. cap. 6. nu. 5. S. Irenæus lib. 1. cap. 27. aduers. Hæreses hæc de illo habet: *Nicolaitæ autem magistrum quidem habent Nicolaum unum ex septem, qui primi ad Diaconium ab Apostolis ordinati sunt, qui indiscrete vivunt.* Clem. Alex. lib. 3. Strom. Theodoretus lib. 3. hæret. fabul. Eusebius Cæsar. Augustinus, aliq; meminere.

Christum Samaritanum. Duplici ratione heic explicari Bachiarus potest. Aut enim Christum Samaritanum appellat, quippe qui non raro in Samaritæ urbibus versatus fuerit, aut quod illum Iudæi convicij ergo Samaritanum vocarent. S. Io. in Evang. cap. 8. num. 48. *Nonne, aiebant, bene dicimus nos, quia Samaritanus es, & Dæmonium habes?* Animadvertit autem Augustinus cum in Enarr. in Psalmum 30. tum in Expos. in Euang. Io. tract. 43. Christum minime se negasse Samaritanum. Sunt eius verba: *Horum duorum sibi obiectorum unum negavit, alterum non negavit, respondit enim, & ait: Ego Dæmonium non habeo. Non dixit: Samaritanus non sum &c.* Tum silentij rationem a Samaritani vocabulo petit.

Hæresis. Utq; ab Hebreorum doctrinis, ac institutis quum olim Samaritani desciverint, iccirco hæretici sunt appellati. Philastrius Episc. Brix. lib. de Hæres. cap. 7. perversa eorum dogmata refert. Nicetas Choniates in Thesauro lib. 1. cap. 34. hanc gentem ita hæreticis accenset, ut tamen idololatria non carere affirmet. *Quamvis, ait, idololatrae revera sint, summa tamen illis, ne tales videantur, cautio est.* Dilucide supra omnes S. Epiphanius rem prodit lib. 1. adv. hæres. ad Samaritanorum hæresim; enarrata enim eorum a Iudæis discessione addit: καὶ



inventus est, qui corporibus Prophetarum meruit copulari. (6.) In Ferepta Sidonæ inter (7.) Chananæorum foecissimum genus vidua fidelis reperitur, & Prophetarum hospita eligitur. Magister Idolatriæ, & caput hæresis Balaam, ut Christum prædicaret, admissus est. Iobex Esau profani, & infidelis stirpe descendit. Ruth cognata generis Christi Moabitæ esse describitur, cujus origo ab Ecclesiæ foribus abdicatur. Abraham caput Fidei de Chaldeorum stirpe descendit, quibus vernacula, & naturalis magicæ artis impietas est. Magis Christum adorantibus vetera errorum non imputantur opprobria. Moyse Aegyptiorum artibus erudito Propheta. spiritus gratia condonatur. Iam in Christo renatis terrenæ Provinciæ error adscribitur? Si agnoscimus Patriam, erubescimus at culpam; mihi enim Civitas, cui renovatus sum, regio est effecta, vel Patria est. Nihil mihi de terrenis affinitatibus adscribatur, quibus renunciassè memini. Quisquis est, qui me de Provinciæ cognitione

αὐτὴ ἀλρεῖς ἀδοῦσα μὲν νεκρῶν ἀνάστασιν, ἀπαθύνειν δὲ ἰδωλολατρείαν, ἐν αὐτῇ δὲ ἰδωλολατρεῖσα κατ' ἄγνοιαν διὰ τὸ ἀποκαυρῶσαι τὰ ἰδωλὰ τῶν τεσσάρων ἰδῶν ἐν τῷ ὄρει &c. Ita vertit Petavius vir magnus: Sed illud huic hæresi contigit, ut dum mortuorum resurrectionem improbat, idololatriamq; respuit, in eam imprudens incidit, quod nationum quatuor simulacra in monte quodam occultata sunt &c. A lege autem Iudæorum ita dissentiebant Samaritani, ut in alienigenarum numero ab illis notarentur. Propterea cap. 17. nu. 17. Luc. ipse Iesus de Samaritano illo, qui ex decem leprosis mundatis unus, ut gratias ageret, rediit, sic loquitur: Nonne decem mundati sunt? & novem ubi sunt? Non erat alius, qui daret gloriam Deo, nisi alienigena iste?

In Ferepta. Emendandus est locus, & pro Ferepta scribendum est Sarepta. Urbs hæc in Phœnicia apud Sidonem sita olim fuit nostrisq; etiam temporibus durat, ni nos recentes Geographi fallunt. Plinius lib. 5. cap. 19. Inde Emydra, Sarepta, & Ornithon Oppida, & Sidon &c. Viduæ memoratæ historia desumpta est ex Evangelio Lucæ cap. 4. ubi ita legitur: Multa viduæ erant in diebus Elie in Israel, quando clausum est Calum annis tribus, & mensibus sex, cum facta esset fames magna in omni terra, & ad nullam illarum missus est Elias, nisi in Sarepta Sidoniæ ad mulierem viduam. Uberius autem res describitur lib. 3. Reg. cap. 17. Eo quoq; Hieronymi tum hoc Oppidum, tum Helix domicilium extabat; inquit enim S. Doctor Epist. 27. ad Eustoch. in Epitaph. Paulæ: Beryto Romana Colonia, & antiqua Vrbe Sidone derelicta, in Sarepta litore Helia est ingressa turriculam.

Chananæorum. Sarepta, uti dictum superius, inter Phœniciæ Urbes

tione æstimat infidelem, ipse infidelem se esse noverit, quia aut oblitus est, aut lubricum putat, quod in Baptismo confessum esse cognoscit; sine dubio enim non relinquit terrenam cognationem, qui me de patrio errore confutat. Certe secundum institutionem, ædus humani Pater Patriam facit. Qualiter mihi Patria in terra esse dicitur, cui ex præcepto cœlesti Patriam in terra vocare, aut habere non finitur? Vis enim, ut evidentibus tibi per me hoc probe- tur exemplis, qui Patriæ culpas errorem? Nonne (8.) Novatiani hoc genere a Catholicis dissidentes probrosæ hæresis lepram iudicio contraxere perverso, eo quod antea tam culparum seriem credide- runt etiam posteris adscribendam, & non tam hæresim odere, quam plebem? Si pro culpa unius totius Provinciæ (9.) anathemanda- generatio est, damnetur & illa (10.) Beatissima discipula, hoc est

Roma,

numerabatur. Phœnices autem Chananæi quoq; promiscue appella- bantur. Sic Saul modo filius τῆς Φοινίκης, hoc est *mulieris Phœnicia*, modo τῆς Χαναανίτιδος, nempe *Chananitidis* in Sacris Biblijs dicitur. Mu- lier quoq; illa *Chananæa*, quam memorat S. Matthæus cap. 15. 22., a S. Marco cap. 7. 26. *Syrophœnista* nuncupatur. Hanc rem illustravit eru- dit. Bochartus lib. 1. cap. 34. Geogr. Sacre.

*Novatiani*. A Novatiano potissimum hæretici isti originem duxere, cui Novatus Afer in errore promulgando suppetias tulit. Eorum autem perversum dogma fuit, nullos, qui in Idololatriæ crimen lapsi forent, licet pœnitentes in Ecclesiam admittendos. S. Cyprianus, cujus tem- poribus hæc pestis erupit, quiq; supra omnes in illam dimicavit, hujusce rei testis habetur in Epist. 52. ad Antonianum. S. Epiphanius in Hæresi 59. quæ est Catharorum, Novatianos affirmat Pœnitentiæ virtutem om- nino infirmasse, quom dicerent μετὰ τὸ λυτρὸν μηκέτι ὁμωδαὶ ἐλεῖν δαὶ παραπαισῖνδοτα, *ei, qui post Baptismum delinqueret, nullam adhiberi posse misericordiam*. Idem tradunt Philastrius cap. 34. de Hæres. aliq; non pauci. Huc igitur respexisse Bachiarium crediderim his verbis, in quæis tamen aliquem librariorum errorem latere mihi facile suadeo.

*Anathemare*. Hoc est excommunicatione percellere. Ita scriptum in Codice nostro. Vox melioribus quidem ignota, sed Bacharij tem- pore usurpata. Siquidem observavit Salmasius ad Tertull. de Pallio in M. S. Commonitorij S. Augustini ad Faustum *Anathemare* bis legi. Pro eo *anathematizare* posuerant veteres Typographi, sed Clarissimi PP. Benedictini in postrema Aug. editione *Anathemare* scribunt. Faustus quoq; Regientis pag. 18. & 19. editionis 1586. & Concilium Toletanum primum contra Priscillianistas hanc vocem nequaquam fugerunt. Vide Clar. V. du Fresnium in Gloss. med. & inf. Latin.

*Beatissima Roma*. Hunc locum in Prolegomenis satis mihi videor expli-

Roma, de qua nunc non una, sed duæ, vel tres, aut eo amplius hæreses pullularunt, & tamen nulla earum Cathedram Petri, hoc est (11.) Sedem Fidei, aut tenere potuit, aut movere. Damnentur postremo & omnes Provinciæ, de quibus diversi erroris rivuli manavere. Ille vas electionis, & gentium Doctor, lapso (12.) Eutico de tertio tecto (credo, aliquid de Trinitate erranti) restituit calorem Fidei, & vitam reddidit, hoc est voniam relaxavit. Nos fortasse, adhuc in fenestra, idest in lucis via, & Fidei splendore residentes severi nimium Iudices non ex discussione, sed ex suspicionem condemnant? Nescientes, quia *quo iudicio iudicaverint, iudicabitur de eis*, Matth. 7. 1. & *qui fratri suo dixerit Racha, reus erit gehennæ ignis*. Racha enim vacuus interpretatur. Et quis est vacuus, nisi cujus interiora carent Fidei veritate, & est *velut aramentum sonans, aut cymbalum tinniens*? 1. Cor. 13. 1. Ille qui una tantum nocte Christum viderat, ait contribulis suis: *Numquid lex nostra iudicat hominem, nisi prius audiat, quæ agit?* 10. in Et hi, qui tot annorum Domini sectatores sunt, prius iudicant, *Evang.* 7. 51. quam id, unde iudicant, audiant, atq; cognoscant? Si ante cognitionem promenda est sententia, cur Legislator præcepit, ne antequam introeat Sacerdos, & videat domum, quæ cariosæ, vel tinnientis lepra hæresis scindatur, immunda iudicetur? Ne, quæso *Levit.* 14. 44. Beatissime Frater, male de Provincia sentiat. Non latet enim, perspicaciam tuam, quia cum in adventu arcæ Dominicæ Dagonis caput in centum partes cum utrisq; pedibus comminutum sit, spina eius integra superfuisse describitur. Nos enim Dagonis caput, 1. Reg. 5. 3. sive pedes, membra mundi, idest Orientem, & Occiduum esse sentimus,

explicuisse, quippe qui dilucide nimis Bachiarj tempora prodit.

*Sedem Fidei.* Et hoc Romanæ Sedis præconiū animadvertisse prætereundo iuvat. Scilicet *Petri Cathedra Fidei Sedes*, & inviolatū Religio- nis tribunal, ac Sanctuarium nuncupatur. Hæreses quidem vel ex ipsa Urbe eruperunt, nulla vero Ecclesiæ Catholicæ caput, ac firmamentum appetere valuit, hoc enim Petro luculente Christus sponderat. Adde- rem aliqua, imo omnium antiquorum in hanc rem simillima verba, ni plurium scriptorum calamos hic labor occupasset, & flumina quam ri- vulos petere præstet. Eminentissimi Bellarminus, Baronius, & Sfon- dratus heic potissimum consulendi.

*Lapso Eutico.* Rem narrat S. Lucas in Actis Apost. cap. 20. 9. *Sedens quidam adolescens nomine Euticus super fenestram cum mergeretur somno graui, disputante diu Paulo, ductus somno cecidit de tertio canaculo deorsum, & sublatus est mortuus.* Tum addit eum a S. Paulo vivis re- fectum.

timus, (13.) in quibus partibus sub præsencia legis omnium errorum contrita perversitas est. Tuam sit enim cognoscere, quæ sit medietas spinæ, in qua adhuc nodorum compago dissoluta perdu-  
*Psal.* 38. rat. Ut quid, rogo, quæritur Provincia mea? *Peregrinus ego sum, sicut omnes Patres mei.* Verumtamen si magnopere quæritur, ubi natus sim, accipiat (14.) confessio mea, quam in Baptismi nati-  
*Io. in* vitate respondi; non enim mihi Patria confessionem, sed confessio  
*Euang.* Patriam dedit, quia credidi, & accepi. Nec me offuscet Samaritana  
 4. conditio, quia Christum interrogatus ad putum credidi, & pur-  
 1. *Petr.* gatus a lepra infidelitatis agnovi. Verumtamen Apostolicæ cru-  
 3. ditionis instituta nos commonent, ut *omnibus poscentibus nobis ratio-  
 nem de Fide, & Spe, quæ in nobis est, proferamus*, non moremur Fi-  
 dei nostræ regulam Beatitudini tuæ, qui (15.) artifex es ipsius ar-  
 tificij, demonstrare. Sed ne forte hoc ipsum suspicionem infidelita-  
 tis incuriat, quod tardius ad interrogata respondeo: Credimus  
 Deum esse; quod fuit, erat; quoderat, erit, numquam aliud, sem-  
 per idem, Pater Deus, Filius Deus, Spiritus Sanctus Deus, unus  
 Deus,

*In quibus partibus.* Hæc quidem Concilia omnia sunt intelligenda, quæ tum in Oriente, tum in Occidente adversus hæreticos celebrata fuerant. Potissimum tamen his innui verbis arbitrarer Concilium Constantinopolitanum primum, & Aquileiense, quæ Anno Ch. 381., hoc est ante paucos quam Bacharius scriberet annos habita fuere. Illud in Oriente, hoc in Occidente, illud Oecumenicum, hoc vero ex omnibus ferme Occidentis Provinciis coactum fuit.

*Confessio mea.* Ab ipsis Ecclesiæ incunabulis Christianis omnibus id moris fuit, (quod etiam nunc perseverat), ut ante Baptismum solemniter Fidei professio emitteretur. De qua re videndi Tertull. lib. de pudic. cap. 9. & lib. de Bapt. cap. 6. Cyprian. Epist. 70. ad Ianuar. & 76. ad Magn. Gregor. Nazianz. Orat. 40. in Sanct. Lauacr. Cyrill. Hierosol. Catech. 1. & 2. Mystag. Epiphani. in Anchorato, & reliqui Patres. Luculentissime autem omnium rem pertractavit Ioseph Vicecomes Ambrosiani Collegij Doctor in erudito volumine de antiquis Baptismi titibus lib. 2. cap. 23. & sequ.

*Qui artifex es.* Posceret illustre hoc Bacharij testimonium, ut Romani Pontificis in rebus Fidei statuendis auctoritatem ex antiquorum peni firmarem; is enim Petri successor neq; falli, neq; fallere Christi ipsius testimonio potest. Sed ad aliorum in hanc rem tractatus uberri-  
 mos dimittere consultius duco, ne incongrue libellum parergis onerem. Itaq; consulantur Bellarmi. de Romano Pontifice, Bzovius eodem Na-  
 ctatu cap. 17. Card. Sfondratus in Gallia vendicata; alijq; innumeri.

*Spiri-*

Deus, & unus Filius de Patre, (16.) Spiritus Sanctus Patris, & Filij. Unius Trinitatis ista substantia, & tria ista unam habentia voluntatem. Nec communicans maior, nec accipiens minor. Nec est secundus a primo, nec tertius de secundo, quia sic nos Prophetica instituta docuerunt. (17.) Dicendo non ascendes per gradus ad Altare meum; Altare enim velut quandam basem Fidei suspicamur, unde vitalis cibi participantur alimenta, quia Altare ex proprietate nominis sui non nisi sublimium rerum alta cognitio est; divisum enim per syllabas nomen *Altaris*, inchoatumq; de *fineres alta* significatur, & sonat. Ad hanc Fidem per gradus ascendere non debemus, ne inæqualiter sentiendo de inferiore ad superiorem transitum faciamus, sed æquali gradu nostri cordis intrare, ut unius substantiæ, unius personæ, unius virtutis & Patrem, & Filium, & Spiritum Sanctum sentiamus. Pater enim principale nomen divinitatis per se quod creditur, & quod dicitur Pater Deus. Filius Deus ex Patre, non ex se, sed Patris. Pater Deus, & Filius Deus: sed non idem Pater, qui Filius, sed idem creditur esse Pater, quod Filius. Et Spiritus Sanctus non Pater ingenuus, sed Spiritus ingenui Patris. Filius genitus, non Spiritus Filius, sed ipse Filius, super quem a Patre missus est Spiritus. Itaq; cum ingenuus Pater sit, cuius est,

*Spiritus S. Patris & Filij.* Spiritum Sanctum a Patre Filioq; procedere & hinc discere possumus. Si enim Spiritus est Patris, ac Filij, ideoq; a Patre procedit, quia Patris est Spiritus, utique quum sit & Filij Spiritus, ab isto quoq; procedere est dicendus. Tantum autem roboris hæc ratio habet; ut S. Augustinus tract. 99. in Ioan. ita loquutus fuerit: *Cur non credamus, quod etiam de Filio procedat Spiritus Sanctus, cum Filij quoq; ipse sit Spiritus?* Idem repetit lib. 15. cap. 17. de Trin. Spiritum itidem Filij esse nos docuit Cyrillus Alexandr. in Epist. ad Reg. relata tom. 1. cap. 6. Concilij Ephesini, cui adde Epiphanium in Anchorato, & quæ ego animadverti ad Nat. XI. S. Paulini tom. 1. Anecd.

*Dicendo non ascendes.* Divinare mihi non videar, si proposita Bachiarj verba ad celebrem disciplinam arcani referenda esse pronunciem. Etenim heic secundum antiquorum morem mirandum Eucharistiæ Sacramentum proponitur, sed sub verborum involucri, & nube. Ecquid sane est *Altare*, unde *vitalis cibi participantur alimenta*, nisi Sacrosanctum Dominici Corporis, Sanguinisq; Sacramentum? Nempe consuevere veteres dogmata quædam, ritusq; Ecclesiasticos occurrere, ne Infidelium ludibrio Sacra exponerentur, Christi mandatum sequuti: *Non esse dandum Sanctum canibus, nec margaritas projiciendas esse ante porcos.* Quin ipsi Cathecumenis Ecclesiastica quædam Myſteria occu-

taban-

est Spiritus, (18.) incaute Spiritus Sanctus dicitur ingenuus, ne duo ingenui, aut duo Patres in Infidelibus æstimentur. Filius Patris ante secula genitus a Patre, non potest alium genitum habere consortem, ut credatur unigenitus, & duo geniti non dicantur. Pater enim unus ingenuus, Filius unus est genitus, Spiritus Sanctus a Patre procedens, Patri, & Filio coæternus, quoniam unum opus, & una in Patre, & Filio, & Spiritu Sancto voluntatis operatio est.

Pater

tabantur, eiusq; rei fidem facit S. Aug. tract. 96. in Ioannem: *Cathæcumenis*, inquit, *Sacramenta Fidelium non produntur*. Præcipuum vero ex ijs capitibus, quæ retinebantur, fuit incruentum Sacrificium Altaris, utpote quod Ethnicorum, rudiumq; in Fide hominum intelligentiam superet. Possem hoc sexcentis probare exemplis, nisi eruditus præsto forent C. V. Emmanuelis a Schellstrate Vaticanæ Bibliothecæ Præfecti edita in hanc rem volumina, ubi *disciplina arcani* egregie proponitur, validiusq; confirmatur. Illius quidem laborem Vvilielmus Tentzelius vir eruditus deprimere editis libris conatus est, at quali successu iam doctus est animadversum. Satis igitur Bachiaro fuit tantum Sacramentum dumtaxat designare, illudq; rerum *sublimium altam cognitionem* appellare, ne publicus libellus in Ethnicorum manus fortasse delapsus mysterio venerabili periculum pareret. Propterea inferius de animæ origine loquens, altaris iniecta mentione hæc ait: *Basis altaris velut quadam radix profunditatis est, cuius secreto etiam rationem animæ iungamus*. Vides ex nostro Auctore tam animæ originem, tum Sacramenti venerandi institutionem ad *arcani disciplinam* spectare. Sed hæc satis superq; & ex mera coniectura.

Incaute Sp. S. Terciam Trinitatis personam incaute dici *ingenitum* Bachiarus affirmat, eiusq; ratio validissima profecto mihi videtur; evitandum enim est, inquit ille, *ne duo ingenui, aut duo Patres ab Infidelibus æstimentur*. In Symbolo tamen, quod S. Achanasio adscribitur, atq; ab Ecclesia Catholica adoptatum fuit, hæc ita leguntur: *Spiritus Sanctus a Patre, & Filio, non factus, nec creatus, nec genitus, sed procedens*. Si non genitus est Spiritus, ergo ingenuus, ac idcirco fiat contra Bachiarium Ecclesia. Et revera unum Verbum vocari posse *genitum* tum à Ioanne in Evangelio cap. primo, ubi *unigenitum* bis appellat, tum à Symbolo Apostolorum, & à plerisq; Patribus docemur. Igitur Spiritus dici nequit *genitus*, & contra *ingenitus* dici poterit. Verum rectè sensisse Bachiarum, ni mea me fallit opinio, evidenter ostendam. Itaq; primum animadvertamus oportet, *ingeniti* vocem ita Patris esse, ut tamquam eius proprietates personalis apud Scriptores antiquos haberetur. Eusebius Cæsar. cap. 19. lib. 2. Actor. Concilij Nicæni a Gelasio Cyziceno collectorum hæc habet: *ὁ ἀγέννητος ὁ υἱός, καὶ πατὴρ, καὶ τὸ γεννηµένος ἐκ αὐτοῦ μονογενὴς υἱός τοῦ λόγου. ὁ θεὸς ὁ ἁγίος*. *Deus, Deus,*



Pater ingenitus, Filius genitus, Spiritus Sanctus (19.) a Patre procedens;

*Deus, & Pater. Unus ex eo genitus unigenitus Filius Deus Verbum.* Addit: *ὁ πατήρ ἔκ τινος οὐκ ὁμολογούμενος τὸ θεῶν, καὶ πατρί θεὸς ἴδιος, ὅτι οὐδὲ συγγενήμενος.* Sicut igitur non est alter Deus cum Deo, & Patre ingenitus, ita neq; congenitus &c. Idem etiam animadvertit S. Thomas contra error. Græc. Opusc. 1. cap. 8. Idcirco vetustius Auctor Quæstionum, quæ S. Athanasio tribuuntur, quæst. 5. *ingeniti agnomen proprium unius Patris vocat: ἰδίον τὸ μὲν πατρός τὸ ἀγέννητον, καὶ ἰδίον τὸ γέννητον, τὸ δὲ ἀγίου πνεύματος τὸ ἐκπορευτός.* Proprium Patris est ingenitum esse, Filij verogenitum, at Spiritus Sancti procedere. Neq; aliter loquuntur S. Athanas. in Epist. ad Serapionem, Nazianz. in Orat. 23. in laudem Heron. prope finem, Isidorus lib. 7. Etymol. cap. 4. §. 1. Anselmus in Monolog. cap. 54. à med. alijq; Patres, inter quos Augustinus lib. 15. de Trin. cap. 26. ait: *Pater solus non est de alio, ideo solus appellatur ingenitus,* quod alibi repetit. Rectissime igitur animadvertit Bacharius Spiritum Sanctum incaute ingenitum vocari, illud enim vocabulum proprium amplius non foret Patris. Aliud autem est Spiritum dicere *nongenitum*, aliud *ingenitum* appellare. Primum Ecclesia ipsa vsurpat, alterum vix patitur, ne duo *ingeniti*, duoq; idcirco Patres esse videantur. Hæc est Bacharij ratio, eademq; est, quam S. Augustinus sequitur Serm. 28. de temp. qui est 3. infra. Oct. Epiph. *Spiritus sanctus*, ait ille, *nec ingenitus, nec genitus alicubi dicitur, ne si ingenitus diceretur, sicut Pater, duo Patres in Sancta Trinitate intelligerentur, aut si genitus diceretur, sicut Filius, duo itidem Filij in eadem affirmarentur esse Sancta Trinitate.* Auctor quoq; Anonymus libri de Trin. & un. Dei cap. 1. tomo quarto Operum S. Augustini ait: *Spiritum Sanctum neq; ingenitum, neq; genitum Fides recte declarat, quia si dixerimus ingenitum, duos Deos affirmare videbimur &c.* S. Greg. Nazianz. Orat. 30. De Fide Nicæna: *Spiritum*, inquit, *Sanctum Deum, non ingenitum, neq; genitum, veneramus.* Et Orat. 26. col. 3. fatetur. *πνεῦμα ἓν ἐκ θεῶν τῶν ὑπερῶν ἑῶν, παραχρῆσιν πατρί μὲν ἀγεννητός, Spiritum ex Deo substantiam habentem, hoc solo nomine Patri cedentem, quod non ingenitus sit.* Idem repetit alijs in locis laudatus Doctor, & post hos omnes Concilium Toletanum Undecimum in Profess. Fidei ita Patrem *ingenitum* proficitur, ut dicat: *Spiritus Sanctus nec ingenitus, nec genitus creditur, ne aut si ingenitum dixerimus, duos Patres dicamus &c.* Hinc est quod Ruiz eruditissimus vir è S. L. in Comment. ad S. Thomam de Triu. disp. 52. sect. 3. & 8. sentiat: *Simpliciter loquendo Spiritum Sanctum non esse ingenitum.* Hunc ibidem consule, & præterea Vasquez tom. 2. in primam partem S. Th. disp. 140. patebitq; quam prudenter in hanc sententiam Bacharius iverit.

*A Patre procedens.* Spiritum Sanctum à Patre procedere, Bacharius affirmat, & nihil de Filio habet. Scilicet eo tempore nondum hære-

cedens, Patri, & Filio coæternus, sed ille nascitur, hæc procedit; sicut in Evangelio Beati Joannis legitur: *Spiritus, qui a Patre procedit, ipse vobis annuntiabit omnia*. Itaq; Spiritus Sanctus nec Pater esse ingenuus, nec Filius genitus æstimetur; sed Spiritus Sanctus, qui a Patre procedit; Sed non est aliud, quod procedit, quam quod unde procedit. Si persona quæritur, Deus est. Hæc per hoc triperita coniunctio, & coniuncta divisio, & in personis excludit unionem, & in personarum distinctione obinet unitatem. Sicq; credimus Beatissimam Trinitatem, quod unius naturæ est, unius Deitatis, unius, eiusdemq; virtutis, atq; substantiæ, ne inter Patrem, & Filium, & Spiritum Sanctum sit ulla diversitas, nisi quod ille, Pater est, & hic Filius, & ille Spiritus Sanctus, Trinitas in subsistentibus personis, unitas in natura, atq; substantia. Filium quoq; credimus in novissimis diebus natum esse de Virgine, & Spiritu Sancto carnem naturæ humanæ, & animam suscepisse. In qua carne & passum, & sepultum resurrexisse à mortuis credimus, & fate-mur, & in eadem ipsa carne, in qua jacuit in sepulcro, post resurrectionem ascendisse in Cælum, unde venturum expectamus ad Judicium vivorum, & mortuorum. (20.) Uirginem quoque, de qua natum scimus, & Uirginem ante partum, & Uirginem post partum,

ses exortæ fuerant, quæ Ecclesiam ad hanc definiendam quæstionem compellerent, uti sequentibus sæculis factum: Synodus Constantinop. prima, seu Oecuménica secunda in Symbolo vulgato Spiritum à Patre procedentem vocarat, nil autem de Filio cogitavit. Hoc Symbolum, tota diu Ecclesia custodivit, quale à Concilio acceperat, Scriptoresq; Catholici idcirco ab sq; nota processionem Spiritus Sancti à Filio reticabant tantum, non inficiabantur. Sequuta sunt deinde tempora, quibus Occidentalis Ecclesia particulam *Filiusq;* Symbolo addendam prudenter censuit. At de hac re infra mihi sermo recurrit, ubi de Symbolo *Quicumq;* agam. Vide etiam, quæ adnotavi ad versum 139. Nat. XI. S. Paulini tom. 1. Anecdor.

*Virginem quoq;* Helvidij hæresis, eiusq; impia in Mariæ virginitatem dogmata cui nota non sunt? Sub sæculi quarti finem famosus hic nebulo vixit, quò eodem tempore Bachiarium nostrum scripsisse, in Prolegomenis non sine ratione affirmavi. Illud etiam hinc probari aliquantulum potest; nullum enim alium hæreticum præter istum noster commemorat, cuius rei causam hanc unam suspicor, nempe quod hæreses propiores, magisq; præsentis apertiori refutatione indigere, quam longe ante damnatas sit arbitraretur. Ceterum Helvidianas blasphemias præclarissimo libello Hieronymus excepit, ubi *perpetuam virginitatem*

partum, ne confortes Helvidiani erroris habeamur. (21.) Carnem quoque nostrae resurrectionis fatemur integram, atque perfectam hujus, in qua vivimus in presenti seculo, aut bonis artibus gubernamur, aut malis operibus subiacemus, ut possimus in ipsa aut pro malis preciarum tormenta sustinere, aut pro bonis bonorum praemia acquirere; neque, ut quidam absurdissime, aliam pro hac resurrectionem dicimus, sed hanc ipsam nullo omnino ei vel membro amputato, vel aliqua corporis parte deserta. Hic est nostrae Fidei thesaurus, quem signatum Ecclesiastico Symbolo, quod in Baptismo accepimus, custodimus. Sic coram Deo corde credimus, sic coram hominibus labijs confitemur, ut & hominibus cognitio sua fidem faciat, & Deo imago sua testimonium reddat. Hic est baculus defensionis nostrae, quo murmurantium adversus nos ora feriamus, qui nos per viam hujus seculi transuentes iugo consuetudinis, non studio rationis oblatrant. Hoc scutum Fidei nostrae, quoq; obtreptantium verborum, & venenata suspicionum spicula repellimus, ac vitamus, ne aliquod in nobis patens membrum, & de protectione Fidei nudum sermo inimici, qui ad feriendum destitatur, inveniatur. Sed fideamus de his, quia nobis nunc non repercutiendi, sed vitandicantum hostis cura suscepta est. Jam vero si etiam illud à nobis quaeritur, qualiter de anima sentiamus, factam credimus esse, sicut legimus in Hieremia Propheta per Regem Sedeciam dicentem: *Vivit Dominus, qui fecit nobis animam istam.* Hier. 38.

22. Si

16.

*tatem B. Mariae* illustribus argumentis tuetur. In hanc eandem arenam descendit Epiphanius haesim Antidico Marianitarum recensens, quia prolixam in eodem haereticos Epistolam scripsit, quam ibidem legere est.

*Carnem quoq;* Hae quidem verba in Originem prolata esse videntur, hic enim pluribus in locis, & praecipue lib. 4. de Resurr. & in Expositione primi Psalmi, & in Stromatibus propriam carnem, qua homines in vita sunt usi, extremo Judicii die non resurrectionem affirmavit. Mihi tamen propiora Bachiaris tempora heic significari creduntur; siquidem sub seculi quarti finem Joannes Hierosolym. Episcopus eodem Origenis errore retroquens causam SS. Epiphaniae, ac Hieronymi praebuit pro Catholica veritate scribendi. Egregia admodum hanc iterum videnda est eiusdem Hieronymi Epistola 61. ad Pammachium *adversus errores Joannis Hierosolym.* Hunc vero Episcopum infra citato nomine designari arbitror, quum Bachiaris ait: *Neque, ut quidam absurdissime, aliam carnem pro hac resurrectionem dicimus.*

(22.) Si autem queritur, unde sit facta, nescire me fateor, quia nec usquam legisse cognosco, & ideo nec de imperitia erubesco, quia lectione non doceor, neque periculum formido, quia quæ non lego, non præsumo; ne transgressor Prophetarum inveniar præceptorum, qui mandat sanguinem non manducari, adiiciens, quia *omnis carnis sanguis anima est*. Quid enim est sanguinem manducare, nisi de anima disputare? Et ideo carnem, quæ nobis in Adam fundata est, possumus dicere ex Mundi qualitatibus, substantiæ Deo artifice, & auctore, compactam; sanguinem enim ad basem fundamus altaris, idest ut ipsi, qui creavit, scire unde creaverit, relinquamus. Basis enim Altaris velut quædam radix profunditatis est, cujus secreto etiam rationem animæ jungamus, de qua disputare non possumus. Et ideo nec partem dicimus Dei animam, sicut quidam asserunt, quia Deus impartibilis est, & indivisus, & impassibilis est; anima vero diversis passionibus mancipata

*Si autem queritur.* Eminentissimus, & Clarissimus Card. Norisius in Vindic. August. cap. 4. §. 3. quæstionem hanc ita occupavit, ut alia addi omnino nequeant. Pauca ex eodem libabimus. Certum est per plura secula vel Patrum præstantissimos in origine animæ assigñanda ancipites hæsisse. Et sane divini Scriptores Augustinus, ac Hieronymus, hac per Epistolas varias quæstione agitata, nihil certi statuere potuerunt. Consulantur hujus Epistola ad Marcellinum, & Apologia contra Rufinum, illius vero Epistolæ ad Hieronymum, & ad Optatum, tribiq; quatuor de origine animarum, in quibus tamen rem dubiam utriq; fatentur. S. Eucherius in cap. 3. Genesis, Pomerius in lib. de anima, Africanus Patres sec. VI. in Epist. Synod. ex Sardinia Byzantium missa, S. Fulgentius lib. 3. de verit. prædest. & gratiæ, ad eundem scopulum hædere, & postremus iste cap. 18. Augustinum, quod ea de re dubitarit, maximis effert laudibus, & caput vigesimum his claudit verbis: *Quanto ergo melius ab hujus quæstionis certamine temperamus, in qua nos inaniter laborare cognoscimus, præsertim quia quod à Sanctis viris majoribus nostris videmus minime definitum, oportet nos tanto cautius, atq; temperantius querere, quanto ad eius finem illos præclaros viros cernimus minime pervenisse.* Cassiodorus quoq; lib. de anima cap. 14. Greg. Magnus lib. 7. Epist. 53. in eadem fuere dubitatione, quin, S. Hidorus Hisp. Ep. lib. 2. de Offic. Eccles. cap. 23. inter alias sententias, quas de fide tenendas proponit, hanc inseruit: *Quod incerta sit, anima origo.* Alios Auctores etiam ævi sequioris congerie laudatus Cardinalis Norisius in præclarissimo Opere superius memorato. Nemo igitur mirabitur adeo dubium in hac sententia stetit Bachiarium.

Sed

pata est, sicut quotidianus rerum exitus probat. Nec de creatura aliqua factam dicimus, ne eam faciamus viliores reliquis creaturis, quibus domina, si bene egerit, constituta est; sed ex Dei tantum voluntate formari, cujus potentiae non necessaria est materia, ex qua quod voluerit operetur, sed ipsa voluntas eius materia eorum, quae fieri, aut esse mandaverit. (23.) Sed nec illi assertioni tradimus manus, qua quidam superfluo delectantur, ut credant animas ex transfusione generari, quia contradicit huic suspicioni Beatus David dicendo: *Scitote, quoniam Dominus ipse est Deus, ipse Ps. 99. fecit nos, & non ipsi nos.* Et alibi: *Qui fixit singillatim corda eorum. Ps. 32.* Ubi heic transfusio inveniet locum, ubi aut singillatim corda fin-  
guntur, aut dicitur: *Ipse fecit nos, & non ipsi nos?* Qui ergo ex transfusione dicunt animas generari, id asserere dicuntur, quia ipsi nos faciamus; Sed hoc scientia Prophetalis obiurgat dicendo: *Ipse fecit nos, & non ipsi nos.* Absque sola igitur Trinitate omne, quod in Coelis, sive in terris, & mari potentatur, agitur, movetur, creaturam esse credimus, & fatemur. (24.) Diabolum non ita factum sentimus, ut Diabolus est, nec proprium habuisse naturae ge-

nus,

*Sed nec illi &c.* Animas à Deo in singulorum hominum conceptione creari veteres Patres sentire, eademque sententia, ut docet Em. Card. Norisus in Vindicijs Augustin. cap. 4. §. 3. usque ad Pelagianae haereticorum tempora potioris auctoritatem obtinuit. Quum vero exinde illud argumentum haeretici promoverent, nempe animas, si à Deo creentur, non posse cum peccato produci, tum S. Augustino, tum praestantissimis Patribus alia sententia placuit, qua animae ex anima parentis traduci, ac propagari censebantur. Tantum autem roboris Augustini verba sibi conciliarunt, ut pluribus post illum seculis Scriptores sanctissimi de origine animae dubitarint, donec Scholasticorum opinione prevalente, & animarum traduce antiquato, earundem creatio in Ecclesia communis evasit. Id ex pluribus Augustini locis patet, & praesertim lib. 10. de Gen. cap. 23. Epist. 28. ad Hieron. ac Epist. 147. &c. Igitur hinc etiam tempus, quo Bacharius scripsit, eruere nobis aliquantulum licet: si enim ijs temporibus, quibus ille hanc Apologiam conscripsit, Pelagij deliramenta Christianam Rempublicam occupassent, utique sententiam illam, qua animas ex traduce in nos devenire censuerunt viri doctissimi, quamque Catholicis dogmatibus, Augustino praesente, altius favere crediderunt, sibi minus probari non dixisset.

*Diabolum non ita.* Heic infanum Manichaeorum dogma refelli patet. Siquidem hi inter cetera deliramenta, quibus perniciosissimam haeresein in Orientem invexere, hoc quoque pronunciarunt, nempe *Diabolum*

nus, ut Diabolus nasceretur, & hoc agnomen meritum dedisse, non Deum; nec ingenitum esse, quia Deus non est; nec factum, esse Diabolum, quia Deus malum non facit, sed Angelum bonum

*Ad Ro-* factum, sicut Scriptura demonstrat: *Per bonum operatum est mihi*  
*man. 7. 8* *omnem concupiscendam*; malum enim Angelum fuisse sic credo, ut  
*2. Cor.* Apostolus dicit: *Datus est mihi stimulus carnis mea Angelus Satana,*  
*12. 7.* *qui me colaphizat.* Et alibi: *Nisi venerit Refuga, & discessio.* Ergo  
*2. Tes-* qui nunc Refuga est, fuit aliquando in intuitu Creatoris, & in illa  
*sal. 2.* gradus sublimitate, quæ scripta à Prophetis, cum dicitur: *Et tunc*  
*Exech.* *cras consignatio similitudinis, & corona decoris.* Et reliqua. Et alibi:  
*28. 12.* *Quomodo de Cælo cecidit Lucifer, qui mane oriebatur?* Nunc boni,  
*Esaias.* & malicapaçem dicimus accepisse ex Factore naturam, immorta-  
*14. 12.* litatis gloria, & honore circumdatum, accepisse etiam scientiæ  
 dignitatem, qui elatus in superbiam suam credidit esse, quod non  
 erat, quoniam qui eum fecerat, non videbat. *Ego sum,* inquit,  
*Ef. 47.* *& non est alius præter me.* Inde terræ deputatus est, & cineri, ut  
*10.* scriptum est: *Quid superbi est terra, & cinis.* Et: *initium peccationis*  
*Eccles.* *superbia.* Qui Tartaro, & igni perpetuo deputatus pereannis est po-  
*10. 9.* *nae,* non immortalis vitæ. Credimus omnem creaturam Dei,  
*Ibidem*  
*10. 15.* quæ

*bolum ab origine malum nequaquam fuisse.* Audiat S. Epiphanius  
 Hæres. 66. quæ est de Manich. num. 16. ubi hanc eorum opinionem re-  
 futans ait: *Αἷμα δὲ τοῦ πατρὸς Διὰ βίαν ἔτος διαλυσίον, ἢ ἀπὸ κτί-  
 στος φαινοῦς καὶ κτισμῶν, ἀλλὰ αὐτὸν μετὰ χρόνον τὸ τοιοῦτον  
 καὶ ἐκτείναντες.* De Diabolo quoque sic habendum est, cum minime ab  
 origine ipsa neque conditione malum extitisse, sed aliquanto postea tempo-  
 re malum, quod faceret, excogitasse. Hoc idem infra num. 62. pluribus  
 probat. Neque solis Manichæis insana hæc opinio placuit, verum etiam  
 Priscillianistis, qui omnium hæresum contagia in unum coegere. Leo  
 Magnus Epist. 93. ad Turibium Asturicensem Episcopum cap. 6. horum  
 errorem ita designat: *Sexta annotatio indicat eos dicere, quod Diabolus*  
*nunquam fuerit bonus, nec natura eius opificium Dei sit, sed eum ex Chao,*  
*& tenebris emeruisse, quia scilicet nullum sui habeat auctorem, sed om-*  
*nis mali ipse sit principium, atque substantia, cum Fides vera, quæ est Ca-*  
*tholica, omnium creaturarum (sive spiritualium, sive corporalium) bonam*  
*confiteatur substantiam, & mali nullam esse naturam, quia Deus, qui*  
*universa est conditor, nihil non bonum fecit &c.* Videndus hac etiam de  
 re S. Cyrillus Hierosol. Cathec. 2. & Coccius lib. 4. artic. 5. Tom. 2.  
 Damascenus autem hic error antiquitus fuit in vetustissimis Capitulis con-  
 tra Manichæos, quæ post Bachiarj opera subieci, ibi enim sic legitur:  
*Si quis hujus mundi principem, hoc est Diabolum, & tenebrarum globum*  
 asseris

quæ ad usus ciborum à Conditore concessa est, bonam esse, sicut & factum est, & vidit Deus, quia bona sunt valde. (25.) Sed ab his Gen. 1. ad tempus abstinere, non pro superstitione Religionis, neque abominatione Creaturæ Dei, sed pro continentia carnis, utile esse sentimus secundum Apostoli consilium, qui dicit: Bonam est non Ad Ro- manducare carnem, neque bibere vinum, atque cum libuerit uti, & man. 14. cum delectaverit, abstinere, in hominis potestate consistere. (26.) 21.

Coniugia probamus, quæ Deo auctore concessa sunt. Contin-  
tiam in ipsis prædicamus. Virginitatem utpote egregium germen,  
& ex effoeta trunci radice procedens extollimus, & miramur. Iu-  
storum, peccatorumque distantiam non ex conditione Creatoris,  
sed arbitrio credimus accedere voluntatis. Pœnitentiam peccato-  
rum plenissima fide suscipimus, ac veluti secundam gratiam suspi-  
camur,

asserit procreatum, & non a Deo bonum Angelum factum, & propria  
postremum perversitate mutatum, anathema sit.

Sed ab his ad tempus &c. Sanctum ieiunij utum Jovinianus, cujus  
tempore Bachiarium vixisse crediderim, improbare est ausus, eiq; se  
Catholica statim opposuit Ecclesia. Hieronymus vir sanctissimus, cui  
omnium primo hanc hæresim jugulare contigit, hæretici errores duo-  
bus libris excepit, in quorum altero pluribus de ieiunij utilitate agit, ubi  
etiam erudite probat omnem creaturam Dei, quæ ad usus ciborum a con-  
ditore concessa est, bonam esse, uti Bacharius ait, quod tamen inscite  
Jovinianus negabat. S. Augustinus ad Quod vult Deum lib. de Hæres.  
num. 82. de Joviniano loquens ait: Hic omnia peccata, sicut Stoici Phi-  
losophi, paria esse dicebat, nec posse peccare hominem lavacro regenera-  
tionis accepto, nec aliquid prodesse ieiunia, vel a cibis aliquibus abstinen-  
tiam. Vide S. Ambrosium in Epist. 82. ad Vercell. Gennadium in Fidei  
profess. &c.

Coniugia. Altera hæc fuit Joviniani hæresis, nempe coniugia sacro  
virginitatis voto æquare. S. Augustinus loco supra citato addit: Virgi-  
nitatem Sanctimonialium, & continentiam sexus virilis in Sanctis eli-  
gentibus calibem vitam, coniugiorum castorum, atq; fidelium, meritis  
adæquabat, ita ut quadam virgines sacra provecta iam ætatis in Urbe  
Roma, ubi hæc docebat, eo audito nupsisse dicantur. S. Hieronymus quoq;  
lib. 1. contra Jovinianum hanc eiusdem proponit hæresim: Dicit vir-  
gines, viduas, & maritatas, quæ semel in Christo lotæ sunt, si non discre-  
pant ceteris operibus, eiusdem esse meriti. Gennadius Massil. in pro-  
fess. Fidei, quæ in Append. ad Tom. 3. S. Augustini edita est, num. 68.  
similia habet: Sacratæ Deo Virginitati nuptias coequare, aut pro amo-  
re castigandi corporis abstinentibus a vino, vel carnibus, nil credere me-  
riti accrescere, non hoc Christiani, sed Joviniani est.

Ieju-

2. Cor. 1. 15. camur, sicut Apostolus ad Corinthios dicit: *Volui per vos venire, ut secundam gratiam haberetis*. Vetus, & novum testamentum, æquali fidei lance suscipimus, ac veluti currentis per numerorum signa ponderis libra, sic testimoniorum gesta mobili meditatione pensamus, nec evacuantes Historiæ fidem credimus universa gesta esse, quæ legimus, sed iuxta doctrinam Apostolicam sensum in his spirituales, prout Dominus dederit, perscrutamur, qui tamen sensus ad typum Christi, Ecclesiæque pertineat, aut in morum emendationem, correctionemque proficiat. Et hoc ipsum iuxta illud, quod Apostolus ait: *Omnia hæc in figuram nostri contigerunt*. Et alibi Beatus Petrus: *Omnis sermo interpretatione indiget*. Omnem scripturam, quæ Ecclesiastico Canoni non congruit, neque consentit, non solum non suscipimus, verum etiam velut alienam à Fidei veritate damnamus. Peregrinis, atque ignotis fabulis de scripturarum continentia non facile commodamus assensum, neque cito nova doctrina aurium nostrarum intrat cavernas, quia legimus virginem novam aliam in secreto, quam rudem, vel secretam suspicamus esse doctrinam, quæ ob hoc prohibetur inspicere, ne hominum corda commentitia sub specie veritatis sermonum pulchritudine, suavitateque decipiat. Virgo est illa Doctrina, quæ nulli viro Ecclesiastico, vel Catholico cognita est, sed inter mulieres semper adolevit, idest animas, quæ semper discentes omni Spiritu deceptionis credula se facilitate commiscunt, non curæ habentes, unde concipiant, cum Dominus in Lege mandaverit, ne non nisi de tribu sua in conjugio copuletur, idest illi Fidei intellectus, qui ex Patrum semine, hoc est doctrina descendit, & Abraham, qui primus in præputio credidit, prosapia nobilitatur, & genere. Virgo est illa doctrina, quæ tanto in secreto sibi placet, & in publicum erubescit exire. Hanc talem non solum fugimus, verum etiam publica voce damnamus, stultum docentes hoc credere, quod aut ipsi defendere non possumus, aut ad aures publicas non debeat pervenire. (27.) Jejunia attentiora secundum Ecclesiasticam regu-

lam,

*Jejunia*. Egregiam Disquisitionem de veterum Christianorum Jejunij vide apud C. V. Caballucium in Notit. sec. 2. Jejunij autem veratio non in eo solum fita erat, ut a cibis, & comestationibus Christiana gens abstineret, verum etiam, ut se reliquis voluptatibus subduceret. Qui pius mos apud veteres Patres non raro descriptus reperitur, & præcipue apud Sanctum Maximum; S. Leonem, aliosque veteres Patres. De

jeju-



iam, disciplinamque servamus, ut *tribus temporibus anni masculi*. *Exod.*  
*num nostrum*, hoc est opus virtutis, quod cetero operi præcellat; 34.  
*appareat*, ac si quando ieiunia indicta Ecclesiæ, tunc nos cupimus  
 non solum de usu consuetudinari, verum etiam a conversatione,  
 fabulis, salutationibus, quæ fabulas interserunt, ieiunare. Et  
 quum hæc Deo teste ita, ut scribimus, sentiamus, tamen non sic  
 nobis de veritate blandimur, ut si forte Sacerdotes, sive Doctores,  
 qui sunt capita populi, & Columnæ Ecclesiarum, quodlibet ex  
 his, quæ professi sumus, probantes aliquid rectius quid dixerint,  
 pigri simus in eorum sententiam transire, præceptumque memini-  
 mus scriptum: *Interrogate Patres vestros, & dicent vobis*. Neque  
 enim tam stulti sumus, ut quibus capita pro sanctificatione sum-  
 mptimus, his corda nostra humiliare nolumus: Pastor est; quo  
 vocaverit, sequar; quod dixerit, ruminabo, quia ipse scit sibi pro  
 custodia mea reddendam esse rationem. Hæc sunt, quæ interim  
 vobis ad præsens occurrere potui; si qua enim sunt, quæ aut studio  
 præterisse, aut te adhuc titillare videantur, sine verecundia inter-  
 rogare dignare, ut sine cunctatione respondeam, & aut emender  
 de errore, aut confirmem in Fide. Testor omni legenti verba pro-  
 fessionis hujus, quoniam si quis dempserit de hisdem, & Deus de  
 libro vitæ partem ejusdem; etenim ille, qui nos crediderit aliud  
 labijs loqui, aliud corde tenere, sicut superius dixi, cor nostrum  
 Deus potest inspicere, ipsi obtulimus labia ad confessionem; de  
 quibus possunt homines judicare, satisfacimus, ac sic duobus testi-  
 bus stabit omne verbum nostrum, idest Deo, cujus judicium in  
 nos, si fallimus, invocamus, & hominibus, quorum suspensiones  
 nostra confessione corrigimus, ne amplius in nobis velint male sen-  
 tiendo peccare. Si quis his auditis in incredulitate perstiterit, ut  
 non nobis fidei assensum tradat, non dubito quin in die Judicii  
 partem aut inter incredulum populum, aut propter falsos testes ha-  
 biturus sit, & secundum judicium Legis Moysi iniquitatem, quam  
 in fratre suo meditatur, sit recepturus. Nos enim, etsi peccatores  
 sumus, tamen propter illa trecenta aurea scuta, quæ Salomon fa-  
 bricavit, ærea facere non debemus. Scutum enim Fidei forma est  
 secun-

Ieiunij elegantissimum Tractatum edidit Clarissimus P. Thomassinus.  
 Vide vero Disquisitionem meam, de ieiunij trium, & quatuor Tempo-  
 rum, quam ut hunc locum illustrarem in hoc libro invenies.

*Ad Eph.* secundum Apostolum, qui dicit: *Accipientes scutum Fidei*. Et ille  
 6. 16. pro aureis ærea facit, qui substantia Fidei veritate solum degenerare  
 reddit ex confessione tinnitum, & cum devotus videatur, in numero  
 tamen reus invenitur, ex voto id, quod non credit, confitendo.  
 De quibus quidem dixisse Beatus Apostolus suspicandus est: *Ha-*  
 2. *ad* *bentes speciem pietatis, & virtutem eius abnegantes*. Nonne videtur  
*Tim. 3.* tibi virtus in auro, & species in ære posse sentiri? Sed optamus as-  
 5. sertionem Propheticam custodire, ut ante pedes equorum Regis,  
 qui nisi Episcopi nostri, atque Doctores sunt, quorum veloces pe-  
 des sunt super montes evangelizantes pacem Fidei nostræ, scuta  
 ponamus; trecenta enim aurea scuta, sive Beatæ Trinitatis Fides,  
 sive omnium creaturarum satio, Cœli, terræ, & maris; cursores  
 enim, qui ante pedes equorum ponunt ea, illi credendi sunt, qui  
 potuerunt dicere: *Cursum consummavi*, quia instituti lege hucusque  
 ad finem servare possimus, ne illa Juracim Rex Ægypti, hoc est  
 Diabolus, à templo nostri cordis abripiat. Excubent suffragia  
 orationum tuarum ad Jesum Christum Dominum nostrum, cui  
 gloria in secula seculorum.



*In Ioannis de Cermenate Historiam.*

## P R Æ F A T I O.

**M**ediolanensis Urbis præstantiam, atque vetustatem non pauci hucusque scriptis suis notissimam effecere. Inter hos celeberrimum Antonium primo, tum Bernardinum Corium, Andream Alciatum, Donatum Boffium, Morigiam, aliosque clarissimos Historicos numerare in promptu est. Et quis sane post tantam mercedem vel spicilegium speret? Nihilominus & ego, cui iam Mediolanensis animus, studiumque tam præclaræ Urbis insedit, Ioannem de Cermenate vulgaris in hanc usque diem Scriptoribus accedere volo, huius enim ope cum Mediolanensis populi, tum nobilissimæ Vicecomitum familiarum primordia uberrius explorantur, quorum cognitio præcul dubio nostris, atque exteris placere admodum solet. Ea quidem, quæ de veteribus Italiæ incolis hæc proferuntur, ubi antiquorum auctoritate non innitantur, non omnium fidem sibi conciliare poterunt; multa tamen hæc invenias, quæ quia ex perditis nostræ tempestate libris, suæque vigentibus, depromere is potuit, neque inconcinna videbuntur; ipsæque fidem prorsus negare illiberæ animæ foret. Quod autem est ad illa, quæ in eundem Christi sæculo decimo quarto Cermenate refert, quæ eorum oculatus testis fuerit, quin verissima sint, omnique digna pretio, nequaquam est ambigendum. Ex revera plurimi libellum hunc facere soleo; nam quem illius temporis æqualem Scriptorem invenias, qui nascentem Vicecomitum potentiam accurate describat? Georgium Merulam, Paulum Iovinem, nonnullosque alios amplissimæ huius familiarum Historiam literis persequutos novimus; sed quis cum antiquo Senepere componat recentes, quos adulationis suspitione Regnantium præstantia vix liberat? Postquam, inquit in hanc rem Tacitus, *omnem potestatem ad unum conferri pacis interfuit, veritas pluribus modis infracta, primum in scitia Reipublica, ut alienæ, mox libidine assentandi, &c.* Itaque Cermenati in libera (ut ita dicam) eo tempore Mediolanensi Urbe degenti unicam veritatem præ oculis fuisse non immerito arbitror, summumque illi propterea decus accessurum apud nostros erudicos confido. Quamquam non nostris modo, verum etiam reliquis Reipublicæ literariæ cultoribus opus hoc non exiguo futurum est usui. Siquidem luculenter adeo res gestæ sub Henrico VII. Imperatore ibidem recensentur, ac aliunde meliora non expectes, imo neque paria. Scilicet illa tam lucebant sæcula, quæ cæca literarum oblivione damnata, Cymmerijsque tenebris involuta parva Historiæ feretrum dabant. Quin ex ijs paucis plerique luce carentes

hucusque in Bibliothecis delituere, & adhuc cum blattis & pulvere certant. Ptolemæum Lucensem, Bernardum Guidonis, Sozomenum Pistoriensem Presbyterum, Gualvanum Flammam, Bonincontro Morigiam, aliosque ejus ævi Historiam complexos idem satum percussit, qui omnes in Ambrosianæ Bibliothecæ pluteis manu tantum exarati adhuc asservantur. Quos igitur rerum Henrico Septimo imperante gestarum testes æquales advocemus, Joannes Villanus, atque Albertinus Mussatus soli feræne occurrunt. Ille tamen brevibus Henrici Imperium describit; hic identidem librariorum vitio peccat. Matthæum Vicecomitem eo tempore in Urbe Mediolanensium Gibelinorum principem corrupto semper nomine Maphæum (quemadmodum etiam à Cuspiniano mendose in vita Rodulphi Cæsaris vocatur) Amadeum vero Sabaudie Comitem Ameum appellat, aliaque nomina foedissime vitiata lectoribus ingerit frequentissime. Noster autem quam accurato studio singula pertractet, id eruditi optime viderint. Hic unum tantummodo animadvertere mihi liceat de Henrici Imperatoris morte, quam omnino incertam Historicorum dissidia non tam reliquerunt quam fecerunt. Principem hunc veneno per Bernardum quandam Ordinis Prædicatorum Fratrem in sacra Hostia sibi ministrato perisse, complurium sententia fuit; Joannes Cuspinianus in hujus Imperatoris vita, Jacobus Meyerus Baliolanus, Albertus Krantz lib. 1. Saxon. cap. 7. Joannes Belca, Anonymus quidam, à quo Ptolemæo Lucensi assuta fuit lacinia, & alij calumniam hanc scriptis prodidere, quam tamen Nicolaus Serrarius lib. 5. rerum Moguntiac. Conradus Vecerius de rebus gestis ipsius Henrici, Odoricus Raynaldus, Henricus Spondanus, & omnium accuratissime Brövius in Annalibus confoderunt. Quod enim ad rem maxime facit, atque ab ijs adnotatum est, Albertinus Mussatus diligentissimus ejus temporis Scriptor tribus causis Henrici obitum adscribit, nullamque de veneno mentionem iniicit. Sunt ejus verba: *Triplex illi interitus causa deprehensa est. Una nati sub genu lethalis ulceris, quod Physici antrax vocant. Altera scissa ab stranguria vesica; quo morbo assidue laborabat. Tertia pleniesi, quam merso jam spiritu vomuisse constitit.* Accedit Joannis Villani, qui iisdem quoque temporibus scripsit, S. Antonini, Trichemij Abbatis; aliorumque Chronographorum testimonium, ut late pateat, sacrum, atque illustrissimum Prædicatorum Ordinem tam infamis calumnie suspitione omnino liberatum. Quibus ego, actoritatibus gravissimam Cermenatis nostri addo, cujus calculum apud eruditos plurimi futurum spero, utpote qui rem in Italia gestam à pluribus tunc vivens potueris intelligere. Inquit autem: *Tridua febre implicitus ad tumultum suorum in pugna levibus certaminibus cepta laborantem equitavit armatus. Inde ira animi, & immodicus corporis agri labor ipsius febris igniculum in continuam traxit qua continua comite die XXIV. Augusti Anno MCCCXIII. migravit ad Dominum in loco, quem incolæ Boncon-*  
ven-

*ventum dicunt, distante à Senis XV. millibus passuum. Jis etiam temporibus vivebat Gualvaneus de la Flamma vir multę eruditionis Prædicatorum Ordini adscriptus, à cujus calamo quamplures lucubrationes profectas servat Ambrosiana Bibliotheca nondum typis commissas. Nemini profecto, quam huic Scriptori, notiora fuisse Henrici VII. gesta arbitror, quum iisdem diebus ad Historiam conscribendam totus inoumberet, & Mediolani in patria sua Imperatorem illum sæpius videre potuerit. Scribit enim in libro, qui Politia Novella inscribitur: Incipit Chronica generalis ab exordio Mundi usque in præsentem diem, quam conscripsit Frater Gualvaneus de la Flamma Ordinis Fratrum Prædicatorum Anno, quo fuit coronatus in Mediolano Serenissimus Imperator Henricus hujus nominis septimus. In Chronico itaque Majori, quod multis post annis Gualvaneus elucubravir, & M.S. in Ambrosiana, & apud doctissimum virum Joannem Baptistam Blanchinum reperitur, hæc leguntur: Anno Domini MCCCXIII. sedente Clemente in Avignone, exulante Castano de la Torre Archiepiscopo, imperante Henrico VII. dominante Mattheo Vicecomite. Imperator obsedit Civitatem Florentiam, sed non obtinuit. Tandem Civitatem Senensem obsedit, ubi laborans apostemate viam universa carnis ingressus est die XXIV. Augusti in Fesso S. Bartholomæi. Tunc quidam Monachus Diabolico spiritu plenus, genere Theutonicus imposuit cuidam Fratri Prædicatori, quod Imperatorem tofficaasset. In progressu temporis ad Papam Ioannem ivit, & qui Ordinem Prædicatorum ex sola malitia de morte Imperatoris confessus fuit aggravasse, publice multis lacrymis, & singulibus culpam suam dixit. Quem Papa dure redarguit, & gravem penam indixit, & statuit Papa per suas literas ad diversos Principes Ordinem Prædicatorum excusare. Hæc Gualvaneus omnium sine dubio gestorum conscius, quæ si cum tot alijs conferantur monumentis, hujusmodi calumniam à sacro Prædicatorum Ordine penitus amovere poterunt. Atque his refellenda est præclarissimis documentis Martini Disenbachij Dissertatio de vero mortis genere, ex quo Henricus VII. Imp. obiit, quæ Anno 1685. Francofurti prodijt, nimio utique conspersa livore, & incertis nixa fundamentis. Verum quis tandem Joannes de Cermenate fuerit, inspicimus. Notarium patria Mediolanensem fuisse titulus operis faceret, quod munus quam illustre, virisque etiam nobilibus commune olim fuerit, post Franciscum Osium, ac Placidum Puccinellum, brevi demonstratum iri confido. abornatissimo viro Silvestro Galliono Mutinensi Notario, & Episcopali Cancellario, cui in hanc rem eruditum opus elaboratur. Cermenatorum vero familiam nobilem, ac vetustissimam in hac Urbe esse Raphael Fagnanus in Animalibus M. SS. est Auctor; quin ab ipso scriptoris nostri nomen his verbis commendatur: Clarus fuit in hac familia Ioannes de Cermenatis. Hujus etiam meminit Philippus Picinellus in Athenæo Literatorum Mediolanensium pag. 293. ita scribens: Giovanni Cermenati visse, e*

*fiore*

Fori nell' Anno 1300., e i seguenti, essendo in quel secolo, cioè del 1308. stato creato Imperatore Enrico VII. il che seguì sotto il Pontificato di Clemente V., che fu creato del 1305. Detto Imperatore venne in Italia. Laonde il Cermenatè, che era Notaio Milanese, e Sindaco della nostra Città, scrisse in Latino assai elegante la venuta di quel Monarca in Italia, e di ciò, che racconta, fu testimonia di vista, come e nel principio, e nel progresso dell' opera più volte egli medesimo attesta. Non temere Syndicus Mediolanensis à Picinello appellatur Cermenate, siquidem cap. 46. ipsemet, postquam Varnerium ab Henrico Cesare Lombardiae generalem Vicarium praefectum esse dixit, haec addit: *Ad illum Laude morantem legantur per Communionem Mediolani Franciscus de Garbagnate, & Adoardus de Piratiano, & ego, ut Syndicus; ceteras taceo, ne nimium morer.* Quo vero tempore is viveret, hunc non solum discimus, verum etiam ab alijs locis. In operis Praefatione se tractaturum ait de Serenissimi ac mirabilis Principis Henrici de Lucimburgo, quem primum nostra aetate Imperatorem vidimus, in Italiam adventum. Alibi Castonum de la Torre nunc Archiepiscopum appellat, & rebus se interfuisse prodit. Constat igitur ineunte seculo Christi decimo quarto Cermenatem nostrum floruisse, eumque ad annum usque 1330. aut circiter in vivis egisse, à vero nequaquam abhorret. Siquidem, uti superius significatum est, per illa tempora scribebat Gualvaneus Flamma Manipulum Florum, videlicet Mediolanensis Historiarum compendium à Christo nato ad suam usque aetatem, seu ad Annum Christi 1332. Capite autem primo, ubi numerum Chronicarum recenset, à quibus praesens Opus compilatur, inter alios libros ibidem enumeratos Titum Livium apud Ioannem de Cermenate adservatum refert. In Policia vero Novella, quam pluribus annis ante promulgaverat, haec addit: *Apud Ioannem de Cermenate Liber T. Livij, de quo dixit Hieronymus in Prologo galeato: T. Livium lacteo eloquentia fonte manantem. Chronica Jacobi de Laude, de Historijs Laudensium contra Mediolanenses. Quaedam Historia Legatad Matthaeum Vicecomitem. Registrum Communitatis Civitatis Mediolani.* Atque haec pauca ad Cermenatis notitiam mihi se offerunt. Quod spectat ad Codicem, unde eius Historiam derivavi, eundem humanissimo viro, rerumque Mediolanensium accuratissimo cultori Camillo Sitono L. V. D. debet, qui mihi pro nostra familiaritate exscribendum concessit. De autographo audiendus Picinellus supra laudatus, cuius verba sunt: *Il Libro è scritto in caratteri Gotici, incanta pergamena, e in foglio grande, il cui originale è conservato dal Signor Pirro de' Capitani.* Verum ab huius Pirri patre, quum Codex cuidam nobili viro commodatus fuisset, inter istius manus aliquot paginarum iacturam subiit, non sine suspitione consuleo mutatum fuisse, ut celebri cuiusdam familiae dignitati, ac nomini melius consuleretur. Prodit igitur cum eisdem lacunis liber, quas alieno contraxit aut errore, aut vicio, supplendus tamen ex Albertini Musae-

et Historia, si quisquam integram rerum sub Henrico Septimo gestarum seriem ordine cognoscere cupit. Neque dubito, quin vel cum ipsis vulneribus hominum gratiam sit initurus, Cremonensium præsertim, ac Brixienium, quum eundem non semel à me expetierint Illustrissimus Julius Antonius Averoldus vir nobilitate, ac eruditione inter Brixienles præstans, ac Franciscus Arisius V. C. qui Cremonam patriam suam eruditis laboribus illustrare pergit.

*Ioannis de Cermenate Notarij Mediolanensis  
Historia de situ, Origine, & Cultoribus  
Ambrosianæ Urbis, ac de Mediolanen-  
sium gestis sub Imperio Henrici  
Septimi ab Anno MCGCVII.  
ad Annum MCCCXIII.*

P R Æ F A T I O.

**M**Ultis naturæ dotibus, atque gratijs hominem divina potentia decoratum ceteris animantibus dominari voluit, dum profunda rationis radice humanis solum mentibus infusa cunctis sub Sole viventibus nobilior factus est. Cui proprium eloquentiæ beneficium concessum est, quæ dum discreta sit, velut omnium rerum domina efficit, ut uberior ipsius rationis vigor proficit, per quam multa percipiuntur ignota, & præcepta eadem ignorantibus ministrantur. Hujus eloquentiæ beneficio succurrimus per sæpe miseris, hortantes, consolantesque territos, & afflictos, pulchra etiam oratione superbos sæpiissime refrænantes, & quos sentimus iracundiæ nimis pronos. Hujusmodi tamen miseriæ humanorum vitiorum remedia plus prodesse videmus, si non modo præsentibus, verum etiam posteris, velut ante oculos sculpta, notabilibus mandentur exemplis, utpote per scripturam, quæ unica scientiarum, atque artium liberalium fidelis custos est, ac rerum gestarum memoriam servat. Si præterea corrigere nequit, nec mutare, consulere tamen futuris rebus potest.

potest. Cum itaque antiquorum præclaris operum studijs usus, multis eorum scrutatis undique libris, prævia gratia Dei, aliquando profecerim, ne digne redargui possim, ac dici alieni semper scrutator operis, nihil reponens, aut posteris perlaborans, quæ occurrerunt præ oculis relatu digna decrevi, prout gesta sunt, describere. Ea quidem Lectoribus multum prodesse suspicor, nam dum rerum, atque hominum eventus examinant, atque cernunt, quid vitent, quidve sequantur, ibidem exemplo capiunt. Verum ne me ignarum modicitatis ingenij mei forte Lectores putent, dum viribus maiora promitto, protestor, volui plures ad hoc inducere aptiores, si potuissim. Ne itaque tam monstruosæ rerum moles, quæ testis ætas nostra vidit, quasque ipsa horribilis, & nova rerum enormitas mirabiles, ac relatu dignas effecit, pereant imo vivant memoria, rem arduam aggredior, non sine præsumptione, tantum opus sumens, onus scilicet viribus impar meis; verum spero, quem inconditus sermo meus à lectione rejiciet, ipsa miranda rerum novitas quadam delectatione aliquando poterit provocare Lectorem. Dignum itaque, atque aptum narrandis rebus principium quærens, diuque hæsitans suspensio mentis calamo, tandem de Serenissimi, ac mirabilis Principis Henrici de Lucimborgo, quem primum nostra ætate Imperatorem vidimus, in Italiam adventu imprimis tractare aptius visum est, qui magnam scribendi causam nobis dedit. Verum priusquam initium narrandi faciam, Ambrosianæ Urbis situm, originem, & vicina sibi loca ab initio, & per tempora successiva exponere paucis libet. Cujus Urbis angustias, & labores, saltem quos ipsi vidimus, mandare posteris volumus in exemplum.

## C A P. I.

UT multis excepiimus documentis, Tubal nepos Noe ex tertio filio eius Japhet, qui Hispanos, & Italos genuit, natus primus per ora maris Venetiarum veniens hanc partem Europæ, quam appellamus Italiam, intravit, & Urbem constituit, quam à ratibus, vento, & navibus, quibus ministrantibus iter ejus illuc venerat, Ravennam dixit. Cujus filius Subrex per Liguriæ campos veniens hunc sibi gratum situm visitans inter Ticenum, & Ad-dam, elegit sedem, Urbem ædificans, quam suo nomine Subriam appel-



appellavit, ut Papias meminit. Ab hac Subria Civitate tota postmodum contrata inter utrumque flumen Subria dicta fuit, ut ex dictis Sycardi, & Eutropij colligitur. Hoc nominis signum per Ticeni litora adhuc Ambrosianus ager tenet, licet corrupto vocabulo de Subria in Seprium mutato sapius sono linguæ reductum sit illud nomen. Nam Noe, qui secundum Eustodiam, & Græphiam aureæ Urbis cum duobus filiis suis post diluvium natis per mare navigans non longe a loco, ubi nunc Roma est, Italiam intrans Urbem statuit, quam suo nomine dixit. Noe Hebraicam, & deinde Saturnus Græcam linguam his Italiæ partibus attulere. Post modum vero regnante in Italia Latino ipsius Saturni post multa tempora successore, quem nunc tenemus, Latinus sermo nobis datus est, qui à Principe Latino ipsum nomen sumit. Verum ante Latini sermonis originem Tuscos ex Asia in Italiam profectos accipio, ut ex T. Livij dictis, atque alijs antiquis historijs colligi mihi posse videtur. Nam, ut idem testatur Livius, Tuscorum opes ante Romanum imperium adeo latæ, magnificæque fuere, ac terra, marique patuere, ut inter utrumque mare cuncta tenerent, superum scilicet, atque inferum, quibus Italia Insulæ modo cingitur. Quantum etiam Etrusci potuerint, utriusque maris nomina argumento sunt. Nam alterum communivocabulo Tuscum, alterum Atriacum ab Atria Tuscorum Colonia vocaverunt Italicæ gentes. Hæc ipsa maria a Græcis Tyrrhenum, & Atriacum appellata sunt. Hi autem Tusci primum quod inter Appenninum montem, & inferum mare agri situm est, postis ibi duodenis urbibus occuparunt, deinde totidem Urbes inter Padum, & Alpes, quarum primordia fuerunt Tuscorum Coloniae illuc missæ, à se conditas possidentes, & Liguriam, & cetera loca circumstantia excepto angulo Venetorum, qui sinum maris colunt; usque ad Alpes Gallicas, atque Germanicas tenuere, donec regnante Prisco Tarquinio Romæ inde Gallica gente vi pulsi sunt. Nam ut ipse Livius meminit lib. 5. primæ Dec. eo tempore Celtarum, quæ tertia pars est Galliæ, penes Bituriges summa imperij erat. Hi Celtico Regem dabant; Ex quibus nomine Ambigatus tunc Rex erat virtute, ac fortuna tum sua, tum publica præpel- lens, in cujus imperio Gallia adeo frugum, atque hominum fertilis fuit, ut abundantem populi multitudinem haud facile regendam videns, eo jam senescente exonerare prægravante turba re-

gnum voluit. Cujus rei causa impigros iuvenes Bellovesum, & Segovesum sororis filios ad se vocans, eos se missurum dixit, in quas Dij dedissent augurijs sedes; quantum ipsi vellent numerum hominum excirent, ne qua gens arcere advenientes posset. Tunc Segoveso fortibus Hernici saltus dati, Belloveso vero latiore in Italiam sortes dederunt viam. Hic quod populis admodum regio abundabat, Bituriges, Arnenos, Senones, Eduos, Ambares, Carnutes, & Aulercos excivit, profectus ingenti multitudinis peditem, equitumque in Transalpinos venit. Alpes inde oppositae erant, easque insuperabiles existimabant, quippe nondum ulla inde via fuerat, quod continens memoria foret, nisi si credere fabulis lubet, Hercule jam superatas fuisse dicebantur. Cum itaque ut septos altitudo montium teneret Gallos, circumspicereantque quonam per iuncta Coelo juga in alium orbem terrarum transire viderentur, iurasse dicuntur, ut quem primum, in terram egressi occuparent locum, patentibus silvis, communirent. Per Taurinos, Juliaeque Alpibus saltus transcenderunt, fuscisque acie Tuscis haud procul a flumine Ticino, cum, in quo conscenderant, agrum Subriam appellari audissent, cognomine Insubribus pago Eduorum, ibi omen sequentes loci condidere Urbem Mediolanum appellantes. Alia subinde manus Germanorum scilicet Boij Titonio Duce vestigia priorum secuta, eodem saltu, favente Belloveso, cum transcendissent Alpes, ubi nunc Brixia, & Verona Urbes sunt, locos tenuere. Considant post Salunij, quippe antiquam gentem laevos Ligures incolentes circa Ticinum amnem Appenninum, deinde Boij, Liguresque transgressi, cum iam inter Padum, & Alpes omnia tenerent, Pado ratibus trajecto, non Etruscos modo, sed etiam Umbros agro pellunt. Intra Appenninum tamen sese tenere.

## CAP. II.

Post hos longo temporis intervallo Duce Brenno Senones in Italiam venisse comperio, quos dulcedine frugum, & maxime vini, quemdam Clusinum nomine Aruntem provocasse ferunt ira corruptae uxoris Alacumenae, cujus ipse Arons tutor fuerat, cum ipse iuvenis adeo potens foret, nec ipsius injuriae ultio, neque poena expeti posset, nisi externa vis quaesita foret. Hic Arons tran-

transiuntibus Alpes Gallis ad expugnandum Clusum dux, atque auctor fuit. Clusini novo bello territi, cum multitudinem, atque novas formas hominum cernerent, & genus armorum, audirent. quæ sæpe Tuscorum acies inter Padum, & Alpes ab ipsis fusas, licet nullum fœdus, aut societatis jus cum Romanis eis foret, nisi quod Veientes consanguineos adversus populum Romanum non defendissent, legatos tamen Romam, qui auxilium peterent, mittere. De auxilio nihil impetratum est. Legati missi, qui Senatus, ac populi Romani nomine agerent cum Gallis, ne à quibus nullam injuriam acceperint, socios populi Romani, & amicos oppugnant; Romanis eos quoque bello, si rescogat, tuendos esse. Sed melius visum, bellum, si posset, amoveri, & Gallos novam gentem pace potius quam armis cognosci. Minis legatio, ni perferoces legatos, barbarisque magis, quam Romanis similes habuisset. Quibus postquam mandata ediderunt in consilio Gallorum responsum datum fuit: Est novum nomen Romanorum audiant, tamen credere viros fortes esse, quorum auxilium à Clusinis in retrepida imploratum, & quoniam legatione adversus se maherint, quam armis tueri socios, nec se quidem pacem, quam illi afferant, aspernari, si Gallis egentibus agro, quem latius possideant, quem colant, Clusini partem finium concedant, aliter pacem impetrari non posse, & responsum coram Romanis accipere velle, & si negetur ager coram eisdem Romanis dimicaturess, ut nunciare possint domi, quantum Galli virtute ceteros mortales præstarent. Quodnam id jus esset agrum a possessoribus petere, aut minari arma Romanis quærentibus, & quid in Etruria Gallis rei esset, cum Galli in armis se jus ferre, & omnia fortium virosum esse ferociter dicerent, accensis utrinque animis ad arma discurrunt, & prælium conferitur. Ibi jam urgentibus Romanam urbem fatis Legati contra jus gentium arma capiunt. Nec id clamesse potuit, cum ante signa Tuscorum tres nobilissimi Legati gentis Fabiæ Romanæ juvenis fortissimi pugnarent. Tantum eminebat temerarius armorum vigor, plerumque consilij immemor. Quin etiam Q. Fabius unus ex Romanis Legatis, evectus extra aciem equo quendam ex ducibus Gallorum ferociter in ipsa signa Etruscorum incursantem perlatus transfixum hasta occidit, spoliaque eius legentem agnovere Galli; illico tota acie Romanum Legatum esse signum. Gallis datum est. Omnia inde in Clusinos ira receptui canunt, minantes.

nantes Romanis. Erant ex Gallis, qui illico Romam eundem censerent. Vicere seniores, ut legati prius mitterentur questum, postulatumque, ut pro jure gentium violato Fabij dederentur. Legati Gallorum cum, sicut erant, mandata exposuissent Senatui, nec factum placebat Fabiorum, & jus postulare barbari videbantur. Sed ad cernendum quid juris erat in viris tantæ nobilitatis obstabat ambitio. Itaque ne penes Senatores culpa esset, si quid inde sinistrum accideret, cognitionem de postulatis Gallorum ad populum rejecerunt, ubi tanto plus gratia, & opes valere, ut quorum de poëna agebatur, Tribuni militum Consulari potestate in sequentem annum creati sunt. Quo facto haud secus quam dignum erat infensi Galli bellum propalam nunciantes ad suos redeunt, eosque relatis incitant. Tunc postquam accepere ulterius honore collato violatoribus juris humani legationem suam elisam esse, flagrantés ira, cujus impatiens est illa gens, confestim signis convulsis, citato agmine iter aggrediuntur, ad quorum prætereuntium raptim tumultum cum territæ Urbes ad arma concurrerent, fugaque agrestium fieret, Romam se ire magno clamore significabant.

## C A P. III.

**A**T Fabij, & qui Tribuni militum secum creati erant, qui erant numero sex, ut sit ex pravis initijs, nullo utili consilio capto, nullo sociorum, aut amicorum auxilio expectato, imo nec forte requisito, sic eos præcipites agebat commissi criminis furor, ut non minus temere conductu eorum pugnatum sit, quam sua legatione peractum. Nam estenuantes etiam famam belli, subito, ac tumultuario exercitu in occursum hostium tendunt ad decimum tertium lapidem parum infra viam Tiberinam, ubi cum multitudinem hostium cernerent, sua paucitate perculsi, extenuatis in cornua copijs, ne circumveniri multitudine hostium possent, frontem tamen æquare nequeuntibus, contra hostium acies se exponunt. Primo impetu Romanorum acies fusa, quorum cum nihil apud Duces, nec milites soliti ordinis foret, pavor, & fuga animos occuparat, tanta eorum oblivio fuit, ut major pars Vchios hostium Urbem, cum Tiberis arceret, quin Romam recto itinere ad conjuges, ac liberos fugerent. Qui autem hostis gladium à ter-

go insequentis, & fluminis undas evasere, plerique, imo major pars incolumis Vehios profugit. Unde non modo præsidij quicquam, sed ne quidem nuncius Romam missus est. A dextero cornu quod procul à flumine, & magis sub monte steterant, Romam omnes petiere. Et nec clausis etiam portis Urbis, inane Capitolium confugerunt. Ubi, capta, & incendio posita reliqua Roma, obsidione sola iuventus, quæ de conflictu Romam evaserat, turpiter clausa fuit, senibus mortem potius eligentibus, quam obsessorum inopiam augere. Gladijs datis hæc juventus consumpta foret, ac perditum nomen Romæ, nisi postmodum prudentis, & egregij Camilli, qui tunc invidia Civium XV. millibus gravis æris damnatus exulabat ab Urbe, virtute, confusus barbaris liberata, & ingratis civibus Urbs reddita foret. Tunc cum in Capitolio obsessi adeo fame, ac morbo affecti, & stationibus, ac vigilijs superati, ut obruerent infirmum corpus arma, se auro redimebant; si fortuna fuisset, utpote si fidelis Camilli parumper tardasset eventum. Qui superveniens oblatum aurum fœdæ redemptionis pretium in statera jam positum de medio auferri, & Gallos summoventi iussit, allegantes sese pactos esse, quibuscum pactiorem ratam esse negavit. Quæ postquam ipse Dictator creatus foret (Dictator etenim creatus fuerat exul, & absens injussu suo ab inferioris juris Magistratu) denunciavit Gallis, ut ad prælium se expedirent, & duobus prælijs commissis adeo utroque fufos afflixit Gallos, ut vix superesset nuncius, ut refert Livius memoratus.

## C A P. IV.

**H**I Galli, ut ex his æstimo, priusquam Clusum, ac Romam accederent, Mediolanum jam dirutum renoverunt, Ticinum civitatem, quæ nunc Papia vocatur, fundarunt, Brixiam ædificarunt, etenim à Brenno dicta fuit Brixia. Verum alios scripsisse reperio ipsum Brennum à Romanis confusum in Sueviam rediisse, & post multos annos resumatis viribus in Italiam iterum cum maxima armatorum copia venientem Mediolanum, & plures urbes Italiæ, quas primo ejus adventu, priusquam cum Romanis contulisset vires, destruxerat, quasi penitus reparavit, pluresque de novo construxisse ferunt ad impu-

pugnandum iterum Romanos frustra rodicens . Unde Gothofredus

..... *Nunc arma tonat Dux Breno , creataque Verona ,  
Nam quasi Urb. Roma dicta Verona sonat .  
Brixia fundatur , Ticina Papiæ paratur ,  
Et Mediolanum Breno satagente perurit .*

## C A P. V.

**E**X his autem , quæ recitat T. Livius de adventu Gallorum in Italiam tractans , colligi potest ducentorum annorum fuisse spatium inter adventum Bellovesi , qui de Subria Mediolanum fecit , & Brenni qui Mediolanum renovavit , & Papiam fundavit , ut dictum est . Deinde post multa tempora recentissimi advenarum Longobardi una cum Alboyno Rege suo Italiam accessere , qui totam fere Italiam primitus occuparunt , sed demum intra fines hujus tractus terræ , quam nunc Lombardiam dicimus , sese tenere , à quibus hæc contrata ipsum Lombardiæ nomen sumfit . Hanc gentem Ybor , & Ayones cum Gambara matre sua de Srafinavia , quæ est in finibus Germaniæ iuxta Oceanum , eorum primi Duces cum parvulis , & uxoribus attraxere , quibus necessitas exilij ductis fortibus evenerat , ut ceteris minor inopia victus foret . Nam ipsa regio tunc tanta erat gentis multitudinæ populata , ut nec terrarum fructus sufficerent alere tantam gentem . Nec mirum cum ipsa contrata sub Arcto sita , à solis æstu remota , ideoque alendis corporibus hominum apta plus quam ceteris germinans , Germania dicta sit . Hi Germanici postmodum in itinere à longis bardis , sive à longis barbis Longobardi dicti sunt . Nam per multos annos , ac per multas hominum ætates sub pluribus Ducibus , sive Regibus successive incertis sedibus vagabundi , priusquam ad Italiam pervenirent , decem de se Reges successive habuerunt , quorum decimus fuit robustissimus Alboynus , de quo dixi . Post quem plures in Italia regnaverunt Reges , quorum plerumque fuerunt sedes intra Ticinum , & Addam , aliquando Mediolani , sed plerumque Papiæ , cum inter utrumque fluvium eo tempore nullæ aliæ urbes florent . Hæc de Urbis nostræ situ , atque incolis dicta , quæ etiam timeo ne lectori tædium dederint , sufficiant . Scribere enim magnifici Imperatoris Henrici gesta promisi . Verum ut debitus honor

nor detur rebus, priusquam de tanto Principe sermonem teneamus, faciam ne velut illotis manibus ad læta convivium discumbentes rudicitate nimia redarguamur. Præfari placet in hunc modum.

## C A P. VI.

**H**umanum genus tanta utriusque parentis vicio fragilitate laborat, ut ejus misera conditio prona naturaliter, & labilis ad peccandum non modo ad conservationem, verum etiam ad esse sui exigat, ut sancto, & justo regimini supponatur, quo correctis vitijs, ac depulsis erroribus salubriter in pace quiescat. Inde duo luminaria mundo divina videntur provisione statuta, ne qua sui parte destituta regimine titubet compositio tam nobilis creaturæ, Papalis scilicet dignitas, & Imperialis potestas, quibus terrarum orbis universitas tam in spiritualibus, quam temporalibus gubernetur. Neque ullo jure quisquam ab his subtrahere sese putet, cum ceteris animalibus, quibus nullum inest rationis regimen, ad nostrum, ut puto, urgente naturâ solummodo documentum habere principem, & sub ipso timere datum sit, ut aperte videmus. Nonne pecudum tremor Leonem sibi Regem esse demonstrat? Aquilam pavent aves ut Dominam. In apibus asseritur esse rector unus, quem etiam vulgo ipsarum esse Principem appellamus. Itaq; natura omni arte solertior cuncta animalia præter hominem præesse, ac subesse docet. Solus homo, sicut expedit, imperare, aut parere nesciens requiescere nescit in pace. Verum cujus sit ille defectus, aut unde prodeat tam lethiferi causa mali nescio, sed a Regnante, ut videmus, plerumq; procedit, qui ad conservandam justitiam, sine qua nihil recte agitur, eminenti loco locatus plerumq; deficiens vicio, vel defectu suo indignus efficitur, & indignitate despicitur. Estne in avibus Aquila, in bestijs Leone nobilior? Cur inter homines, qui ceteris præesse desiderat, ut veneratione dignus sit, virtute ceteros non excellit? Saltem omni carens iniquitatis aculeo Princeps apum exemplo sit, ut neminem iratus lædat. Procedit etiam a subditis, quos morum discordia nimium turbat, aliquando causa mali. Nam nulla profecto pax, aut concordia erit in populo, quem uniformitas voluntatum vinculo justitiæ colligata non excitat ad studium communis boni, quæ sola exprimitur uniformi

motu, & dependet ab unitate voluntatum populi. Hæc vero unitas humani generis bene disposita non nisi per justum Principem, & Monarcham feliciter perducitur in effectum, qui suis sacris legibus subditos ordinet, & disponat, quæ si servantur ad unguem, vincula sunt societatis humanæ. Quis itaq; Princeps quovis nomine censeatur, aut quamvis mundi partem inhabitet, si se hominem animal rationale fatetur, negabit se iusto Romanorum imperio rationabiliter fore subiectum, quorum si gesta revolvam, totius Mundi principatum, quod Imperium appellamus, liquet sibi concessum fore concessum, & per duellum utpote iusto bello partum.

## C A P. V.II.

**H**Oc autem imperandi Mundo ius populus Romanus, a quo partum diutius fuerat, & possessum, in unum contulit, in personam scilicet Julij Cæsaris, & cum Imperatorem nominans Monarcham, & Principem mundi fecit. Unus igitur Creator omnium Deus est, unus Papa, & unicus Imperator, cui ab ore divino præcipitur tributum dari. Hujus dignitatis electio, atq; Sedes Romani Imperij tempore Constantini Imperatoris ad Græcos translatae sunt, qui gravi morbo lepræ intercessionem B. Silvestri Pontificis liberatus ad eam partem Græciæ accessit, ubi conditam a se urbem Constantinopolim appellavit. Inde in Germaniam eam electionem legimus auctoritate Sedis Apostolicæ devolutam Græcorum ignavia; dum eorum subsidia frustra literis, ac legationibus implorantem Ecclesiam sævientem Astolphum Longobardorum Regem persequi, & opprimere passi sunt. Cujus inimicitiam Carolus Magnus ægre ferens, seq; ad partes Italas transferens propulsare curavit. Qui Germanorum primus ob id meritum Romanorum suscepit Imperium, Indigne etenim superis visum est gentibus imperare, qui subditorum injurias propulsare non audent, qui, dum tyrannorum sævientium monstra mundo regnare sufferunt, ceteros innocentes perdunt. Nonne omnis potestas desuper constituta est, ut ejus potentia, & virtute mutuis inter subditos sublatis injurijs populus conquiescat sub sacris legibus vivens, quas sine Reipub. malo violare nequit ulla subdita potestas? Nec justum puto arbitrium violandi leges dari, cum metu cupiditatis, quæ possunt scriptis legibus terminari non sint ullis iudicibus re-

lin-



linquenda. Unde autem, aut qua de causa hujusmodi dignitatis electio ad septem Principes Alamaniae pervenerit, non cognovi, utpote Archiepiscopos Maguntinum, Coloniensem, Trevirenses, Comitem Rheni, Ducem Saxoniae, Marchionem Brandeburgensem, & Reges Bohemiae, qui olim Ducis titulum habebat. Hic tamen non est vocandus, ut dicitur, nisi cum ceteri discordant.

## C A P. VIII.

**C**UM itaq; post claræ memoriae obitum Regis Alberti vacaret Imperium, & praefati Electores hujusmodi prosequendae electionis causa convenientes in unum inter se dissiderent, Philippus Rex Francorum in spem Imperialis dignitatis adductus, precibus nec non Pontificis, & quorumlibet amicorum intercessionibus Electores sollicitare coepit, de quorum numero illi erant, quibus tantæ dignitatis jura, & jurisdictionis honorem obtinere animus, & amplior cura fuit. Cæteros, quos precibus aut donis, aut spoliis curare (enserunt fauorem Regis, adorti rogare coeperant, ne qui suimet fauoris, honorisve promptiores forent alijs concedant, idq; si tantus Gallorum Rex obtineat, occupandi deinceps jus Imperij initium Gallicæ nationi fore dicentes. Cumq; inter ceteros, quos tetigerat favor Regis, Archiepiscopus Treverensis tenacior foret propositi, & durior ad placandum, in ipso negotio tanto imminente periculo, haud temere provisum est. Nam Electores confestim, ut reprimatur omnino Gallici Regis mentio apud Archiepiscopum supradictum, quod, ut creditur, expectabat, Teutonum nominant cariorem sibi.

## C A P. IX.

**I**Taq; Henricum Comitem de Lucimburg Fratrem ipsius Archiepiscopi Treverensis non tam strenuitate morum, ac virtute animi dignum, licet fortunæ visibus, & potentia pleriq; Principibus Germaniae impar foret, cuncti cognito periculo unanimes elegerunt. Qui ipso anno à Nativitate Domini MCCCXIII. apud Aquisgranum solemniter coronatus est. Hic admodum magnanimus quamplurimum prædecessorum suorum vestigia minime secutus est, quorum nostra ætate nullus autem, neq; fer-

reum diadema suscepit, imo sola argentea corona contenti sexaginta, & plurium annorum tempore intra Teutones sese tenuerunt, licet plerisque prædecessorum Regum multo major thesauri copia foret, atque earum rerum, quibus magna parari possunt.

## C A P. X.

**V**Ere igitur Henricus iste magnanimus post paucos dies electione suscepta, secum inquirens: Nonne Romanorum Rex intitulus, & Augustus; convocatis Principibus, quorum ad hoc assensum habere voluit, Comitem Sabaudie, Delphinum de Vienna, Guidonem Comitis Flandrie filium, & cum his Venerabilem Episcopum de Tuora, legavit ad Papam, qui ubi aliam Curiam accessere, quæ tunc erat in Civitate Aviniono, illico venerabilis Hostiensis Cardinalis, nec non Sancti Patris Oddonis de Graddi sono juvamine freti, a summo Pontifice, qui tunc erat Papa Clemens, clementer exauditi, ab eodem liberam in Italiam, deinde Romam præfati Regis impetrarunt accessum. In cujus comitiva idem Summus Pontifex quatuor Cardinales, qui vice sui eidem Romæ coronam darent, destinare promisit. Deinde Rex ipse incommutabilis proposito sui constans solemnes Legatos undique per Italiam destinavit suum felicem nunciantes adventum: Cujus rei causa Episcopus Constantiæ Mediolanum venit, & in pleno Palatio majori, quod Palatium novum nos Mediolanenses appellamus, præsentem Guidonem de la Turre Capiteano, & Bregadino de S. Nazario Potestate Communitatis, & Populi Mediolani inde plurimum odiosis, hujus Regis Henrici, pulchra admodum, & acceptabili oratione proposita, nunciavit adventum, ipsum asserens Aquisgrani corona argentea in præsentia, & de voluntate Principum Alamanie solemniter coronatum, deinde sumturum ferreum diadema in territorio Mediolani ab Archiepiscopo vestro. Quod, inquit, clarissimi cives significat, quod sicut per ferrum, & instrumenta ferrea cetera metalla domantur, sic per salubre consilium, nec non præclaram armorum potentiam, & virtutem Italicorum præcipue Mediolanensium domare debet Imperator, & subigere ceteras nationes. Vos ne, inquit, Mediolanenses, qui immediate subestis Imperio, omni alio servitutis jugo liberi deceritis? vestrumque favorem subtrahetis, quin tam justus, & clementissimus

tissimus Princeps vester tertium Romæ aureum diadema suscipiat, ut eo ipso qui Romano more vivimus, & quasi domestici, & familiares Imperij Romani sumus, jurisdictionem habeamus in omnes gentes mundi? Nontne hæc quidem potestas a Deo est? Negabiturne Romanum Imperium a Deo stabilitum, ac etiam ore Prophetico nunciatum fore, quod expositio Danielis super somnio Nabuchodonosor publice manifestat, qui statuæ caput aureum, quam somnians viderat, Caldæorum, pectus argentei Græcorum, tibias ferreas Romanorum Imperium portendere nunciavit. Inducamini itaq; inquit, recipere Dominum vestrum æquatis passibus, & stratis, & resectis pontibus, bonis, ac præambulis factis itineribus parate viam Domini. Moneo insuper, inquit, cunctos Comites, & Barones, ac Satellites suos, nec non etiam universos, qui jure tenentur Imperio, ut se præparent, sicut decet, & cum senserint adventum Domini sui, ad pedes montium sibi veniant hilares in occursum.

## C A P. X I.

**A**D hæc Bonifacius de Fara Jurista ipsius Guidonis præ ceteris familiaris, & domesticus consultor tanti Principis legationem, tum ipsius destinantis reverentia, tum etiam auctoritate Legati, longa præfatione asserens maximam, & verendam esse respondit: Quæ maxima sunt, ea, inquit, maximam deliberationem volunt; ex quo non præsentia literis his, quæ tanti ponderis, & momenti sunt, respondendum esse censeo, verum deliberato consilio responderi. Quid autem postmodum, aut si quid responsum parum mihi constet. Verum cito multis indicijs patuit hujus adventum Principis infestissimum Guidonis voluntati fore, nam primo occulte, tacitisq; comminationibus Civibus inhibere coepit, deinde publice per frequentes armatos complices, & satellites suos per vicos, & plateas cunctis civibus minari, ne de adventu Romanorum Regis sermonem teneant. Imo pleriq; civium, ac Nobilium Comitatus Mediolani cum paratis equis, & armis, ac nobili juvenum comitiva agendi honoris causa in Italiæ finibus occurrere tunc parabant Regi, summo studio honorificare cupientes adventum ejus, quorum iter minantis Guidonis superbus, & terribilis furor tenuit.

## C A P. XII.

**I**nterim Primores Guelficæ factionis Lombardiæ Mediolanum vocati in aulam Guidonis de la Turre conveniunt, ut super tanto rerum eventu, si fortuna consentiat, aliqua salubris consilio capteretur via. Verum ibi nihil pro re agitur, imo discrepantes in consilio quisquam pro se arguit, plusque jurgijs, quam consilijs pluribus diebus tempus terunt. Cujus rei primus auctor fuit Comes Philippo de Languscho, qui tunc Papæ regnantis Nobilium factionis primus, & rector erat. Hic se Satellitem Regis vocat, seque ac domum ejus multis Imperialibus donis, & gratis decoratum asserens, minime, inquit, Domino meo rebellis esse volo. Hæc audita vox Comitis insolens nimium plerisque visa est. Quippe si per se nihil sollicitudinis gerere generum ejus Guidonem soliti timoris non modicam causam sibi fore credebant. Cujus obtinendi dominatus in adventu Regis parum spei erat. Stupentibus itaque ceteris Antonius de Fixiraga, in cujus cura, & potestate Laudenensis Civitas erat, licet absque titulo privatus viveret civis in Urbe sua: Postquam nihil, inquit, ad id cujus grãtia vocati sumus agi video, ipso, de quo minime dubitabam, impediante, per se quisque agat. Quæremus & nos in Aula Regis locum. Tunc vero Gulielmum Cavalcabovem, cujus Cremonæ pollebat auctoritas, nobilitate gentis, nec non divitiarum, & amicorum copia, & cum eo Simonem Advocatum de Collobiano suæ partis principem in Vercellis, accepimus in eo colloquio ad propositum Comitis summovendum frustra plurimum laborasse, multis inductis causis, periculosum asserentes hujus Regis adventum, cui affirmabat de facili posse resisti, dum ad resistendum unanimes sint, qui ex nobis præesse volunt vicinis suis.

## C A P. XIII.

**A**T Guido de la Turre, quem stimulus ambitionis exagitat, hacinani, & longa consultorum disceptatione fessus de consilio præceps abit vociferans: Quid hoc video, cur non concorditer quicumque unum capitis consilium? Ad mortem, video, præcipiti saltu nos urget infania. Iratum quidem existimo, atque infestum

festum nobis Deum , qui primum nobis consilium aufert , deinde dubito , ne deteriora sequantur . Itaque more Bacchantis per ampla fertur atria , totam circuens aulam incerto passu , itque reditque sapius in communi sermonem referens , deinde interiora ædium repetens , murmurans sibi soli : Quid mihi , inquit , cum Henrico illo Teutonico , quem asserunt huc accedere turbare , quietum statum meum ? contraxitne genitor meus secum ? teneor ne sibi pacto ? ignoro . Hunc hominem non cognovi , neque umquam vidi . Deinde agitated diuque hujus furoris verberare fatigatus Collaterales suos , qui pavidi turbatum Dominum dejecto sequuntur vultu , ad se vocat , quibus : dicite , inquit , tenemur ne Henrico de Lucimborgh nescio Teutonico , vel Allobrogo ? Quid nobis umquam contulit , unde ullo jure vendicer , quæ tenemus ? Non defuit , ut sit in aula Principum , Tyrannici verbi assertor , imo uno ore omnes , nihil , inquiunt ; cur non igitur jura nostra defendimus ?

## C A P. XIV.

**T**Andem hi Guelphorum Ligurum Principes nullo , ut fertur , per commune colloquium fundato proposito inconsulti domum redeunt . Sunt qui asserunt Comitem Philipponem , Simonem advocatum , Antonium de Fixiraga , & Gulielmum Cavalcabovem , quos supra memoravi , nullis , aut paucis alijs adhibitis , cum præfato Guidone priusquam Mediolano discederent , alia captasse consilia , quem velut solandi causa ægrum curis adierant , ipsumque in cubiculari camera solitarium , & insanientem Comes Philippo , cui ceteri negotium dederant , tali sermone aggressus est .

## C A P. XV.

**T**Empus est , inquit , Guido discrete agere , ne post factum poenitendum sit . Itaque quoniam an si resistere expediat , an obedire Regi , quidque tutius , aut utilius nobis sit , adhuc incertum est , id prius explorandum est , quam executione uti . Satis opportunitatis fortuna in hoc saltem fida nobis dedit . Si viri sumus , neque consilij , neque facti tempus deerit nobis . Citati sumus cun-

Si principes Lombardorum, ut occurramus adventum Regis, saltem cum superatis Alpibus Astensem descendat in agrum. Ibis videre, ac sapere mores Regis. Si ad eum faciles erunt nobis aditus, brevi perpendemus, an duri, aut molles sint nobis animi motus ejus, adhæreatne hostibus nostris, an sentiat quid opportunitatis, & obsequij conferre possimus sibi. Quibus exploratis satis opportunum consilium, ac deliberandi tempus erit nobis. Interim intentis amicorum, atque sociorum subsidijs juxta ea, quæ scripserimus Mediolani, pro re, ac tempore curetur vobis. Nos autem apud Regem curabimus, ne vos absentia suspectum habeat:

*Desunt folia duo in exemplari.*

fieri docet. Hæcque, inquit, ut assero, cum tetigeritis Mediolanensem agrum videbitis manifeste. Itaque vadato Pado paucis diebus Novariam venit, Ligurum, præcipue Ambrosianæ gentis explorans mores, ac studia voluntatum, pluribus diebus moram traxit. Deinde trajecto Ticeno multis vadis, sic etenim hyemali frigore contractis aquis cuncta flumina viam dabant Regi, continuo læta signa Nobilium Comitatus nostri, deinde popularium Urbis turmæ læto fremitu venientium in occursum Regis apparere, qui inclinatis signis ante pedes Regis sese sibi liberaliter obtulere. Rex itaque promissa Matthæi non vana, quinimo jam certa esse videns, illo die, si tempus sineret, aut dies spatium daret, properasset ad Urbem. Sed quia propinquantibus jam vespers aer nimium spissus nivis jam coeperat obscurari, in loco Mazenta, qui eo ipso merito factus est Burgus, hospitium petit. Postero die, qui velut tanti Ducis adventum sentiens clarior præterito longe fuit, processit ad Urbem, cui priusquam medium iter capiat, innumerabiles Nobilium, nec non antiquæ gentis popularium familiarum magnis turmis in occursum veniunt. Guido de la Turre ultimus post omnem plebis turmam obviam Regi non solum civibus, quinimo cunctis mortalibus iratus venit, heu quam invitus, quamque etiam vitæ suæ odiosus jam propinquo Urbi Domino suo trahitur in occursum, qui impediens superbia timore mixta nec Regem, ut hostem repulit, nec ut Dominum naturalem, sicut tenebatur, admisit. Verumtamen quoad potuit nec superbi factus morem oblitus est, nam licet à circumstantibus doceretur, ac etiam, ut æquum erat, cerneret cuncta Procerum signa ante Imperiales Aquilas humiliter inclinata poni, ausus est tamen veniens  
in

in occursum Regi supra verticem ejus pati sua signa alte ferri, quæ usque ad faciem Principis taliter ferebantur, ni non minor suo furor Teutonum indignantium eadem manu deferentis demta turpiter dejecissent in limum. Attamen jam propinquus Regi ad terram equo desiliens osculatus est pedem ejus, à quo benigno tandem vultu receptus est. Cujus temeritati, ac superbie Rex satis clementer indulgens: Amodo, inquit, Guido pacificus, & fidelis sis, & quem negare nefas est, dominum recognosce.

## C A P. XVII.

**I**Taque Ambrosianam Urbem intrat Rex die Mercurij XXIII. Decembris, qui illius anni à Nativitate Domini sumentis initium penultimus dies fuit. Ibique denuo convocatis undique Italicis Baronibus, nec non solemnibus nuncijs Civitatum quæcumque partium studia sequerentur, die Epiphaniæ in Ecclesia B. Ambrosij Confessoris nostri à Castone de la Turre Archiepiscopo Mediolanensi in Regem Italiæ unctus ferreo diademate coronatus est. Deinde multis inter Italicos antiquis, atque recentibus subito sedatis odijs, ac inhibente clementia tanti Regis, cujus simplex animus totaliter aspirabat dare pacem mundo, paucis diebus ut sibi visum est compositis partibus, tota etenim Lombardia subito absque ulla armorum vi in Regis deditionem, & obedientiam sponte venisse videtur, Alexandria & Alba dumtaxat exceptis, quarum urbium fides, aut ulla deditio ex parte Regis minime requisita est. Credo quod ambæ Regi Roberto erant deditæ, qui illum ipsum, Henricum Romanorum Regem in Dominum recognoscere, & sibi ut superiori obedire promiserat.

## C A P. XVIII.

**U**ltima tamen Urbium Lombardiæ non sine causa in compositionem, atque in deditionem Regis venit Brixia: Nam, *Matthæus de Madijs*, qui Gibellinæ factionis Princeps ipsa regnabat in Urbe non præsentiam Regis, sed callidi hostis sui *Tebaldi de Brusadis* insidias timens non ad radices montium Taurinum, non Ast, non Vercellas, non Novariam, verum cunctis senior Mediolanum ad Regem jam post citationes plurimas expectatione fessum

fessum venit. Hic Tebaldus subdolanus, & cum sibi expedire videat, semper simulare, ac dissimulare aptus, & si quando ullius fortunæ casus sibi magni patrandi sceleris tempus aptum dederit, nil umquam intentatum liquens, primus tamen Guelphorum morantis Italiam Regis pedes amplexus est, exilij sui finem supplici voce rogans. Hoc sensit Rector Brixie, imo etiam certis exploratoribus suis, nec non amicorum literis, atque nuncijs perceperat Regem annuisse precibus hostis sui, quippe certus erat animus Regis ubique sine ullo discrimine suis civibus integras Urbes facere. Cujus rei causa non modico pavore percussus jam cunctis sedatis partibus Lombardiæ invitatus comparuit, & tristis, ac vultu nubilus ad conspectum Regis, ibique Tebaldum frequentis perfidiæ, ac prodicionis accusans, plurima sæpius rupti fœderis, ac violatæ pacis documenta publica proijcit Principis ante pedes. Fredericos Gibellinos ad ejus mensam crudeliter cæcos narrat, inter quos novum generum nominans, nec viduare, inquit, filiam suam timuit, quam dolosum, ac pestiferum pignus pacis dederat Frederico juveni magister iste scelerum, ac pessimus proditorum, quos terra sustinet. Quis Ligurum nescit, quos machinavit, & fecit tractatus innumeros, subitos insultus, ac patratas vicinorum cædes contra juratæ pacis fœdera, quorum scriptura nondum erat sicca. Cui Rex: & nos injurias, & offensas tulimus, à quibus postmodum in suam gratiam redeuntibus beneficijs victi sumus, & quos ut hostes odimus, pia mente colimus velut fratres. Detis tandem, quæsumus similiter & vos mutuis injuriis, & offensis, & profecto vestris quoque Deus dabit finem malis. Ad hæc Principis verba, obtruncavit, ac utcumque sedatus est quilibet Brixienfis. Verum, compositis Ducibus in vultu varius color fuit. Arnixit itaque fortuna multum Regi tanta quiete Ligurum, tam subito prosperans adventum ejus. Verum brevi tempore facta nubila invidit nimium sibi, imo totius Italicæ gentis bono, dum plerique nefandi Ligures, & Lombardi, quam quos exproscriptis exilibus suarum terrarum incolæ, atque cives fecerat clementia Regis, perjuri, ac rebelles facti sunt, ut si expectes Lector, tibi suo loco per ordinem diligenter exponam.



## C A P. X I X.

**A**T ubi applicuit Mediolanum Rex, ut dixi, cujus Urbis cives non graves, neq; duri, sed multum (quin imo quasi natura nimium) faciles regendi sunt, quippe cuicumq; Imperio etiam injusto parent, illico Joannem de la Calcea Gallicum natione nobilem indoctum tamen, atq; incultum virum in ipsa Vicarium suum fecit, qui fatuitate, ac vitijs suis vix completo mense velut inhabilis, & indignus a dignitate remotus est, & ut contentus taceat in solutione magni temporis, tamquam, gesti regiminis sui, a quo absolviitur, pecunia a Communi nostro sibi perſoluta est, quasi dono data. Et sic demtus honor in proprio commodo compensatus est. Sed neq; ipsius Rectoris nostri licet rudis abdicatio multum utilis mihi fuisse videtur; imo Civibus alter error priore deterior subsequutus est; nam Rex alium Urbis nostræ Vicarium dedit, qui multo magis pestifer nobis fuit, utpote Tuscum, qui Senensis Urbis patriæ suæ exul erat. Hic Nicolaus de Bonfignoribus nomine cujusdam societatis negotiatorum magister, atq; Rector fuerat, in cujus manu, atq; custodia illa Communitas deficiens, & penitus dissoluta nulli ex creditoribus respondebat. Nicolaus iste pestifer morbus Urbis nostræ, cum in sede dignitatis fuit, non Vicarii more, aut Rectoris cujusvis cives tractare cœpit, imo sæpe velut principalis sine superiore tyrannus pro modica, & levi causa graves, & aliquando capitales pœnas minitans adeo timidos cives fecit, ut cuncta utcumq; gravia, cunctis etiam ultra quam fas sit obedientibus, obtineret. Hoc stolido Civium timore, ut mihi videtur, perdita est diu desideratæ libertatis spes. Nam ut sit novo imminente tumultu sæpe Urbis leges fiunt per bonos, & electos viros. Jam scriptis legibus, quas Statuta Communis dicimus, quibus æquo jure viveretur in Urbe, iste Nicolaus arrogans, & superbus, jam cuncta, quæ gesserant doctus, ipsarum legum conditores ad se vocans eis velut ignarum rerum inquit: Quid libertatis, & arbitrii vestris legibus auctum est nobis? Deinde ut vidit Paganum de la Torre Muschæ filium, cui velut amico neq; ipsius ordinis minimo attribuendi sibi liberæ potestatis, & iniquæ jurisdictionis in cives curam commiserat, amplius dissimulare nequit inquires: Paganine quæ

G

pro.

promiseras facere noluisti. Nullum arbitrium, nullamq; potestatem dedidisti mihi. Cui in ipsius Pagani, atq; omnium sociorum excusatione providus Jurista Stephanus de Vicomercato respondens dixit: Eget ne libertate, vel arbitrio, cui totius legis terrenae conditor noster Dominus Rex omnem quam habet jurisdictionem, & vices suas commisit totaliter in urbe nostra, & nos similiter quantam habet in nos libertatem, & arbitrium Dominus Mundi, tantam damus tibi? Neq; Paganus in hoc negotio, quæ voluit, fecit, cui soli non licuit leges condere. At ille: Intelligo te, inquit, Stephane. Certe quid me teneat, rubecule nequam, nescio, quin te a cephalum videri faciam, idq; tibi accidet sine mora, nisi statim antequam pedem mutes, ut præcepta mea serves dederis mihi vadem librarum X. mill. Cunctis solido pavore percussis, ac stupentibus velut uno verbo jugulari possint, solus Paganus de la Turre socii dictum laudans, ac sævientis iram molliens inquit, socium pro cunctis haud aliter quam jussu dixisse, neq; quæ dixit plus quam sua, ac sociorum verba esse, & merito si inde periculi quicquam sequatur, quod absurdum est, sua citique nostrum ejus discriminis portio capienda est. Verum omnis vobis tamquam Domino obedientia exhibenda est, & præsto sodalis vades sum, deinde ceteri sese offerunt. Receptis itaq; ob nullam causam vadiis indignatus, seu verum iram fingens tumidis naribus in trepidos, ac degeneres tantæ Urbis Cives tonat inquit: Nisi statueritis cum tanta libertate arbitrium mihi, ut nullis tenear legibus quodcumq; volam, ac mandavero, ratum sit, & verba mea vestras rumpant leges, nullumq; provocationis remedium habeatis, Cives, contra edicta mea, sentietis quid aliquando recalcitrantes contra stimulum consequuntur. Accingite vos justitiæ vestræ, & obedientiæ penitus vos parate. Summe, inquit, an vobis videor esse, deterior his, qui hæcenus hic regnaverunt, quibus semper arbitrium & libertatem in res, & personas vestras ultro velut de consuetudine contulistis? Ac licet non quod volebat, tamen plus quam juris tribuere dignum erat, obtinuit, idq; paucis subsequen-  
tibus diebus effectum est, dum stolidæ & insæpe nimium timentur minæ. Quæ jam relinquitur propinquæ libertatis via? Nam ut terribilem minantis vultum fugiant, novam addunt Statutis nostris Capitulum, quo cavetur, quod iste Nicolaus nullis nostris legibus teneatur, quod licet perpendæ libertatis initium foret, nihilo  
tamen

tamen animos percussit populi, aut ullius tumultus causa fuit. Verum vilissima res pecunia sollicito murmure primo tumultum, & iram populi suscitans, tum seditionis, nec non Regi, ac nobis magne cladis causa fuit.

## CAP. XX.

**H**ic etenim Rex noster magnanimus erat, & omnium virtutum dives, pecunia, & auro nimium pauper, nihil nisi Italicis adibus opibus propositi agere omnino valebat. Convocatis itaque utraque factionis Mediolani primoribus, & Magnatibus, propositaque eis necessitate Regis, subveniri sibi non nisi sua sponte petatum est. Verum ante ora omnium intercessor Regis erat pene se Scriptorem tenens, cui nota, inquit, quid tantæ Urbis Cives offerre volunt Regi.

## CAP. XXI.

**H**oc loco, ut antiquus nobis mos est, nec sapienter promissum est Regi, ex qua promissione nec Urbis nostræ, nec Regio conditio, ut mihi videtur, salubriter tractata est, sprete undique honestate, sine qua nusquam erit utilitas, neque salus. Nam ab huius gratia rei Principum Urbis Concilium congregatum est, quibus quid dignum dono Regis foret dicere facultas data est, præsentem tamen, ac sollicitante Regio nuncio, cujus præsentiam velut degeneres fortius sequi timeant, inter eos diu silentium fuit. Tandem cum expectaretur huius promissor muneris, nullo quid offerendum sit nunciante, nobilem & honestum Civem Guillelmum de Pusterla inter ceteros minus ambitione suspectum spectant, atque quid super hoc dignum sit dictum excitant. Cumque inde se excusaret, huius rei onus, & civium invidiam fugiens, cuncti uno ore clamantes dixerunt: Dicat Guillelmus, cujus dictum nemo corrigat, sed quod dixerit ratum sit. Tandem diu rogatus, nihil præfatus, paucis verbis, ut sui moris erat, florenos L. mill. Regi dono dari dixit. Cuncti assentire videbantur, verum Matthæus Vicecomes addens dixit, & Regina donandum esse satis videtur idoneum, qui saltem X. mille floreni dentur. Cujus audito sermone Guido de la Torre calori nimis pronus, cui neque iram occultare

umquam animus aptus fuit, adulationis vitium in tantò cive suspicans, atque inde indignationis causam sumens: hicne, inquit, est mos honesti Civis, est ne decorum vltra communem omnium assensum velle alicui æris largitione nomen libertatis sumere? Deinde Concilio abiens: cur non, inquit, C. millia cunctis dentur? hic numerus completus est. Hunc sermonem immurmurans, ac sæpius iterans velut inde pulsus vadit, paucis suæ factionis, quæ tunc plus popularium quam nobilium multitudine nostra vigeat in Urbe, de cœtu motis, qui secum abeunt non claro murmure laudantes iram suam. Ceteri Guillelmi primum dictum frustra laudant, atque affirmant. Verum stolidi Guidonis promissio, utcumque facta quia major, per nuncios Regis scripta est, deinde sibi tamquam solemniter in scriptis datur. Quæ postmodum nullis querelis, nullis precibus civium apud Regem retractari potuit, aut ullatenus mitigari, imò tota cum maxima difficultate soluta est. Cujus rei causâ nobilium, atque popularium, sed fortius mediæ plebis murmur in Regem surgit, ejus pauperies in conferendo non modicum gravata est. Nam ubi ipsius tanti muneris recuperatio postmodum tractabatur in Generali concilio ejusmodi vilis & imprudentis civis Napaleoli more dicto, statutum fuit, ut vltra XXV. & infra X. florenos auri nemini civium imponi posset.

## C A P. XXII.

**T**unc primum Rex forte mussantis populi murmur timens centum obsides ex primoribus civitatis poposcit nobilis comitivæ gratia secum usque Romam deducere. Quod ubi publicatum est, ipsique obsides nominati primum popularibus, qui civilis belli tædio fessi erant, admodum gratum fuit. Nam tanta plerisque, qui nominati erant, urgebat ambitio, ut nimium grave foret eis in Urbe sua æquo jure vivere. Neque, cum ceteris divitijs, & honoribus præstent, contenti sunt ut nec inferant, nec patiantur injuriam, verum eos injuriis, atque damnis impune semper premunt, qui sibi usui sunt. Itaque per cunctos Urbis angulos exultat vulgus, atque omnis popularium cœtus lætari cœpit, inquiens: Abeant à nobis longe qui delirant, ac semper in Urbe dissident nostro damno, cumque in dies magis magisque hæc obsidium electio, quam

quam nobilem comitivam appellari voluit Rex, procedere videretur, ipso instante Rege, eo magis ceteri congratulantur Civēs, eorum libertatem, ac concordiam hoc ipso restitutam fore dicentes: Verum cum plerique ex nominatis ne tam longi itineris comites Regis fierent, de coetu, ac conspectu hominum subtrahēti, quorum absentia in dies magis notabatur in foro, nuntiati forent Regi, citatque plurimi minime comparerent, cum non immerito sollicitum, atque anxium reddunt. Duorum tamen juvenum ex eo numero obsidum sibi nunciata consilia ægrius tulit Rex, scilicet Galeaz Vicecomitis, & Franciscchini de la Turre, quorum alter Matthæi, alter Guidonis, qui in Urbe regnaverant, filius erat; Hi nescio patrum consensu, vel dissensu extra Portam Ticinensem in pratis non longe à ponte Credario una contra Regem colloquia habuisse dicuntur. Verum quia remotis à se arbitris quid dixerint, quidve tractaverint, referentibus parum fidei adhibitum est. Id tamen neque suspicione caruit, nam cum ab hoc discederent colloquio, in signum fidei dexteris accepisse, ac dedisse feruntur, quodque videri, ac satis manifeste perpendi potuit. Quid enim tam adversæ factionis primorum juvenum solitarium colloquium? quid tam rebellibus, & hostibus junctis dextris data fides circumstantium famulorum interpretantibus animis aliud significare poterat, quam contra nimis odiosam Germanici Principis sibi vim parantis potentiam nova consilia sumi? Verum cui certa fides adhiberi possit tam vulgatæ rei nullus auctor fuit. Sed fortuna, cujus ordo est cuncta confundere, si suæ dentur curæ etiam cum prope disposita videantur, hæc quoque forent consilia juvenum detecta, manu volvens ab insidiis subito Regem salvum fecit; nam Franciscchinus de colloquio rediens, priusquam genitori, quæ gesserat cum novo comite, nunciaret, adeo læto vultu ambigua, & quæ notabantur verba jaciens aperuisse, ut non modo comitem, verum etiam famulorum inferior turba domus concordiam Principum utriusque factionis non solum in Aula ejus prædicet, sed variis sermonibus cunctos Urbis vicos replet. Galeaz vero cuncta simulare, & dissimulare doctior, quippe moribus, & ætate perfectior nullum inde suis nec linguâ, nec vultu notabile signum dedit. Quod ubi percepit Guido, nato quæ cum Galeaz tractaverat in colloquio sibi referenti sæpius dixisse ferunt: Solertior in colloquio, ac rerum peritior tecum fuit, plus te sciet.

**I**Nterim consensu Principum utriusque partis plerique obsecrum Regem adeunt, seque affirmant, nec non ceteros collectos æquo animo secum iter facere, dum communi ære digna stipendia dentur, idque solum hortari ceperunt, ne suis stipendiis contra jus, & æquum secum militare cogantur. At id quod requirebant nec jure negari, nec facile obtineri posse sciebant, nam nec Rex stipendia sibi conferre volebat, nec populus contributionibus fatigatus, ac pene exhaustus, ea, nisi cogeretur, de communi tribui minime consentiret. Attamen insidias, ut puto, non perpendens Rex: Justa, inquit, petitis; verum per communem vestrum id fieri volumus, atque illico Nicolaum Vicarium suum vocans, negotium illud committit sibi, qui vocato Senatu, quod Consilium generale dicitur, rem prout erat exponens executionem habere postulat. Verum siue Senatorum avaritia, quibus grave stipendium id videbatur, siue suæ factionis principe quisque corruptus foret, id frustra petatum est, quod ægre nimium tulit Rex, sed multo ægrius, quia à mane usque ad octavam inde nullum in Senatu responsum datum est. Nam Nicolaus perditis in Senatu prius multis in orando verbis, ne Domino suo illuderet, dum res Communis agitur abnegando responsum, de Senatu abiens ad Regem adiit, cui: Mutum Senatum, inquit, sedentem in Palatio clautum teneo. Deinde exposita, prout erat, re dixisse ferunt: Jube Domine captivos esse, qui sui Principis comites esse nolent. Jam utriusque factionis Principes, non te auctore, verum inscio, concordēs quid subditus Domino teneatur nesciunt, quinimo in tuæ majestatis potentiam sæviunt. Sensisti Galeaz, & Francischinum ad colloquia convenisse, quorum consilia non scire licet; quæ igitur conspirationis signa, aut argumenta querenda sunt? Quid ingratae Urbis tuo damno pacem quæris? Hi, vides, stolidi cives sunt, numquam integra civitate Principem habere volunt. Eorum libertas, atque vita in tua manu sita est. Retineri, atque illico dum siveris, gladiis dari possunt, qui Principes seditionis sunt. Nonne evidenter patet malignantium pravam opus, qui undique criminandæ Majestatis tuæ occasionem quæruunt? Ad hæc non dogener, sed alto, ac tanto Principe dignum responsum dedit Rex: Non suspicionis arbi-

arbitrio, Nicolae, judicandum est, non omni spiritu credendum est. Non temere, ne poeniteat, quicquam agere Regem decei. Nec dubitamus, bona fide procedis, sed & nos exploratores per Urbis angulos, atque vicos misimus. Referendarios habemus. Pauci infimæ plebis, qui Turrianas domos colunt, de conspiratione loquuntur, ceteri illius rei ignotos sese faciunt. In nobilium parte, quæ Matthæum amicum nostrum sequitur, minime suspicionis signa vidimus. Alia certiora tuis argumenta in tanto negotio quaerenda sunt. Vade, cunctosque licenties. Jejuni sunt. Nemo in Senatu retentus sit. Liberi abeant quisque domum. Utriusque Civis fides brevi nota erit nobis, & separabitur à bono pravus.

## C A P. XXIV.

**H**Ac igitur benignitate Regis nulla ad propositum responsione facta, de palatio stolidæ, & inconsulta discedit turba ipsamet taciturnitate sese vendens. Inde ut sit pluribus ignorantibus casum sub damno crevit temeritas, & audacia; nam paulo post, priusquam ipsius hebdomadæ foret finis, subditæ armandi militis ex industria captâ causâ, magna Teutonum turba in Brolio Mediolani in armis, & equis fuit, simulans, ut fertur, nescio quem, miserum, suisque meritis dignum iudicio ignis duci. Hoc autem non temere, imo consulte actum est, ut hi velut firma acies ceteris Urbem discurrentibus subsidio pro castris forent. Deinde ad arma discurrere ceteros Regis milites subito per hospitia nunciatum est. Verum in ipso primo tumultu destinantur nuncii Regis armati in equis, qui per Urbem Domos Principum, & Magnorum Civium visitent, haud temere explorantes, qui Civium in armis sint, quive publice, quive occulte arma parent. Hi primum Matthæi, deinde Guidonis Domum visitant; Verum priusquam Matthæi Domum propinquassent, hoc sibi nunciato, Ludovicum Vicecomitem cum aliquot juvenibus, qui invito, ac inhibente Matthæo paratis in Curia equis arma sumserant, in secreta ædium cum equis claudit, & ipse cum paucis in vacua sede porticus togatus ejus rei ignotum sese gerens, ubi per patentes porticus in spatiosam Curiam exploratores Regis intrantes vidit, velut interruptis circumstantium sermonibus sedato vultu eos quieta sede surgens recepit, vinum affert ferri clamitans, velut ignarus, quid visitent, quaeritenteve, rogat.

Qui

Qui ubi insidiarum, ac machinamenti nullum signum vident, oculorum potius quam aurium opinioni stantes, Matthæum, & complices ejus infantes vocant, atq; illico citatis equis ad Turrianas Domos ruunt, ubi tumultu, atq; armis omnia plena reperiunt. Attamen nondum frequentes suæ factionis turmæ convenerant; nam hoc ipso falluntur perniciose nimium Turrianæ partis duces, qui non eam diem, sed posteram, ut dicitur, ordinaverant ad tumultum. Verum tamen, ut subita poscebat res, nihil impigre actum est; nam cognito primi tumultus motu per primos cursus Teutonum illi, quos ego in foro promptos lingua videram de primorum juvenum, & Galeaz, & Francischini conspiratione loquentes, discurrere Urbis vicos visi, illico ad arma suscitant vicinos suos, & quos possunt subdolis, & fideis verbis ad Turrianas partes mittunt, dicentes: patine vultis ulterius injurias Teutonum, quos Duces nostri, qui unum facti sunt, amplius pati nollunt? Apparebant etiam Guelphicæ factionis nuncii, ut instructi erant, falso jurantes, se Galeaz Vicecomitem, & Francischinum de la Turre nunc nunc vidisse armatos in Turrianis Vastis, ipsosq; datâ, acceptâq; osculo pacis fide in Teutones una armis ruere. Hæc narrantes dicebant, deinde: quid agitur? non verbis, sed factis opus est. ad arma ad arma, deleantur barbari. concordia civium facta est. Pauci neutrius factionis communem patriæ statum affectantes, decepti secum vadunt, at pleriq; de parte Nobilium hæsitantes, quid novum audiant, mirantur. Concordia Civium admodum grata est nobis, inquiunt; sed hæc nobis nova res est. Deinde ut sit sedato aliquantulum animo secum inquiunt: Nonne hi qui subito pacem nobis nunciant, satellites, ac sequaces Turrianæ Domus sunt? Non sunt primi factionis suæ? & nos sequaces sumus? Cur non & nos hæc novimus? Nemo partis nostræ horum concordiam ducum nunciat. Itaq; de parte nobilium rari sunt, qui tumultum adeant, cum eam rem in Turrianis Vastis armis geri sentiant, sed quisq; viciniam suam armatus tenet. Verum misera vicinia Braydæ Quercii nunc intra fines Portæ novæ sita, seu quia Vastis affinis, seu nimium studiosa Turrianæ partis foret, vicinos suos temere ad tumultum misit. A ceteris etiam ipsius Portæ vicis subito raptis armis ruitur in latis Vastis, quorum pauci sine vulnere redierunt domum.



## CAP. XXV

**E**Rant eo tempore in nobili familia de Petra Sancta non plures, quam duo, qui Turrianæ partis studia sequerentur, Rizardus scilicet, & Philippus fratres. Cetera totius stirpis multitudo partem nobilium secuta fuerat ab antiquo, & nunc eandem in Gibellinum nomen mutatam ceteri sequebantur, etiam Franciscus, & Guido ipsorum Rizardi, & Philippi ex alia matre fratres. Nam Bonacosa plebei divitis quondam Zatri de Suriaqua nata Zarini fratris successione superba, qui captus in conflictu, quo Casso de la Turre cecidit, in carcere morbo sumto sine liberis vita functus hanc germanam suam sui æris divitem fecerat. Horum Rizardi, & Philippi mater erat: Hæc germanam uterinam solum nobiliori domo natam habuerat, utpote de stirpe antiqua de Rhaude, quæ quia utroque parente nobilis, ut sola genitoris hæres, Napoleonis nurus, utpote filio ejus Muschæ uxor accepta est. Inde Castonus nunc Archiepiscopus, & ceteri fratres ejus, quorum mentio facta est, nati sunt. Hi post mortem matris, quæ decessit exul, in patriam reducti nescio quo pacto quave ratione, eos Rizardum, & Philippum non modo ad dilectionem sui, domusque suæ, verum etiam ad ardentia Turrianæ factionis studia mirabiliter attraxere, cunctis agnatis, fratribusque suis veteris nobilium partis consilia sequentibus more patrum. Hos Rizardum, & Philippum novam, postiteramque sibi partem sequi plerique ab imperiosa matre coactos esse ferunt. Quid carius possideri, aut possidendum intolerabilius expectari potest, quam divitis mulieris census, quem ea superfluit nunquam impacifice possidebis? Rizardus præclaræ formæ juvenis, multæ virtutis dote florens, quæ juvenili ætate semper gratior fuit, multum vicinis suis, ac Civibus amabatur. Hic etiam, quorum juvenute mirabilis Rector, ac Potestas fuerat, Florentinis, Senensibus, Lucanis, Pergamenis admodum gratus fuerat, ubique magnifice sese gerens celebre nomen fecerat. Ipsos itaque Rizardum, & Philippum plerique ex agnatis, ac vicinis suis creduli nimium, civili nunciata concordia, armati contra Teutonos usque ad Turrianam Vastam secuti sunt. Verum ubi ibidem nullam biveram, nullaque Gibellina signa vident, Bellinus, & Colombinus de Petra sancta illico se deceptos vocant, ac primi flexis frænis redeunt domum; Idem ceteri Gibellinæ factionis fecerunt.

## C A P. XXVI.

**C**Um igitur de cunctis partibus Portæ novæ illuc tumultuose curritur. Zonfredus de la Turre, cui cujusvis quærentis in Urbe dominatum semper displicuit ambitio, clamore audito excussus, quo dormiebat, aut aliquantulum alteratus quiescebat lecto, ad speculam sese trahit, quanta voce potuit clamitans: Heu quid vos hic coisitis infani? Hinc abite, nec tardetis, abite. Quæ temere sumistis arma deponite, quibus vestra urgente infania, heu, non modo vestram, quinimo meam, cunctorumque una Civium necem quæritis. Hæc ita frustra vociferante Zonfredo, dumque instantis pavore mali, injustique doloris angustia stimulante, totum se dilacerat, & e specula prospicit Teutonos rapido venientes ausu.

## C A P. XXVII.

**I**oannes de la Calcea, quem supra memoravi, deinde Henricus de Flandria Marefcalcus Regis, primi ad tumultum magna Equitum manu veniunt, & porticum, nec non plateam S. Fidelis celeri cursu transeunt; Verum in ipso Vastorum aditu capientes campum, sistunt gradum, ibique in adversa Vastorum parte frequentibus conspectis hostibus in agmine sese cogunt, dum utrinque subita venientium expectant subsidia. Ex Teutonorum pauci cum ballistis tensis, sive suamet, sive suorum licentia Ducum in medium prodeunt adversus hostium sagittantes globum. Ut sit in frequenti agmine sæpe paucis sagittantibus subitus pavor una omnes turbat. Itaque Turriani modicum volatilis ferri periculum vitare volentes in extremam bellicæ cladis sortem ruunt. Nam dum ex aperto, ac nimium patenti sagittis loco post templum S. Benedicti sinistro lateri proximum reducere sese volunt, ubi undique succurrentes expectare tutius visum est, Teutoni fugere eos rati, citatis equis, ac mulatis ensibus nudatum clypeis incurfant dextrum latus hostium, eosque turbant, & subito in veram fugam vertunt. Ibi magna perditum strages fuit. Franciscinus, & Simoninus Guidonis filii suæ salutis magis, quam languentis in lecto patris memores, de tumultu, cujus auctores fuerant, citatis equis cum paucis sese subtrahunt, &

& per Braydam Guerzii, ubi phalerati vectoris sui pendencia resecat, atq; facit sua quisq; picta terga bovis inutile onus fugæ, per Pusterlam S. Marci Urbe exeunt, & montis Orphani fessis equis tutam arcem petunt, ac ceteri equites qua quisq; venerat, aut qua liberior, paratiorq; fuga visa est, citatis equis tendunt. Plures tamen equitum, in quorum numero fuit..... de Bernadigio Ottonis filius nuper ex adversa factione Tustianus factus, in conflictu cæsi sunt. Rizardus etiam, & Philippus fratres de Petrasanta dum ingruentium impetum frustra sustinere conantur, tandem memores fugæ fuisse videntur; nam Philippus equo stratus semivivus diu inter cadavera plebis spoliatus armis, atq; nudus jacuit duro solo. Rizardus inde sardior ab instantium furioso impetu utcumq; subtrahens, relicto equo hostibus, pedes in Guidonis Domum evasit, tunc faciens clausa porta, deinde invalidi Guidonis lectum petit, cui haud modicum opportunitas venit, muniens sibi miserrimum casum suum. Hinc proorsus, inquit, abeundum est, Hosticus furor post monum terga gladio ruit. Non plura inquit invalidum è lecto tollit, quem transacto vicino muro per hortalia Monasterii Horoni in Monialium interiora Domus secum defert; ubi Guido nec seminia vicinitate tutum putat, imo inde per multorum posteriora sediminum in Domum Fratris Iacobi de Bechaloe Religiosi militis B. Virginis gloriose translatus est, quæ Domus distantia loci quærentibus ipsum minus suspecta erat. Tardæ pedum turba latius ceditur, & commune Urbis crimen luit,

## C A P. XXVIII.

**A**T Matthæum celeri, atq; utili consilio usum in tanto rerum turbine multo spe felicior fortuna secuta est. Nam primo armorum strepitum, primisq; horribonis civium vocibus ad arma, clamantiam auditis, non solus calliditatis oblitus, Galeæ primo genito suo, ne arma capiat mandans, per posteriora Domus inpropinquum Episcopi Tridentini hospitium, qui tunc erat Regis Cancellarius, prope paucis comitantibus incermis tendit, cui: Ad Regem quæso, inquit, mecum venies, ad cujus nutum vivere, atq; mori paratus sum; nam sancte saribundos insultus eorum, qui vota mea nesciunt, timens nunc meum Dominum non accedo. Itaq; comite Cancellario Matthæus per frequentem turbam

Teutonum, trepidam tunc custodiam Regis ad ipsum Regem rogatus venit, quo habita reddita spe, cuncti undiq; gratulantes Matthæum fidelem amicum vocant.

## C A P. XXIX.

**A**T. ubi Rex Matthæum vidit, quem in se conspirasse acceperat assertionem multorum, ejus præsentia lætatus, cujus horrebat absentiam, Matthææ, inquit, ubinam Galeaz filius tuus, quem quidem infestum nobis dicunt? Et tu hæsiſti in fide titubans, sed fortius obloquitur contra te vulgus, nam conspirasse diceris in Dominum, & reconciliatorem tuum communicando. consilia cum his, quos nobis infestos fecimus causa tui. Cur tam tardus huc venisti? Nonne dudum armorum fremitus totam Urbem movit? At ille: Summe Regum, inquit, tua clementia sum quod sum, & qui me sequetur, semper erit tecum, quibus quodcumq; jufferis non exequi nefas est. Quod potui, audito tumultu, ut oculus huc accederem tutus fui; sed ne tuis gentibus nescientibus vota Civium ad te veniens insultarer, vicinum hospitium Cancellarii prius per posteriora Domus accessi, obsecrans, atq; instans sibi, ut se comitem ad vos mihi tutum iter faceret, quippe præsens audit, & innocuæ veram causam moræ novit. At Cancellarius benigne susceptione amici causam, cum ab initio novitatis ad se fuisse afferit, & opportunitatem, atq; creditam dilationis causam dicit, utpote Principis moram. Interim Galeaz contra mandatum patris arma capiens, ac proximos sequaces suos ad arma provocans cum magna turba ad nobilem Plateam de la Pescina sese tulit, ea namq; ceteris partibus Urbis plenior Gibellinis, ac etiam armis & equis opulentior semper fuit, ibiq; frequentibus turmis sequaces partis nobilium, pons Tjcinensis propere glomerantur in unum, quid primum agant ignari; nam stolidus furor Teutonum paucis placet, quibus velut a natura evenit amicitias suis pravis moribus.

*Defunt aliquot folia*

..... osarum Domorum spatia plaustis illico plena sunt. Quippe ad hoc conferunt Burgorum, atq; Oppidorum Communia, quibus obsequio Regis, quod insolita, atq; nova res est, immunitas, & antiqua privilegia nihil prosunt, quin vehicularia obsequia, grave semper onus rusticis villarum, præstare cogantur.

Vc.

Verum hoc tempore solito durius, ac maximo cunctorum Bur-  
gientium, Oppidanorum, ac rusticorum damno illud onus fuit;  
nam Teutoni postquam Urbem undiq; vehiculis plenam vident,  
non modo militibus ferendi victualis causa, verum ipsa plaustra  
pro usu, & obsequio militantium in castris Civium certo ordine  
distribui more nostro, nec non Ducibus, & praelectis Germanicæ  
gentis dari singuli viam quæstus nacti, undiq; per Civitatem  
prædabundi cum bobus plaustra capiunt, neq; more solito ullus  
ordo dari potuit plaustris, quin rusticorum magna pars priusquam  
rediret exercitus, Teutonum violentia perderet boves suos.  
Quippe nullus timor, aut reverentia eos tenuit, quin verberatis bu-  
bulcis, ac maxime eis imposito pavore magnis minis a se retentos  
boves venderent, aut edendos mactarent.

## C A P. X X X.

**I**Taq; celebrato Paschate Mediolani, præmisso equitatu magno,  
ac mercenarijs peditibus Rex processit Laudem, ubi contra  
Cives publicos defectionis crimine reos, quin ipsius criminis aucto-  
res nihil sævitum est asperere. Utinam in vos, miserrimi Cremon-  
enses eodem crimine noxii, tam clementer Dominus noster agat,  
ut ceteris timentibus adventum ejus sperandi detur occasio. Ve-  
rum Valeranus frater Regis in ipsa Urbe Laude, ignobili, ac vili  
facto, nec se digno, nimium Regio detraxit honori. Hic vbi hos-  
pitium intravit Iacobi Dardanoni pacifici hominis, & honesti, non  
ut hospitem, verum ipsum tractavit ut hostem. Nam illico reper-  
ta est Aquila olim Imperiali, ut puto, reverentia in secretis ædium  
muro picta, laqueo carbone picto turpiter pendens latronis more,  
vanum ac stolidum opus, ut fertur, famuli Cremonensium legato-  
rum Guelficæ partis, qui paulo ante ibidem hospitio fuerant.  
Hoc garrulus adulator suo nuncians Domino, ac velut sævum,  
ac periculosum ostendens facinus ille servus nequam: vide, inquit,  
Domine mi Guelphici hospitis nostri perfidiæ magnum signum.  
Hoc igitur ridiculo crimine apud quemlibet magnanimum igna-  
rus hospes, indigne ac sæve pertrahitur in obscurum, ac turpem  
carceris locum, ubi hoc crimine innocens Civis asseritur vitæ reus,  
demum testantibus vicinis suis ipsum honestum virum, nec more  
agnatorum suorum umquam partium studiis deditum, medianti-  
bus quingentis florensis, bonæ famæ viri donatur vita.

## C A P. XXXI.

**I**Nterea cum undiq; deditæ Urbes, atq; Oppida festinatum. exercitum Mediolanensem magnis apparatibus sequerentur. versus Cremonensem agrum non uno itinere properantes, Rex illico Cremonam tendit dimisso Laude idoneo subsidio Gentis, ut in Urbe reconciliatos exules, qui longo exilio velut advenæ facti cuncta pavebant, mente confirmet. Verum ut tutiores sint, Antonium de Fixiraga, & plerosq; suæ factionis Principes velut sibi caros, ac consilio suo uti volens, ubilibet secum esse jubet. Quid itaq; Cremonæ actum sit differam.

## C A P. XXXII.

**I**N Cremona cunctis Gibellinis olim pulsis, Guelfica potentia adeo senuerat, ut novæ partes, invidia prosperis, ac lætis rebus orta, jam maximis odiis pullularent. Nam cum multæ nationum stirpes in ipsa Guelfica parte, nimia exulum patientia securam pacem dante, opibus, atq; gloria inter Ligures clavisent, dux ceteris familiæ potentia, & nobilitate præbant, Cavalcaboves scilicet, & Amati. Quarum principes familiarum diversis moribus viventes in Urbe, odiis ac seditionibus prope laborabant, utpote Guillelmus Cavalcabos, & Supramons de Amatis. Uterq; inter nobiles clarus, amabilis, & gloriosus erat. Verum multitudini, & plerisque ex Magnatibus, qui commune bonum summo studio curabant Supramons carior fuit, quippe a juventute publicola bonis moribus, ac Reipub. utilis habebatur. Contra Guillelmus, quem divitiarum copia superbum, ac magni fastus, reddit, turbatæ justitiæ judicia plerumq; confundens, hæc sibi licere, ac se unum in Urbe plus ceteris posse, dum sæva impune suadet, gloriosum, ac decorum stolidè reputabat. Cujus rei causa iavus erat popularibus. Verumtamen una cum plerisque sequacibus suis cuncta impetue sæva gerentibus, sine titulo, maximo Reipub. damno regnabat in Urbe. Sic enim, aut parum dissimilius ejus progenitores velut suo more viventes olim, periculum quandoq; turbatæ Reipub. ac seditionis causam dederant. Hujus mali humilis multitudo, ac pleriq; honesti ordinis populares Supramontis adolescentuli olim  
favore

favore freti, haud temere aliquando aliquod habuere remedium, legem ferentes, qua maxima moderatione non Urbs velut exulibus, & proscriptis, sed nimia Urbis frequentatio, atque mora Primoribus, imo credo singulis familiæ Cavalcabovum interdicta erat. Cujus legis obsequio dum Cavalcaboves oppidis, ac dulcibus agris suis, quorum magna eis copia erat, magnifice vitam agunt, diu tranquilla pace velut integra floruit Cremona. Jam Gibellinis extorribus omni in Urbem suam reditus spe posita, oblitaq; dulcedine patriæ, quiescentibus alienis terris, donec mutata partium conditione Mediolani, & plerarumq; vicinarum Urbium, status, ac vivendi mores, turbatis studio partium rebus, mutati sunt, & Cremonæ multitudo timere cœpit potentiam hominum, plus quam legum. Nam ubi Matthæus Vicecomes, qui usq; ad eum diem ceteris propior Regi rexerat, cunctis fere Liguribus, quorum plerosq; maximis beneficiis placasse debuerat, etiam domesticis, & proximis suis, quos maximis explerat divitiis, temere, sed non impune id procurantibus, Melzico campo confusus, nullo commisso Marte, sua nescio virtute, vel ignavia, sine vlllo suorum vulnere integer reprocessit. Et Turriana Domus illico fortuna, volente de exule facta Civis Ambrosianæ Urbis dominium cepit, prius quam opinabatur ipsius novitatis stolidus auctor Petrus Vicecomes, & cum eo magna pars Nobilium æmula, ac sui impatiens boni, rerum iusto, ac Divino iudicio accidisse reor, quod stolidi pars Nobilium Mediolani hunc temerarium secuta ducem, illico quod gesserat recognovit suo damno, quorum quisq; post tantum Principis depositionem regere, aut cum maxima licentia regnantibus adherere credebant. Hi postquam delusos, ac sua spe frustratos se vident, contra Turrianam domum, ut fit, ad se redeuntes secundo conspirare cœperunt. Contra vero ut perpenderunt Turriani suæ factionis vires, ut sui moris antiqui erat, in unum contrahere, ac fortificare cœperunt. Tunc itaq; roborandæ Guelphicæ partis causa præfato Guillelmo Cavalcabovi, & ceteris ipsius altæ stirpis, ut puto, Guidonis de la Turre operâ, & conditio legis, de qua supradiximus, Cremonæ sublata est, quod ipsius Urbis Civium maximæ cladis initium fuit. Hic Guillelmus Cavalcabos, ubi adventum Regis percipit, eorum, quæ cum Guidone de la Turre eum tractasse creditur, intrinsecus conscientia, sæva tactus, ac in se odium Regis metiens, ipsum expectare non audens,

audens, ex Urbe profugit, cujus fugam frequens turba sequitur suæ sectæ stolidæ rebellionis, ac patriæ suæ totius causa mali.

## C A P. XXXIII.

**A**T Supramons cum plerisq; magnatibus, & magnis popularibus, quorum mentibus, licet Guelficæ factionis forent, iniquitas, ac dolus satis minor inerat, tanti Principis clementiam, suis existimans prævalere delictis per lutum miserando habitu, quippe laqueis ad collum positis, cuncti uno agmine pergentes querant præsentiam Regis, ad quem iuxta Padernum, qui locus decem millibus passuum Cremona distabat, procul in agris visum, tendunt, & ante pedes sui Rectoris profusi lacrymis vitam petunt, etiam vicinis hostibus miserandi. O fida Regni comes clementia, quam cito Regem nostrum deseris! Heu jam sine te non modico damno tardum faciet iter Romam. Hi primum miserrimi Cremonenses te pulsa Regis mentem sentiunt, nam sese deditum humiles, ac despectos vultus, & habitum, flexo in lævum vertice videre respuens, precatus humiles, nec non duros motura lapides Supramontis verba non audit. Qui illico sævæ Teutonum custodiæ dantur, donec per municipia sævis carceribus destinentur; in quibus nobilis, atq; innocens Supramons cum plerisq; hujus miseriæ fociis indignum suis moribus finem fecit.

## C A P. XXXIV.

**I**Taq; ad Urbem turbidus procedit Rex, atq; obvium pallium, quod honoris causa supra verticem eius Cræves cum maxima reverentiâ ferre voluerunt, respuit, ceteris honoribus per Cremonenses reverentiæ causa oblati omnino spretis, iratus etiam mœnibus Urbis cum magno exercitu Mediolanensium, paucis tamen Cremonæ exulibus, imo verius exilio natis, comitatus Cremonam intrat, quorum Iacobus de . . . . . in exilio negotiando factus dives Princeps efficitur, & Gibellinæ partis caput, non nobilitate tamen generis, sed defectu hominum factionis suæ, quæ antiqui exilii vetustate consumpta erat. Hic in exilio quam in patria Urbe reductus beator, ac tutior fuit. Tunc pro solis mereimoniis itinerum sola pericula metuebat, nunc Urbe seditionis plena dum frustra renovare nititur oblitum veteris factionis nomen, in dies crescit



scit diffidens sollicitudo vitæ . Nondum adventaverant ceteri Ligures, & Lombardi moti, quos ibi expectare voluit priusquam Brixiam versus tendat . Primum itaq; mutilatis etiam innocentium Civium turribus, & mœnibus Urbis dirutis communis rebellionis pœna solvitur . Jam omisis veteribus nova fugitivis Cremonensibus allegantur crimina, quæ imperio Regis spreto contra se reconciliatos exules commissa sunt, quo fit ut facilius impetretur injuriarum licentia, præcipue contra eos, qui apparere non audent; nam Jacobus de . . . . . & cum eo pauci, qui patribus, atq; avis antiqua seditione Cremona olim pulsæ in exilio, ut dictum est, nati erant, beneficio Regis nuper recepti deinde pulso Guidone de la Turre in Lombardia Guelficæ factionis Principe, iratis inde Cremonensibus Guelfis sui Guidonis injuriam, ulciscantibus, non sine injuria Regis pulsæ Regem ipsum ferocius exhortantur in quoslibet, sicut volunt, fiuntq; ut sæpe fit, absentia non dolosa plerique innocentes novæ seditionis auctores . Laxatur itaq; nimium odiis manus, ac vindictæ nimia libertas datur . Innocentium etiam spoliantur domus, quippe falsas ( nec deest occasio ) fingit iras prædo . Tandem atq; illico quilibet sequens castra miles, natura prædo avidus indifferenter discurrens Urbis domos, cuncta undique replet tumultibus, & lamentis . Vix tardo Regis edicto, ac plurimorum pœna extinguitur ille pessimus ardor prædæ . Male considerasti Rex quod omnis terrarum populus nunc examinat acta tua; in conspectu es omnium . Serpere debuerat in mentem tuam primi Cæsaris indefecta clementia, in quem, tantum numquam committi potuit, quin ad veniam paratior semper foret . Saltem non immemor esse debueras doctrinæ Salvatoris nostri docentis Petrum, qui promissis sibi Regni Cælorum clavibus in superbiam elatus, septies peccanti velle præcludere videbatur Regnum Cæli . Cui inquit Dominus: imo si septuagies septies peccaverit ( quasi hunc numerum pro infinito ponens ) recipias ipsum . Verum quia non doceris Henrice predecessorum monitis, nec exemplis, documentum eris posteris, & exemplum, quos instrues tuo damno . Nam brevi perpendes quid confidenter regnantis clementiæ oblivio nocuit tibi, quæve inde tibi, tuisq; fidelibus pestis ventura sit agnosces . Discite Principes terræ in subditos, & quoslibet delinquentes aliquando non quod monuerint, sed quod vobis dignum sit statuere .

## C A P. XXXV.

**R**Ex subito exercitu congregato paucis diebus Cremonæ moram traxit, deinde versus Brixiam tendit, sed in itinere non quos repudiet obvios Brixienfium honores, aut vlla reverentiæ signa usquam videt. Verum procedens claufas Urbis portas reperit, & Guelficis signis, armisq; rebellibus plenos muros. Agnosce Henrice quid egeris, ad te conversum Supramontem, & criminis poenitentem carceris poena damnans? Tunc contra te claufisti portas, & armasti Cives Brixie, peremisti militiam tuam. Profecto priusquam potiaris urbe, gentes, quæ tibi serviunt ante muros Brixie, more diu stantis aquæ longa in statione languebunt morbo. Hoc tibi soli imputes. Certe Civitas ista altis turribus, murisq; ac fossis vallata inexpugnabilis est, frustra etiam expectare possumus, quod Tebalduſ Brusadus patefactis portis Domino suo veniat humilis in occursum, qui non modo Cremonenses, verum etiam cunctos Italicos sceleris, ac perfidiæ studio vicit, & nuper ex devio exule, nec reditum in patriam sperans te jubente factus Civis, pulsus qui tibi Urbem dederant, vicinis suis, qui eum receperant tuo iussu, rebellem, ac læsæ Maiestatis reum se fecit. Peccavit in te Dominum suum Cremonensis Guelfus, nec non Brixienſis Tebalduſ utriusque criminis reus est. Verum Cremonensis spreto imperio, quem receperat alterum a quo beneficio tuo receptus fuerat vicinum suum expulit; sperabitne veniam Tebalduſ post tantum scelus, audita Supramonti data carceris poena?

## C A P. XXXVI.

**R**Ex iuxta Brixiam in statione sex mensibus fuit. Parum ibi memorabilis pugnae commissum est, verum repentinis incursionibus aliquando etiam a primoribus temere pugnatum est. De mense Maio, quo mortallum horrea plerumq; vacuantur, ante muros castra sita sunt, & in Urbe omne per planum iter illico claufum est. Verum quæ radicibus Montium facies Urbis sedet, libera obsidione fuit. Inde per occultos tramites famelicæ semper Vallis Camonica jejunos pastor pecudum relicto grege, victualibus,

his, quibus poterat, classē Urbem visitans oblectis sperandi causam dedit; ut hostes stationis sordio vincant. Dum itaq; Tebaldu, cui hujus Vallis iter curae minimum fuit, vicinum Urbis montem visitat praesidio municiendum, ne inde insultus frequentantibus iter vallis fiat a Teutonīs, ultra quam credibile fuerat serpentibus equis suis undiq; per devia montem, subito una cum his, qui secum erant, circumventus modica in defensione accessus peracta pugna pluribus receptis vulneribus, equo prostratus est. Plerique communi cunctis cæsi, pauci ut fortuna finit per devia montis utrumq; fugiunt. Jam incognito Tebaldo victor Teutonius recedebat, cum qui ipoliandi causa remanserant, inter cadavera adhauc viam cognovere Tebaldu frustra sperantem se moribundum fingere, qui illico ad Regem pertractus antiqua crimina, quæ non minus novis publica sibi allegabantur in causā, prodere iussus nobiles Fredericos Vallis Camonicæ olim ex antiquis hostibus conubis secumartos convivas in domo ejus post ferocula pro fratribus oblati gladiis peremptos narrat, inter quos novum generum novæ compositionis pignus consilio fidæ conjugis sperto cæcum nominat; etenim more vulgaris famæ narrabat vulgus Tebaldu filiam nobili juveni de Fredericis nuptam lacrymantem dixisse cum viro, cum ab ea discederet ad lethifera pergens convivia: ne accedas; insidias timeo; patris convivia, inquit, mihi nimium suspecta sunt.

## CAP. XXXVII.

**I**Taq; cognitæ etiam a se novis, antiquisq; sceleribus, quæ tam ore vulgi nota iam erant: Satis est, inquit Rex; Jam eum senescas Tebalde indocilem te existimo fidem, fœdera; servare. Hujus antiqui, atq; inveterati perfidiæ morbi plenus absq; dubio insanabilis es. Nonne sine ulla difficultate, nulla armorum vi, aut comminatione, solo jussu nostro a vicinis turis non immerito, imo iustissime renitentibus te causā tui, in patriam Urbem receptus es iam sine exilio factus senex. Quid tibi profuerat Guidonis de la Turre, ac ceterorum tuæ factionis Ligurum toties experta, & fatigata potentia, quorum frequenti praesidio frustra usus numquam tuā nequitia perditum statum tuum recuperare potuisti, etiam cum Brixia nondum valla-

ta foret muro . Nonne Majones ( sic vocantur adversarii tui ) in quorum familia te exule regnabat Clericus , & Laicus utrumque gladium valida manu tenens , nobis suadentibus , atque jubentibus ultro te tuosque sequaces receperunt in socios , atque cives , seque humiliantes æquo jure tecum vivere passi sunt ? Nunc itaque pro tam recenti gratia atque beneficio nobis , atque vicinis tuis diabolico more usus retribuere ausus es pro bono malum , & spretis Deo , & Sanctis suis , quos juvasti , Sacramenti literâ nondum siccâ , qui te pio pacis osculo amplexum præ oculis nostris intra se , receperunt nefande Judas proditor expulisti . Humano tamen generi documento eris , ut promissam fidem teneant ; pœna debita insigne posteris exemplum dabis . Deinde jubente Rege , atque inde sententia in scriptis prius lata , turpiter post equi caudam tractus primum castra circuit , dein ut animum inconstantem , inertemque habuerat , atque nusquam integrum , sic foedo pulvere versatum corpus ejus in frustra divisum est , data cuilibet manuum , atque pedum corporis sua parte . Caput quoque abscissum , & cetera membra viri spectaculo ante muros Brixiae sita sunt . Nec propterea amisso Duce Brixienſes de deditiōe eloqui , neque audire volunt . Quippe ad defensionem Urbis nullius operis , aut disciplinæ militaris defuit ordo . Nam magnæ auctoritatis , atque ejusdem velle civium , atque exulum illa Civitas plena erat , qui majore suo , quam Regis damno sese intra muros diutius tenuere , crebris , ac subitis eruptionibus , atque insultibus turbantes sæpe Regis exercitum , contenti cuncta extrema , atque dura pati , dum victoriam hostibus caram vendant , quorum intentum fortuna ad nutum , juvit ; nam exeuntibus sæpe Brixienſibus , & sæpius qui præsidio Urbis erant exulibus , & proscriptis Mediolani ad irritamenta certaminum , quæ licet ea gerentibus periculosa , ac sæpe pernicioſa sint , parum victoriæ , aut momenti bellicis rebus afferre solent , Valeranus frater Regis robustissimus juvenis ; & in armis strenuus , ubi ingravescente pugna subito densis hostibus suos nimium premi videt , ut erat non armatus , ut tunc pugnae ignarus erat , sed forte superveniens a multis Teutonicæ juventutis comitatus solatii gratia more suo visitans castra , arrepto repente , qui lateri insidebat , gladio , sociis subsequētibz in frequentem pugnantium hostium turbam ruit , & dum hostes in fugam verſos temere insequitur , nimium prope muros , sagitta de summis moenibus Urbis missa ipsum

ipsum periculoso patentis gulæ loco ferit, quo vulnere post paucos dies moritur.

## C A P. XXXVIII.

**I**Taque Rex nimiae tædio more quos reconciliarat hostiliter retinentibus iter suum in castris semper odiosus extiterat, nunc aucta injuria nece fratris incitatus infensior factus pugnam mœnibus Urbis inferre parat, atque dispositis pugnacibus turmis, ut quæque suis locis Urbem aggredi paratæ erant, cunctos in iram exhortans, memoratis offensionibus, & injuriis Imperii, atque suis rogat ut taliter in hostes pugnare velint, quod de proditoribus sua virtute subactis ultio digna fiat: Si digna, inquit finiens, aut debita suis meritis sumi potest, qui nullam etiam suis commodis sponte promissam fidem servare sciunt. Hæc paratas armis circuens turmas, & plerisque procerum suæ gentis necem fratris memorans, qui, quas ipse tenet, lacrymas immenso rore fundunt.

## C A P. XXXIX.

**M**ons erat arduus, & rotundus sua altitudine sejectus à reliqua mole montium, qui longo tractu, atque ambitu Camonicam vallem circumpunt. Hic tumultus in summo spatiosus, vicinus, atque alto vertice supereminens Urbi ab Oriente ipsius defendebat introitum, etiam & accessum, quem si Rex, ut potuerat, occupasset prius quam ipsum armassent hostes vallo atque fossa, ac continuo tractu ipsius vallatæ fossæ ipsum junxissent Urbi montem, proculdubio non diu in rebellionē stetissent. Itaque dato pugnandi ordine, paratis ad pugnam turmis, Mediolanenses cum plerisque sagittariis Januensibus, aliquot equitibus gentis Teutonicæ dimissis procul in campo equis secum tendentibus ad radices dicti montis tendunt, atque inter Urbem, & ipsius summitatem montis medium aggrediuntur vallum, ibique acriter instantes pugna ambiguum rem hostium fecere, qui nullo obice muri, sed solo ligneo vallo, & sicca fossa tuti in extremo necessitatis casu locum ipsum suæ virtuti commissum defendere, aut ibi vitam dare voluerunt. Quippe ibi tamquam loco suspecto juventus delecta ad repellendam vim hostium locata erat. Dum itaque ibi lethali-  
sagittis

agittis Januensium undique volantibus more grandinis jam paverat ad vallum turba defensoribus assiduâ pugna fessis, ac prope deficientibus, multis etiam eorum vulneribus jam affectis ab alta turre, ubi media urbe notius speculator pugnae haud temere deputatus erat, prout res posceret, daturus signa, inclinaturus ad Orientem versus, si titubaret vallum, vela, ut illico non modo auxiliares armati in medio Urbis stantes, ubi daretur signum, praesidio currerent, verum ab omni parte Urbis festino gressu ad vallum tendens cujusque generis turba ad ipsius loci defensionem contra hostes jam vallum lacerare conantes glomeratur in unum. Ibi nostris jam diu victoria mente concepta prope hostile vallum, in quo loco pugnantibus dira, atque lethalis committitur pugna maximo utriusque partis damno.

## C A P. XL.

¶ Amque Alboinus de la Scala, & Cangrandis frater ejus cum suis Veronensibus, & mercenariis militibus ab altero montis latere pugnantes, dum locus ille inexpugnabilis sibi fore videtur, signo receptui dato ad sua castra redibant. Et dum qui locum defenderant cedentibus hostibus illudentes laetis clamoribus coelum pulsant, geminatique per Echo vocibus vicini Vallibus resutant montes, frequentes nuncii ad eos veniunt, qui interruptis pavore vocibus in tam vano latantium tumultu signis, ut sileant, manu datis, vix auditi nunciant, hostes ab altera parte montis superatis jam fossis, ac prope lacerato vallo contra jam fessos cives ruere, ibique maximo Urbis periculo laborari. Haec plurimi nunciantes: parum, inquiunt, vestra proderit hic facta defensio, ni festino gressu properetis ad vallum, quod modo defensoribus nimium fessis titubans vidimus. Properetis itaque, inquiunt, dum noster est iste dies, & ut modo quos cedentes cernimus, atque hinc pulsos hostes, sic ipsa virtute alios repellatis. Neu patriæ parentum, conjugum, ac liberorum vestrorum hodie sitis immemores. Curatis itaque tanto discrimine trepidantibus dimisso ibi idoneo gentis praesidio, ne, si hostes redintegrare pugnam audent, periculum inferre possint. Illico ut signat ab alta turre custos, contra Mediolanenses, & reliquos pulsantes vallum rapido cursu tendunt, ubi hostes, quos praefato clamore, quem suorum prospero successu factum

æum fuisse crediderant, lætatos instare cœperunt, maximo cum labore reiiciunt, multoque cruoris sparso plurimos vallo pellunt, pluresque ad ima fossæ ruentes sepeliunt saxis. Tunc egregius, atque fidelis Rebella de Grimaldis licet domi suæ Guelfus cum suis iuuenibus sagittariis, quorum Dux, atque Rector erat, cunctos abeuntes alta voce redarguens, increpansque; dum paucis frustra pugnantibus hostile vallum prodesse potuit, stetit, tandem invictus, dolens, ac præ nimio dolore totum se dilacerans, cunctorum ultimus à pugna recessit, cuius mora atque sagittantium suorum ope nostrorum plurimi evadunt fossis.

## C A P XLI.

**A**T non impune licet frustra pugnaverunt Mediolanenses eodie; Nam post paucos dies dum Nellus de Massa vetus familiaris, & amicus Matthæi Vicecomitis, & propterea tunc inter Conestabiles mercenariorum equitum Mediolani præelectus, & in bellicis rebus gerendis semper primus, commissæ sibi quadam nocte custodia ante portam..... ne inde ab hostibus irruptio fieret, lecto se dedisset securo somno dormiens, Brixienfes uno agmine, facto armati subito per ipsam portam ruunt, & proxima Mediolanensium castra ingredientiæ, quocumque pergunt, recentis offensæ memores, ferro, & igne occupant, multoque somno graves cadunt, atque omnia tumultu terrent. Verum plus pavoris, quam periculi faciunt. Namque dum fluentem rivulum per media Mediolanensium castra transire pauci audent; cum circa tentoria Matthæi Vicecomitis pro se frequentes armatos currentes utcumque raptis armis sentiant, pavent, ne si adversæ fortunæ casus eos retro ferre gressus cogat, ipsius rivuli lethaliter occupentur in passu. Itaque multis partibus incendio posito citra rivum; his quibus negotium commissum erat propere discurrentibus sine ullo suorum periculo in Urbem sese recipiunt vociferantes: Accipite Mediolanenses digna præmia pugnae vestrae. Nusquam sine vobis minime timebamus, pugnando periculum nobis factum est.



## CAP. XLII.

**A**T postquam Rex videt nihil pugna profici, tunc vindictæ sola fame fidens intra mœnia amplioribus fossis, ac longo ante castra vallo ductis esurientes hostes claudens diuturnæ stationis signum dedit. Obsessos etiam velut hostes judicatos, etiam si extra mœnia fame pulsi comprehendantur, necari iussit, ne fuga pauperum reliquorum minuatur inopia. Cumq; intrinseci Brixienses quoscumq; exeuntes illico ab hostibus retineri, atque laqueo suspensos in conspectu ante portas Urbis necari cernerent, non tamen sustinere famelici expulsionem inutilis plebis minuere inopiam suam, nam id sibi nimium crudele, atq; inhumanum visum est. Hoc maximum pietatis, & charitatis signum fuit, & mutasse reor sententiam superni Judicis, qui neminem compatiens patitur male mori. Nam demum cum ad declivium æstas foret, superante jam spatio noctis diem, & utriusq; partis rebus laborantibus, & afflictis mediatorem diligeret obsidens pariter, & obsessus, quippe in exercitu quotidie cadit morbo miles, & in Urbe omnium crescit inopia, & externæ opis minuitur spes, undiq; tam etiam in Urbe, quam in Castris pullulat illa pestis morbi, sed fortius ubi Germanicus miles tendit, dum meridiani durantis æstus usq; ad medium noctis impatiens, nudus omni reiecto velamine matutinas auras recipit, quas gelidi, ac nivosi montes Vallis Camonicæ illa hora perfiant, inde initium morbi fuisse ferunt. Itaq; in Regis castra opportunè cunctis veniunt Cardinales Legati Hostiensis, Albanensis, & Lucas de Flisco, quos Summus Pontifex destinabat Romam, ubi a Francisco de Campo Floris similiter Cardinali, & Legato expectabantur, imposituri aureum diadema Regi. Hi pro rebellibus inclusis, velut miseris compatiens, Oratores illico facti, & tractandæ pacis actores modicam Regis invenere repulsam scientes, quod obsessam semper comes invasisset Urbem fames, exterius tamen dicta alia vigeat pestis morbi exercitus primores visitans. His itaq; intercessoribus donatur vita miseris, & salvis rebus Civium, & qui Urbis præsidio erant, in rebelles muros fertur pœna, corona Urbis demta. Attamen Rex ad sedanda Civium odia, & delenda partium studia, summopere illico laboravit. Quibus utcumq; compositis, illico

Papiam



Papiam tendit, ubi adeo nudatus milite repertus est, ut Comitibus Philipponis de Langusco, ac suæ factionis Principum ambiguam fidem timuisse credatur. Nam Matthæus Vicecomes, quem in castris Rex existens juxta Brixiam Mediolani Vicarium suum fecerat, cum equitibus Mediolani, & magno conductorum equitum, & peditum numero Papiam veniens, non modo comitandi Regis causa, sed ne quis audendi contra eum animum sumeret, clausis foribus adire nequit Regem, contra quem Comes Philippo portas Urbis claudifecit asserens Regi, quod non sui honoris causa venit, imo, inquit, lacesitus est hostis meus a Manfredi de Beccaria, eiusq; sequacibus noviter introductis, qui more suo Urbem seditionibus turbare volunt. Cui Rex velit, nolite, annuisse dicitur; dissimulans quod inhibere non audet. Postero die absq; ulla conductorum militum comitiva impetrata licentia in Urbem ad præsentiam Regis Matthæus venit. Ibi ipsius Urbis partibus utrumque compositis, inanis, ac plena fraudis pax facta fuit, quæ post recessum Regis illico violata est. Rex licet tarde cognoscens moram nusquam, præcipue in Lombardia, utilem fuisse, subitum iter versus Januam cepit, sed prius suadente, ut puto, Comite Sabaudia Philippum nepotem suum, qui solo titulo Achaia Princeps erat, Papiæ, Vercellarum, Novariæ, ac Pedemontis Vicarium fecit. Hic Philippus Comiti Philipponi, & ceteris adhærens Guelphis, quos harum, atq; aliarum Urbium potuit, Domino suo Regi rebelles fecit. Novaria in fide, ac Gibellini nominis constantia spreto sinistrante Vicario semper stetit. Tunc Papiæ Brixienfi morbo moritur magnanimus Guido Comitibus Flandriæ filius, qui non primus ætate, licet cunctis fratribus virtute superior, contra stervientem Philippum Francorum Regem multa præclara belli facta gesserat, defendens patrium solum non sibi, sed Roberto fratri suo, & indigna captivitate patrem post multorum Regis procerum necem liberans, laudabilem pro se, pro superbi Regis parte degenerem obtinuit pacem. Hic non Papiæ, ne quibus interdicta erat Civitas illa Ecclesiasticis obsequiis careat, tantæ indolis, ac virtutis Princeps, verum Terdonæ, quo decuit honore sepultus est. Post cujus exequias Rex illico Januam tendit, ubi summo studio interponentibus favorem suum Bernabovæ de Auria, & Opizino de Spinolis, & ceteris eorum agnatis partis Gibellinae Principibus a cunctis Civibus honorifice susceptus est.

## C A P. XLIII.

**I**Nterea Comes Philippo de Langusco, spreto pace Regis, quam iusjurandi religione firmaverat, Manfredum de Beccaria adversæ sibi factionis Principem cepit, dum perfidiæ studio vincere, quam vinci mavult; Deinde quemq; suspectum aut carcere, aut exilio velut novis semper criminibus reum faciens damnat. Quibus præfati Philippi de Sabaudia auctoritas, ac concessa sibi a Rege potestas parum profuit, qui nullius violentiæ, aut cujusvis malitiæ studio partium in Gibellinos factæ turbator fuit, imo etiam cum tanti sceleris, spreto honore regiminis, conscium fuisse ferunt. Hic namq; Philippus post recessum Regis, prius etiam quam Rex Januam attingeret, illico Papiæ, Vercellarum, & Novariæ, quas Urbes Rex suæ curæ commiserat, Guelfos attollere, Gibellinos opprimere totis viribus cœpit. Cujus rei causa, ubi Rex Januæ fuit, frequentes nuncii ad eum veniunt ipsum Philippum magnis querimoniis accusantes, eiusq; opera asserunt in Liguria, ac tota Lombardia summo studio rebelles Guelforum partes surgere. Verum his nunciis Rex primum parum fidei dedit, dum Comes Sabaudia cum Philippum nepotem suum protegit, & dignitatis honorem favore sui datum conciliare nititur. Nam ipse Comes more suo Guelforum causam fovens in auribus Regis subdit inquit: Domine mi, Matthæum quemdam in Mediolano præesse voluisti, non immerito vicinis Urbibus odiosum; Hujus Matthæi, non vestri nominis odio in Lombardia rebellicæ novitates fiunt. His, aut parum dissimilibus jactis sermonibus per aulam Regis, Comes Sabaudia non sine magna Lombardorum clade aliquandiu in ambiguum Regem tenuit. Nam post paucos dies priusquam Rex Janua discederet, Gulielmus Cavalcabos, quem prædixi exilium potius elegisse, quam Supramontis concivis sui in deditione socium esse, dum crebris excursionibus in agrum Cremonensem populationibus, & incendiis bellum gerit, dumq; circa exitum mensis Januarii forte non procul ab Urbe cum paucis equitibus prædatum venit, suæ factionis civis cognitis signis ad eum securus currit, inquit, Gulielme, exilium tuum pleriq; Civium non minus te ipso ægre ferimus. Vere ægrius, quam temere, ac frustra incendiis, populationibus agrorum, ac rusticana prædia, te, tuosq; fatigas, & qui te desiderant, Cremonensem invidiam quæris. His verbis cum

eum increpans: Convoca, deinde inquit, Gullielme socios tuos, & sine mora per propinquam nobis portam illico, si volueris, patientem ingredi Urbem tutus, ac patriam tuam percipe. Qui ad portam stationem faciunt custodiæ causa amici sunt. Neminem, resistantem invenies. Ne timeas. Conductam militum turbam, equitum, atq; peditum Galeaz Vicecomes in expeditionem Urbe procul misit, qui Urbe nostra magna regnat invidia, invisus cunctis civibus. Timeſne qui in exilio nati, quiq; Germanico Rege suadente nisi partis nostræ principibus prius captis, aut expulsis Urbem intrare timebant, quorum in Urbe nulla factio est; quippe diuersis locis nati, nutritiq; vix inter se noti sunt, hiiq; pro duce Iacobum de . . . . . divitem mercatorem habent, qui ubilibet quam Cremonæ notior est? quos ultra hos cives hujus ducis sequaces existimas, præcipue cum te intra muros Urbis senserint? At Gullielmus nominatis custodibus portæ Urbis, in quorum fide fidit, unum ex eis eligens, atq; sibi nominans, huic, inquit, audacter negotium prodas, & secum perficiendæ rei celerem curam habeas. Propera, dic, venio, nec in hujus rei deliberatione, si ulla adsit mora, prosperum, securumve nobis aliquid esse potest. Heic pro consilio celeritas, & in sola celeritate nostræ salutis via sita est. Deinde signo dato sociis circa se positis: sequimini me, inquit, quinimo, fortunam, quæ hodie multum propitia nobis facta est. Itaq; cum paucis non numero centum, non clam, sed palam, clara luce Urbem intravit. Eum, ut cognitus est, illico multitudo populi captis armis sequitur. Pauci Iacobum de . . . . . sequuntur armati, cum quibus audito tumultu ad publicam plateam Urbis pergit, ibiq; cum plerisq; locum ipsum retinere conantibus equo strato occiditur. Galeaz Vicecomes ibi pro Rege Vicarius tumultum audiens, eius rei causam nunciantes arguit, eosq; timidos vocans, adeo capere arma distulit, quod iam propinquas minantis vulgi voces intelligit. Tunc sed tarde dissimulationis oblitus repente arma capit, & modica stipatus equitum manu ad clamantium voces tendens undique hostilibus armis plenas Urbis stratas videt, statimq; inter minantia tela clausus sensit frustra sese niti. Itaq; celeri consilio capto inde utcumq; divellitur, & per minantes Civium turmas vadens integer per portas Cremonam, inquit, cui Ugghetus de la Campana Conestabilis, & focii, quibus nemo impune ob viam venit, ferro viam faciunt.

## C A P. XLIV.

**T**unc quaecumq; in Lombardia Urbes Regi deditæ fuerant ; in quibus pars Guelforum potentior erat , spretis Vicariis , omnique Magistratu Regis , aut violenter pulsæ una cum Civibus Gibellinis , & quos suspectos habebant , Guelfi cœpere contra Regem surgere sese dantes Ugoni de Bauferno , qui pro Rege Roberto in Lombardia Guelficas fovebat partes . Pulso Galeaz Vicecomite Cremona illico Turrianis , aliisq; dispersis exulibus , & cujusq; Civitatis Lombardiæ profugis plena fuit , & Passarinus de la Turre ibidem Rector efficitur ,

## C A P. XLV.

**H**æc ubi Rex Henricus sensit , mutato consilio in Lombardiam Comitem Varnerium Teutonicum misit , Virum in armis expertum , cui in tota Lombardia titulum generalis Vicariatus dedit , non propterea tamen Philippum de Sabaudia suæ potestate minuens , nec reliquos , quos Urbibus constituerat , revocans . Hic Comes primum applicuit Laude , ibique sedem eligens Gibellinorum consilium vocat , cunctis mandans , ut Legatos , & Syndicum ad se mandent tractaturos secum negotium agendi belli contra hostes . Ad quem legantur per Commune Mediolani Franciscus de Garbagnate , & Adoardus de Pirovano , & ego , ut Syndicus . Ceteros taceo , ne nimium morer . Qui postquam convenere , postulant ab eo quisq; ut rebellibus suis bellum ferat . Exules vero , a quibus exulant , Urbes expugnari , aut obsideri volunt . Quorum Fredericus de Archidiaconis mandata coexulum Cremonæ ferens , præsentibus aliis Ambaxatoribus , & Syndicis , multis rationibus , & argumentis docet de facili Cremonam recuperari posse , & ad Regis mandata trahi . Sic Papienses , sic alii exules Urbes , quibus exulant , sola agrorum populatione , imo etiam dummodo id minetur , recuperari posse asserunt . His contentione pluribus , & diversis consiliis tempus tenent , nec dum quid agendum sit , terminatum est , dum quisq; legatorum præcipue exulum attentive pro se arguit , non communi sed propria utilitate laborans . Tandem Franciscus de Garbagnate huic contentioni finem dedit , inquiens .

CAP,

## C A P. XLVI.

**V**ideo equidem vos, ac quorum mandata fertis promptos animos habere contra hostes, qui Lombardiæ, ac totius Italiæ statum turbare nituntur, quiq; impedire satagunt nostri Regis iura. Verum omnis conditio belli præsertim nostra, quæ inter partes pendet, postulat, ut non modo semel, imo continua deliberatio fiat. Nec quid agendum sit heic terminari securum puto, cum nova quotidie pullulent jure belli, quæ paucis arbitris determinanda sunt; Raro etenim, quæ in negotiis bellicis diu deliberata manent, suum fortiuntur effectum, quibus multa maxime temporis intervalla nocere possunt. Fiat itaq; censeo frequens deliberatio in factis nostris, ubi in dies pullulat frequens, & subitus casus belli. Præterea cum quo hic nostri Dux belli consilium habeat, saltem unum ex primoribus nostris sibi dandum puto, cui maxima cura, sit hostium conditiones, & acta scire. Hi duo plenam exequendi potestatem habeant. Nunc itaq; vobis non modo utilem, imo necessarium nomino, quoniam quin & vos mecum in sententia sitis non dubito, Matthæum scilicet Vicecomitem. Quis alius hostium facta novit? Quis insidias hostibus tendere studium ponit? Hic speculatores, ac referendarios per hostium domos tenet, hic tractatum tempora executionis expectat. Demum suis vivimus oculis, quicumq; Gibellinæ factionis sumus. Cuncti Francisci dictis obmutescunt, & quæ dixerat vera esse fatentur; quippe eo tempore Matthæus cunctorum exulum Gibellinorum unicus reconciliator erat, qui unus cunctas amicorum, ac sociorum factiones, & impensas pro parte Gibellina in partibus Lombardiæ tunc ferebat. Hæc itaq; cuncti laudamus Syndici. Comes Varnerius illico venit ad Coenobium Fratrum Humiliatorum de Viboldono, ibiq; colloquium habuit cum Matthæo secum deliberans quid agendum sit. Verum & hostibus sua consilia sunt; nam Passarinus de la Turro Potestas Cremonæ, ac Guillelmus Cavalcabos cum parte de Fondutis tractatu habito post paucos dies Soncinum oppidum multum dives occupant.



## C A P. XLVII

**A** Ngulus in extremo oppidi muro surgebat in arcem, hic nempe locus natura, & arte munitus modico præsidio tutus erat, Gibellinisq; subsidiis aditum servabat in oppidum, quod proditoribus oppidanis, & Guelficis inuasoribus maxima pavoris causa erat, ideoq; immensi, ac lati operis una nocte constituent murum siccum, hostilis impetus obstaculum nimis vile. Hinc nuncius ad Matthæum Mediolanum venit, ibidem ut res erant, nec non per ceteras Gibellinorum Urbes nuncians. Itaq; Comes Varnerius, qui tunc Brixia: erat cum modica suorum Germanorum, ac Brixienfium equitum comitiva, & a Mediolano Cresso de Crivellis, qui mercenarios equites Mediolani secum ducit, abq; mora illuc tendunt, & ante portas oppidi per burgos exteriores in varias stationes sparsi nullo vallo, neq; ulla fossa tuti temere sese locant. Nam sunt qui asserunt Passarinum de la Torre, ut distantibus castris dispersos hostes vidit, contra eos erumpere voluisse, erupissetq; ni Gulielmus Cavalcabos sidera, & Geomantia: suas figuras scrutatus sortes, illa die suspecta timuisset casum suum, & milites iam exire paratos intra moenia tenuisset, inquiens: Propinqua nobis subsidia sunt, quibus tutius pugnare possitis.

## C A P. XLVIII

**A** T Gulielmus vitare nequit, quem casum dabant fata. Nam dum utraq; pars expectat subsidia, Cremona, quam Mediolanum propinquior, & quæ præcognita, ac deliberata noverat paratior subsidia suis Ducibus quasi ultima posse destinare parabat, non modo pro obtinendo, quod occupaverant oppido, verum etiam ut æquo campo cum hostibus esse possent, ac secum pugnare, si fortuna sinat, totius Civitatis effortium tam peditum, quam equitum sociorum etiam expectans undiq; requisita subsidia tunc præmittebat expeditorum peditum quantas conducere poterat multis diebus turmas. Interim unus ex nunciis, qui destinati fuerant explorare quid Cremonæ pararet hostica gens Guelforum peditum, quos Cremona conduxerat, temere venientium in itinere strepitum, ac tumultum sensit, & cognitis a longe ho-

sum

stium signis, ad Comitem Varnerium, & Cressonem Crivellum, redit referens ea hostium subsidia iam prope esse. Dum autem consuliatur, quid agendum sit, Cresso indomitus armis senex vociferat alta voce: Quid inertes moram trahimus? ad eos, ad eos, versus venientium hostium iter dextera manu minitans: Tunc Comes Varnerius, nostræ linguæ rudis, Cressonis vocem, & actum, non intelligens quid ferat interrogat, & ab interprete intentum. Cressonis intelligens, probitatem eius laudat, & maxima exultatione: per fidem meam & factum erit, inquit, signum tubis dari iussit. Itaque cum omni equitatu adversus tam propinquos hostes in Gullielmi subsidium venientes celeri passu tenditur, quos improvise de subito impetu fusos ad libitum victor cædit. Paucos fugas salvos fecit, nam nulla parte fuga eis tuta est latis campis. Captis itaque & ad libitum deletis hostibus, signo deinde receptui dato Comes rursus Soncinum tendit, cuius muros frequentium hostium iam tamen percepta novitate paventium plenos vidit. At illi ut nota suorum signa, ut captivos videre turpiter per terram trahi, deinde confusos vulneribus captivorum civium vultus ante exultantium hostium acies duci, illico suæ pestis certi, gelatis pavore animis confusi sunt, & perduto pavore consilio nullum pugnandi, aut fugiendi ordinem habuere, imo quisque sibi consulit. Porta oppidi, quæ versus Cremonam respicit, patebat subsidium expectans, quam medium stagni spatium a subito hostium impetu defendebat. Hinc Passarinus de la Turre inter pugnam, atque fugam dubius exit. Exeuntem plerique secuti sunt. Ille autem ut imparem hostibus militum numero, atque animo videt, timensque ne in offensi Cressonis manus cadat, qua tutior fuga visa est, viam tenet. Eum minime persequuntur nostri equites, sed potius ad patefactam oppidi portam, per quam frequentes hostes fugiunt, rapido cursu tendunt, & quibus possunt viam fugæ claudunt. Qui vero tardi contra hostium occursum fugam minime tutam putant, versus equorum frænis iterum castrum petunt. Hos in sequentes nostri dum cedentium terga cædunt, per eandem portam mixti secum, vadunt. Jam qui in arce tam opportuni insultus, quam præsidii causa erant, percepto rumore victoriæ, subito medium muri sicci obstaculum ad solum fundunt. Tunc cunctis sequacibus Gullielmi Cavalcabovis, qui equo armatus hostibus introitum inhibere parabat, adeo crevit pavor, ut ne quidem animum ad pugnam, libe-

liberum, neq; fugæ memorem caperent. Gullielmus pristinae virtutis, ac suæ dignitatis memor, ut comitem Varnerium, ac sua signa intra muros videt, paucis cum sequentibus occurrit sibi, quem jam frequens turba Teutonum receptum gladiis sternunt. Ceteri per domos fugiunt, ubi quisq; dejectis armis vita securus fuit, exceptis qui proditoris asesores fuerant; nullus quippe locus proditori tutus est. Venturinus Fondutus in Soncino Guelficæ partis Princeps, qui ipsius novitatis actor fuerat, duorum filiorum patrium crimen luentium medius laqueo pendens tristem vitam dedit. Hi intra mœnia, ceteri sequaces sui extra pomeria necati sunt. In alios oppidanos minor sævitia fuit; nam aut precibus, aut pecuniâ de manibus Teutonum liberati sunt.

## C A P. XLIX.

**A**T Gullielmi nece Guelfica pars Cremonæ adeo domita est, ut Urbem, ac se intra Urbis muros vix tutos putent. Dum subito Guidonis de la Turre obitu stupet omnis Guelfus. Hic Guido exilii sui finem imponere saltem post mortem ratus Cremonæ moriens, frustra tamen dixit: Si Fratres Ordinis Minorum Mediolani corpus meum posuerint in Ecclesia sua in marmoreo loco, ubi proposui requiescere, habeant Florenas mille. Cui ut vivo, sic & mortuo in patriam accessus minime concessus est; nam Fratribus Minoribus id petentibus Matthæo negatum est, qui eos Fratres increpans: Vultisne, inquit, excommunicati corpus Mediolanum ferre?

## C A P. L.

**I**Nterea Vercellis seditio inter Cives mota illuc suscitatur Philippum de Sabaudia, qui ut ipsius Urbis Communisque Rector eo venisse ferens compositionis causa, non talis a Tizonibus, eorumq; sequacibus creditus est, sed suspectus. Qui illuc Comitem Varnerium illico sequentibus literis, atq; nunciis provocarunt. In cujus adventu non Urbis seditio tollitur, sed novatur; nam, ut creditur ex proposito, orta rixa inter familiares utriusq; Ducis, utrinq; subito cum tumultu captis armis Varnerii familia potentior fuit, & spoliato hospitio Philippi, ipse relictis equis, & armis, ac



et prope nudus milite in castrum Advocatorum; quod tumultus tempore a suo Urbis latere situm tutum receptaculum cunctis suae factionis erat, vitae consulens fugit. Hic Philippus Comiti viribus imparem sentiens (e, dum paratas contra se magnas Mediolanensium armatorum copias sentit, Vercellas linquit, & Papiam redit. Deinde post paucos dies Taurinum ivit, quam Urbem Amadeus patruus ejus pro usurpato a se Comitatu Sabaudiae ipsi Philippo pertineatq; successionis jure eidem dederat possidendam cum aliquot oppidis in Pedemontio sitis; relictus etenim erat Philippus iste pupillus ipsius patrum tutelae, qui sibi met Comitatus jura tutatus est. Hic Philippus sentiens Gibellinos Ligures, ac totius fere Lombardiae contra eos ejus prava consilia, atq; machinamenta percipisse, ac ipsum Comitem Varnerium horum omnium instructum esse, deinceps omni spe in suis partibus dominandi posita, solo salario suo percipiendae saltem a Papiensibus curam dedit, & celebrandi nuptias gratia contracto matrimonio filii, quorumdam nobilium Papiensium comitivam petiit; habuitq; usq; Taurinum, quos ibi retinuit velut obsides, donec pecunia sui salarii sibi destinata fuit. In quibus obsidibus fuit Ricardinus.

*Haec desunt aliquot folia.*

similis fuit. Invalidi senes trementi manu cujusq; generis tela ministrant natis. Tandem oppidani ultima illa necessitate totius etiam utriusq; sexus gentis viribus resistentes primo hostium impetu sese, murosq; defendunt; pugnam tamen non audent expectare secundam, sed oppidum Imperatori dedunt. Postero die ad oppidum S. Ioannis venit, quod captivatis XL. Catellanis equitibus mercenariis, quorum Constabilis caesus est, salvis incolis in dedicationem receptum est. At Florentini cum sociis, & amicis, quorum supra facta est mentio, ad ripas fluminis Arni celeri gressu tendunt, ad Ancisam XII. mill. passuum Florentia distantem, ibiq; hostium transitum inhibere conantur ad passus. Exercitus Imperatoris Figinum tendit, ubi non amplius una nocte moram coarctavit. Mane inde iter rapiens ad Arnem venit, quo integrum hostem frequens nuncius jam venisse nunciat, ut iter Imperatoris, quem Florentiam properare sentiunt, ad iniquos angustiosq; passus auferant. At ubi Marefcalchus Regis Roberti, qui tunc Guelficum regebat exercitum, gentem Imperatoris appropinquare sentit, signo dato cunctos ordines in acies ducit haud longe a fluminis ri-

pa, ubi hostium transitum aptius impedire queat. Verum tibi hostes spreto flumine undiq; facto vado per anfractus viarum iniquos transeuntes passus vident, Tusci primo expeditorum impetu concussi, deinde modica pugna turbati, laceratiq; in fuga salutem quaerunt, ac propinquum oppidum Ancisam multis per campos caesis petunt, nec se primis moenibus tutos putant, imo in summam arcem oppidi continua fuga tendunt. Guelforum plures in fuga, quam in acie cecidere, multi capti sunt, licet Gibellini parum fugientes persecuti sint. Imo positis hostibus in conflictu castra ponunt prope ripam Arni. Sunt qui asserunt Imperatorem Tulcorum rebellionem eo die finem dedisse, si usq; Ancisam persecutus fuisset hostium fugam, aut si iter properasset ad Urbem illico post conflictum.

## C A P. LI.

**A**T Florentini ubi exercitum hostium ad ripam fluminis pernoctare sentiunt, nullo ordine, imo potius fugae modo Florentiam tendunt. Sequenti die Imperator versus Florentiam, tendens cum exercitu ante muros ipsius Urbis sedit iuxta Ecclesiam S. Salvi supra Arnem, in quo exercitu computatis Aretinis, aliisq; Tuscis suae factionis, & aliquot nobilibus Italicis erant non ultra equites MCC, & cujusq; generis pedites VIII. mil., qui tamen Urbem Florentiam cum tot praenominatorum Guelforum praesidio obsidione premebat. Nulla etiam tempore noctis quasi custodia in castris facta; imo etiam tanto in despectu habebantur Guelfi, quod magna pars equitum, & expeditorum peditum per agrum Florentinum longinqua pace plenum, ac diu antea bellicae populationis ignarum quotidie discurrebat ad praedam, dum praecipue exercitui necessaria victualia quaerunt. Cujus rei causa tanta jumentorum, & cujusq; generis pecorum in exercitu copia erat, ut pro floreano uno venderet praedo bovem, nec reperiebat emptorem. Nec mirum; quis enim in exercitu mereator esse velit, ubi ad praedam tam libera patet via? Quo fit ut pro minimis etiam pro duobus calceamentis corii bovem in permutatione daret praedo. Neq; in exercitu serica vestimenta desunt scortis alteriusve generis ornamenta Etruscae puellis rapta. Vinum, bladum, & oleum, tanta horum erat copia pro minimis prout praedoni opportuna sunt

sunt in exercitu ad libitum cuiq; dabantur. Hæc omnia Florentinorum damna, & quæ ante oculos volitabant miseriæ, oppidis, villis, ac magnis vicis fumantibus, populatisq; viridariis, eos tantis præsidii stipatos ad conferendum in acie manus minime provocarunt. Quippe intra moenia trepidantium tumultus civium magnus erat, dum maxime timent, ne insultet hostis muros.

## C A P. LII.

**D**Um sic exultat Germanicus miles, totusq; exercitus Gibellinus hostica præda gaudens, fortuna in prosperis sæpe minax mutati vultus signum dedit subita corporis infirmitate, Imperatorem visitans. Cujus lectum illico stipant Medici, nec ullus tam Hippocras, aut Galenus ipsum salutis certum reddit. Verum fortuna ipsa ambiguos semper ac cæcos gressus, subitoq; regressus faciens nimium fallaciter in humanos casus ludit, ecce dum sperare facit Guelfos plus in morte Principis, quam in pugna, cito blanda Gibellinis rediens sibi parumper aspirare visa est, inperata scintilla vigoris iam fere perditos infirmi corporis mirabiliter sensus reddens. At ubi sedatis morbi viribus proceres restitutum sibi principem sentiunt, ad ipsum conveniunt Archiepiscopus Trevirensis frater ejus, Comes Sabaudie, & Henricus de Flandria Mareschallus, quibus Imperatoris casus pensatis periculis exercitus sollicitam mentem fecerat. Hi pro re pauca ferunt Domino supplicantes, ut mutari campum sineret, ac sese cum exercitu reduceret in agrum Aretinum, ubi cuncta pro se, & gentibus suis salva, atq; opportuna fore dicebant. At ille his nimium incaluit verbis, ac tandem: Fallimur, inquit, & dum in vos confidimus, spes nostra nimium vana fuit. Hucusq; credidimus, nobis deficientibus vos obtinuisse victoriam contra hostes, & dum vivimus, a proposito desistitis pecorum more vilium quæq; pericula mementos. Hæc velut increpitans accensus ira inquit, se adeo turbans, ut recidivam faciens iterum dubius fuerit vica. Tandem post paucos dies summa valetudine visualium penuria, quorum paulo ante castra undique plena erant, campum mutare coactus est, nam consumptis undiq; viribus Arni tanta aquarum inundatio superatis undiq; fluviatibus ripis fuit, ut per campos prope cuncta natarent. Cujus rei causa nullum fumentariis præcipue Aretinis,

quorum ope sustentabatur exercitus, ad castra liberum iter erat. Igitur per iniquos passus districtus Comitum Guidorum exercitus redivit ad flumen Arnum, ibiq; dum vadabile fiat, castra metatus est. Post paucos dies trajecto flumine in justum alveum jam contracto securus, atq; liber exercitus versus S. Miniatum tendit, licet in transitu Florentinus amicorum, sociorumq; praesidio integer haud procul in acies dispositus pugnam transeuntibus minatus est. Illa itaq; die Imperatoris castra juxta ripam fluminis, quod vocatur Evia, sita sunt. At Florentini locorum gnari cum equitibus MD. & X. mill. peditum repente Montem S. Mariae occupant, qui supereminet castra exercitus Gibellini. Unde more grandinis sagittantes castra turbare nituntur. Hæc sentiens Imperator jussit Fredericum Comitem Montis Feltri, qui præerat Italicis in exercitu, ut captis armis infestum montem liberet. Deinde Teutonis circumstantibus velut secum murmurans, & signa questus vultu gerens, inquit: Si, ut fui, forem Comes de Lucimborgh, non, eminens hoc monte supra caput staret hostis. Qui audiunt, reliquis signo dato, illico captis armis sequuntur Comitem, & Italicam gentem suam. Itaq; nulla mora facta Germani Comite prævio armati per ardui montis devia undique facta via serpunt, quos eiicere poterat modica etiam mulierum turba. At Florentini ubi serpentes montem hostes vident stupefacti lacero agmine fugam capiunt, quorum terga cædunt Teutoni, & Italici Gibellini. Multi cæsi, multiq; Guelforum capti sunt. Ignominia tamen major clade fuit.

## C A P. LIII.

**P**ostero die Imperatoris castra haud procul ab oppido S. Bassani, qui locus non amplius quinque millibus passuum Florentia distat, sita sunt. Tunc miles relictis fere castris undique per hostilem agrum prædabundus currit, villæ & oppida in circuitu late fumant, nullis circumstantium immunibus hujus cladis, nisi qui celeriter sese dedunt pleni victualium occurrentes, quibus imperatur, ut eorum, quæ exercitui opportuna sunt, continuum mercatum ferant. Imperator positis castris gentem suam in plures partes partitus, partem Archiepiscopum Trevirenses sequi jussit, cui inquit: Perge ad castrum S. Mariae Novellæ. Deinde aliam mili-

militum copiam Marefchalco dedit, qui abique mora Paffignanum tendit. Verum neuter introitum fecit portas reperiens claufas, & muros rebellibus armis denfos. Uterque hoftiliter quod potuit fecit populationibus, & incendiis hoftibus iram fuam vendens. Tandem vaftatis agris ad expugnanda oppida redeunt, quæ æque alia armorum vi capiunt. Interim Imperator exercitum gentibus fortificare volens Comitem Montis Feltri Pifas mifit statuens cum ipfius Civitatis Vicarium, qui ftatim cum Pifanis ad exercitum veniens, quingentos equites, & decem millia peditum fecum duxit, quibus longior quam exiftimabatur in castris ftatio adeo ædium fecit, præcipue quibus vacuis burfis pecunia etiam neceffario fumptui deerat, ut plerique, fua non alicujus fuperioris licentia castris abeuntes, domum ab hoftibus in itinere capti funt. Ea captivorum multipudo plus ruficorum, quam civium Pifanorum fuit, & funt qui afferant hujufmodi captivos fuiſſe plusquam mille.

## C A P. LIV.

**E**O tempore Robertus Comitis Flandriæ filius in exercitu Imperatoris erat, qui impetrata repatriandi licentia cum XL. armatis abiens Pifas inſultum hoftium, qui cum Carrocio duce fuo in caſtro Florentino præſidii cauſa erant, maximo labore fuſtulit, quos etiam numero CL. equites cum quingentis peditibus tandem acriter reſiſtendo fudit, dicto Carrocio graviter vulnerato, & pluribus inſultantium in campo cæſis. Eo die Robertus iſte iter ſuum faciens, priuſquam perveniret Pifas, in alias quamplures hoſtium turmas incidiffe fertur, quibus acriter reſiſtens pluſquam honoris, ignominie atque cladis liquit. Dum itaque, ut prædixi, vaſtantur Guelforum agri populationibus, & incendiis Caſale oppidum frequentibus incolis cultum multum Florentinis carum in deditionem venit. Introducis Mareſchalco, & Frederico Comite Montis Feltri, quos patefactis portis oppidani cum ſeptingentis equitibus ſponte recipiunt. Diſtat autem locus ille Florentia XV. mill. paſſuum ſpatio, quod ubi ſeſereſe Guelfi, quorum ſupra facta eſt mentio, illico ad partes collis, & S. Geminiani cum exercitu celeri greſſum tendunt, quæ duo oppida inter Caſale, & exercitum Imperatoris ſere medio itinere ſita ſunt, ne Caſalenſes cum victualibus ad  
exerc.

exercitum inde iter faciant, inhibere volentes, ibique Marefcalco, & Comiti Frederico, quique cum eis Cafale oppidum ceperant, ne ad exercitum redeant, obfidere iter credunt. At illi tracta ad libitum Cafali morâ dandi ordinem rebus caufa, cum folis equitibus DCC., cum quibus venerant, redeunt equitant, quo hostes veniffe fibi nunciatum eft. Non contenti pro castris fele in aciem explicare, quinimo etiam illatis fignis procedentes ad portas collis multitudinem hostium obfedit gentis more claufam ad pugnam, frustra vocant. Tandem fessis cantu tubis, nullisque hostium egredientibus, ad exercitum æquo passu tendunt. Postero die odiosum nimia mora campum linquit ad burgum Podii Bonizi festinus tendens.

## C A P. LV.

**L**ocus autem ille, dum in Italia Imperii celebre nomen fuit, dumque in Tufcia valuit factio Gibellina nobilium incolarum frequens erat. Verum æquatis dudum solo mœnibus nunc sola refat tranfeuntibus rupes nota, quam etfi tenaci fronde teftam viator sæpe digito, ut fignum antiquæ arcis, monftrat. Nam vacante Imperio, quod sæpe accidit longo temporis intervallo, ex quo in pauperem Germaniam Imperii jus recessit, dum electus Teutonus imperare mundo nesciens ad folemnia coronationis fuæ nequit, imo vere nescit accedere, non modo vicus ifte, verum etiam pleraque oppida, dum antiquam Imperii fidem fervare volunt, quas folidus miles Teutonus, aliufve Principis Curiam fequens vicinis urbibus regnante Imperio injurias tulit, luunt. Diris itaque belli cladibus, aut longa obfidiōne subacta non modo iftud, verum plura alia oppida tumidis post receptas injurias Guelfis diruta funt. Imperator illico hujus vici mœnia refici ftatuit, primumque lapidem operi procerum astante corona impofuit, & novo oppido novum nomen dedit, inquiens: Mons Imperialis à modo vocetur ifte locus.

## C A P. LVI.

**I**nterea dum expeditorum equitum ingens turba à quadam fcor-  
ta fedunt, ad quam præfidii caufa Imperator eos miferat, qui-  
bus

bus duces dederat Comitem de S. Flore, Aymonem de Biamont, & Bindum de Bafchis, Guelfi, qui una cum Comite Romandiolæ in oppido Colle præsidio positi erant, ubi eos inde transeuntes vident, dimissis intra mœnia ad portas terriculis armatis, qui præsto subsidio sibi forent, versus eos velut impetum facturi tendunt. Contra quos Teutoni pugnae avidi temere citatis equis rapido cursu ruunt, venientium versus se hostium passim incursum expectare nolentes. At ipsi dolo, non metu paulatim pugnae cedunt, atque inter fugam, pugnamque dubios sese monstrantes pedem retulere, donec hostes temere insequentes in declives fossas traxere, quæ haud procul muris oppidi, ubi latebant, insidiæ erant. Tunc patefactis portis erupit recens miles, & signo dato in hostes una cum his, qui simulata fuga cesserant, integrant pugnam. Haud mora: Teutoni inique pugnantes loco confusi sunt, & ex eis circa XL. cæsi. Captus cum paucis Aymo de Biamont unus ex ducibus supradictis, qui plurimum Imperatori carus erat tum virtute animi, quæ hominem Deo, atque hominibus gratum reddit, tum sanguinis proximitate.

## C A P. LVII.

**H**Æc ubi in exercitu nunciata sunt, molto murmure undique fremuerunt castra. Imperator illico cunctos procures suos ad se vocat, atque hujus rei causa turbatus cunctis iratum sese fecit, inquit: Meritis nostris, non alia causa ruimus, & pericula in dies majora timere cogimur, quæ digne debita sunt nobis, si ulla mortalium cura Deum tangit, aut si nos respicit de cælo justitia. Nec nos qui nimia dissimulationis patientia injusta geri patimur, immunes, imo nostri criminis rei sumus. Nonne innocentes lædi? injustas, atque crudeles prædas agi sensimus? eoque animo, atque modo in Christicolas, quemadmodum in Saracenos bellum agi? Quinimo pacatos, ac data fide nobis deditos spoliastis, & quod inhumanius est, plerique vestrum sedulos, atque blandos hospites tractastis ut hostes. Nonne confusione digni sumus, qui tanta patimur iniuste geri? Vere Deus ex alto quos crudeliter, & iniuste premitis, miserorum voces audiens, eorumque querulam causam, quam relinquimus, suscipiens, brevi præcludet viam. factis nostris; sic enim vaticinari nobis licet, quippe si abieci-  
ma

ma iustitiæ, quæ amplius nobis tuta erunt? Quam aliam esse causam creditis cur tot temporum intervallis, ex quo nobis Germanicis concessum est, vacavit Imperium, nisi quod Italos, qui dum justum regnet Imperium, ab omni tributo liberi sunt rationabiliter, & immunes, antecessores nostri pressere durius quam Tyranni? Injurias etiam ipsas castra nostra sequentes inferunt, ut tenebantur, minime propulantes. Et ideo qui pressuras, & injurias passi sunt, & quibus postmodum narratur injuriæ, nati, atque natorum nati Germanicum vacare, quam regnare malunt. Quiescite igitur, quæsumus, ab injuriis, & clementer agite, & nihil malignum aderit factis vestris, sed cuncta prospera nobis cedent. Post paucos dies dictus Aymo tribus millibus florenis redemptus est.

## C A P. LVIII.

**E**O tempore dum fortuna probat vires suas, mirabilis pugna in partibus illis commissa est, ubi paucitas multitudinem militum superavit. Trecenti namque Florentini cum peditibus præpe DCCC. de Vulterris venientes Gibellinorum equitum parvamturbam versus S. Cassianum tendentem cernunt, quos haud temere non ultra LX. existimant. Erant enim Teutonici XL. & XII. exules Florentini quos, ubi propinquarunt, in eos paucitate spreto maximo clamore laxatis frænis currunt. Exules tribus dumtaxat exceptis incurfantium multitudine pavesciti, timentes etiam proscriptiõis poenam, citatis equis illico terga dantes, socios in discrimine Martis linquunt. At illi in dexteris, & sola armorum spe fusi, non modo incurfantes hostes sustinere parant, verum etiam striato agmine facto una in hostes fulminis more ruunt, eosq; dirimunt, atq; fundunt. Ignominiosa Guelforum equitum turba primo impetu turbata in fugam ruit, quorum quinque nobiles Florentiæ Cives hostium impetum sustinere volentes hostilibus gladiis cæsi sunt. Alter nomine Zampoglone de Cornaquinus hostibus seledens dejectis armis capitur. Ceteri citatis equis fugiunt. Onerrantes Teutoni captivos, equos, & arma, atq; alia cæsorum spolia ostentantes in castra redeunt.



## CAP. LIX.

**N**Am stolidæ gens Germaniæ, natura nimium prædæ avida, ac disciplinæ militaris ignara ulli hominum parcere nescia, dum vicinas villas, atq; magnos vicos, quos superabiles pugna reperit, etiam pacatos, atque deditos spoliât, & quod prædæ superest incendio ponit, lætæ vacuos undiq; cultoribus agros fecit. Cujus rei causa victualis penuria adeo in exercitu Imperatoris crevit, quod locum castris mutare coactus est. Itaq; montis Bonizi nomine, ac mœnibus renovatis circa initium veris inde Pisas tendit. Ibi retribuens militibus, quam potuit recuperare pecuniam secum partitus est. Deinde Pisenum, ac Januensem portus armatæ classis plenos esse jubet. Nuncios in Alamaniam misit ad Feudatarios, cunctosq; fideles suos, filium quoq; Bohemiæ Regem sollicitans, ut accitis undiq; gentibus una in Italia ad se celeres armati veniant. Amicos, atq; deditos undique per Lombardiam suscitans literis, atq; nunciis, ut equitum subsidium omni conamine citius ferant sibi, Fredericum Siciliæ Regem sollicitat, significans intentum suum ut armatæ classis, ac militum celerem faciat apparatus, ut quæ intra hæc consilia conceperant exequantur. Nam cunctis viribus terra mariq; Regem Robertum aggredi, Apuliamque hostiliter occupare decreverant. Ipsum namq; Robertum, priusquam discederet Pisis, omni regno, omniq; jure, atq; privilegio honoris, & dignitatis privans contra ipsum velut rebellem, & proditorem Imperii, extremi supplicii sententiam tulit, si quo tempore in manus ejus incidere, ipsumq; hostem publicum nunciavit. Urbem quoq; Vapiam, & cives ejus hostes, ac rebelles Imperii nuncians severam in eos sententiam in scriptis tulit in præsentia suorum procerum, & copiosæ multitudinis populi Pisani, pronuncians multa crudeliter contra eos, & inter alia Civitatis muros, murorum turres, & portas dirui, ac destrui funditus ipsius Civitatis summitibus; fossata quoq; & valla in ambitu ipsius Civitatis facta explari, & impleri. Urbis quoq; solum aratrum pati, hæc etiam nunquam refici abq; Cæsarea licentia speciali. Ipsam quoque Civitatem privilegiis, libertatibus, & immunitatibus ab eo, & antecessoribus ejus concessis, nec non statutis, aut consuetudinibus, merito etiam & mixto imperio, omnique jurisdictione privans, peda-

## ANECDOTORUM

gia, telonea, gabellas, quoscumque redditus, ac proventus, & cetera bona ipsius Universitatis suae Camerae confiscavit. Juristas, Advocatos, & Tabelliones suis quemque privavit officiis, ac cunctos pronuntiavit infames, ac plerosque quorum nomina inferius scripta sunt, saeviora sententia damnat, quos secessionis, ac rebellionis Principes, & Auctores, nec non laesae Maiestatis reos vocans de toto Romano Imperio nulla interposita conditione, & absque ullius remedij termino exbannivit, & diffidavit. Eorum bona, & jura, ac jurium, rerumque quorumlibet actiones, quae modo aliquo alicui bannitorum competebat, annotavit Fisco. Ipsos quibuslibet privilegiis, ac libertatibus privatos perpetua damnavit infamia ita, quod intestabiles semper essent, nec ad ullum legitimum actum, admitterentur, & si quis eorum in manus Imperii devenerit, sibi extremum furcis supplicium inferendum esse decrevit. Horum, damnatorum nomina sunt haec; Comes Philippo de Langusco, Ricardinus Girrardinus de Sparavaria, Albertinus Formagiarius, Fredericus Guillelmus de Sparavaria, Petrus de Nicorbo, Ubertus Salvarius de Petra, Guizardinus de Infimbardis, Jacobinus Guizardi Zazii, Marcellus Infimbardus, Lombardus de Zimpresso, Salimbene de Botigeriis, Guillelmus de Caneva nova, Albore de Coetia dictus Judex, Joannes Infimbardus, Jacobinus ejus frater, Roffinus de Strata, Philippinus Beccarius, Curradus Guasconus, Odoardus Botigiarus, Curradus de S. Michael, Galvanus Brusa Mantica dictus Judex, Bordinus de Georgiis, salvus de Canero, Picus de Giandulphis, Comeynus Infimbardus, & fratres, Tadinus, Bregadinus, Jacobinus, Francionus fratres de S. Nazario, Rigatius Petrus de la Vilata, Guidarius de Strata, Nicolinus Toscanus, Ubertus de Cario, & filii, Simonellus Tritus, Baruellus Rusticoja, & fratres, Guasparonus de Cario, Ribaldus Canis rubens, Guillelmus Biscossa, Bonifacius de Certo. Multosque alios condemnavit Italicos eo die, quorum multi criminis expertes erant. Nam, ut fit, sequentes Curiam saepe invidia, aut speciali odio quemque, ad libitum authorem rebellionis faciunt, licet forte defectione suarum Urbium doleant. Verum processum istum, non magni commodi fuisse arbitror, nam quisque etiam infestus infestior proscriptione est factus, imo etiam aliam antiquam Imperii eadem suscitata esse creditur.

## T O M U S II.

## C A P. LX.

**N**Am Rex Robertus nunc condemnatus, & publice nunciatus hostis, Gallica Regia ortus Philippo Francorum Regi natione propinquus erat; Amorum nempe proavus idem fuit, de quo una mater duos produxit natos, multum tamen natura, & moribus varios, humilem scilicet ac Catholicum Ludovicum sola innocentia in Regno tutum, nec non Carolum superbum, qui ferocitate animi reliquos mortales vicit. Attamen reverentia ætatis Gallicum diadema, & omnes patrias dignitates dimisit fratri, nec inde, velut vulgo creditur, quæstionem movit. His Ludovico, & Carolo nupserunt duæ Provincialis Comitissæ filiæ, quibus paternum jus Provinciæ defectu virilis proles cessit, cumq; atq; die magni Festi sublimes una sederent sede, quæ uxor Regis erat sorori inquit: Tu cum non Regina sis cur æqua sede mecum sedes? Pulsa igitur, & confusa quæstibus atq; ira implet virum, quem respondisse ferunt: Nec nos semper immunes Regni criminus, cujus Regina & tu cordam feres. Ea res non modo eum diem Festum, verum totam turbavit Europam, nam non longum interea tempus fuit, Carolus iste Romano Pontifice, velut quod sui juris erat conferente, Gallico milite armatus terra mariq; Apulos invasit fines, & domito, ac Marte perempto Rege Manfredi Frederici Imperatoris filio, quem damnavat Ecclesia, Apuliam, & Siciliam occupavit, deinde adolescentulum Regem Conradinum secundum ipsius Frederici nepotem avi regni jura recuperare volentem Marte confusum, & in fuga multis diebus post pugnam captum occidit feroci sententia condemnatum. Verum hic Carolus suo tempore, suoque ac suorum militum crimine, quibus nimis licentiâ datâ parum fuerat regnicolarum divitias omnibus modis rapere, quin. mo eo regnante in Sicilia pudicitia mulierum minime tuta fuit, ipsò regno Siciliæ, ac cunctis militibus, quos præsidio regni posuerat non sine miraculo, non modo una die, verum prope una hora spoliatus fuit, quos regnicolæ injuriarum memores cum omni eorum semine trucidarunt, Petrum Regem Aragonum in suum protectorem, & dominum antea, ut creditur, provocatum in ipsa gerendæ rei hora opportunum habentes. Iste Petrus Arago tunc magna classe armata inferre bellum minitans Saracenis, ut ad in-

stantiam Caroli, quod parabatur, suspicantis Romano Pontifici jurisjurandi religione promiserat, versus Siciliam navibus iter tenens in ipso novitatis puncto Siciliae Regnum adeptus est, quod Carolus nulliq; successores ejus postmodum recuperare valuerunt. Imo Fredericus ipsius Petri Aragonis filius ipsum Siciliae regnum tenet, cujus subsidio Imperator nititur Regem Robertum memorati Caroli nepotem Apuliae Regno pellere. Nec huic Frederico Roberti soror nupta pacis validum pignus fuit.

C A P. LXI.

**I**Taque Philippus Rex Francorum ubi contra Regem Robertum consanguineum suum hujus Imperatoris Henrici, ac Frederici Siciliae Regis, qui Aragonum stirpe natus nulla sanguinis affinitate placatus numquam remisit odium in Gallicam gentem semel sumtum, arma terra marique parata esse, non modo rumoribus famae, verum etiam certis nunciis, ac literis intellexit, eosdem, quos olim Ananiam Bonifacio Papae vim facturos miserat, ad Papam Clementem, qui Imperatori favere videbatur, mittit, qui ubi hos Regios Legatos ante se vidit, illico stupefactus sese perditum credit, Bonifacii Papae casus memor, quibus ait: Quid queritis? At illi superbia pleni, videre volumus, inquit, quae in Cancellaria literae, in quorum fauorem, quorumve perniciem eas destinare conaris. Neque amplius in sermone morati ad Cancellariam Legati Regis tendunt. Ibi Conversus Ordinis Cisterciensis barbatus illiteratus penes se magnum acervum literarum tenet, quas antiqui moris Curiae observantia forte Papali Bulla tecta manu signat, ne literatus munere, aut personarum acceptione corruptus posteriores prioribus postpositis literis aliquando praesignet. Ibi utrique Gallicae stirpis Regum invisas reperiunt, atque legunt literas, quibus Imperatorem Henricum, suosque processus cunctis Fidelibus Papalis favor recommendare velle videbatur, suadendo ut eidem fideliter obedirent. Harum pars jam, pars nondum sigillatae erant; omnes tamen ad Pontificis praesentiam ferunt, easque cum indignatione ad pedes ejus spargunt. Cui ejus legationis Princeps horrenda voce tonat: Haecne pro meritis reddere beneficia didicisti eorum hostes armantes, quorum praedecessores non modica sanguinis effusione Ecclesiae pericula, & injurias pro-

pulsa.

pulsant? Credebatne Carolus olim contra Manfredum Tarentinum; aliosque persecutores Ecclesiarum se opponens, nepotes ejus Rectoribus ipsius, quam saepius liberavit, Ecclesiarum sic tractari? Cur non iniquam protervia sua traxit Bonifacii Papae casus te docuit? Certe si aliena doceri nescis exemplo, alios docebis tuo. His aliisque duris sermonibus omnis Germanici Principis extinctus favor, favorisque literarum rejectae sunt; neque earum ulterius mentio fuit. Imo in contrarium mandatum Apostolicum obtentum est, per quod Imperatori inhibuitur, ne Regem Robertum invadat, atque armis infestet, praecipue in Regno Apulie, quod Ecclesiarum patrimonium est.

## C A P. LXII.

**I**mperator ubi tam durum, ac spe alienum Apostolicum mandatum accepit, hoc, secum inquit, Philippi Gallorum Regis opus est, qui nullum superiorem cognoscens, ut asserit, Regnum suum tenet. Certe sciet. Deinde convocato suorum Procerum consilio juxta domum Fratrum Praedicatorum astante magna Pisani populi multitudine protectatus est, quod galearum, equitumque, quod parabat, effortium minime praedjudicare intendebat Ecclesiarum Romanarum juribus, quae per omnia defendere, & conservare volebat, intendens solummodo honorem, atque jura Imperii persequi. Nihilominus Legatos ad Papam mittit, scilicet Episcopum Tridentinum Cancellarium suum, Episcopum Borentinum, & Comitem Sabaudiae, qui hujusmodi mandatum revocandi operam dent. Interim Henricum de Flandria Marechalcum suum cum octingentis equitibus, & populo Bisano expugnare Petram sanctam mittit, oppidum licet dives novum; ipsum namque construxerant quondam Guiscardus de Petrasanta nobilis Civis Mediolani Urbe sua exulans, prima Turrianorum regnante Tyrannide, in districtu, aut prope confinia Lucanae Urbis, cujus Rector erat, oppido sui cognominis imponens nomen. Dives vi captum spoliant oppidum, centum equitum, mille peditum Guelpho praesidio frustra munitum. Inde Gibelinus exercitus praeda onustus Lucanum agrum visitans hostiliter Sarsanam, & plures alias Guelphorum terras occupat. Unde ad arma conciti socios, & amicos vocant, ac magno exercitu congregato ad Castrum de Camajore duobus

duobus millibus passuum Petrasanta distans veniant, iterumque ad reditum Pisanos obsident, qui numero equitum, atque pedum nimium impares, qua venerant, Pisas redire non audent. Erant enim in exercitu Lucano duo millia equitum, & XX. millia pedum, neque aliud iter Pisais tutum est. Nam, qui solus restat, passum maris Regis Roberti quatuordecim galearum classis obsessam tenet. Pisani tamen vadentes ripam maris ante ora hostium, qui Mucronem propinquam ripae maris castrum obsidendi causa venerant, transierunt, periculosum & nimis altum mare vadunt quam hostium insuetum minus timentes.

## CAP. LXIII.

**E**O tempore militabat Pisis nobilis, & egregius miles Struza Brambancia gente, cujus nomen in castris juxta Brixiam, clarum, ac Regi carum videram. Hunc cum LX. Teutonicis ad castrum Vico Pisani pergentem hostes, qui numero erant CCCC, pedites IV. millia in itinere aggressi sunt. Ibi insignis pugna, ac memoriae digna fuit, quoniam nullo unquam praelio fortuna ita paucis propitia fuit; Ea namque Lucanorum multitudo Germanorum parvitate superata, & in conflictu posita est, multi ex Magnatibus caesi, multique capti, pluribusque signis militibus reportatis Pisas. In honorem B. Martyris Georgii, cujus nomen imploraverant, ac nomen ejus in bello dixerant, victores novum templum fundarunt in Urbe Pisana juxta stradam S. Mariae, ipsamque Ecclesiam magnifice decorarunt.

## CAP. LXIV.

**D**um in partibus Tusciae Imperator moram trahit, Placentia, cujus custodia, & jurisdicatio Galeaz Vicecomiti commissa erat, prope perditam fuit. Nam Comes Philippo de Langasco Papae, & Giberto de Conrigia Parmae, & partium circumstantium Guelforum Principes, communicato consilio, excitis exilibus Laude, aliarumque terrarum, quibus ante exilium domi suae maximum nomen erat, Malcum atque alia plura castra ceperunt, quibus tam Placentiam quam Laudem crebris incursionibus, ..... ad ipsam occupandam; in quo nihil dubii potuit, diem certam  
sta.

statuerat. Nam nempe urbem mediam utriusque ducis fines, viresque dirimere, ac sæpe mutuis inter se subsidis obistere dolent. Utrique igitur dicta die, collectis equitum, peditumque viribus, quibus quisque hostium Urbe potiri posse solus putat, discedunt domo. Fortuna autem, cui studium est vertere ordinem rebus datum, alium ac rati sunt, Guelphicis rebus dedit eventum. Nam Galeaz, qui hæc contra se agi consilia senserat, prius quam hostes iter arriperent, aut ulla veniendi Placentiam signa darent, quid agendum sit sæpius deliberat cum Conestabilibus, ac Primis eorum, qui præsidio Urbis venerant. Nullum in re tam ardua consilium certum capit, dum in fortunæ magis arbitrio, quam in ullius deliberatione consilii hujus rei eventum existimant. Uno tamen consilio certo, atque immutabili capto, scilicet cum his, qui primo hostes apparent, pugnandum, & cum singulis suo tempore potius, quam cum omnibus temere expectatis rem geri. Hæc una omnes laudant, quibus modica spes erat urbem tunc nullo muro, sed ligneo vallo, & humili fossa septam defendere, si hostis impetum expectent clausi. Erat tunc præsidio Placentiæ Yvanus de Cornu Laudensis ex antiquo exule Imperatoris beneficio factus civis, ante cujus adventum in Italiam Yvanus iste domo pulsus in castris sæpius vitam degens bellicis artibus clarum nomen habuerat. Hic in pluribus hujus rei colloquiis Galeaz, & ceteros de consilio inducere conatus est, ut exules Urbis suæ, qui per Padum venire nunciabantur, cunctis armatis navibus incurfarentur, se offerens ipsius insultus ducem, dum veteris offensæ ultionem quaerit. Itaq; multis frustra in consilio ventilatis, dum magna jam parte noctis consumpta hostium expectatione fatigati, ut poterant, non armis demtis se dedissent stratis, ante lucis ortum vigilans altæ turris custos vociferat: Ardet ebruis ignibus Padus. Arma citi; Jam nobis propinqui sunt, capite arma. Itaque quibus ea nocte Urbis custodia commissa erat, qui quieti dati erant, in unum sese coeunt. Galeaz his stipatus, primores suorum, reliquis seorsum esse jussis, consulit. Tunc Yvanus invadendi, quos volebat, occasionem nactus inquit: Cur non hos, quos primo sensit, occupamus? Armatam classem & nos habemus. Dum hæc Yvani, atq; alia consulentium aliorum examinantur dicta, qui in turribus speculabantur jam lucisfoente vociferant haud procul ple-

nos hostibus campos esse; deinde Papiensium signa cernere. Tunc Galeaz Vassallum de Desio collateralem suum, quid agant, quo ordine hostes veniant speculatum mittit. Ille hostes plus opinione propinquos reperiens illico rediit, quo pedites, quoque equites ordine veniant referens. Acceleremus, inquit; Ad nos velut ad prædam tumultuario agmine veniunt. Nulla nobis mora tuta est. Præmissis igitur peditibus Galeaz cum omni equitatu per portam de strata alta contra jam propinquos erumpit hostes. Primo autem utriusque partis peditum sese incurstant acies. Gibellini temere venientes Guelphos non suorum equitum acie subsequente, illico turbatos fundunt, qui nihil minus, quam ut contra se hostes erumperent metuentes adeo processerant, ut erumpentium impetum vitare non possent, absente imo ignorante. Comite duce suo, quem Simon de la Torre Guidonis filius equi Mediolani Princeps secum in solitarium locum traxerat ad colloquium cum Simone Malvecino auctore prodicionis, quam in Urbe esse afferebat uterque Simon. Quibus Comes incurstantium tumultum armorumque audiens sonitum: Fortuna, inquit, quæ irrita hæc consilia nostra fecit, suo nos consilio nunc uti volet. Indeque se subtrahens dum vociferantium conspectum petit suos cedentes, ac prope terga dantes videt. Ita confusus, ac prope perditus nullum ad suorum aciem equitum nuncium, ut veniant, mittit, immemor, quod modo discedens iusserat, ne donec rediret procederent. Immo paucis, qui secum, ut Secretarii venerant, eum sequentibus celeri gressu ad suos pedites, quorum magna pars hostibus terga dabat, ipsosque adventu illius illico animatos in hostes jam impetu conspecto Comite tardiores vertit. Qui vero cum Galeaz cuiusque generis erant equites non numerum ducentorum attingebant. Hi expeditum agmen peditum in fronte positum sequebantur. Ante omne equitum agmen erat una cum Vassallo de Desio Comes Serapontis nescio Gallicus, an Germanus utriusque enim erat lingue gnarus, qui tunc in Tusciam ad Imperatorem transiens pluribus diebus fidelis hospitii gratia Placentiæ moram traxerat. Deinde precibus, atque donis illectus, nec non gloriæ Martis cupidus hujus Guelphicæ novitatis, quam nuntiabat ambiguus vulgi rumor, expectarat eventum. Cui Vassallus de Desio: Ecce, inquit, Comitem Philippum, qui in his partibus totius rebellionis primus auctor, atque causa fuit, quem no-

strorum



florum agmen peditum clava sternentem cernitis. Hic modo suos fugientes retro vertit, ac nostros fugantes sistit. Quid si sua equitum acies, cujus moram miror, venerit, quorum equitatu noster nimium impar numero est? Hæc nec temere dicta, neque Comiti audita sunt; nam illico fociis signum voce dedit, ac signa de coetu in dextrum latus aliquanto seorsum vertit, ne dum occurrat hostibus, frequens Gibellinorum agmen peditum, aquis pulsum, à tergo turbet. Jam utriusque partis expediti pedites, deinde qui armis graviore erant sese undique incurstantes increbrescebant late pugnam. Cujus rei causa hi, qui tensis hastis Comitem Philipponem, aliosque hostiles equites incurfare volebant, ad hoc liberum spatium non habentes hastas obiciunt. Deinde evaginatiss gladiis horrida voce missa versus Comitem Philipponem per frequentem pugnantium turbam tendunt, & illico ejus, ac cunctorum, qui secum erant, equitum pugnam in se vertunt. Tunc pedites Gibellini se liberos sentientes hostilium equitum pugnam, quos jam prius fuderant, hostium pedites acrius aggressi sunt, qui dum impetum sustinere conantur suorum frustra equitum expectantes subsidium, ab equitibus Gibellinis jam periculum in mœcernentibus, ne hostilium equitum acies perveniat, laxis frænis in eos impetum facientibus dissipantur. Erat tunc in Gibellinorum peditum agmine plebejus civis Papiæ domo pulsus. Hic ut Comitem Philipponem in Comitem Serapontis sævientem clava, nec non in Joannem filium ejus, qui pugnae hostili pro genitore successerat, videt, ad eum tendit secum inquitens: Tunc exilii mei auctor hinc evades Comes? Lancea non ipsum Philipponem, quem strenuis armis tutum existimat, imo intentior ad nocendum equum ejus petit, atque forat, neque illo lethali vulnere equus tardior, imo asperior Comitem in frequentiores hostes sævientem tulit, cujus rei causa neque suos post terga relictos fugientes videt, nec nisi tarde suorum fugam, & se relictum sensit. Nam equo vulnere jam affecto, in gyrum flexo, dum retro lumina flectit, nullum suorum nisi fugientem videt. Tunc frustra fugæ memor equum soliti saltus immemorem, ut humilem fossam in latum campum transeat, ferrata calce vulnerat. At ille in ulteriore ripa moribundus ruens Comitem in discrimine prope insensos hostes liquit, vi à Vassallo defensum, dum Galeaz, cui se dedat, vocatus veniat. Nam Jacobinus de Landriano peditum Constabilis socios exhortans

tans in eum: Hic, inquit, proterve Comes extinguendus erat tunc  
 superbiæ furor. Jam lacerati Landriani pœnas dabis. Eo tandem,  
 sociisque rejectis invitus quasi, & cupio mori vociferans, vixque  
 Galeaz sese dedens, equo impositus in Urbem fertur. Jam hostis  
 in fugam sparsus undique per devia quærebat salutis viam. Plerique  
 versus Padum tutius naves petunt, reliqui peditum ex magna par-  
 te aut capti, aut gladio cæsi sunt, pluresque cecidissent, ni timor  
 Parmensis Gilberti, ac Laudensium exulum, quos venturos nove-  
 rant, victorem militem revocasset, qui etiam prope tardus ad de-  
 fendendam hostibus Urbem fuit, quorum jam multos, lacerato  
 vallo, intrantes Urbem invenit, qua nondum muro munita erat.  
 Nonnulli etiam hostium ad interiora Urbis mœnia propinqua-  
 bant. Hi primum Papiensium perpendunt cladem, dum per Ur-  
 bem vagantes onustos præda milites cernunt, & quam vulgo vo-  
 ciferanti increduli spreverant, receptam sociis cladem cruentis oc-  
 currentium gladiis credunt, audiuntque illico, & credunt Comi-  
 tem Philipponem captum; Nam ipsius cladis fama, aut ullus nup-  
 cius ad eos nondum venerat. Itaque omni spe perditâ subito pa-  
 vore percussi qui primi intraverant rapidos sistant gradus, deinde  
 dum retro pedem ferunt qui dejecti passus valli servabant ad se vo-  
 cantes socios subito de aggeris tumulto sese præcipitant. Exteri  
 itaque pavore percussi, qui Urbem quam prope captam putabant  
 jam factò agmine intrare parabant. Sed non multum dubitare  
 simuntur, nam illico patefactis portis erumpunt tres Gibellinorum  
 equitum turmæ, qui neglectis, quos passim vagantes cernunt, ho-  
 stibus, in frequentem hostium aciem, quæ pro statione erat,  
 ruunt. Eosque primo impetu in fugam vertunt. Tunc multa  
 peditum strage facta evasit eques, tota cædis clades peditum fuit,  
 quos quia effusa fuga sparsos neque multum longe persequitur Gi-  
 bellinus, imò servatæ Urbis periculo contentus, signo receptui dato  
 Urbem intrat. Comes Philippo ubi, prout res processerat, sensit se-  
 cum, quid ulterius te, inquit, dilacerandum servas? Expecta-  
 bilne qualiter te trahet Henricus, qui Tebaldum amicum nostrum  
 ante muros Brixie viliter more canis dilaceravit, dilaceratumque  
 in conspectu gentium, spectaculum horridum, atque vile cunctis  
 gentibus dedit? Itaque horrenda voce tonans ferrum, quo in se  
 levitat, querit, quod ubi per custodes nunciatum est Galeaz, Vas-  
 fallum solandi, ac servandi Comitis causa ad eum ire jubet, cui  
 hos

hos furiosos mores amicis sermonibus increpanti inquit Comes: Cur frustra solari ægrum animum meum conaris amice? Quid mihi usquam spei est? Episcopus Papiensis frater meus, cujus omnia, quæ vere non sua, sed filiis meis de dextra usui meo erant, vita cessit. Ricardinus filius meus, in quo si quid usquam spei mihi restat, sperare liceret, perfidia Philippi de Sabaudia, dum secum nuptias celebrare debebat, in Taurino captivus moram trahit. Quid autem ulterius fortunæ novercant in me restat agendum, nisi ut æqualia Tebaldi fata præstet mihi? O quam pietas tua hodie, cum hostibus gladiis, heu nimium tardis, peterer, pestifera fuit mihi! Hoc fide fecisti; cui me crudeliter lacerandum servares non vidisti. Tandem ut in hostibus non quam timebat servitiam, sed humanæ compassionis certa signa videt, aliquantulum ad se rediens vulnus, quod per utramque aciarinam laminam, transiens hostilis gladius fecerat, mederi passus est. Verum aliter quam timebat evenit, aliumque fati casum habuit; Nam Imperator eo tempore conspirantibus aliquibus Senensibus intrinsecis cum extrinsecis spem occupandæ per deditionem Civitatis cepit. Et quingentis de Alemania equitibus sibi missis, iter arripuit versus Senas per agrum S. Miniati transitum faciens, & hostiles villas incendio ponens. Sed Urbis moribus accedens sua spe invenit se deceptum, cæcis enim fautoribus armatos muros Guelficis signis videt, & cum ad se vocatis Aretinis, & Comite Montis Peltri, & Comitibus de Santaflore, & de districtu Senarum fidelibus suis, ante Urbis portas sua statione, Senensem undique agrum depopulans tenet exercitum, tridua febre implicitis ad tumultum suorum in pugna levibus certaminibus coepta laborantium equitavit armatus. Inde iram animi, & immodicus corporis ægri labor ipsius febris igniculum in continuam traxit, quæ continua comite die XXIV. Augusti anno MCCCXIII. migravit ad Dominum in loco, quem incolæ Bonconventum dicunt distante Senis XV. milibus passuum. Amisso Duce spargitur exercitus, hanc Comes Fredericus de Monte Pelro cum Aretinis Aretium reversus est, diuque Senensis cum ceteris Guelfis Tusciæ securus fuit; Marechaleus cum cetero exercitu corpus Domini sui secum ferens per maritimam Pisas venit, & Pisani id cum instantia requirentibus corpus sepeliendum datur in Ecclesia majori obsequio tanti Principis, ut de exit, celebrato honorifice situm. Pisani omni thesauro earum tenent,

## C A P. LXV.

**I**Taq; Comes Philippo cruciatam, ac trucem mortem, præventa morte Principis, non habuit, quam timebat. Attamen perpetuo carcere miseram deinceps vitam egit. Nam Matthæus Vicedcomes pater Galeaz, cui victus destinatus fuit, carcere cum clausit, in quo perpetuo vitam egit non immemor quod Comes iste una cum Simone de Colobiano, & Antonio de Fixiraga, & Alberto Scotto, quem contra ipsum instigaverant ipsi falsi Comites Simon, & Antonius, ejus exilium procurarat, & de Domino ipsum Mediolani exulem fecerant, corrupto precibus, & falsis rationibus ipso Alberto mutato hostilibus aciebus stantibus in campo Melzi, ubi Matthæus ipsius Alberti nimium fidens, sibi clavam in signum remissionis domini Urbis Mediolani, & plurium Civitatum, quas tenebat dedit, contentus in Urbe sua privatus vivere, quod ipse Albertus compositor pacis, quæ tunc trahebatur inter Turrianos & ipsum, promiserat utriq; parti. Verum instantibus, imo, ut multi mortalium asserunt, cogentibus ipsis Comite Antonio, & Simone, introductis Turrianis Matthæus extrinsecus mansit exul, & Guido de la Torre suæ factionis Princeps deluso temeraria intentionis suæ Alberto, qui Mediolani regnare posse credebat, regnavit non modo Mediolani, imo etiam Placentiæ, ipso reconciliatore suo inde pulso. Et exulem fecit, qui ipsum, & agnatos, & sequaces ejus exules absq; spe subito fecerat desideratæ Urbis suæ Cives. Itaq; Matthæus iste, qui in prima dominatione junior regnans nullam injuriarum suarum ultionem sumserat, quasi indifferenter pro malis reddens bona, postquam ab ingratis sceptro pulsus, exiliumq; eisdem procurantibus, a quibus non id meruisse credebat, ægre nimium passus est, aliquantulum inclementior factus erat, credens nimis facile ignoscendo periculum incurrisse, & propterea multos ad experiendum fortunam belli in se audacius surrexisse. Heic se instruat humanum genus, & in Cœlo sciat esse, qui mortalium curam habeat, & aliquando heic præmia pro meritis inique agentibus, præcipue ingratis, reddat. In hos ingratos, imo retributores diabolicos, Matthæus sævire potuit, ut voluit. Tamen eos in ejus potestate captivos habens, Albertum, quia aliorum astutia seductus fuerat, libere relaxavit, re-

tineas

tinens seductores in carceribus, qui perpetuum domicilium fuerunt sibi.

## C A P. LXVI.

**P**ost hujus Henrici Principis nostri mortem in cunctis partibus Italiae exultat Guelfus non modo Tuscus, verum etiam Lombardus. Et licet ex Primoribus Guelficae factionis in Lombardia multi, & plerique Domi suae Principes aut caesi, aut capti forent, Franciscus, & Simon de la Turre Guidonis, de quo superius pluribus locis mentio facta est, filii exulum Mediolani Principes, collectis undique amicorum viribus in Papia, tantum gentis effortum maxime equitum subito collegerunt, ut Gibellinae gentis, specialiter equitum nulla parte timerent occursum. Sentientes Mediolanum conductorum equitum vacuum, nimia, & crebra contributione promissi auri Henrico facta, vacuato nimium Fisco, magnam etenim Matthaeus, ut fertur, dederat sibi pecuniae summam, & nimiam conferre promiserat, cum juxta Brixiam eundem Matthaeum Turrianis id tunc requirentibus praeferebat sibi contulit regimen Mediolani. Itaque exules Mediolani una cum Thoma de Martiano Comite de Squilatio in partibus istis Mareschalco Regis Roberti, vadato Ticinello haud longe a loco Gazano fuffis, ac pro magna parte captis agrestibus Seprii, ac Marthesanae, quibus ipsius aquae transitus custodia commissa erat, Mediolanensem agrum hostiliter occuparunt . . . . . Erant in Marthesana . . . . . quae tertia pars Mediolanensis agri est, adversantium ab antiquo partium studia, quae olim in Burgo Vicomercato duarum invicem adversantium agnationum, Rusticorum scilicet, & Melosorum discordia initium sumserant. Et licet utriusque fere agnationis virilis sexus genus foret antiquitate consummarum, unico de Domo Rusticorum superstite, quem tamen nomine Philippum cuncti suae factionis colabant ut Dominum naturalem, In Melosis autem, qui plures erant, nemo praeter alios cognitae auctoritatis, ut taliter honoratus apud suos erat. Hujus Melosae factionis, quae semper inimica Turrianis fuerat, Nobilis, ac domi dives Marthesanus Obizo de Bernardigio tunc cum Turrianis exulans amicus ac praecipuus fautor, ac defensor extiterat, regnantibus Turrianis, nunc etiam domo patriis bonis secum pulsus, ipsis etiam in vitis, quos

quos sequebatur ut Duces, cursitans undique per exercitum quoscunq; suæ partis Melosæ captos reperit aut precibus, aut pretiis redemit, ut potuit. Plerosq; quos crudelis spoliaverat prædo, suis, suorumq; famulorum ejectis de dorso vestibus nudos cooptavit. Hujus viri mores silere nequeo: Nullus in Marthesana, ipso non exule, terram pluribus vertebat aratris; non tamen delicatis, sed grossis vivebat cibus. Amicus, quem casu aliquo visitasset, si ipsum lauta, & pingui mensa cibasset, non reprehensione carebat. Eidem visitanti possessiones suas nullus colonus ejus capones, aut alias pingues carnes præsentare audebat in mensa. Qui rapas maceras modico sale conditas dabat sibi, admodum sibi carus erat. Sed ad tutandos, sublevandosq; amicos totus deditus, prodigus semper fuit, nullis parcens expensis, aut laboribus personarum. Sæpe etenim oneratis victualibus plaustris non modo amicos amore sequaces, verum etiam mercede conductos secum ducens nullam sui Communis poenam metuens, ad propulsandas amicorum injurias, & offensas, aut eorum hostibus inferendas celer tendebat agmine nunquam parvo. Interea frequentes in Urbem nuncios veniunt nocturnum iter versus Ticinum hostes clam facere nuntiantes. Ad arma primum stipendiarios, qui auxilio venerant, equites suscitavit, deinde, præmissa per Urbis vicos præconis voce, Communis campana fori Cives capere arma, & signa sequi jubet. Tunc Comes Serapontis, qui Imperatoris morte Italianam relinquens Mediolani primum donis, deinde stipendio magno collato moram trahens subito conductam cohortem fecerat, nimium festinus ad hunc tumultum fuit; Nam Janarius Civis Placentinus, cujus Salimbene cognomen erat, Potestas Mediolani, & Comes Aymode Ticinensi Capiteanus belli nuper factus, nullis præmissis exploratoribus una cum hoc Comite Serapontis, paucisq; equitibus Mediolani, versus Gazianum celeri gressu tendunt, fluminis transitum hostibus inhibere volentes, quos transisse reperiant. Et licet de eorum transitu, & multitudine certiores occurrentibus Contandinis commissio fluminis loco pulsus, qui eruentis vulibus hostium multitudinem nuntiabant, adeo temere processerant, ut eodem campo cum hostibus, nullo mediante oblatu, stupescere viderent. Tunc Potestas Mediolani: Erravimus, inquit; errori autem nostro unicum remedium est. Aliquantulum retrocedendum est; scitis etenim, quam fecimus, viam fluvii collateralis est.

Huc

Huc veniens haud procul hinc hujus stratae locum vidi, cujus utrumq; latus plaustrum stagnum junctum velut vallo muri nos tutos faciet, nec hostium multitudine nos circumveniri sinet, ibiq; solam hostium timentes frontem sine periculo expectare poterimus gentes nostras, quae plenis veniunt stratis. Cuncti assentiunt, excepto Comite Serapontis. Ille vana quadam, temerariaq; superbia: signa mea, inquit, hostibus visa cedere nesciunt. Maluit itaque vinci, quam defensionis, imo forte victoriae viam sequi, ut plerumque accidit, qui disciplinam militarem nesciunt, aut nescire volunt. Murmur itaq; toto insurgit agmine, quorum major pars occurrere hostibus, eorumve incursum ibidem expectare summam dementiam esse dicunt. Pauci Comitis dictum laudant. Nec mora, appropinquante hostium densa acie quisq; opinionem suam secutus est. Nam Comes, & pauci ultra banniae suae comitivam secum inclinatis hastis, citatis equis, nullo ducis signo dato in hostes ruunt. Ceteri per devia salutis viam quaerunt. Comes, quiq; cum secuti sunt, totam hostilem aciem transeunt, ac plerisque eorum absq; ignominia per medios hostes facta via evadere, ac tutum sibi locum petere licuit, sed revertentes occidi potius, aut capi hostibus maluerunt, quorum insuperabilem multitudinem esse cernebant. Hodie etiam in Urbe nostra saepe hujus quaestio ventilatur. Nam sunt qui asserunt: si cuncti dictum, factumque Comitis secuti forent, aut hostes in discrimine posuissent, aut cruentam victoriam eis dedissent. Hi neque id Comitis actum, temerarium, sed potius laude dignum esse ferunt. In Urbe ingens pavor, velut intra muros hostes forent, undique circumvenientes occupat, existimantes hostes post terga fugientium ruentes una secum Urbis portas accedere, sed aliter quam timebant evenit. Nam qui fugientium Ticinelli stratum, ipso fluvio, paludibusque de se factis septam tenuere, quos ob id hostes insequi non audebant, ut frequentes Cives in occursum venientes vident, gradum sistunt, & tuto se locant loco, ubi Ticinellus transiens stratum ripas mutat meridianum latus stratae linquens. Ibi antiquus pons ligneus amplectens fluvium interruptam stratum jungit. Ille locus ad resistendum hostibus aptus eligitur. Eo erumpentes Urbe Cives subito glomerantur in unum, jam persequendum optantes adventum. Verum ipsi aliam viam capiunt, & juxta Albayrate gradum sistunt. Inde per apertos campos ad portam

portam Urbis, quæ Vercellina vocatur, accedere commodius posse rati, adeo equos, seque itinere fatigatos reperiunt, ut ibi morari illa nocte necessitate coacti sunt. Quod ubi perceptum est, revocato exercitu in Burgum exteriorem Portæ Vercellinæ undiq; Urbis clauduntur portæ, ne quam moram in Urbe faciat miles, & hostibus occurrere paratior sit. Cujus rei causa hostes, spe posita tam subito, ut speraverant, occupandæ Urbis, per aliam viam Legnanum tendunt. Heic inter ceteros Comitatus Mediolani ad colligendum Turrianæ factionis vires aptior sedes visa est, XVI. millibus passuum ab Urbe distans, qua primum ac sequenti die alii metu, alii favore partis Turrianæ frequentibusturmis, maxime ex propinquis Seprii villis Francisco de la Turre, & aliis Primoribus exulum ostentantes temere illuc ruunt. A quibus docti, industique Regio exercitus Duci Urbem accedere suadent, quam dedi paratam asserunt. Pauci autem horum in exercitu moram trahunt, imo semper Sole cadente quisque domum tendit, neque ob id eos detrectare militiam dicitur, quibus, dum non extra Mediolanensem agrum militent, antiquus mos est, in castris tubis, aliisque soniferis instrumentis sub signis sese exercituum ducibus ostentare, & ad . . . . . se devotos, promptosque offerre. Deinde iter domum faciunt plerique sæpius non redituri. Hoc sentiens exercitus Dux, quem speciali titulo Mareschalcum appellabant, ad id per Turrianos exules pertrahi nequit, ut versus Urbem accederet, ut instabant. Præmissis etiam plerisque exulum, ac nonnullis, qui prædæ magis studio quam partium favore exercitum sequebantur, usque Rhaude, qui locus VI. millibus passuum ab Urbe distat, incolis, utpote Canzianis, Brugoricolis, & aliis qui in ea contrata secum Turrianæ factionis erant, cunctos, quos prædæ avidos esse credebat, provocantibus, ut primitus injuriarum suarum ultionem sumant, & securum versus Urbem accessum toti exercitui esse probent. His primis auctoribus, ac viæ Ducibus magna prædonum multitudo subito Rhaude fuit, quibus (ita eos trahebat prædæ cupiditas) non magno hortamine opus erat. Itaq; plusquam mille illico discurrent Rhaude, ibiq; & circumstantium partium spoliantur non modo adversariorum suorum domus, verum etiam nonnullorum, qui ab initio huiusmodi novitate gaudebant; Erat enim tunc Dux exercitus hospitio penes Religiosum militem Fratrem Singibaldum de Lampugnano,



gnano, Ordinis Militiæ B. Mariæ Virginis gloriôsæ, cui non sine causa exercitus tædio erat, quippe suas, suorumq; possessiones vastari cernebat. Imo etiam nec sibi, nec agnatis suis Turriana potentia umquam grata fuerat. Hic cum ipsius Ducis agrum animum, & ipsius rei causam perpenderet, jam magna ciborum copia consumpta, opportunaque mutui sermonis hora capta, in modico sermone Mareschalcum suæ sollicitudinis, & agræ mentis causam manifestare coegit. Qui velut in arctis, & periculosis rebus consilium quærens: Quid agendum, inquit, ignarus omnium nescio; frequentantium etiam castra mea ambiguum fidem tenet. Non enim, ut fertur, omnes, qui ad nos magnis promissionibus veniunt, Turrianæ domus amici sunt, imo plerique votis discordant secum. Cui Frater Singibaldus, ut postea cum referentem audivi: Exulibus, inquit, quos dulcis amor patriæ incitat, mos est cuncta ardua, atq; aspera suadere, attenuando etiam adversariorum suorum vires, quæ imminet pericula reticere, ubi aliqua eis recuperandæ patriæ fuerit spes. At vobis æquiori animo considerandum est, si æquis viribus, atq; locis, vobis, atq; hostibus geritur res. Nihil in mora vobis tutum video. Aut illico vincendum, aut abeundum est. Quippe nullo firmo munimento, nullo continuo neq; certo commeatu freti, hostili agro positi, cujus incolæ potentioris exercitus fortunam semper sequi parati sunt. Non sine magna vestri, ac gentis vestræ periculo Mediolanensium amicorum quotidie, creicens expectatis effortium, quod ubi congregatum fuerit, scitote vos tunc omni gentis ac victualis subsidio penitus derelictos. Imo si pluresq; qui nunc vobiscum sunt, hostes vestros viderint meliores, illico secum erunt. Hoc non impune multi hætenus Principes experti sunt. Sed Etzelini de Romano casus non nimium antiquum documenti exemplum vobis est, qui superba dominatione Urbium Brixie, Veronæ, Tervisii, Vincentiæ, ac totius fere Marchiæ Tervisinæ adeo fretus, cum aliquot & ipse exulibus Mediolani. trajecto flumine Addæ Ambrosianum agrum invadere ausus non per pontem, ut venerat, sed per inexpertum fluminis vadum graviter vulneratus terga dare conatus est, & priusquam districtum nostrum evaderet, cæcus in Soncino non multum magnifice sepultus est. His, atq; aliis, quibus multipliciter periculum sibi nunciabatur in mora, adeo percussus metu creditur, ut absque ullius exulum deliberatione proponeret versus Papiam iter arripe-

re summo mane, neq; sibi, quorumq; consilio regeretur, curae fuit nunciari recessum illis, qui Rhaude iverant. Id non oblivione, sed industria ejus, provincialiumq; omisum fuisse creditur, ut potius versus Urbem totius exercitus minarentur accessum, & hostium animos ad se converterent, qui si Guelfici fugam exercitus aliquo modo præsumpsissent, ut pluribus locis poterant, fugientes saltem ad vada fluminis occupassent. Itaq; Mareschalcus sequenti mane, ut abeundi idoneam occasionem quæreret, quasi objurgans his verbis Francischinum de la Turre subito multis audientibus ( etenim audiri volebat ) aggreditur inquit: Francisce tua vana promissa secutus sum, quibus me nimium credulum perdidisti. Cui cum, absit me neminem perdidisse, responderet, Mareschalcus ostentans cedula, quam sibi Francischinus Papiæ dederat: Ubi nunc, inquit, promissa amicorum subsidia heic notata, quæ nobis intrantibus Ambrosianum agrum occurrere debuerunt? Ubi nobiles de Birago cum duobus millibus armatorum? Ubi illi de Castillione, quos Sepriensi pago, in quo sumus, dominari dicitis? Ubi confluentes amici vestri, quorum multitudine Urbis moenia superatis civibus occupentur? Tunc Francischinus Mareschalco inquit: multos amicorum ad vos venientes vidistis, pluresq; promissionis numero venient, si proceditis, ut cupiunt, versus Urbem. Nec capit hospitio vicus iste eos, qui venerunt, licet plurimum amplius sit. Huc venerunt Litti de Arluno, & alii multi Nobiles cum armata multitudine agrestium, qui, postquam inopinatam, & inutilem senserunt moram nostram, domum reversi sunt. Præsto ergo procedatis saltem usque Rhaude, ubi jam multitudo nostræ gentis, pulsus inde qui adversæ nobis factionis sunt, nos expectant, ibiq; spero videbitis manifeste nullam vobis factam promissionem fuisse vanam. Tunc Mareschalcus fide ex industria: & Rhaude eatur, inquit. Hæc Mareschalci vox audita subito per Legnanum sparsa multos perniciose fecellit, qui non expectatis signis, tumultuose rapido cursu versus Rhaude tendunt. Illi vero, quos ante lucem Mareschalcus suæ intentionis confcios fecerat, prælatis signis, non segnius versus Papiam simile iter fugge capiunt, nec alicubi moram trahunt citra passus fluminis Ticinelli. Qui vero Rhaude pervenerant, quique eo nimium festinatum iter arripuerant, ut dictum est, capti, aut spoliati, aliqui cæsi. Multos servavit pia caritas amicorum. Pauci ex captivis Mediolani

lani consignati sunt; nam fere omnes celeri, & modica redemptione dimissi sunt. At ubi Papiam ventum est, exules Mediolani tanta repatriandi spe frustrati questibus Urbem replent, seq; prodios Mareschalco vocant, ipsumq; auro corruptum dicunt, qui cum victoria in manu ejus esset, nullius periculi metusve causam, habens procedere noluit contra hostes, qui Urbis burgos exire non audebant, imo per ignavum scelus simulans metum, nos & exercitum, honoremq; Regis, a quo huc solo infortunio nostro missus est, perdidit, sine quo ipse Dominus noster Rex, & omnis ejus factio Lombardiæ jam suum habuisset intentum. Ex Papiensibus, quæ gens natura prædæ avida est, multi dum exercitus Legnani foret, de castris prædandi causa Rhaude processerant, quorum plerique viam prædantium exulum Mediolani temere per villas secuti, ab offensis rusticis Guelfici exercitus fugam sentientibus crudeliter cæsi sunt, & in eos propter recentem offensam a Contadinis, per quorum territorium fugientes errabant, sævius sævitum est. Quorum casus ubi Papiæ nunciatus est, illico miserabilis mulierum insurgit questus filiorum cædem plorantium. Id adeo multitudinem subito stimula vit ad fremitum, ut inde orto clamore vociferantium Mareschalci mortem statim hospitium tumultuoso insultant agmine. Plerique ipsum per hospitii latebras quæerunt, qui suorum cædes ipsius cæde ulcisci volunt. Alii hospitium spoliare satagunt. Forte iste multitudinis furor oppressisset eum, ni Francischinus de la Torre audito tumultu se sui; honoris dignum opus faciens cum eius familia celeri gressu illuc properans ab hospitio jam tamen pluribus rebus spoliato furem multitudinem alios precibus, alios scilicet coexules suos, comminationibus repulisset. Certex prompta nimium suspicionem hæc infanti ignominia Duci illata est, & falsa de ipso, sed non diu tamen credita, processit infamia.

## C A P. LXVII.

**E**O, sequentiq; anno quod dignum sit memoria parum actum est. Guelfi tamen magno equitum Dalsini de Viana subsidio freti, qui eadem, qua Turriani, stirpe ortum se ferebat, congregatis Papiæ undiq; suæ factionis viribus Placentiam invadere conati sunt. Ipsius Civitatis Galeaz Vicecomes Matthæi filius

Reator erat, modico equitum, ac peditum præsidio fretus. Ideo dubiam civium fidem timens frequentibus nunciis, non modo Genitorem, imo vero sæpius qui ejus frequentabant Aulam sollicitat, ut sibi destinent saltem equitum subsidium petens. Itaq; magna equitum turba, quibus Franciscus de Garbagnate, & Paxius Hermenzanus duces dati sunt, in ipsius Urbis subsidium missa prope tarda fuit, dum ab hostibus retinentur ad flumen Padi equites nostri, quorum abeuntium vestigiis insistebant Guelfi persequentes ab alta ripa Padi. Verum Francisci solertia fallitur hostis, qui ante occasum solis ponere castra simulans, signis in hostis conspectu canentibus, & micantibus undiq; crebris focus tota nocte, interim cum omni equitum robore per campaniam semotum, ac aliquantulum a ripa distans, iter faciens longe ab illius hostibus transeundum flumen repetit. Ubi obscuræ noctis beneficio vix ante odiosam, ac sibi nimium præcipitem visam lucem, non sine inopinato pavore paucis navibus transiunt Padum. Quoniam dum veram ulteriorem ripam attigisse credunt, in longam, & latam fluminis insulam se descendisse reperiunt. Oportuit itaque reperto errore circumduci naves, & alterum ramum fluminis superare. Attamen prius supervenit manifestans illusum hostem clara dies, quam omnes e navibus equites in solidam, ac tutam exirent ripam. At ubi senserunt Guelfi subsidium equitum a Mediolano missum repertis abeuntium vestigiis in suam ripam fluminis evasisse, hoc, necnon ut Urbem intraverant, nunciato in exercitu, timentes ne recenti succursu equitum sumto animo iratus obsidione hostis erumperet, illico recessere. Ut sensit Galeaz abeuntes, an temerarii, audacisve, an sani consilii Franciscus foret scire volens inquit sibi: Erumpendum est, ne nobis torpentibus abeant tam securi. Verumtamen laudante Francisco, servata Urbe contentus fuit. Simulans tamen ægre ferre hostes tam liberos, & sine ullo periculo abire, inquit: Francisce ego credere minime potuisssem sub umbra salubris consilii ullum te Martis evitasse periculum. Hæc vox audacis viri præcipitem animum movit. Et illico: pandantur, inquit, portæ Urbis, & insulantur hostes, post quam utilius hoc vobis esse videtur. Risit Galeaz: sufficit, inquiens, quod quærebam habeo.

**T**unc Fessis Guelforum, præcipue Papiensium, qui tunc in Liguria Principes ipsius factionis erant amicorum subsidii, aliquandiu utriusque factionis languit vigor. Et velut nulla occasio belli, imo omnis causa pacis foret, undique rusticis arantibus, quietis agris, toto ipso anno cessasset omnis furor belli, ni domestici Consultores Matthæi de se graviter questi forent, ejus negligentiam accusantes. In camera ejus, inquiunt, non ut expedit, sed segnius opinione civicum hostibus bellum geri, nec propterea eorum bursis requiem dari. Non nos modo, sed hæc per Urbis compita mussant Cives, quibus mercenariorum militum minime cessare videntur expensæ, nec ut habeant honestum optatumque finem belli, ullos bellicos actus ulla parte fieri vident. Itaque hujus querelæ causa ex ipsis domesticis Consultoribus eliguntur sex, quibus gerendi belli onus, atque auctoritas, & omnis cura commissa est. Hi Homellinam, annonæ fertilem, quæ non modica, nec deterior pars Papiensis agri est, occupandam esse decernunt. Hæc Homellina inter Padum, Ticinumque more Insulæ sita est. Itaque Luchinus Matthæi filius cum exercitu Ticinum transiens in Homellinam tendit, cui qui ætatem ejus regant, & gerendorum curam habeant, dati sunt Guillelmus de Casate, Simon Crivellus, & Franciscus de Garbagnate vir impiger, in quo tanta erat audacia, ut potius moderandus, quam hortandus foret ad pericula capefcenda, nullo labore corporis, aut animi fractus, inceptum negotium quantumcumque arduum vix liquit umquam infectum, cujus audaciæ fortuna sæpe plus, quam cuiquam credibile fuisset, arrisit. In hujus exercitus adventu in dedicationem veniunt Oghiablanum, utraque Ferraria Homellinæ, aliudque castrum, quod Præpositi castrum vocant incolæ, pluresque aliæ villæ ..... populationis agrorum, pleræque quarum incolis, si ab hostibus oppugnarentur modica spes defensionis erat. Duo autem nobilia oppida Rodopium, & Nicornum pugna frustra tentata sunt. Rodopium defensorum multitudine, Nicornum vicina palude defensa sunt. Castrum quoque Comitis Guidetti de Langusco, cui Herbonesium nomen erat, uno die continuo usque vesperras frustra pugna tentatum est, imo etiam quod

extra

extra murorum moenia receptum vocant, solo valli, ac fossæ ambitu defensum est. Tunc vero dato receptui signo a pugna cessatum est. Profuit, ut puto, defensioni, quod cum scalæ prope portam castrî erectæ forent, & instantiori pugna urgerentur extrinseci, dejecti sunt denarii à dextris, atque sinistris plenis manibus sparsi, ut hostis, quem nimis avidum pugnandi vident, ad oblatam sibi pecuniam curreret, & ut sperabant intrinseci, sic accidit, nam Gibellinus miles, illico pugnam linquens incertæ prædæ prætulit certum lucrum; erat enim castrum illud undique inexpugnabile, non tamen ulla hominum, sed solius naturæ arte munitum, laci scilicet, & profundi stagni præsidio tutum præter ejus latus unum, ubi unica totius castrî porta erat, ante cujus lateris faciem receptus vallo, ac profunda fossa tutus obstabat, ne primus hostium impetus ad portam murumque interiora castrî fieret. Dumque stipendiarii nostri illam solam partem recepti pugnant, quæ opposita ad portam castrî defendit accessum, ibique ex omnibus partibus concurrentibus totius recepti defensoribus magna vi resistitur, ita quod in expugnatione modica pugnantibus erat spes, Arnaldus quidam non modo armis, imo lanceis vestibus nudus ubi defensoribus desertum vallum videt, spretis pungentibus vepribus vallum ascendit, ibique militare signum, omni custode relictum à vallo revulsum supra caput ejus per aera volitat alta voce vociferans captam terram. Hac voce territi qui ante portam castrî defendebant vallum, in arcem per ipsam portam, fugiunt, & antequam persequens trajecto deserto vallo hostis accedat portam, catenis sublatum pontem invenit nondum levato ponticulo, quem occupant nostri, & statim inhibent cæso retinaculo ne levetur. Deinde cæsis catenis magni pontis, dum frangere portam putant, frustrati sunt, quoniam ferreis laminis tota cooperta erat. Itaque duabus junctis simul, ac firmiter colligatis scalis, cum nullæ singulæ altitudinem muri superare possent, equites duo scandere tentant murum, dum sagittarii, quorum plerique Januenses erant, vulneratos de muris defensores pellunt. Itaque ambo cum cura capite armato, ut minus lapidum ictus sentiant, alter post primum, quem manibus, ac brachiis subsequens retinet, ut à lancearum, lapidumque ictibus ambabus manibus se defendat usque prope merlos ascendunt murum. Ibi dum qui superior tendit hostilem murum à se captum putat, securis dorso in-

sum.

summitate galeæ fortiter ictus prope maceratus est, tamen de scalis præcipitans semivivus à subsequente socio retentus est. Illico respersus vultum, interiusque resectus vino, acrius se erigit contra securis auctorem, qui tunc securi voluit scire utrum aptior incidere sit, quam macerare, si fortuna sinat. Verum Januensis subito verettonus volat oculos transiens caput ejus, quo vulnere cum securi de muro rejectus est. Tunc linquens scalas ascendit murum, & socios vocans dum castrum captum putat, positus ad pectus hostilibus lanceis pellitur, & ad ima fossæ voluitur. Non propterea ullus defensor apparet muris. Turris proxima hostilibus scalis vacua non modo telis, imo etiam lapidibus erat, nullaque in defensione intrinsecus erat spes. Hoc extrinsecus miles pugnans fenserat, sed sola scalarum inopia morabatur captionem castris. At Comes, qui priusquam hostes fenserat pestem suam, ultimus defensorum muri scutum mille sagittis fixum ad terram proicit, equum validum, & curracem armatus, ut erat, ascendit, portamque aperiri jubet. Hoc videns fida uxor ejus: quid paras? inquit, visne comes te hostibus afferre mille vulneribus trucidandum? At ille: postquam video, inquit, quod nec ullus vir, nec ullum telorum genus, aut quicquam aliud defendit muros, per hostium tela erumpens, si quis fidelis casus fortunæ affuerit, evadam, aus hunc dolorem aperta cæde finiam. Ast illa vociferans: estne tibi aliqua in deditioe vitæ spes? Mediolanensis sanguis placabilis, atque mitis, cum vicerit, hucusque fuisse fertur. Diffidisse inclementia Matthæi Vicecomitis, qui necem patris oblitus Turrianis totiens à se captis vicariam necem nunquam voluit? Frequens mercenarius miles ante portam castris te statim mille plagis opprimeret. Cum vivere possis, scelus est velle mori. His fidæ Comitissæ vocibus acquiescens, illico equo descendit, & murum ascendit vociferans se deditum, si cui se dedat dignus nominetur. Tunc quidam per scalas ascendens: dede te, inquit, Ughetto de la Campana Conestabili meo. Vocatus, atque inde appellatus, inquit: Recipiamne te Comes mihi deditum, qui mercenarius miles sum? Dede te Luchino ViceComiti Matthæi filio, deinde subjungit: Et Francisco de Garbagnate, qui nos regit.



## FRAGMENTUM VETUSTISSIMUM,

IN QUO

MANICHÆORUM HÆRESIS  
DAMNATUR.

..... quod Christus est, faciens Deum verum, Anathema sit; homo enim per adoptionem, & sanctificationem, Fidei potestatem Dei Filius efficitur, Christus autem verus Deus veri Dei Patris est Filius per naturam.

Si quis animam hominis non confitens creaturam, sed ex substantia eam adferat Creatoris, vel dicat Dei portionem, Anathema sit.

Si quis Patrem, & Filium animam, & sensum dicit esse, Anathema sit.

Si quis Patrem, & Filium, & Spiritum Sanctum, totam Dei in terrena humilitate, vel animale evaquans Deitatem hominem vult intelligi; Anathema sit.

Si quis doctrinam potestatem dans hoc vult intelligi Trinitatem, & non potius inseparabilem unam eandemque, adignos potestatem, Anathema sit.

Si quis dixerit de Deo Patre omnipotente, ipse est Jesus, ipse est Christus, ipse Filius, ipse Pater, ipse Spiritus homo, Anathema sit.

Si quis animam cointemporalem adferat Deo, & non ei; postquam a Deo creata est, æternitate fuisse donatam, Anathema sit.

Si quis duas animas in homine esse, unam de substantia Dei, & alteram carnis, Anathema sit.

Si quis peccatum carnis non dicit pertinere ad animam, Anathema sit.

Et si quis carnem hominis a Diabolo, vel Angelis factam esse dicit, & non a Deo, Anathema sit.

Et si quis hujus Mundi Principem, hoc est Diabolum, & tenebrarum globum adferit procreatum, & non a Deo bonum Angelū factum, & propria postremū perversitate mutatum, Anathema sit.

Si quis dicit animam de sede cœlesti propriis desideriis ad terrena adductam, & non corpori jubente Domino copulatam, Anathema sit.

Si quis dixerit pluvias, coruscationes, fulmina, nubes, grandines, non Dei nutu fieri, vel moveri, Anathema sit.

Disqui-



## DISQUISITIO IN HOS ANATHEMATISMOS.

**A**ntiquissimum Codicem in Ambrosiana Bibliotheca adservamus ante annos mille, aut minimum nongentos manu exaratum, ubi amplum legitur de Hæresi Manichæorum fragmentum, una cum integra S. Archelai Cascharorum in Mesopotamia Episcopi ad Diodorum Epistola, qua Manetis, seu Manichæi illo tempore viventis errores, ac deliramenta refelluntur. Scilicet cum impio Hæresiarcha aperto Marte congregi Sanctissimus Episcopus voluit, ut publica victoria perditissimum Ecclesiæ hostem everteret, populosq; in veræ Fidei consensu firmaret. Hujusce disputationis Acta olim prolixo, ut videtur, opere, & Syriaco sermone conscripta fuerant, testibus Hieronymo in lib. de Scriptor. Eccles. Cyrillo Hierosol. Episc. Catech. 6. Socrate Hist. Eccles. lib. 1. cap. 22. Ea vero hoc eodem anno Latine ex antiqua versione prodierunt in lucem cura Cl. V. Laurentij Alexandri Zacagni) Vaticanæ Bibliothecæ Præfecti, cujus eruditionem, consiliumq; utilissimum in veteribus monumentis edendis commendare pluribus possem. Præclarum etiam Historiæ illius fragmentum Latine antiquitus donatum in laudato Codice MS. apud nos adhuc habetur, quod tamen ab Ambrosiana exscriptum, ac erutum Anno Christi 1668. publicæ luci traditum fuit a Clar. Viro Henrico Valesio ad calcem Annotat. in Socratem, ac Sozomenum. Eiusdem fragmenti, ac Epistolæ ab Archelao scriptæ, nostræq; etiam Bibliothecæ meminerunt Bigotius vir doctissimus Præfat. in Pallad., & Guilielmus Cave, in Hist. Literaria, quod tamen Dupinio in Bibliotheca Scriptor. Ecclesiæ, animadversum nequaquam est, dum Archelai vitam, ac scripta jejune nimis recenset. Aliud autem dignum æternitate fragmentum eodem illo in Codice hucusque delituit, nempe aliquot Capitula in Manichæos antiquis temporibus promulgata, quæ Literariæ Reipublicæ plane interest nosse. An ex aliquo Concilio hæc in Manetem fulmina prodierint, primo inquirendum reor, nam hosce tantum hæreticos heic designari, atq; configi nemo inficias ibit. Nonnullæ heic quidem Priscillianistarum opiniones anathemate percutiuntur, quas Manichæis placuisse nusquam animadverti, cujusmodi potissimum illa est: *Patrem, & Filium, & Spiritum Sanctum unam personam, aut existentiam esse*, ita ut Pater idem sit Filius, ac Spiritus Sanctus. Verum, quum multo plures ibidem damnentur sententiæ, quæ Manichæis dumtaxat, & non Priscillianistis arrisere, hinc ad Manichæos tantum pertinere istud fragmentum arbitror; & potissimum quia Manichæorum Historiæ connexum in veteri MS. extat, atque, ut S. Leo, S. Augustinus, alijq; agnoscunt, universa pene Manetis signenta Priscillianistæ sibi adoptarunt. Ad rem itaq; aggrediamur. Aureliano, seu

P. quod

quod veri videtur similis, Probo Romanum Imperium regente erupit in publicum Manes genere Persa, ex mancipio Hæresiarcha factus. Quum Persidi, aliisque Provinciis annis aliquot venenum suum afflasset, ægrotantem Regis Persarum filium superbus homo sanitati se restitutum pollicitus est. At contra votū res cessit, nam filius vi morbi & viuis raptus est, ipsiq; Maneti, ni fuga sibi consulisset, fatum idem imminebat. Hinc Mesopotamiam contagione sua inficere aggressus a laudato Episcopo Archelao semel iterumq; convictus, & in fugam actus, tandem in Persarum manus incidit, a quorum Rege, ut vivo pellis detraheretur, imperatum. Cum Manete ejus impia dogmata non perire, sed in alias regiones propagata Africam potissimum occuparunt, ubi Augustinum sectatorem primo, deinde acerrimum hostem invenere. Porro nascentis hæresis pestem suffocare, ut dixi, omnium primus conatus est S. Archelaus Cascharorum Episcopus, adultæ vero pertinaciam Titus Bostrensis, Diodorus Tarsensis, Georgius Laodiceus Arianus, Eusebius Phœnix (hoc est Emisenus) confoderunt, cujus rei testem Theodorum habemus. Quibus alii addendi, nempe Eusebius Cæsariensis, Serapion Thmuenis, Athanasius Alexandrinus, Apollinarius Laodiceus, aliq; complures, quorum meminit S. Epiphanius ad Hæres. Manichæorum. Hæc. 45. aut 66. Quod tamen mirum fortasse videatur, illud est, a Catholica Ecclesia singulatim in Manichæorum Concilia nunquam fuisse habita. Cujus rei causam, ni fallor, adducere possumus, quod nequaquam Christianis accensendi ii erant, sed quidem Gentilibus, e quorum sinu, & contubernio Manes eruperat, novasq; opiniones immixtis etiam Christianis aliquot sententiis proposuerat. Hinc est, quod Cyrillus Hierosol. Episc. Cathec. 6. ita scribit: *ὡς ἔστιν ἐπὶ Χριστιανῶν ὁ Μάνης, μὴ γένοιτο: ἰδὲ κατὰ τὸν Σίμωνα ἐξέβληθῇ τῆς Ἐκκλησίας, ὥστε αὐτὸς, ὥστε οἱ πρὸ αὐτοῦ διδάσκοντες, πλείους γὰρ ἀλλοτρίων κακῶν ἐξιδιοποιούμενος τὰ κακά.* Hoc est: *A Christianis non est Manes, absit: neq; ut Simon ille Magus ejectus est ab Ecclesia, neq; ipse, neq; qui ante eum docebant, fur enim alienorum malorum sibi ea vindicavit.* Hæc Sanctus ille Episcopus adversus Manichæos certans, quorum errorem ante 70. annos ortum habuisse affirmat. A Paganis igitur, seu Echnicis superstitionibus, atque a Diaboli Schola Manes emergens Christiana dogmata cum Echnicis tam subdole temperavit, ut neq; Christi assecla videretur, neq; mereretur Gentilis agnomen, instar perditissimi Mahumeti, qui ex Judaismo, Hæresibus non paucis, atq; ex germana Christi Religione omnium pertinacissimam sectam conflavit. Quemadmodum vero Mahumetum Ecclesia in Conciliis damnare minime consuevit, quia ovili nostro se ille haudquaquam surripuit, ita Manetem, ejusq; sectatores idcirco, ut arbitror, Catholicis Synodis Ecclesia confodere noluit, quod ii in alienigenarum, Gentiliumq; numero haberentur. Et profecto ab hac errorum sentina Mahumetanismo originem duxisse sa-

tū recte animadvertit scriptor quidam in Comment. ad Augustini librum de Hæres. cap. 46. nullaq; similior secta, sive modum nascendi, sive dogmatum vesaniam spectes, inveniri quam Mahumetismus, & Manichæismus potest. Etenim quod ad nascendi modum spectat, in eo conveniunt, quod uterq; a Saracenis, & Arabibus emanavit. Mahumetum Arabem, ac Saracenum fuisse neminem præterit; stultissimæ vero opiniones, pro quibus Manes Persa pertinacissime propugnavit, primum a quodam Scythiano invec̃ta fuerunt, quem Saracenum Epiphanius; Socrates lib. 1. cap. 22. & Nicephor. Callistus nuncupant, eaq; postea impius Manes sibi adoptavit, ac disseminavit. Scythianus suas blasphemias aliquo titulo commendaturus, Hierosolymam se contulit, ut sibi ab ipsius Numinis ore illas accepisse videretur. Quod ipsum deinde Mahumetus egit, ut Alcorano suo fidem conciliaret, tutusq; hominibus venena propinaret. Manes autem conditione, ut supra diximus, primo servus, manumissus postea Dominam, cui serviebat, in conjugem accepit, a qua pluribus receptis opibus in altam phrenesim magna ambitione excecatus extumuit. Id quod Mahumeto quoq; accidit. Vtraque vero secta in Persia, Arabia, atq; Ægypto potissimum viguit, unde postea Mahumetismus tamquam ex serpentis ovo enatus, & exclusus est. Hæc aliaq; plura ad Augustini locum adnotavit Scriptor ille, cujus tamen insulsam plane calumniam hæc dissimulare nequeb. A carnibus in usum cibi a rerum Creatore destinatis abhorrebant Manichæi, eisq; vesci magnum reputabant piaculum, quum creaturas ii ex natura bonas negarent, immundasq; affirmarent, quod *carnes Diabolus operari faculentiore materia mali crederetur*. Quapropter ab ipsis quoq; ovis, & lacte abstinebant, quia a carne proveniunt. Quid ad hæc sciolus ille? *Atqui*, ait, *Papiste dum in suis jeuniis ex Gregorii Decreto, quod est in c. denique, dist. 4. refugimus, damnantq; esum eorum, quæ sementinam, ut ipsi loquuntur, trahunt originem carnis, manifeste in Manichæorum errorem incidunt, jubent enim carne, lacte, caseo, & ovis abstinere*. Eadem, qua cæcus iste, confidentiâ, seu dictam melius impudentiâ Heterodoxi alii, præcipueq; Komnitibus in 4. parte examina. Trid. Conc. pag. 460. & sequ. hunc nobis Orthodoxis errorem affingunt; sed quantum fallantur, suosq; fallant hæretici, dum hæc in nos comminiscuntur, nolo meis, sed S. Augustini verbis palam facere. Disputans ille adversus Faustum Manichæum lib. 30. cap. 5. Manichæorum a carnibus abstinentiam Pauli auctoritate refellebat. Exemplo veterum Patrum sub Lege Moysi suam dementiam trebantur adversarii, quum eorum nonnullos ab hujusmodi cibis abstinuisse constaret. Atqui, magnus Doctor ait: *Audi quæ mente, aut consilio hoc adversum vos capitulum referamus; non quod a carnibus abstineatis, nam hoc a quibusdam & primi Patres nostri fecerunt, sicut commemoras, non tamen ea damnandi, sed significandi gratia, quod non intelligitis, & unde jam quantum sufficere videbatur, in*

superioribus partibus operis huius loquutus sum. Tamen addit verba omnino notanda: *Et Christiani, non heretici, sed Catholici edomandi corporis causa propter animam in orationibus amplius humiliandam, non quod illa esse immunda credant, non solum a carnibus, verum a quibusdam terra fructibus abstinent, vel semper sicut pauci, vel certis diebus, atque temporibus, sicut per Quadragesimam fere omnes, quanto magis quisque vel minus voluerit, seu potuerit. Vos autem ipsam creaturam negatis bonam, & immundam dicitis.* Reliqua videri possunt, quibus Catholicæ Ecclesiæ pia consuetudo abstinendi nonnunquam a carnibus a Manichæorum consilio, atque blasphemia procul esse, ac manifestissime differre cognoscitur. Nobis nihil, quod a Deo creatum sit, immundum, aut malum videtur. Cibis tamen nonnullis interdum abstinemus, ut carnem domemus, promtioresque spiritum in divinis meditationibus efficiamus. Hic olim a Catholicis pius usus usurpabatur, laudemque ab omnibus Patribus, & præsertim ab Augustino meruit. Idem nunc apud Orthodoxos manet nonnisi ab hereticis vituperandus. Sed Manichæorum deliramenta repetamus, quæ ab Ethnicismo, non a Christianismo processisse diximus, ideoque minus proprie hæreticos debuisse appellari. Quamquam eorum superstitio tantum a Christianis Scholis mutuata est, ut vix ullus sit, qui eosdem hæreticis non accenseat. *Secundo anno Probi, inquit Eusebius Cæsar. in Chronico, insana Manichæorum hæresis in commune humani generis malum exorta. S. Augustinus lib. 2. Retract. cap. 10. Secundus, ait, quidam non ex eis, quos Manichæi Electos, sed ex eis, quos Auditores vocant, quem nec facie quidem noveram, scripsit ad me velut amicus honorifice objurgans, quod oppugnarem illam hæresim &c.* Libro etiam de hæres. ad QuodvultDeum de Manichæis loquens: *Promissionem Domini nostri Iesu Christi in suo hæresiarcha Manichæo dicunt esse completam.* Librum item contra Epistolam Manichæi, quam vocant Fundamenti, ita ille exorditur: *Unum verum Deum omnipotentem &c. rogavi, &c. rogo, ut in refellenda, &c. revincenda hæresis vestra Manichæi &c.* Hoc alibi frequentissime repetit. Itaque potestatem Ecclesiæ Catholicæ in Manichæos fuisse faciendum est, atque in illos Concilia cogi potuisse non dubito. An igitur alicui Concilio proponenda nunc primum capitula adjudicabimus? Ego unum video locum, quo me recipiam. Vastata per Gensericum, atque occupata Africa Catholici alio migrare coacti sunt, ut liberam impio tyranno sedem relinquerent. Horum fortunam sequuti sunt Manichæi, quorum iogens numerus Lybicis oris incubabat & ipsi Genserico minus probati. Per Catholicorum urbes mentita religione distributi Romam potissimum se contulere. Verum illic tuto vivere nefariam gentem, cujus impietas in dies se prodere audebat, Leonis Magni Sanctissimi Pontificis vigilantia non sivit. In eos igitur Anno Christi 444. Synodum constituit Leo, ibique plurimum eriminum reos, omniumque vitiorum forde infectos convicit, atque damnavit.

navit. Audiamus ipsum Pontificem Serm. 5. de jejunio dec. nientis; Residentibus tecum Episcopis, ac Presbyteris, & in eundem confes- sum Christianis viris, ac nobilibus congregatis, Electos & Electas eorum (hoc est Manichæorum) iussimus presentari. Qui quum de per- versitate dogmatis sui, & de festivitatibus suarum consuetudine multa referant, illud quoq; scelus, quod eloqui verecundum est, prodiderunt, quod tanta diligentia investigatum est, ut nihil minus credulis, nihil obstrictoribus relinqueretur ambiguum. Aderant enim omnes perso- nae, per quas infandum facinus fuerat perpetratum, puella scilicet ut- multum decennis &c: omnium parsuit horum & una confessio, & pate- factum est execratum, quod aures nostrae vix serie potuerunt, de quo ne apertius loquentes castos offendamus auditus, gestorum documenta sufficiunt &c. Quum autem iis ipsis temporibus Priscilliani foedissima hæresis Hispaniam pervagaretur, ac a Turribio Asturicensi Episcopo consultus ea de re S. Pontifex Leo fuisset, reposuit hic Anno 447. eru- ditissimam Epistolam, quæ inter editas nonagesima tertia numeratur. In illa vero de Manichæis quoq; sermonem instituit, quum ab hoc scœ- tidissimo fonte Priscillianus suam uberius derivasset camerinam, atq; integralia hæc ediderit: *In execrabilibus autem Manichæorum myste- riis, quæ quanto immundiora sunt, tanto diligentius occultantur, unum prorsus nefas est, una est obscenitas, & similis turpitudine. Quam etsi eloqui erubescimus, sollicitissimis tamen inquisitionibus indagatam, & Manichæorum, qui comprehensi sunt, confessionibus detectam; ad publi- cam fecinus pervenire notitiam, ne ullo modo possit dubium videri, quod in iudicio nostro, cui non solum frequentissima presentia Sacerdo- tum, sed & illustrium virorum dignitas, & pars quadam Senatus, ac plebis interfuit, ipsorum, qui omne facinus perpetrarant, ore referatum est, sicut ea, quæ ad dilectionem tuam nunc direximus, gesta demon- strant.* His apertissimis verbis Concilium aliquod Romæ contra Ma- nichæos coactum significat S. Leo, ejusq; acta ad Turribium quoq; se- mittere affirmat. Ibi igitur capitula a me nunc edita potuere procudi, quum pravissimæ gentis non mores tantum, sed etiam doctrina dam- nationem, ac pœnam mererentur. Attamen amat Polymnia verum; ego in laudata Synodo nullos Canones conditos reor. Si enim recte Leonis verba pensamus, de Manichæorum obscenitate iudicium tan- tummodo illis institutum fuit, ut vitæ impietate perspecta ab Urbe expellerentur. Certe nullum verbum Leo Pontifex de illorum dog- matibus iniicit, neq; Canonum promulgatio Conciliis est necessaria. Ad quodnam itaq; Concilium confugiemus? Alium S. Leonis locum audiamus. Scribit is ad Episcopos per Italiam constitutos in hæc verba: *Plurimos impietatis Manichææ sequaces, & Doctores in Urbe, investigatio nostra reperit, vigilantia divulgavit, auctoritas, & cen- sura coercuit. Quos potuimus emendare, correximus; ut damnarent Manichæum cum predicationibus, & discipulis suis publica in Ecclesia*

pro-

*professione, & manus sua subscriptione compulsumus. Veri propterea simile videri potest, Manichæos illos, qui ejurare, ac damnare Manichæum cum predicationibus suis publica in Ecclesia professione compellebantur, hâc anathematum jaculis usos fuisse. a S. Leone probabiliter præscriptis. Sic pestiferæ Manichæorum sectæ apertis verbis renunciabatur. Solitos autem anathematis vocabulo uti, dum Manetis errores execrabantur, ad Fidem Orthodoxam conversos, exemplo illustri testatur Marcus Gazensis Diaconus, cujus calamo descripta est disputatio publica inter S. Porphyrium Gazensis Civitatis Episcopum, & Juliam Antiochenam, feminam tum natalibus tum æcerimo. erga Manichæorum sectam studio clarissimam. Habetur hæc apud Metaphr. die 26. Febr. Lipomanum, Jurium, & Annalium parentem, ad Annum Ch. 403: Quum in sententia sua constans perseveraret Julia, divinum illam perculit supplicium, facto repente vivendi fine. Tum inquit Marcus: Qui autem cum ea erant duo viri, ac mulieres, & qui cumque ab ea corrupti fuerant, currentes prociderunt ad pedes Beatissimi Episcopi dicentes: Erravimus, & petebant penitentiam. Beatus vero fecit omnes anathematizare Manetem auctorem eorū hæresis &c. Sed egregium, simillimumq; nostro documentum invenire est Tomo 2. Concil. Gall. a C. V. Jacobo Sirmondo e Soc. Jesu. ante omnes productum. Ita inscribitur: Prosperi ex Manichæo conversi pristinos Manichæorum errores detestantur anathematismi, & Fidei Catholice professio. Illicigitur quampluribus Manichæorum erroribus anathema dicitur, eorumque nonnulli cum iis, quos nunc proferimus, conveniunt. In fine Prosper ita fidem suam proficitur: In Christi nomine. ego Prosper per hanc chartulam anathematis Manichæorum relegi, & anathema dicens omnibus superscriptis erroribus manu propria subscripsi, & repudiatis omnibus eorum impietatibus fide plenissima doctrinis eorum, & traditionibus anathema dixi, & dico &c. Non diversa Capieula, sed tamen pauciora publici juris facta reperiuntur Tomo 10. Oper. S. Aug. in Append. edit. 1586. hoc titulo inscripta: Commonitorium B. Augustini ad Ecclesiam, sub qua cautela Manichæi, si conversi fuerint, suscipi debeant. Opusculum hoc in Appendicem Tomi Octavi rejecere Clarissimi Patres Benedictini ex Congregatione S. Mauri, quorum diligentia, ac eruditioni tantum Ecclesia, ac literatorum Respublica debent, quum an Augustinum auctorem haberet prudenter ambigerent. Hinc vides quotquot ad veram Fidei lucem olim revertebantur coactos fuisse Manetem, ejusque errores anathemate percellere: Et id moris etiam Augustini temporibus viguisse in tibi ipsummet testem. Capite postremo Actor. cum Felice Manichæo hæc S. Doctor scribit: Post hæc cum multis verbis inter se agerent, Felix dixit. dic jam quid vis faciam? Augustinus dixit: ut anathematizes Manichæum, cujus sunt tantæ ista blasphemias &c. Felix dixit: Prior tu anathematiza, ut ego postea anathematizem. Quum vero Augustinus*

aus accepta charta scripſiſſet, atque Maneti anathema dixiſſet, Felix hæc addidit verba: *Ego Felix, qui Manichæo credideram, nunc anathematizo eum, & doctrinam ipſius &c. Haſ omnes, & ceteras blaſphemias Manichæi anathematizo.* Probabili igitur conjectura adducor ut credam, fragmentum noſtrum nonnullis conſtare anathematismiſ, quos in Manetem, ejuſque prava dogmata depromendos ad veram Chriſti fidem venientibus quis antiquitus propoſuerit. An is Leo Magnus fuerit, an quiſquam alius, nolo divinare. Ingratum autem Lectoribus minime futurum arbitror, ſi quædam ex hiſce capitulis aliqua luce perfundere nitar; non enim univerſa cum vulgatiſ errorum catalogo, in quos Manichæi impeggerunt, convenire video: verba etiam librariorum, ut arbitror, vitio alicubi ſunt vitiata. Primum itaque anathemaſmum, deficiente priorum linearum ordine, vix intelligere poſſumus. At, ni fallor, hanc Manichæorum ſententiam perſpicue ab Auguſtino expreſſam detexiſſe mihi videor in lib. contra Secundinum Manichæum cap. 5. Quum enim in quibuſdam Sacre Scripturæ locis Filium Dei primogenitum appellari animadvertiſſent, inde alios Divini Filii fratres commenti ſunt, humanamque naturam, & ſubſtantiam ejuſdem cum Filii divinitate ſubſtantix eſſe autumarunt, ad alia ſacre paginæ loca animum nequaquam advertentes, ubi Dei Filius unigenitus quoque nuncupatur. Multa loco citato in hanc pravam ſactorum Codicum interpretationem diſputat Auguſtinus, atque inter alia ſic ait: *Lege Scripturas, nuſquam invenies de Chriſto dictum, quod adoptione ſit Filius Dei, de nobis autem ſapiſſime legitur: Accipiſtis ſpiritum adoptionis filiorum &c.* Plura ab ipſo pete, atque evidenter patebit quam temere conſuſa a Manichæis fuerit *filij* ſignificatio, quam & Chriſto, & hominibus Scriptura tribuit, hac tamen differentia, ut illum per naturam, nos per adoptionem Dei filios eſſe intelligamus. Secundo ei anathema infligitur, qui animam humanam Creatoris ſubſtantiam, aut portionem Dei affirmaverit. S. Auguſtinus de Hæref. ad Quod vult Deum hæc de Manichæis habet: *Ex his autem ſuis fabulis vanis, atque impijs coguntur dicere animas bonas, quas cenſent ab animarum malarum, natura ſcilicet contraria, commixtione liberandas, ejus, cujus eſt Deus, eſſe natura.* Libro vero Retract. 1. cap. 15. idem melius exprimit: *ſcripſi, inquit, adhuc Preſbyter contra Manichæos de duabus animabus, quarum dicunt unam partem Dei eſſe.* Hæc ille ibi, & pluribus alijs in locis. Tertio cognoviſcimus Manichæos in hanc impiam conceſſiſſe opinionem, ut Patrem & Filium nil aliud quam animam, & ſenſum eſſe arbitrarentur, quem quidem Manetis errorem apud alios Auſtores designatum non video, uti neque duos ſubſequentes, qui corruptiſ tamen verbis heic anathemate confodiuntur. Quarto S. Leo Epiſt. 93. ad Turribium errores Præſcillianistarum fulſſime confutat, capite autem primo ait: *Demonſtratur quam im-*  
*pie ſentiat de Trinitate divina, qui & Patris, & Filij, & Spiritus San-*  
*cti*

*Si unam, atque eandem asserunt esse personam, tamquam idem Deus nunc Pater, nunc Filius, nunc Spiritus Sanctus nominetur. Quod blasphemiae genus de Sabellij opinione sumserunt.* Idem quoque de Priscillianistis tradit Augustinus lib. ad Oros. cap. 4. ubi à Sabellio hujusmodi errorem procedere & ipse affirmat, nihilque de Manichæis meminit. Profecto talia Manetem sensisse nusquam animadverti. Quinto animam *Deo coeternam* nil mirum si Priscillianistæ, ac ante illos fortasse etiam Manichæi, censerent, siquidem teste Augustino de Hæres. ad QuodvultDeum cap. 70. animas ejusdem esse naturæ, atque substantiæ, cujus est Deus, dementer credebant. Quum vero hic æternus negari non possit, consequens erat animas eadem æternitate donatas affirmare. Sexto duas in homine animas somniarunt Manichæi; quarum una de substantia Dei, altera carnis esset. Hujusmodi commentum libro de duabus animabus contra Manichæos scripto S. Augustinus exhibuit, aliique Scriptores repulere. Septimo peccatum carnis ad animam pertinere negabant, atque animæ ex eorum sententia nil libidines corporis, aliaque flagitia officiebant. Quapropter in omnem obscenitatem, ac turpitudinem abiecti, ut S. Leo supra laudatus fidem facit, carnem, quam veluti ex Mali principio deductam execrabantur, omnis impudicitæ, ac voluptatis experimento contumelias se efficere dicebant. S. Epiphanius hæresim illorum exponens nu. 86. edit. Petav. hujusmodi insaniam longa oratione invadit. Octavo, ut mox innuebam, Manichæis impia opinio infederat, humanam carnem a Diabolo, seu a principio malo originem duxisse, eamque propterea odio prosequerentur. Philastrius Episcopus Brixienfis lib. de Hæres. cap. 14. *Manichæi, inquit, hominis animam de Deo esse putantes corpus a Diabolo factum arbitratur.* Idem & alii Patres referunt, atque refellunt. Nono Diabolum natura sua malum perpetuo fuisse censebant, eumque errorem & Priscillianistæ sibi adoptarunt. De hoc insano dogmate ego supra ad Bachiarium aliqua adnotavi. Ad *globum tenebrarum* heic memoratum nescio an pertineant quæ Augustinus habet lib. de natura boni advers. Manich. & alibi. Decimo Solem, & Lunam, & reliqua Cæli luminaria in se animas continere dicebant. Audiamus ipsum Augustinum lib. de Hæres. ad QuodvultDeum cap. 46. *Naves, inquit, illas idest duo Cæli luminaria ita distinguunt, ut Lunam dicant factam ex bona aqua; Solem vero ex igne bono. Esse autem in eis navibus sanctas virtutes, quæ se in masculos transfigurant, ut illiciant feminas gentis adversæ &c.* Hinc, ut idem Augustinus, & ex eo auctor Prædestinati fidem faciunt, orationes ad Solem per diem, & ad Lunam per noctem faciebant, ipsaque luminaria ind. gno cultu adorabant. Undecimo quum animam æternitate donatam ipsique, Deo *coeternam* fecissent, illam Manichæi suis desideriis a cœlesti sede ad terrena deductam mentiebantur. Epiphanius ad Hæres. Manichæorum num. 44. disputans: *ἂν γὰρ, αὐτὸ τὸ αὐτὸ ἀπείρατον ὄντα ὄντα*



ἐνταῦθα ὁ αἰὼν δυνάμει, ἢ αὐτὰ τῆς ψυχῆς πρὸς τὰς ἀρχάς, καὶ τὰς  
 ἐξουσίας θηροῦσα, καὶ ἀπὸ τῆς σκοπῆς τῆς ὑπὸ Βελουσαμίνης. Καὶ τὸ γὰρ  
 ἀπὸ τῆς τῆς ψυχῆς θηροῦσαι, τὸ ἐπὶ τῆς, ἢ παρὰ τῆς, καὶ παρὰ τῆς.  
 Ita vertit Petavius: Si animam virtus celestis in hunc orbem emisserit,  
 ut per eam Principatus irretiret, potestatesque captaret, non illa sco-  
 pum, quem volebat, assequuta fuit. Nam quum animam velut ad  
 venandum captandumque miserit, capta ipsa tamen potius est, & quum,  
 ad irretiendum venerit, suis est implicata retibus. Postremo pluvias,  
 fulgura, nubes, grandines, atque in aere meteora non Dei summi  
 nutu fieri, aut moveri somniant, quam eorū opinionem nunquam a  
 Patribus aut memoratam, aut refutatam legi. Atque hæc sunt Manichæo-  
 rum deliramenta, quorum memoriam omnium luculentissime servavit  
 Augustinus pluribus in libris, Epiphanius ad Hæresim 44. seu 66. Phila-  
 strius lib. de Hæres. Nicetas Choniates in Thesuro, Alexander Lycopo-  
 lita Tom. 27. Biblioth. SS. PP. nuperæ editionis, Gabr. Præcolus, & alii.



# ORATIO ÆNEÆ SILVII

Piccolomini Episcopi Senensis, qui postea Pontificatum  
 Maximum adeptus Pius II, appellatus est, habita-  
 Viennæ pro auctoritate Romani Pontificis  
 adversus Austriales Anno Domini  
 MCDLII.

**S**entio Reverendissimi Patres, Illustrissimi Principes, ceteris-  
 viri præstabiles non leue pondus hodie meis humeris me-  
 sumere, quando in re maxima adversus plerisque potentes,  
 & insignes Austriæ proceres sum verba factururus. Verum,  
 quia res ipsa Sanctissimum Dominum nostrum Nicolaum Papam  
 Quintum concernit, cujus apud has Regionem quamvis impar  
 tanto muneri Oratoris officio fungor, necessarium est silentibus  
 ceteris me confurgere. Indigne namque Legati titulos, & sanctum  
 populis per secula nomen assumissem, nisi mittentis dignitatem  
 pro mea virili defenderem. Sicut frigus, inquit Sapiens, in die mes-  
 sis, sic fidelis Legatus ei, qui misit illum, quoniam illius animam quie-  
 scere facis. Exinde si malis auribus in lectis argenteis comparan-  
 dus est, qui loquitur verbum in tempore suo, quis non verbis meis  
 favebit, quæ Summi Sacerdotis, & communis omnium patris, &  
 magistri causam tuebuntur? Blandior egomet mihi, nec sine felici-  
 tatis

tatis parte me judico, cui tantæ Majestatis est oblata defensio? Quamquam priscorum quempiam resurgere nunc ab inferis optarem, qui garrulam non dico Austrialem, sed Consultorum loquacitatem, & tantæ præsumptionis audaciam solida, gravi, atque acri, ut olim mos fuit, oratione retunderet. Sed confutabimus nos pro captu nostro hæc vasa terrea, sive lignea, quibus aut virgam ferream, aut incendium, nisi relipuerint, imminere non dubitamus, quando erri sciunt melius esse pro veritate pati supplicium, quam pro adulatione referre beneficium, his tamen, qui dissidium in Austria fecerunt, magnosq; motus excitarunt, & blandiri, & adulari, & eorum malefacta tueri, & appellationes dicere, ac leges, & Canones in reprobum sensum exponere non erubescunt. Verum sicut Apostolus Paulus accusatus apud Festum a Judæis beatum se existimabat, quia suam causam defensorurus esset Agrippa præsentem, qui consuetudines nosset, & quæstiones Judæorum, sic & mihi beatitudinem quandam esse confido, quod pro Summo Christianorum Patre apud vos audiar, qui leges, & consuetudines Christianas non minus calletis, quam Judaicas Agrippa cognovit, qui cum doctrina præstatis, tum virtus ea vobis est, ut omnem vascatis iniquitatem irrumpere. Scio præterea vos Apostolicæ Sedi veluti Matri vestræ, cujus lacte nutriti estis, reverentiam gerere, progenitoresq; vestros sacrum illud solum, omni tempore veneratos fuisse. Neq; ab re, quando omnium bonarum artium studia, omnemq; disciplinam, & ipsam Fidem Catholicam Romanæ virtutis ministerio Christus Dominus in partes Occidentis, atq; Boreales effudit. Quibus ex rebus si quid diminute, aut indocte, aut inepte fuerit a me dictum, id spero vestra supplebit caritas, doctrina corrigit, benignitas tolerabit.

Ceterum, quia tres sunt personarum qualitates, adversus quas nostra dicta videri possunt, Consultores, Actores, & is, cujus causæ res gestæ dicuntur, expediens esse dijudico prius, quam principale negotium attingo, quæ sit vel Domini nostri, vel mea de hisce personis sive sententia, sive mens, in medium proferre. De Consultoribus primum dicam. Hos ego, qui fuerint, nescio nominare; sed ajunt eos literatos esse, ac Doctores appellant. Mira res, si Doctores dicendi sunt, qui dedocent. Majores nostri quatuor illos illustres, ac summos viros jam Cælum sublime tenentes Gregorium, Hieronymum, Ambrosium, Augustinum idcirco Docto-

res appellaverunt, quoniam rectum vitæ tramitem, & salubrem doctrinam, solida, & vivaci ratione, non variis Blenchis, aut Sophisticis inventionibus docuerunt. Minime quidem Magistri nomen meretur, qui discipulum fallit. Ille Doctor, ille Magister est nominandus, cui sermo convenit Evangelicus: *Magister scimus, quia verax es, & viam Dei in veritate doces, & non est tibi cura de aliquo; non enim respicis personam hominum*. At nonnulli, quamvis sint animalia spurca, atq; probrosa, nomen tamen vsurpant sanctissimum, & aut Theologi dici volunt, aut Jureconfulti. Quibus titulis simpliciores decipiunt, mala, & impia eorum facta laudantes, quæ vituperare debuerant. His hominibus quantumcumq; doctis non potest aliud dicere Summus Pontifex, nisi quod minatur Ezechiel dicens: *Qui consunt pulvillos sub omni cubito manus, & fasciunt cervicalia sub capite universa atatis; Sunt enim, assentatores, & animarum deceptores, qui peccata perpetrantibus adulantur*. Vellet Apostolica Sedes hos Magnates, quæ didicerunt in Scholis pura, & aperta fronte docere. Quod si facerent, sanctum illum virum imitarentur, qui sicut mala de bonis non existimabat, ita judicare bona de malis recusabat dicens: *Abstis a me, ut justos vos judicem; donec deficiam, non recedam ab innocentia mea*. Nec plura modo de Consultoribus. Nunc in Agentes sermo descendat. Hi sunt qui sumentes arma Divum Fredericum Cæsarem ex administratione Ducatus Austriæ pepulerunt. Horum est innumerosa multitudo. Certare tamen cum his tantum nos oportet, qui sunt in Apostolico monitorio nominati. Nam Princeps Illustris, & alto sanguine natus, magnoq; vir ingenio Comes Ciliæ, quamvis ductor campi primas belli partes gesserit, non tamen comminatorias, sed hortatorias ex Romano Pontifice literas accepit, ne se misceret Austrialibus ausis. Qua ratione non paruerit, non est meum nunc discutere. Nulla nobis cum eo lis est, neq; sua magnificentia, sicut opinor, Apostolicæ Sedi quicquam imputat, nisi fortasse iuvare hos velit, quibuscum fœdus habet. Sic de ceteris dicimus, qui ferentes arma contra Cæsarem non habent in monitorio nomen. Nominati vero, quibus querela videtur competere, quidam Clerici sunt, quidam Laici, & Clericorum quidam alii Religiosi, alii, ut vulgi sermo est, Seculares. Fuerunt & actores novitatum Clerici, & quamvis in Castris non militaverunt, subditos tamen suos ire jusserunt. Negarunt obedientiam Cæsari, Concio-

nes tumultuarias adiverunt, administrationi senovæ Reipub. miscuerunt, nec mandatum Cæsaris, nec Summi Pontificis jussionem timuerunt. Quid ego de his mentibus a Deo rebellibus, durissimis, que cervicibus dicam? quæ dum Sedis Apostolicæ Maiestatem, impugnant, laqueos sibi nectunt, & foveam, in quam ruant, suis manibus fodiunt. *Et quid agitis?* inquit Symmachus ad Clericos Romanæ dignitatis impugnatores. *De hac mihi per Prophetam dictum videtur: Si hac humilietur, ad cujus confugietis auxilium? Et ubi requiretis gloriam vestram?* Verum ne simplices Clerici, sed Religiosi quoq; adversus Romanum Præfulem erigere cornua, & seditiosos gerere Magistratus minime formidaverunt. Atqui Religiosi nempe & Bernarditæ, quos silvas, aut desertas eremi valles incolere vetus institutio præcipit, & Carthusienses, qui ut divinæ contemplationi securus incumbant, neque prædicare verbum Dei, neq; confessiones audire, neq; ministrare populis Sacramenta consueverunt. Nam & Abbatem Mellicensem, quem nos altero anno benediximus, & Priorem Murbacensem, ac Præpositum Noviburgi inter duodecim viros fuisse constat, penes quos belli, & pacis apud Austriales libertas erat. O Religiosi, qui mundo mortui & videri, & esse vultis, quibus silentium Pythagoricum imperatur, qui conventus hominum veluti pestes evitare jubemini, quibus extra septa prodire sacrilegium est, qui dum celebratis divina, nunc lacrymamine, nunc suspiratis, quo timor ille Dei recessit? Ubi mundi contemptus? Quid vos nunc ingredi palatium, interesse rumoribus, sedere pro tribunali, tributum exigere, vectigalia tollere, convocare militias, exercitus comparare Summo Pontifici, prohibente coegit? *En animam, & mentem, cum qua Dij nocte loquuntur.* Hæc si numquam Sedes Apostolica prohibuisset, tamen, quia contra Cæsarem injuste agebantur, nec vestræ Religioni conveniebant, vitare ac fugere oportebat. Quanto magis postquam Christi Vicarius interdixerat? Sed timuistis, ne temporalia vestra perirent. At *justum, & tenacum propositi virum non civium, ardor prava jubentium, non vultus instantis Tyranni mente quatit solida,* sed neq; pauperies, neq; mors, neq; vincula terreat respondere cupidinibus, contemnere homines, fortem, & in se ipso totum terrentem, atque rotundum, in quem manca ruit semper fortuna. Quid Religiosi faciant, quorum professionem Stoica disciplina, constat esse perfectiorem? Veros Religiosos non aurum, non se-

des,

des, non amici, non proximi, non ullæ res seculares, non vitæ dulcedo, non mortis metus ex sancto proposito possunt, aut recto divellere tramite; quoniam opes, genus, spem, sedem, gratiam, dignitatem non heic in terris, sed in Cœlis invenire festinant. Ac tantum de Clericis dixisse volumus. Ad Laicos propero, inter quos & insignes Comites, & generosi Barones, & Magni nobiles, & potentes communitates annumerantur. Hos ego & viros sine felle arbitror, boni, & æqui amantes, sed deceptos consilio peritorum, qui conatus eorum justos, & Apostolicam jussionem iniquam dicebant. Nesciverunt armati milites jura, nec quanta sit Imperatoris majestas norant, nec Romani Pontificis quanta sit auctoritas. Crediderunt quod docti suaserunt, quod Clerici prædicarunt. Quis populus errante Clero non errat? Et salvantur cum pastoribus greges, & pereunt. Ea propter, petit horum nobilitatem Sanctitas Apostolica, ut quemadmodum vulneranti doctrinæ præstitit aures, sic & medenti præbeat, ne suam salutem negligant, ne plus mendacio, quam veritati credant, ne putent malum bonum, & bonum malum, ne suadeant sibi mandatis Apostolicis licitum esse adversari, ne glorientur in malicia, ne videri potentes iniquitate velint, ut recognoscant erratum, seque humilient, quia *melior est, si Callisto credimus, in malis factis humilis confessio, quam in bonis superba gloriatio*. Ego autem cum his mollior agam, amice, absque indignatione, sine ira, sine rigore. Oro me patienter audiant. Spero futurum ne poeniteat, neve tædeat eos meis verbis aures accommodasse. Sed transeo jam ad tertiam personam, cujus causa factam novitatem asserunt. Is est inclytus, atque omni favore dignus Hungariæ, atque Bohemiæ Rex Ladislaus, quamvis puer, ac pupillus, adhuc tamen optimæ indolis, & sensu senior annis. Non est apud me dubium futuros esse nonnullos, qui me suæ Majestati deferant; nam si Austrialium facta reprobo, quibus Rex idem extra manus receptus est Imperatoris, atque auctus, & magnificatus videtur, quis non me illi adversum, infensumque dixerit, ejus fortunæ, & gloriæ invidentem? At ego, si vel re, vel animo hujus clarissimi Regis utilitati nocere quavis occasione præsumerem, nec Sanctissimo Domino nostro placerem, neque verus servus essem, aut Nuncius Apostolicæ Sedis. Nam & si omnibus Regibus Apostolica benignitas favet, huic tamen Principi mirum in modum afficitur cum propter mores ejus optimos,

tum

tum quod cum ad magnam Christianæ Religionis exaltationem, ex infinitis pene periculis in hunc usque diem autumat divina pietate servatum. Accedunt & patris Alberti merita, qui malleus fuit Hæreticorum, & avi Sigismundi beneficia, qui divisam Ecclesiam apud Constantiam reddidit unioni. Multæ sunt rationes, quæ sanctitatem Domini nostri hujus pupilli Regis amantem efficiunt. Expertus est hoc tempore nuper, dum Romæ fuit, nam, quibus assatibus, aut affectibus apud Papam exceptus est? Numquam ejus præsentiam frustra requisivit, nullas incassum preces effudit. Quotiens repulsas aliorum supplicationes reduxit ad gratiam? Quotiens & Cardinales, & Principes de magnis rebus acturos inauditos Papa remisit, ut hunc, puerum quamvis, Regem audiret? Falsus est, & ab omni veritate remotissimus, qui summum Pontificem in clyto Ladislao Regi non prosperitatem cupere, fortunamque optimam judicat. Qui postquam Petri Cathedram ascendit, & in Hungaria, & in Bohemia semper ejus statui, & firmitati consulvit, numquam nocuit, neque monitorium, quod adversantes criminantur, aut noxium, aut adversum erat suæ Serenitati, quemadmodum futurus sermo docebit. Nemo igitur Romanum sibi Præsulem ex amante faciat odiosum. Multa sunt Celsitudini & apud Hungaros, & apud Bohemos immincebunt, quæ Sedis Apostolicæ prædiis indigebunt. Numquid ei favores aberunt, si progenitorum vestigia sequens matrem suam Ecclesiam, & Christi Vicarium condigna devotione coluerit. Ego vero quamvis cinis sim, & parva vilissima luti, iuvilis Christianus, indoctus presbyter, indignus Episcopus, tamen postquam vidi primum hunc Regem Ladislaum, semper ejus sublimitati, suæ gloriæ, suis fortunis studui. Sæpe in Hungariam pro eo, sæpe in Bohemiam, sæpe ad Romanam Curiam literas dedi. Præceptoribus suis libellum scripsi, ac præceptiones tradidi, quibus institui, formarique pueritia Regis deberet, Quintiliani, ac Plutarchi doctrinam sequutus. Prætereo in conventu Bohemorum, & apud Beneficiam, in Roma, in Neapoli, in Norimberga, in Colonia, in Venetiis, pluribusque aliis locis quanta sum retroactis temporibus pro sua dignitate loquutus? Itaque non est cur me hodie quispiam contra suum bonum loqui præsumat. Sed ago suam causam, ipsum juvo, ipsum laudo, ipsum magnifico, sibi faveo, sibi consulo, dum Sedis Apostolicæ magnitudinem, eminentiam, excel-

excellentiâque defendo, quod & ipse, postquam magis sapiet, verum fatebitur, & vos ex illis, quæ mox subiiciam, plenius intelligetis. Nunc jam tempus expetit ad ea, quæ Romano Pontifici nostri adversantes obiectant descendere, atque in campo consertis manibus cominus decertare. Tria sunt, si recte capio, quæ jaciunt adversantes præcipua tela, tria sunt obiectionis capita. Audivistis quæ dixerunt. Rem ajunt absonam, indignam, inauditam, ausum esse Dominum nostrum qui seculare negotium, mundiale, profanum, foroque suo minime pertinens attigerit. Qui juste procedentes Austriales pro salute Domini sui conatus fuerit impedire, pœnale monitorium, indignum, impium ad eos mittens. Qui Prælatos magnos, nobilesque Barones indefensos, inauditos censuris horribilibus irretivit. Quicquid ex adverso dictum est, his paucis continetur. Plurima blaterant adversantes, sed omnis querelæ jus in hæc tria revolvitur. Quæro hic prius quam obiecta repello, Monitorium Apostolicum, quod tantopere damnant, Austrialibus insinuaturne sit, an non? Nam si non est insinuaturnum, non est quod accusare Pontificem queant; nihil enim his nocuit, & revocata videtur esse præceptio, ejus negligitur exequutio. Si vero moniti sunt Austriales, aut per eos factum est, ne moneri possent, longe melius absolutionem peterent, quam monitorium accusarent. Non est scelere velandum scelus. Sicut æquum, atque iniquum Regis imperium ferre, sic Pastoris & justam, atque injustam timere, ac tueri sententiam oportet. *Numquid gloriabitur securis contra eum, qui fecit in ea, queritur Propheta, aut exaltabitur serra contra eum, qui trahit eam?* Sed reiiciamus obiecta demum. Tria sunt, ut diximus, quæ adversarii culpant, tria quoque responsionis nostræ membra constituemus. In primo monstrabimus rem, de qua moniti sunt Austriales, ad Papæ judicium pertinuisse. In secundo probabimus nec juste processisse, adversus Imperatorem Austriales, neque Ladislai Regis utiliter gessisse negotium. In tertio docebimus monitionem Apostolicam & legibus consonasse, & Canonibus, explosis, & confutatis ex adverso quæcumque dicuntur. Post hæc de appellationibus interpositis, deque pertinaci resistentia facta nonnihil dicemus. Loco postremo quæ sit in rebus his Sanctissimi Domini nostri mens, quodque propositum, explicabimus, atque his membris quinque tota nostra claudetur oratio. Ac jam primum aggredior membrum.

Res temporalis erat, inquit adversarii, super qua monitorium missum est, de tutela pupilli Principis agebatur, de gubernatione Ducatus Austriæ, de promissionibus, & obligationibus inter Latinos agitatis. Romani Pontificis est prædicare verbum Dei, Clerum instruere, Sacramenta conficere, Ecclesiastica beneficia conferre, spirituales causas agitare, tueri Fidem, extirpare hæreses, mores plantare bonos. Si quid ulterius quærit, secularibus iudiciis, Ducibus, Regibus, Imperatoribus est injurius. Duo sunt enim, quibus principaliter hic mundus regitur, Auctoritas sacra Pontificum, & Regalis potestas, suntque actibus propriis, & dignitatibus distinctis officia potestatis utriusque discreta. Nihil Romanam Sedem magis decet, quam suum cuique jus illæ servare, si Cypriano, si Gelasio, si Nicolao volumus, aut Gregorio fidem præbere. Spiritualia curet Pontifex, temporalia Principibus seculi permittat. Quod si de Regnis agere, secularibusque dominiis cœpit, non audiemus ejus vocem, non parebitus suis legibus. Quid nobis, & Papæ? Quid Austrialibus, & Apostolicæ Sedi? Quid populo, & Clero? Graves sunt horum voces, impia, periculosa, funesta. Quid de his dicant orbis terrarum illa luminaria, quæ majestatem Apostolicæ Sedis circumstantia mundum illustrent? *Quorum doctrina fulget Ecclesia, ut Sol, & Luna?* Majora illis debentur pro testamento Christi, & Romani culminis auctoritate certamina. Hanc pugnam nostræ vires expedient; nam quod Romanus Pontifex egit & justitiam præ se fert, & justitiæ consentaneum esse vel pueri possunt agnoscere. Ob quam rem monstro simile mihi videtur in hac Urbe Viennensi, quam vetus Schola doctrinæ domicilium fecit, aliquos inventos esse, qui Romanæ Sedis eminentiam impugnare præsumserint. Namque, ut Leonis Magni verbis utamur, *Christi petra sanctissimam firmitatem Domino, ut diximus, adificante, constructam, nimis impia vult presumptione violare, quisquis ejus potestatem tentat infringere.* Sed necessarium est Romanam Sedem in morem navis plurimas pati procellas. Multi sunt venti contra eam flantes. Alios repulsa Cathedrarum excitat, alios pecunia commover, alios metus, alios preces elevant, Sed jacetatur Petri navicula tempestate, non mergitur; concutitur, non quasiatur; impetitur, non expugnatur, quia portæ Inferi non prævalent adversus eam. Quibus ex rebus monemus Adversarios, ne sacros Canones parvi faciant, ne Romanæ



manæ Sedis decreta contemnant. *Qui vos spernit*, ait in Evangelio Dominus, *me spernit*. Nulli fas est, inquit Gregorius, *vel velle, vel posse transgredi Apostolica Sedis præcepta*. Et Agatho cunctis Episcopis scribit: *Sic omnes Apostolica Sedis sanctiones accipiendæ sunt, tamquam divina Petri voce firmata*. Denique perpetuo anathemate damnari, & cum impiis reputari, qui non resurgunt in iudicio, atque omnipotentis Dei contra se iram sentire debent, qui Romanam Ecclesiam confundere præsumunt, ut habitatio eorum deserta, & in tabernaculis eorum non sit qui inhabitet. Legimus in Deuteronomio, iudicium inter sanguinem, & sanguinem, lepram, & lepram, causam, & causam ad summum Sacerdotem esse remissum. Quis hic est, qui secularia subtrahit Apostolico culmini? Numquid translato Sacerdotio Legis quoque translatio facta est? Apud Isaiam inquit Dominus: *Ego te constituam super gentes, & regna, ut dissipas, adifices, & plantes*. Quis veteris testamenti Pontifice novæ Legis Antistitem dixerit esse minorem? Nescitis, inquit ad Corinthios Paulus, *quoniam Angelos iudicabimus? Quanta magis secularia?* Si Christiano censeretur nomine, si Dominici gregis oves appellari, si salvi esse volumus, Salvatoris Christi Vicarium venerari, suisque obtemperare præceptis oportet; Quem tum Dominus elegit, cum Pastorem sui gregis Petrum constituit dicens: *Pasce oves meas*. Et iterum: *Tibi dabo claves Regni Cælorum, & quodcumque ligaveris super terram, eris ligatum & in Cælis, & quodcumque solveris super terram, eris solutum & in Cælis*. Non enim hoc, aut illud Salvator Dominus Petro commisit, sed quodlibet negotium sine limitatione mandavit. Ex qua re moti veteres, Sanctique Patres Romanam Ecclesiam Beatorum Petri, & Pauli Martyrio consecratam in orbe toto venerabilem, præcipuamque sanxerunt. Nec dubium est, quin illi quidquid ubique Fidelium est commissum videatur, quæ totius corporis caput esse designatur. Talibus igitur institutis, talibusque fulci auctoritatibus plerique Pontificum, alii Reges, alii Imperatores excommunicaverunt. Et si speciale requiritur de Principum personis exemplum, B. Papa Innocentius Arcadium Imperatorem percussit anathemate, qui, ut Joannes Chrysostomus a sua pelleretur Sede, consensit. Zacharias Regem Francorum non tam pro suis iniquitatibus, quam pro eo, quod tantæ potestati erat inutilis, a Regno deposuit, ac Pipinum Caroli Magni patrem ejus loco suffecit. Romanum Imperium,

R

quod

quod apud Græcos in Oriente sedebat, Stephanus Pontifex, sive in Adrianus fuit, in Occidentem transfudit ad Germanos, cum rogati adversus Longobardos Græci non mitterent auxilia. Et Leo quidem Germanorum primum Imperatorem Carolum, si Ottoni credimus Historico, coronavit. Gregorius Septimus Henricum, tertium Imperatorem excommunicationis vinculo innodavit, quod accusatus a Saxonibus de simonia satisfacere contemnebat, adversus quem filius suscepit Imperium. Sed hic quoque dum Investituram Episcoporum invito Sacerdotio vult retinere, a Callisto Secundo excommunicatus est, quamvis postea satisfaciens absolvi meruit. Quid de Frederico Secundo? Quid de Ottone Quarto? Quid de Manfredo Imperatoris Frederici filio? Quid de Corradino dicam? Longum enumerare fiat, quot Principes, dum superbire voluerunt, ex alto fastigio Romana Sedes excuserit. Illud ad rem nostram accommodatum exemplum nequeo præterire. Post Henricum Quartum Lotharius Saxo ad Imperium vocatus est, adversus quem cum Fredericus, & Corradus magnanimi juvenes arma movissent, quia genus Henrici, cujus sorores matrimonio sibi assumserant, humiliare, atque opprimere videbatur, ab Honorio Papa sunt excommunicati, nec prius absolutionis beneficium obtinere, quam Cæsaris gratiam potuerunt. Quid mirum si Austriales aliquos suo Principi insultantes Nicolaus Pontifex admonet? B. Ambrosius, licet sanctus, non tamen universalis Ecclesiæ Episcopus, pro culpa, quæ aliis Sacerdotibus non adeo gravis videbatur, Theodosium Magnum Imperatorem excommunicans ab Ecclesia exclusit. Advertant igitur, caveantque viri Doctores, qui Romano Pontifici de rebus secularibus adimunt potestatem. Quia quisquis, ut ajunt Canones, *cujuslibet Ecclesiæ jus suum detrahitis, iniustitiam facit*. Qui autem Romanæ Ecclesiæ privilegium ab ipso summo omnium Ecclesiarum capite traditum auferre conatur, hic procul dubio in hæresim labitur, & cum ille notetur injustus, hic est dicendus hæreticus. Non autem, ut adversarij delirant, de rebus dumtaxat spiritualibus Romanæ Sedis arbitrium est, cui Dominus in Evangelio de re quacumque tribuit potestatem. Qui B. Petro æternæ vitæ clavigero terreni simul, & cœlestis imperii jura commisit, quod Petro, hoc & Successoribus ejus Romanæ Sedis Antistitibus. Verum, ut ad ea respondeamus, quæ de Gelasio, Cypriano, Nicolao, atque Gregorio sunt oppo-

oppositis, quibus illi affirmare videntur nec Imperatorem jura, Pontificatus arripere, nec Pontificem nomen Imperatorem usurpare debere, dicimus cum Innocentio Tertio, quia non passim, & absque causa, sed aliquando, & cum causa temporalem jurisdictionem Pontifex Romanus exercet, & secularia judicat. Quotiens enim alius deest, qui vel possit, vel audeat secularia judicare. Quotiens res temporalis manifesto crimine ducitur, & offenditur divina Majestas, nec seculares obviant Judices. Quotiens Justitia denegatur, licet Romano Pontifici manus apponere, quoniam. Præfulatus sui magisterium non solum de Sacerdotum, sed etiam de Secularium utilitatibus debet esse sollicitum. Sic & in Hungaria sæpe lites de Regno Romani Pontificis arbitrio sunt sopitæ. Sic & Franciæ contentiones extinctæ, Sic & in Regno Portugalliæ Regi dissipatori per Romanum Pontificem coadiutor datus. Sic & aliarum Provinciarum dissidia terminata, quæ superiorem in temporalibus non admittunt. Sic ad seculares dignitates Romana sublimitas sæpe Laicos ex adulterio genitos ad legitima jura reduxit. Sic & Imperio vacante vices aliquando supplēvit Imperatoris. Quid nunc in casu nostro dicamus? Arripuerunt arma nonnulli ex Austria, Ducatus regimen, quod Imperator obtinuerat, invaserunt, Judices, quos ille constituerat, excluderunt, putaverunt se jure uti suo. Contra Cæsar offensum se dixit. Quis hic Judex? Quis litis decisor erit? Non Bohemus, aut Hungarus. Nihil ad hos Austriæ negotia pertinent. Non Suevus, non Bavarus, non Electores Imperii, nullus heic Regum judicium hoc jure suscipiet. Omnes Imperatore minores sunt. Quis igitur in talinegotio, nisi Romanus Præsul legitime judicabit? Qui communis est omnium Pater, Ecclesiæ caput, Magister Fidei, Dux veritatis, Christi Vicarius, Sacerdos in æternum secundum Ordinem Melchisedech, constitutus a Deo Judex vivorum, & mortuorum. Advertant igitur Austriales, neque his credant, qui censuram Ecclesiæ parvipendunt, qui Romani Pontificis auctoritatem extenuant, qui Vicarium Christi contemnunt, nolentes intelligere, ut bona agant. Nos, qui talia suadent, filios perditionis asserimus, Diabolo, & Angelis ejus, ac perpetuo gehennæ mancipio lucifectos. Quibus, dum ajunt: Quid nobis, & Papæ? Quid Clero, & Populo? dicimus rursus ad eos: Quid vobis, & veritati? Quid vobis, & Evangelio? Quid vobis, & Christo? Quid vobis,

& Cœlo? Nec misceri lux tenebris potest, nec Belial Deo. Nec plura de primo membro, in quo satis expressum esse confidimus hoc Austriale iudicium ad primæ Sedis examen pertinuisse, a cujus præceptis nemini licet deviare. Transibo nunc ad secundi membri discussionem. Quid est, quod secundo loco adversantes obijciunt? Et si latissimum est, inquiunt, Romani Sacerdotis officium, non tamen ejus est iniqua præcipere. *Potestatem Ecclesia*, sicut Apostolus affirmat, *in adificationem accepit, non in destructionem*. At Monitorio Nicolai nihil quicquam injustius dici potest, quo nobiles Austriæ pro suo naturali Domino decertantes justum relinquere bellum jubentur. *Noli prohibere benefacere eum, qui potest*, admonet Scripturæ auctoritas, *si vales, & ipse benefacito*. Hic ego paucissimis verbis satisfacere possum. Non inficior Apostolicam Sedem, quæ justa sunt præcipere, non quæ iniqua, debere, sed ajo nihil injustum præceptum esse. Cumq; proponunt adversarii justam fuisse Austrialium causam, non audio unam solum partem; utriq; aures porrigo. Negat Imperator, quod Austriales ajunt. Fit negatione res dubia. Satis est hoc Romano Pontifici, ut causæ cognitionem recipiat. Nihil est hic, quod refutari possit. Ingrediamur tamen hoc pelagus, expendamus Austrialium causam, si, quemadmodum asserunt, æquitatem, honestatemq; foveant. Exponenda est facti series, sic jus facillime vestigabimus. Audite, benignas aures præbete. Rem gestam brevi sermone prætexam. Undecim, aut eo amplius annis Imperator Fredericus, tamquam pupilli tutor Ladislai Regis Austriam gubernavit. Omnes sibi indigenæ obedientiam promiserant, nonnulli & juraverant, donec pubertatis annos Ladislaus impleret. Sic pacificus Austriæ Ducatum Fredericus administrabat. At cum, anno proxime decurso animus ei esset Romam petere, Imperiales ut insulas more majorum ex manu Summi Pontificis assumeret, deq; salute communi Christianæ Religionis & infidelium oppugnatione cum Christi Vicario tractaret, jamq; Gubernatores, qui se absente Austriam regerent, contentientibus indigenis ordinasset, seq; itineri commisisset, nonnulli ex Austria, duce Ulrico Heyzingher, non multi numero, neq; majores, trans Danubium convenientes immutare Regimen Austriæ statuerunt. Legatos ad Cæsarem in novam Civitatem miserunt, qui dicerent, se, cum de privatis rebus acturi convenissent, etiã de suo Domino Ladislao Rege

Rege cogitasse, bonumq; sibi visum fuisse, ut is ad Dominia sua mitteretur, & maxime ad Oppidum Viennense, in quo circa gubernationem ejus id fervaretur, quod in ultima voluntate pater Albertus statuisset, atq; hæc a Cæsare peterent. Quibus cum Cæsar respondisset, Romam se propediem petiturum, neq; vacare sibi de illa re tunc agere; sed velle, cum rediret, conventum habere indigenarum, ac Principum, qui sibi, & Ladislao sanguine proximarent, in negotio tutelæ patruelis sui facturum, quod illi consulerent; mox furore incensi apud Viennam convenerunt, tractisq; non ægre in suam sententiam Civibus, & aliis pluribus, Cæsari in itinere versus Urbem constituto nolle se deinceps sibi, ut tutori, parere scripserunt, ac paulo post obedientiam eidem subtraxerunt, Hungaros, ac Moravos in societatem vocaverunt. Magnum & clarum Principem Ulricum Comitem Ciliæ Præsidentem, Ulricum Heyzingerum, qui novitatis auctor fuerat, non infimum Baronem Capitaneum creaverunt, Magistratus, quos Cæsar ordinaverat, ejecerunt, novosq; suffecerunt, vectigalia exegerunt, judicia exercuerunt, univrsam Austriæ regimen in se receperunt, Nobiles, qui fidem servare, & in obedientia Cæsaris perseverare voluerunt, viribus, atq; armis oppresserunt. Hoc est, quod factum nos dicimus, & adversantes negare non possunt. Sed licuisse hoc Austrialibus astruunt, idq; ita deducunt. Ajunt Alberto mortuo, qui fuit Ladislai pater, compertum esse testamentum ejus, in quo puerum, qui post se posthumus nasceretur, in arce Possonii tenendum, juriq; octo gubernandum mandavit, quorum duos Hungaros, duos Bohemos, duos Austriales, duos Moravos esse voluit, Hisq; tum Regnorum, ac Dominiorum, tum pupilli curam commisit. Nato autem Ladislao, atq; in Alba Regali coronato, Reginam Helisabeth ejus matrem, in cujus potestate pupillus erat, Divo Frederico Romanorum Regi puerum transmississe; Fredericum vero, illo suscepto, administrationem Ducatus Austriæ tutorio nomine petivisse. Consensisse Barones, & incolas Austriæ, fidemq; sibi, tamquam tutori, dedisse. Contraq; Fredericum literas his tradidisse, quibus certo modo promissit Austriam gubernare; id ni servaret, neque ratam esse promissam fidem, neque juramenta tenere; Fredericum, etsi diu rexerit, non tamen servasse, quæ promiserat, alienasse bona Ducatus, non usum esse consilio Baronum Austriæ, pupillum non bene instruxisse, neque, ut

ut par fuisset, Regis filium gubernasse. Convenisse ob eam rem, plerisque Austriales, scripsisse Majestati Cæsareæ, quia nollent ejus gubernationem diutius ferre, suum Principem, suum Dominum petivisse. Velle se testamento parere, quod Albertus reliquisset, indignum esse coronatum Regem tutoris arbitrio vivere. Noluisse petitionibus auscultare Cæsarem. Compulsos, qui Ladislai rebus studebant, quod precibus assequi non valebant, armis exquirere. Quis Austrialium causam non probaverit? Quis eos non bene fecisse dixerit, qui non suo tantum, sed Domini quoque sui jure sunt usi? Iniquum ergo monitorium Papæ, quod justos impedire homines nitebatur. Arbitror non esse paucos, qui rationibus hisce moveantur. At cum partis alterius in medium vox sonaverit, intelligent qui ratione, non appetitu ducuntur, quibus nec amor, nec odium dominatur, boni amantes, & æqui, neque juste, neque utiliter ab Austrialibus esse processum. Quod ut palam fiat, articulatim respondere oportet. Quatuor sunt, quæ justitiam Austrialium videntur arguere; testamentum, pactum, utilitas Domini, dignitas Regis. De testamento ratiocinemur primum. Magna vis testamenti est. Servanda est suprema Patris voluntas. At quamvis testamenta Principis liberiora, quam privatorum sint, nec juris solemnities quævis desiderent, sic tamen edi, produci; debent, ut fidem faciant. Verum Alberti testamentum neque probatum est umquam, neque productum. In cassum allegatur, quod non doceatur. Quod si verum testamentum fuisset, non tamen Austriales ejus adminiculo juvari possent, a cujus observantia sponte recesserunt. Muliebri vitium est, nunc velle, nunc nolle, dictum indictum facere. Viros omnis inconstantia dedecet. Multa insuper illis temporibus emerfere, propter quæ, etiam si validum testamentum fuisset, nec debuit, nec potuit observari. Hungari (sive jure, sive injuria, non recipio hujus ad me facti judicium) ex Polonia novum sibi Regem accersiverant, atque in Hungariam deductum coronaverant. Arcem Possonii, ubi servari pupillus ex testamento debuit, adiutores novi Regis occupabant. Qualis illic securitas pupilli fuisset, ubi hostes dominabantur? Quis pupilli personam Hungaris committendam suavisset, quorum pars major adversanti Regi studebat? Bohemi cum audissent hujus Alberti voluntatis mentionem fieri, deliramentum magis, quam testamentum esse dixerunt, in quo Moravos sibi æquatos audiebant, quos subdito.

subditorum numero habent. Restabant soli Moravi, & Austriales, qui testamenti poterant amantes videri, quando & Hungari novum Regem eligentes, & Bohemi ordinationem ejus damnantes illud rejecerant. Quis vero tantum Regem solis Moravis, & Austrialibus commississet? Actum erat de puero, nisi manus Imperatorias incidisset. Sed neq; Austriales, ut ante diximus, neq; Moravi ante hoc dissensionis tempus in eo testamento fixi fuerunt. Constabat insuper id testamentum, quantum ad gubernationem Austriae Ducatus, de qua re nunc vertitur quaestio, adversus consuetudines prisca, & jura patriae factum, quae pupillos Principes sub tutela Seniorum esse volunt. His Albertus, neque uti Dux Austriae, neque uti Rex Hungariae, aut Bohemiae potuit derogare. At erat, fortasse quispiam, ait, Romanorum Rex, licuitque sibi ex causa consuetudini detrahere. Id si quis astruat, non papyreis cedulis, aut testibus rusticis, sed authenticis literis, & sigillis probandum erit. Addam postremo, quemadmodum ex causa fas fuit Alberto Austriae jus evertere, sic & Frederico potestas fuit, suadente, atque urgente ratione testatoris voluntatem infringere, jam Romanorum Regi declarato. Cum ergo testamenti probatio sit anceps, atque incerta, cum Austriales ab eo recesserint, cum rebus mutatis nequiverint observari testamentum, cum Bohemi, atque Hungari nihil in eo momenti posuerint, cum Austriae consuetudinibus, ac Principum juribus esset adversum, nihil est, quod Austrialibus testamenti nominatio suffragetur. Qua confutata dicere de pacto occurrit. Literas, inquit Austriales, dedisse Caesarem sibi, quibus sancitum est, nisi certo modo sua Maiestas Austriam gubernaret, promissiones, quas ipsi praestitissent, invalidas, atq; inanes reddi. Fateamur ita esse, ut referunt; nam veri periculum mihi non arrogo. Sit tamen ita. Quid tum? Servari promissum oportuit. Non nego. Studiose agendum est, ut ea, quae promittuntur, opere compleantur. Nutare Principis verba non decet. Verum si addiatur pacto: nisi Romam iveris, decem dato, non est promissus reus, qui domi manens decem dedit. Hoc est quod volumus, dicent illi. Non rexit, ut promissit Imperator. Soluti ergo ab his sumus, quae promissimus sibi. Si pacto cavetur, obligantur & Principes, dum paciscuntur. Si actum est, ut narrant, quidni ruant promissiones? At si promisso non sumus obnoxii, dicent: ergo liberi sumus,

sumus, neque parere Imperatori tenemur. Recte igitur jugum ejus excussimus. Verum ego quamvis promissiones extinctas judico, non tamen idcirco liberos Austriales affirmo. Pactiones, quoniam stricto jure censentur, nil agunt, nil obligant extra casum, in quo loquuntur. Exponamus rem, ut gesta est. Dum pacta percussa sunt, de quibus agitur, petebat Fredericus administrationem Ducatus Austriæ, quæ sibi jure tutelæ debebatur. Negabant Austriales. Convenere utriq; cessis petenti gubernatio. Fateamur non esse gubernatum ex promisso, quamvis & hæc postea refellemus. Quas pacto vires præbebimus? Numquid propterea adeo liberos Austriales prædicabimus, ut nihil Cæsari debeant? Minime. Sed absolutos ab his, quæ promiserunt, ne conveniri ex pacto valeant, non erit absurdum fateri. Quicquid in pacto dictum est, tollitur. Promiserunt, non tenentur ex promisso. Juraverunt, non ligantur ex juramento. Præstiterunt fidem, ruit illa fides. Quid amplius? Ergo nihil Cæsari debebunt. Non ita, inquam. Sed redibimus ad priores terminos, eritq; Fredericus, ac si nihil Austriales promississent. Nec propterea gubernationem Ducatus amittere debuit, quia soluta promissio fuit. Restabant enim, & aliæ obligationes, quibus retineri usq; ad pubertatem pupilli Austriale regimen poterat. Erat jus Civile, quod pupillorum tutelam proximioribus mandat. Erat jus patriæ consuetudinis, quod pupillum Principem Seniori domus committit. Erat jus Sacri Imperii, quod advocatus postea Fredericus fuerat, cujus vigore gubernare Austriam, Ladislaum regere, nulli magis quam sibi licebat. Austriales ergo, qui multis erant Imperatori vinculis obligati, quamvis unum amputavissent, non tamen obedientiam subtrahere debuerunt, quæ nexibus aliis tenebatur obnoxia. Evertimus, sicut arbitror, adversantium fundamenta, quæ super literis pacti jecerunt. *Sagitta parvulorum facta sunt plaga eorum.* Addemus tamen & alia contra pactiones, neq; locum his ullum relinquemus. Administrationem cum Fredericus Austriæ suscepit, cum Communitate Regionis suæ, & Universitate contraxit. Nam cum duobus, aut tribus res peracta res Universitatis agebatur, non paucorum. Si quid adversus contractum dicendum erat, universitatis aut majoris, vel sanioris partis reclamatio fuit, non duorum, aut trium, sive minoris partis. At eo tempore, quo reclamatio cœpta est, Ulricus Ayzingher, & pauci cum eo fuerunt, qui trans Danu-  
bium



hujus convenere. Pars major, & sanior, cujus erat de Reipub. consilium, cum Frederico sentiebat. Paucos, qui sequebantur Ulricum, Universitatis abrumperé promissa non decuit. Nam si se liberos, nullisq; Cæsari promissionibus obnoxios dicere voluerint, angariare ceteros, quibus servanda fides videbatur, & universam invadere Rempub. nemo sapiens paucorum ambitioni permiserit. Quod si major pars conquesta fuisset, aut auscultasset ei Cæsar, aut illi dixisset: si non teneris pacto, at jure patriæ, jure Civili, jure Imperii teneris. Quid plura? Aperiamus tandem, quænam sint ea pacta, quibusve modis iniata, quæ superbos adversarios reddunt. Dicam brevissime. Principatus Austriæ cum regimen Imperator accepit, viros duodecim assumere promisit ex primoribus Austriæ, quorum consilio Ducatum regeret. Nisi hoc impleret, irritas esse promissiones Austrialium, quibus obedientiam præstitissent, neq; data illos fide, aut juramentis teneri. Elegit illos Cæsar duodecim viros, qui Gubernatores dicti sunt. At hi cum aliquandiu gubernassent, postea tamen suopte ingenio Magistratus se abdicaverunt. Tunc ex consensu indigenarum mutata est facies Reipub., quatuor & viginti Gubernatoribus constitutis, quorum consilio Austriam Cæsar administraret. Sed neque pactiones ullæ, neq; promissiones adhibitæ sunt. Rursus & hi post tempus gubernationem resignantes vacuum Rempub. dimiserunt. Quod Fredericus animadvertens, sine quovis pacto, assentiente Communitate, gubernationem solus iniit. Sic res acta est. Quis modo non intelligat veritatem? Ordinatur gubernatio Reipub. certo modo, pacta intercidunt, mutatur forma regiminis & semel, & iterum, neque pacta repetuntur: Quis non putaverit ab illis esse recessum? Quid amplius? Annis undecim Fredericus solus Austriam gubernavit non tamen sine consilio indigenarum. Obediverunt omnes, fidem servarunt, nemo se opposuit, nemo contradixit, nemo testamentum Alberti in medium adduxit. Unde ista post tantum temporis novitas? Contra Dominum arma tulerunt. Qui etsi promisso, ut arbitrabantur, non erant amplius obligati, non tamen Universitatis majorem partem faciebant. Nec erant adversus Austriæ consuetudinem liberi, neq; a Civilibus legibus exempti, neq; ab Imperii jugo subtracti, sed Frederico, ut Austriæ Duci honorem, ut tutori pupilli obedientiam, ut Imperatori reverentiam, & subiectionem debebant. Quas res neq; literis, neque pacto subla-

tas monstrari potest. Sic adversantium duo, quæ maxima rebanditur esse, fundamenta dirupta sunt. Modo tertium evertamus, in quo Domini utilitatem adducunt, & Austriales arma sumentes Domini causas adiuvisse contendunt. Audite heic Hungari, obsecro, atq; Bohemi, non heic vobiscum disceptamus, neque de regionibus vestris. Nulla vos judicantes corrumpet affectio. De Domino facta est mentio, Dominum suum Ladislaum Regem Austriales appellant. Recte, pulchre, vere, nemo inficias ibit. Verum ego duos esse temporales Dominos Austrialibus assero, alterum Imperatorem, alterum Ladislaum, atq; hunc non tamquam Regem, sed tamquam Ducem. Legat Historias, qui mihi non credit. Nolo vetustiora referre. Si quæramus, Ladislao quis Austriæ Principatum commiserit, ex successione dicent Principem esse. Quod si progenitorum progenitoribus unde sit hæc potestas investigemus, necessarium erit tandem ab Imperio fateantur esse Ducatum. Non est admodum vetus, quod referam. Tenuerunt Cæsares hujus Provinciæ Dominium, & hanc terram Ducatus titulo donaverunt. Imperante autem Frederico Secundo, Albertus Austriæ Dux adversus Hungaros pugnans juxta fluvium Lytham a suis occisus, cum non reliquisset hæredem, locum devolutioni Ducatus fecit, quem Fredericus, quoad vixit, per Vicarios administravit. Eo mortuo, variis casibus vexata provincia in potestatem Ottokari Bohemorum Regis dilapsa est, ac demum virtute Rodulfi Romanorum Principis ad Imperium rediit. Qui & Vienne obsidione cinctam ad deditionem compulit, & Ottokaro magno prælio victo & provinciam, & vitam ademit. Nec diu post in conventu Principum apud Augustam Vindelicam Albertum filium huic regioni præfecit. Ab illo continuata successio est usque ad Ladislaum nostrum. Albertus in Feudum ex patre Romanorum Rege suscepit Austriam. Ab Imperio igitur Austriæ Principatus est. At Princeps, & Dominus Austriæ Ladislaus est. Concedo; ea tamen lege, ut sibi & Dominum, & Principem Fredericum noverit, & quam exigit a subditis obedientiam, eandem ipse præstet Imperatori. Nam etsi utile in eum transfusum est, directum tamen Austriæ dominium penes Imperium hæret. Caveant igitur fautores Ladislai, quid prædicent, ne dum uni se putant consulere suo Domino, cum duos habeant, aut alterum offendant, aut utrumque, quando & Duci, & Imperatori subsunt. Quod si percuncte-

conducatur aliquis, utri parendum sit, si alter alteri adversetur, nemo, qui perturbato sensu non fuerit, Duci primas dabit. Recta ratio Cæsarem præfert. Durior hic sermo fortasse videtur. At agnita ratione mitior fiet. Mandat Austriæ Dux omnes, qui ferre arma possunt, in bellum eant. Baro, qui Feudum a Duce recepit, prohibet suos homines, ne arma capeant. Quis non Ducis mandata prætulit? At quod Duci Baro, hoc Imperatori Dux erit. Indigne superiorem contemnit, qui vult ab inferioribus honorari. Quod si quis desitum, & aliam inolevisse consuetudinem affirmaverit, respondebo cum Cypriano, *Consuetudinem ratione carentem erroris esse, non juris vetustatem*. Non prava consuetudo, sed honesta consideratio ducere homines debet. Indignum, absurdum, sceleratum est, quos tibi commendaverim populos, eos te mihi præferre, tuique causa adversus me militare, quos meo nomine regis, ac si filius jubente pædagogo manus iniiciat patri, aut Episcopo mandante ferrum stringat in Papam Clericus. Parum fortasse ponderis nostris inesse verbis videtur. Sed cedant Apostolorum Principi, qui nostris dictis arrogat fidem. *Estote*, inquit in Epistolis Petrus, *subiecti Dominis vestris, sive Regi tamquam præcellentibus, sive Ducibus, tamquam ab eo missis*. Alia est obedientia, quæ Regi, alia, quæ Duci debetur. Qui Duci contra Regem obedit Apostolici præcepti sit reus. Non enim Duci, ut a Rege, sed contra Regem misso parere convincitur. *Non est potestas*, scribit ad Romanos Paulus, *nisi a Deo*. Quæ autem sunt a Deo, ordinata sunt. Ordinem igitur habere humanas potestates oportet. *Excelsio*, inquit Ecclesiastes, *excelsior est*. Major potestas, ut in Confessionum libris tradit Augustinus, *minori ad obediendum præfertur*. Probe rusticus apud Maronem: *Tu maior*. *Tibi me æquum est parere Menalcha*. Denique super illud Apostoli: *Qui resistit potestati, Dei ordinationi resistit*, quærit Augustinus, an Procuratori Provincie resistere fas sit, & asserit resistendum, si contra Proconsulem jubeat, quia non potestas contemnitur, sed major ad obediendum eligitur. Nec debet minor irasci, si major prælatus est. Rursus si aliud Proconsul, aliud jubeat Imperator, præferenda Imperatoris mandata confirmat. Quod de Proconsule, idem censere de Duce oportet. Quem si quis Imperatori subditum nescit, juris jurandi formam inspiciat, quod Romanorum Regi, sive Cæsari universi Principes Imperii præstare jubentur. Qui se scit aliis esse

præpositum, non moleste ferat alium sibi esse prælatum. Sic societatis humanæ servantur fœdera. Sic dulcedine pacis & Civitates, & Provinciæ, Regnaque potiuntur. Nolo id nunc introducere, quamvis est & ad propositum, & notissimum; Imperatorem posse Ducatum sibi subiectum aut extinguere, aut in alterum transferre, aut apud se retinere, si vel causa deposcit, vel culpa requirit. Id nobis probasse sufficit, quia Dominus est Austrialium Fredericus Imperator, quodque mandatum novatoris præcepto ad hujus domini causam certum est Austriales nequaquam egisse. Cum dico Austriales, eos intelligo, qui Cæsarem impugnaverunt, non eos, qui stabiles apud eum mansere, quique & multi, & nobiles, & clari Barones fuerunt digni laude, & gloria nominis sempiterna. Verum ceteri Austriales, quorum facta, non personas improbo, ex duobus dominis, qui super eos, & in eos Imperium habent, alterum, & majorem, & cui obnoxiores erant, offenderunt, subtrahentes obedientiam sibi, cunctisque præceptionibus ejus obaudientes, quodque nullus potest non impium, scelera tumque dicere, bellum adversus eum gesserunt. Quod nec imperante Ladislao movere licebat, quanto minus illo tacente? Qui dum pupillus est, semper tacere censetur, nesciens quid sibi antiquius sit. Docendi pueri, non sequendi, corrigendi, non adulandi sunt. Confitebuntur, ut opinor, Austriales se Frederici causam, quamvis Domini sui, minime, sed Ladislai Principis & Domini, quem Cæsari anteferendum existimaverunt, utilitatem magnopere promovisse. Libet hoc quoque discutere. Audiamus, quæ ista utilitas sit; Quod bonum est Ladislao quæsitum, partumque narrant: Noster, inquiunt, Dominus apud Fredericum in captivitate languibat, neque literis, neque moribus imbuebatur. Cibo potuque parcissime alebatur. Nulla erat ei jocandi facultas. Quin tenerimus puer non sine vitæ discrimine Romam ductus est. Thesauri ejus, resque mobiles in prædam, castra & vestigalia in rapinam ibant, neque Hungariæ, neque Bohemiæ consulebatur. Liberavimus Dominum nostrum. Sua videt, curareque potest. Nihil nunc ei deest. Venit ad homines, in lucem, in gloriam venit. Jam Hungari eum, jam Bohemi quærunt. Festos dies ducit. Sibi, & subditis vivit. Commune est omnibus gaudium. Quis hæc aut bona neget, aut utilia? Sic causam Domini, sic nostram, & patriæ commoditatem quærivimus. Belle deducta res est, & potest videri vera,

vera, si nihil adversum dicatur. Verum nobis hæc cuncta riman-  
tibus longe diversa sententia est. Dicam quod sentio. Arbitror &  
alios mihi assensuros, quos propria non perturbat affectio. De  
captivitate mirum est, quod obiicitur. Si non fuit illi quavis ho-  
ra quocumque voluit ire libertas, non tamen captivus dici poterat.  
Puer non est omnis admittenda voluntas. Ex alieno arbitrio, non  
suo sensu ducere vitam pueros oportet. Qui parcat virgæ, odit  
filium. Mollis educatio, quam indulgentiam vocant, nervos om-  
nes mentis, & corporis frangit. Dilectissimus apud Cæsarem La-  
dislaus fuit, & ut filium Regis decuit, gubernatus. Quod si non  
mille adolescentes, aut mille pedisequas ministrantes habuit, Re-  
gio tamen apparatu, & cultu honesto servatus est. Præceptoribus  
commisus modestis, & prudentibus, educatus pudice, literas simul  
& mores edoctus. Quid contendimus? Optime nutritum puerum  
habitus ipse pueri, faciesque confirmat, in cujus ore venuetas, in  
gestu gravitas, in affatu modestia, & in omni actu, quantum fert  
puerilis ætas, discretio singularis elucet. Quibus nudus extaret,  
si minus probatos habuisset altores. Quod si neque cibo, neque  
potu tanto refertus est apud Cæsarem, quanto nunc apud commu-  
nitatem repleri dicitant, nemo id sapiens vitio dabit. *Ventri nam-*  
*que, sicut magno Basilio visum est, non ad voluptatem, sed ad susten-*  
*tationem porrigere conducit.* Nam qui cœnas semper, aut coquos  
mente agitant, epularumque gratia terras, mariaque perscrutan-  
tur, miserabili admodum servitute premuntur, & gravissimo Do-  
mino tributa pendunt. Satis est puero sufficientiam ministrasse.  
Sufficientia vero non libidine voluptatum, sed naturæ necessitate  
definienda est. Nimius autem vini usus, ac cibariorum copia sur-  
gentem in pueris virtutem enecant. Neque jocus liberali, & Re-  
gio puero dignus negatus est, quamvis scurrarum, & saltatorum  
greges ad eum non sunt admissi. *Ætati namque id teneræ no-*  
*civum Cæsar existimavit. Bene apud Saryricum quendam scrip-*  
*tum est:*

*Nil dictu factum, visuque hæc limina tangat,  
Intra qua puer est. Procul hac, procul ite puella,  
Lenonum, & cantus pernoctantis parafiti.  
Maxima debetur puero reverentia.*

Sed objurgant Cæsarem Austriales, qui tenerrimo, delicatoque  
puero grande iter commisit, asperum, periculosum. Spem no-  
stram,

fram, inquit, pacem, quietem, Dominum nostrum ad Italiam hyemali tempore duxit. En pulchram accusationem. At non Fredericus, dum Stiriam exierat, neque Ladislaum secum ducere proposuerat, quando novitas in Austria coepta est. Quo pacto prospicere futura potuerunt, qui vix praesentia cernunt? Sed neque Ladislai transitus reprehensibilis est. Hyemale tempus, quod damnant, Italiam intranti saluberrimum est. Nullum toto itinere periculum est. Numquam hujus viae Ladislaum poenitebit. Multa in hoc transitu vidit, quae sibi posthac, & suis erunt subditis usui. Ulisse extollit antiquitas, *multorum mores hominum qui novit & urbes*. Laudabiliorem hunc futurum puto, qui rebus magnis vel puer interfuit, graveque mores didicit. *Quo semel est imbuta recens servabit odorem testæ diu*. Nostri Austriaci in plumis puerum, in delitiis, in voluptatibus existimant nutriendum. Credo alterum Sardanapalum voluissent alere, inter mulierculas quæ pensa distribueret. At Cæsar Hungaris, atque Bohemis fortibus, ac pugnacibus viris educare se Regem norat, qui suum Principem ad bella deducunt, ut Israel ad Samuelem jurat: *Rex erit super vos, & erimus nos quoque sicut omnes gentes, & iudicabit Rex noster, & egredietur ante nos, & pugnabit bella nostra pro nobis*. Quorum ductor nisi dura pati ab ineunte ætate didicerit, perseverare non poterit. Levissimum est, quod isti putant gravissimum. Spartiatæ suos pueros publice verberibus admotis ad patientiam exercebant. Vetusiores Itali, ut est apud Virgilium, natos ad flumina primum deducebant, sævoque gelu durabant, & undis. Et Achillem puerum venationibus excitatum sub Chirone Magistro, suarumque ferociore bestias insequebatur tradunt. Quid mirum si Romam petiit Ladislaus? Non extra mundum, sed centrum mundi, nobilissimam orbis partem, Christianitatis caput, arcem Imperii, terrarum decus, morum, ac virtutis domicilium visere ductus est. Super qua re si non sunt Austriales Cæsari grati, at ipse Rex Ladislaus aliquando, & Hungari, & Bohemi venturo tempore gratias agent. Quod autem expilata Ladislai hæreditatem murmurant adversantes, asportatos thesauros, ac dilapidatos, impignorata bona, quis non intelligit majestatis crimen incurrere, qui falso Cæsarem criminantur? Apertus est Alberti thesaurus, & inventus integer. Nihil inde receptum est, nisi quod incolarum consensu forori Regis Ladislai in Saxonia nuptæ dono est

est datum . Nil ulterius alienatum, nihil distractum, neque impignoratum est quicquam, nisi necessitate urgente . Quis nescit Alberto vita functo plurimos, qui sub eo stipendia meruerant, arma movisse, pluraque postea insurrexisse adversus Austriam bella ? Quid mirum si pars pignori data est, ut totum servetur ? Quis rem ullam gubernavit publicam, qui aliquando aut vendere, aut hypothecare vestigalia non sit coactus ? At Fredericus etsi auri pondo LXX. millia his dederit, qui sub Alberto militaverunt, etsi sæpius exercitus pro pace Ducatus habere coactus est, magnoque sumtus facere, non ut avus Ladislai Albertus Alberti pater, qui Vvillelmum, Leopoldum, Herneſtum Imperatoris Frederici Patrem, & Fredericum patruos sub tutela gubernans magnam Stiriz, Charinthiz, ac Carniolæ partem Comitibus Ciliz, & in Suevia quicquid pupillorum fuit, diversis, & alienis gentibus impignoravit . Sed paucissima, & levia Principatus bona inſcripſit, atque his potissime, qui contra Cæsarem arma sumserunt . Quod si justis de causis inſcriptiones factæ sunt, cur impugnant ? Si perperam, cur receperunt ? Sed ajunt Stiriensi cuidam magistro Cameræ non parvum oppidum pignori datum esse . Id scilicet dolent, quia non ipsi receperunt . Justum erat, honestum, sanctum pignus, si cui ex Austria fuisset inſcriptum . Non damnum Domino datum, sed sibi subtrahum queruntur lucrum . Quod si Ladislaus postquam adoleverit, rem suam diligenter examinaverit, nullum hæreditatem suam magis expilasse comperiet, quam plerosque ex his, qui modo suam ajunt se causam agitare . Sed jam de rebus Hungaricis, atque Bohemicis aliquid inferamus, quas isti neglegas Cæsari culpitant . Inhærent moribus suis . Jure, an injuria clament, nihil pensi habent . Quid aliud Hungari petiverunt ? Quid Bohemi, nisi Ladislaum ad se mitti ? Non est missus . Male cum Regnis actum est . At cujus consilio negata est missio, nisi Austrialium ? Quæcumque vel Hungaris, vel Bohemis responsa sunt data, ex Austrialium officina prodierunt . Quicquid in hac parte culpant Austriales, in sese vertant necessarium est . Verum si parvipendisset Imperator res Hungaricas, & Bohemicas, parum hodie dominiorum puerum respiceret . Neque pauci, neque impotentes fuerunt, qui Regna hæc magno studio, multisque artibus invadere conabantur, quibus Cæsar & apud Magnates Regnorum, & apud Sedem Apostolicam semper opposuit obices, & nisi solers

solers Frederici cura intervenisset, Ladislaus ipse immaturo; & acerbo funere raptus fuisset; tot erant, qui quærebant animam pueri. Summus namq; locus nulla non arte petitus invenitur. Instemus adhuc: ubi est hæc utilitas Regi parta? In libertatem, inquiunt, in honorem venit. Non intelligo, quæ sit hæc libertas. Regitur, non regit. Audit, non consulit. Ducitur, non ducit. Bene est. Hoc illius ætati convenit. Idem apud Fredericum fuit. Quid de honore? Gubernationi Frederici subiacuit. Nunc Ulrici Comitis Ciliæ regimen fert. Magnus Princeps, & Comes, alto sanguine natus, multa vi corporis, & animi, proximus pupilli consanguineus. Pulchre apud eum est, non inficior. Non succensabit tamen mihi Ulricus, si Cæsarem sibi prætulerim, si pulchrius, atque honestius dixerim Regem, qui pupillus sit, sub Imperatoris magisterio, quam sub Comitis esse. Prætereo quantas ejus pecunias effuderint, quod ejus bona dilapidaverint, quod damnis, atque incommodis ejus hæreditatem affligerint. Ad eos festinat oratio, qui suam, & patriæ utilitatem in medium deducunt. Hæc ego non negaverim aliquos Austriales ditiores effectos. Quis enim non sua magis, quam communia quærit? In omni populo, & quocumque sub axe Catilinam reperies. Catonem, atque Fabricium rara Civitas dabit. Sed non habet veram utilitatem census per injuriam auctus: Nemo habet, inquit Augustinus, *injustum lucrum sine justo damno. Vbi lucrum, ibi damnum. Lucrum in arca damnum in conscientia. Tulit vestem, & perdidit fidem, acquisivit pecuniam, & perdidit justitiam*. Hos ego ad conscientiam remitto quos *diri conscia facti mens habet attontas, & surdo, verbere cadit*. Sapientes nihil vtile dicunt, quod non sit idem honestum. Nec plura de istis. Perscrutandum modo est ex hac Austrialium novitate, numquid patriæ commoditatis aliquid accesserit, ut adversantes gloriantur? Verto me omnes in partes. Ex novitate nihil video boni natum, mali plurimum sese offert. Diu Cæsar apud Austriales, apud Viennam versatus est. Nulli umquam aut domum, aut agrum, aut liberos, aut uxorem, aut pecuniam abstulit; quamvis hoc esse ejus Regis Israelitico populo Samuel affirmaverit. Fuit apud eos inter illustres viros. Consulvit patriæ, pepercit afflictis, fera cæde abstinuit, tempus iræ dedit, pacem, tenuit, libertatem fovit, Religionem auxit. Nihil est, quod Cæsari valeant imputare, nisi fortasse nimiam lenitatem; mitior enim fuit,



fuit, quam Regem decuit. Numquam Dominum, semper patrem experti sunt. Feroces eos Regia mansuetudo fecit. Creverunt opes illo regente, & hujus Urbis deliciae, aureaque, ut penhivent, sub illo Rege fuerunt secula, sic placida populos in pace regibat. Agre letis rebus invidia deest. Nulla mutandi regiminis necessitas affuit. Mortalium commune vitium traxit Austriales. Quod populus imperat, diu placere non potest. Vetus Imperium odiosum est, & qui mos populis venturus amatur. At novitate facta bellum exortum est, bellum intestinum, bellum civile, crudele, horridum.

*Signa, pates Aquilas, & pila minantia pilis  
Frateras acies, alteraque regna profanis  
Dacertata odiis,*

filium contra patrem, fratremque fratri insidiantem vidimus, rapinas, incendia, caedes, & scelus omne permissum. Quae tamen ex bello potest utilitas emergere, ut non belli superetur incommodis? *Squalent abustis arva colonis, & curva rigidum falces vertuntur in enses,* violantur virgines, matresfamilias ad stuprum rapiuntur, incæstantur Moniales, cæduntur liberi in complexu parentum, neque profanis parcitur, neque sacris. Stultum est cum pace certa fruaris, bello & armis incertam quærere. Extremum malorum, & anceps remedium est bellum, nec viribus quavis magnis confidere oportet. Fortuna belli semper est in lubrico loco, & dubio. Martis incertae vices. Nec propterea jactandum est, quod ex sententia cesserit Austrialibus. Namque si motiri consilia velint, non suam virtutem, sed Cæsaris mansuetudinem, laudabunt. Sciebant & arma, & homines, & equos, & pecuniam Cæsari non desse; multos, & magnos Austriae Barones sentire cum eo; Hungaros secum inducias habere; Bohemos præter Dominum de Rolis eam diffensionem dereftatos esse; Cæsarique benevolos Principes, & Civitates Imperii complures, si vocantur, non deserere & Dominum, & consanguineum. Sed abhorruim Cæsar domesticum bellum, noluit civilem fundere sanguinem, pepercit patruelis agris. Omnis in Austriam ruebat furor. Miserus est communis populi, noluit paucorum culpam in multorum redundare ruinam. Austriales igitur, quamvis magnum, aliquid fecisse se dicant, non tamen prudentiae suae possunt adscribere, quod ex moderatione Cæsaris noscuntur accipere, qui cum

posset injurias ulcisci, maluit oblivisci. Carthaginenses quidem Duces suos, qui sine certa ratione pugnaverant, etiam victores aut securi percutiebant, aut crucibus affigebant; quod vicissent, Diis immortalibus; quod pugnasent, temeritati imputantes. Sed nihil ad nos hæc. Mihi etsi Princeps egregius videtur, qui hostem conterit, non minus tamen laudandus apparet, qui vincere posse contentus vindictam Deo dimittit. Nos horum idcirco meminimus, quia ex omni parte liquet non tantum injuste, & inutiliter, sed imprudenter quoque Austriales, qui se magnopere jactant, res innovasse. Nunc quantum dedecus, quantamque ignominiam ab his Austria susceperit, referemus, qui Cæsaris obumbrare gloriam, ingenti, insolita, & inaudita contumelia præsumserunt. Idque palam fiet, si prius quantum splendoris, & famæ suo generi, suæ familiæ, & Austriæ terræ Fredericus attulerit, ante oculos omnium ponemus. Quod neque longis, neque tediosis, ut spero, verbis efficiam. Meo judicio, neque parum honoris, neque parum nominis Austrialibus superioribus gestis suis Fredericus attribuit, qui duo de viginti natus annos adeptus patriam, hæreditatem, nullius magisterio subiectus, non ut affollet imberbis juvenis tandem custode remoto gaudere canibus, & aprici gramine campi; sed Hierosolymam petere, ac Dominicum viscere sepulcrum, & terram, ubi sterorum pedes ejus, qui nos a morte redemit, exosculari decrevit. Reversus in patriam subditorum paci consuluit, infantem, pupillū, orphanum Ladislaum Hungarico discrimini surripuit. Communi voto in Imperatorem electus, quamvis duo de Romano Pontificatu contenderent, ab utroque tamen Rex Romanorum appellatus est. Apparatu magnifico in superiorem, atque inferiorem Alamaniam profectus Francfordias cum Electoribus convenit. Aquisgrani summo favore Principum, civitatumque applausu coronatus Basileam petiit, Burgundiam intravit, Sabaudiam invisit. Repetita domo Gunzenfes, qui Austriam, Itiriamque vexabant, bello delevit. Ad unionem inde conversus Ecclesiæ, neutralitatem, qua Natio Germanica non sine animarum periculo utebatur, alto consilio sustulit. Unde sequutam unionem nullus ambigit. Nam qui apud Basilienses Papatum arripuerat, Amedeus spem Germanicam ubi amisit, mox Nicolao Quinto manus dedit, ex ejus arbitrio leges pacis amplexus. Ex hinc quamvis Italia duas in partes scissa sævis divisionibus qua-

tere-

teretur, sic eo profectus est, ut nulli parti suspectus haberetur. Sed honores utrinque maximos reportavit, certantibus Italis utraque novellum Cæsarem magnificentius admitteret. Libet hic paululum immorari, ut intelligant non Austriales tantum, sed omnes Teutones, quos genti, suæque nationi titulos Fredericus acquisiverit. Exceptus est in Italia Cæsaris adventus ab omnibus Principibus, Civitatibus, populis, incredibili honore, atque amore. Nihil relinquebatur, quod ad ornatum portarum, itinerum, locorumque omnium, quæ Cæsar transiturus erat, excogitari posset. Multitudo patrum cum liberis, & omni familia obviam procedebat. Sacrificia pro salute sua ubique fiebant. Tricliniis stratis omnia fora, templa, tectaque domorum occupabant, ut vel expectatissimi triumphi lætitiâ percipi posset. Ad placendum, magnificandumque suum Principem opulentiores magnificentia, tenuiores cupiditate certabant. In hoc transitu Cæsareo, & coronatione Romæ celebrata nihil est solitæ solemnitatis ommissum. Sed accesserunt multa, quæ rem amplius, atque amplius illustrant. Quietus, ac pacificus transitus ex tanta multitudine diversorum populorum, gentium, nationum, neque rixa oborta, neque quispiam desideratus est. Sumtus omnibus in locis publicitus, & ubertim ministrati. Apud Ferrariam totius Lombardiæ conventus Cæsari cum muneribus occurrit. Princeps illius urbis in reditu Dux Mutinæ, Regique creatus, quod beneficium bene locatum omnis Italia dixit. Bononienses, qui neque se sibi credunt, Frederici fidem sequuti sunt. Florentia, quæ ceteris Imperatoribus portas clausit, huic omnia patefecit. Ubi & Legati Apostolici magni, & excellentes viri Germanus Pape Bononiensis, & S. Angeli Cardinales obviam facti. Apud urbem Senam ex ultimis Hispaniarum finibus longa, & periculosa navigatione advecta sponsa Regia, & pulcherrima, virgo Leonora ex vetusta Portugalliæ domo. Apud Romam ut omnes cives nobiles, Senatores, Principes, Prælatos occurrentes, Collegium Cardinalium, ad primum lapidem extra ordinem Cæsari obviam datum. Ingressus sequenti die magnificentissimus Nicolao Pontifice Maximo cum Cardinalibus, & Clero apud Basilicam Sancti Petri expectante, cujus Beatissimos pedes Cæsar in honorem Piscatoris, & Salvatoris Christi reverentiam exosculatus est. Coronatio Romana in decimum diem suspensa. Corona Longobardorum in Capella Principis Apostolorum, cum Mediolani

pestis vigeret biduo ante Romanam suscepta. Sponsalia sacro Maximi Sacerdotis ore benedicta. Coronatio Augustalis eo die revolutis annis peracta, quo Pontifex ipse Nicolaus Papale Diadema suscepit. Augustus simul & Augusta coronati, & quamvis ornamenta essent Cæsari ditiora, & ornatiora, ea tamen die Magni Caroli pallio, tunica, ense, pomo, ex Sacratio Norimbergensi receptis; & Romam delatis quasi plus majestatis veteribus, quam novis esset ornatibus, usus est Fredericus Cæsar & nobilissimus, & splendidissimus. Hinc Ladislao patruuli Rege, inde Alberto germano Duce, throno Cæsaris assidentibus, Legationes ex tota Italia, milites admodum multi cum Principes, tum magni nobiles in ponte percussi. Solemnitas in noctem producta. Exacta festivitate, petita Neapolis. Visus Alphonfus Rex Aragonum, & Siciliae Imperatricis avunculus, nostri decus, splendor & avi, apud quem recepti honores non sunt qui verbis referri queant. Ut vicit oculos varietas, sic superat magnitudo sermonem. Quid plura? Remensis iter Venetias more triumphantis intravit, ubi nullus ante visus fuerat Imperator, nisi fugitivus aliquis, & Fredericus primus pacem ab Alexandro Papa Senensi petens, & filius bello captus. At Frederico nostro, & conjugi tantus honor à Venetis exhibitus est, quantus antea nulli. Hæc nisi fallor, & ingentia, & rara, & singulari, & laudabili nota digna sunt, ac non solum Frederico, & suo sanguini, atque Austriali nomini, sed omnibus Alamanis honorem maximum, excellentemque gloriam pepererunt. Verum cum ceteri omnes honoraverint Fredericum, in propria venit, & sui eum non receperunt. Austriales enim Fredericum veluti triumphatorem ex Italia redeuntem, Illustratorem Alemaniæ; ornato rem Austriæ, sui generis sublimatorem, maledictis, ac malefactoribus exceperunt, omnemque suæ terræ gloriam extinguere sunt aggressi. Hæccine patriæ utilitas, aut commoditas regionis, ubi gentis honor confunditur, ubi gloria communis retunditur? Neque utilitas honoris, neque honor utilitatis expers esse potest. O si Austria loqui posset, nonne hosce homines ingratos filios appellaret, ac talibus vocibus increparet? Cur stulti homines vestrum Principem persequimini, qui vos domi quietos tenuit, fortia honoratos fecit. Quatuor ante hunc ex filiis meis Romanam rem acceperunt, Rodolphus, Albertus, & alter Albertus. Ex his Romæ nullus coronatus est, neque ingressus Italiam. Solum hic & mihi,

&

& vobis hoc coronationis attulit decus. Ergo apud vos beneficia  
 pro maleficiis habentur? Nec vobis pacem, nec Principi fidem  
 servatis. Vos mihi, vos Principibus, vos filiis vestris partem exclu-  
 ditis gloriam. Meum nomen quod apud omnes gentes illustre Fre-  
 dericus reddiderat, turpi nota obfuscatis, atque ignem mihi, &  
 vobis suscitatis, quem nescio quando possitis extinguere. Ergo ego  
 nisi vos peperissem, omnes per circuitum me gentes admirarentur,  
 felicemque dicerent ingenti laude, & secura pace gaudentem. Sic  
 suos filios, si capax vocis esset, Austria compellaret. Sed nec mi-  
 nora his aliquando Ladislaus proferret. Neque Albertus, neque  
 Sigismundus Austriæ Duces singulari virtute præstantes filebunt,  
 quibus Austriæ dedecus, atque honor in communi cedit, qui fa-  
 mam, atque infamiam cum Frederico æqua lance suscipiunt. At  
 vos heic vos Principes Alamaniae compello, Nobiles, Proceres,  
 Illustre genus, clarissimam gentem. Quid heic dicetis, rogo? Vo-  
 bisne Austriales laudandi videntur, qui Dominum nostrum con-  
 temnere, atque confundere nituntur? Cum vobis Imperium Sedes  
 Apostolica tribuit, tunc nationem vestram ceteris anteposuit. At-  
 tendite, obsecro, ne tantam excellentiam amittatis. Imperium  
 quibus artibus ab initio partum est, his facile retinetur, contrariis  
 perditur. Vestrum est providere, ne tanta majestas apud vos con-  
 temnatur. Ex corpore vestro sunt Austriales. Si Cæsarem deho-  
 nestam, in vos culpa rethundat. Non potest Imperium sine nota  
 vestra contemni. Non remanet dignitas, ubi spernitur. Transfe-  
 ri Imperium potest, perire brevi non potest, quod Christi voce pro-  
 batum est, quod suis orationibus omnis Ecclesia juvat. Interest  
 vestra magnopere sic agere, ne dignitas Imperatoria sub vestris  
 oculis, atque in vestris manibus pessumdetur. Illam quippe nostri  
 majores, veteres, sanctique Christiani semper magnopere sunt ve-  
 nerati. Et quamvis essent Gentiles ab initio nascentis Ecclesiæ Cæ-  
 sares, tamen pro salute Imperatorum sine intermissione preces ad  
 Deum fundebant. Quod si mihi non crediatur, veritatis adstipula-  
 torem Tertullianum adduco. Denique inquit ille, *sine monitore*  
*pro omnibus semper Imperatoribus Deum preces sumus. Vitam*  
*illis prolixam, Imperium securum, domum pacem, exercitus fortes,*  
*Senatum fidelem, populum probum, orbem quietum optamus.* Et post  
 addit: *Est & alia major necessitas orandi nobis pro Imperatoribus,*  
*& omni statu Imperii, rebusque Romanis, qui vim maximam uni-*  
*verso*

verso ubi, & imminentem Romani Imperii commutato, seipsum retin-  
dari. Itaque volumus experiri, & dum precamur differri, Romani  
discurritati favemus. At Austriales, ut eo redeam, unde sum  
digressus, spreto Salvatore, qui reddi Cæsari, quæ Cæsaria essent,  
præcepit; contempto Petro, qui Regem honorari mandavit, po-  
stergato Paulo, qui omnem animam sublimioribus esse subiectam  
potestatibus voluit; refutato Augustino, qui generale patrum so-  
cietatis humanæ dicit Regibus obtemperare; abiectis legibus, quæ  
mundi Dominum Imperatorem affirmant; irritis Canonibus, qui  
Romanum Cæsarem cunctis Principibus, ac Regibus anteposunt,  
Fredericum Imperatorem ex Austria natum spernere, atque armis  
impetere præsumserunt. Quibus rebus, neque suis dominis, ne  
ostensum est, neque sibi, neque patriæ consuluerunt; sed contem-  
tum, ignominiam, dedecus, & infamiam perpetuam præsentī  
genti, & omni posteritati quæsierunt. Ac tantum de utilitate Do-  
mini dictum existat. Quarto jam loco Regis se dignitas offert, qua  
nostri adversantes contra Cæsarem sese muniant. Principem no-  
strum, inquit, sub tutela contra jus gentium tenuit Imperator,  
qui non solum Dux Austriæ, sed Hungariæ quoque, ac Bohemiæ  
Rex habetur. Maxima illum, & potentissima hæc Regna respi-  
ciunt. Regem qui coronatus sit, neque sub tutoribus, neque sub  
curatoribus esse decet. Ex Bononia, Padua, ceterisque scholis Italianis  
adunt consilia. Injustus Cæsar, qui se Regis coronati tueretur  
gessit. Iusti Austriales, qui tutelam injustam iusto bello repule-  
runt. At si militat hæc ratio, Hungaris, ac Bohemiis, non  
Austrialibus victoriam parabit. Austriales sub Duce sunt, illi sub  
Rege; & quamvis eadem sit persona Ducis, & Regis, Austriales  
tamen, non nisi quia Dux est, Ladislai jus respiciunt. Nam & si  
arma sumere adversus Polonos, aut alios Hungariam vastantes ju-  
berentur, dicerent se minime obligatos. Non esset igitur huic argu-  
mentationi respondendum, quæ non juvat eos, contra quos agi-  
mus. Refellemus tamen & hanc sagittam, ne sibi blandiantur.  
Neque mihi Hungarorum nobilitas succensabit, quamvis ejus opi-  
nioni resistam. Nam etsi Regno potenti, & glorioso, & Apostoli-  
cæ Sedi devoto, & Christianæ Religionis adamantino scuto sa-  
vendum est, veritatem tamen præferre oportet. Nihil de Bohemia  
dico, quia litis hujus minime confortes existunt. Nescimus, quæ  
sint ex Italia consilia, sive responsa prudentum, Non parvipendi-  
mus

non viros doctos, neque Scholarum gravibus judiciis derogamus. Viderint qui recipiunt, & qui dant consilia, ne fallantur, aut fallant. Nos Paulum Apostolum, vasclectionis, Doctorem gentium, veritatis magistrum sequimur. Verba ejus hæc sunt. *Quanto tempore heres parvulus est, nihil differt à servo, cum sit Dominus universorum. Sed sub tutoribus, & auctoribus est usque ad præsentem tempus à patre.* Quod de patre dicitur, hoc de lege, seu consuetudine intelligitur, si testamentum desit. Non distinguit Apostolus inter Regios, & alios parvulos. Nec vos quidem oportet distinguere. Inveniuntur & juniores nostri Doctores, qui pupillis Regibus, ac Principibus tutores asserunt dandos, Bartholus Perusinus, Nicolaus Panormita, Joannes Imoleasis, & Antonius Butrianus. Et Bartholo quidem, quando majoris est dignitatis pupillus Princeps, tanto digniorem exigere tutorem videtur. Neque ab re, nam quanto major est persona pupilli, dignior, excellentior, tanto habenda est diligentior cura. Utile pupillus est habere tutores. Tutori onus est tutela. Ideo quibusdam personis excusatio permittitur. Pupilli, ne tutoribus subsint, nulla lege caveatur, siue Duces fuerint, siue Reges, siue coronati, siue non. Alexandro Macedone, qui non Rex tantum Græcorum, sed orbis Imperator fuit, ab hac luce rapto, qui sub eo Duces fuere curam successoris habentes, expectari partum Roxanis decreverunt, quæ mense octavo jam exacto matura ex Alexandro erat, & si puer natus esset, hunc dari successorem patri. Tutores autem Leonatum, Perdicam, Cratherum, & Antipatrem constituerunt. Lycurgus Spartanarum lator legum, ex quibus Romanæ magna ex parte manant, mortuo fratre sub Polibete Spartanorum Rege, Carilli nepotis tutelam suscepit, cui ad ætatem provecto Regnum summa fide restituit. Olympias Pyrrhi Epirorum Regis filia, amisso marito, eodemque fratre Alexandro, tutelam filiorum ex eo susceptorum, & Regni curam in se recepit. Et ut ora omnium conticecant, Augustus Octavianus, ut est apud Svetonium, rectorem solitus erat apponere Regum filiis ætate parvis, aut mente captis, donec adolecerent, aut rescipiscerent, ac plurimorum liberos & educavit simul cum suis, & instituit. Videmus & nostri temporis Regios pupillos in tutela esse proximorum, siue Hispaniæ, siue Galliæ, siue Britannæ mores advertimus. Comes Palatinus Dux Baviaræ, Princeps, Elector, dignitate, ac potestate par Regibus,  
hodie

hodie sub tutela est patruus. Sed admittunt hoc aliqui, si vel de Regno tutores fuerint, vel in Regno. Nam pupillum extra Regnum & ab his, qui non sunt Regnicolæ, nullo pacto gubernari concedunt. Verum qui sapiunt, omnia temporis, omnia rationi, omnia necessitati coaptant. Norunt omnes, quæ fuerint hæcenus in Hungaria, ac Bohemiâ novitates. Quis aut Regnicolis, aut in Regnis curam pueri committendam suasisit? Fuit Austriarum, quidem semper adversa sententia. Sed neque juris id præcipit auctoritas, neque consuetudinis observantia tenet. Pompejus Romanus Ptolomæi Regis Ægypti, & Scipio quamvis Africanus cognomine, tamen Romanus origine filiorum Massinissæ Regis Numidiæ tutelam gessit. Et ne vetustioribus immoremur, Otto Marchio Brandeburgensis Venceslâi Ottokari Regis Bohemiæ filii, cum esset annorum septem, favente Rodolpho Romanorum Rege tutelam suscepit, atque illum extra Bohemiam enutrivit. Quanto magis Imperator patruelis tutor accipiendus est? Et quis est, qui turbato Regno educari pupillos in alia regione prohibeat, quando vel parentes ipsos legimus impuberes filios extra Regnum alendos misisse, ut tutius servarentur? Demetrius Rex Syriæ cum sibi novercantem fortunam intelligeret, duos filios apud Gradium hospitem suum Crentensem cum magno auri pondere commendavit, ut belli periculis eximeretur, & Priamus Ilio obfesso Polidorum in Thraciam mandavit alendum. Quod autem de corona dicitur, ridendum magis, quam confutandum videtur. Iadislavus non puer solum, sed infans, ut natus, & baptizatus est, coronam accepit. Neque annos corona, neque sermonem, neque discretionem pupillo dedit. Quæ ista stultitia? quæ barbaries? quæ feritas? pupillum Regem, quia coronatus sit, tutela vacuum relinquet? Unde nova hæc præcepta irrepuant? Tertius Cælo cecidit Cato, qui hunc rigorem tradit. Unde ista sapientia? Iterum Prometheus ex sinu Minervæ novum furatus est ignem. Novus Solon novas leges edit. Sustinebo si quis dicat pupillum Regem, non esse coronandum, quia Reges à regendo dictos accepimus. Abusive Regem, qui regitur, appellamus. At coronatum infan- tem non egere tutela, dementis est dicere. Nec quemquam movere debet, quod in libris Regum hunc, aut illum in pupillari ætate legimus regnare coepisse. Nam id non aufert tutorum curam: Numerantur enim anni à morte patris, & regnare videntur is, cujus



nomine res geruntur, quamvis non regat tunc Rex, sed regatur. Sicut Joas, qui septem annorum accepit regnum, & bene rexit. Non enim is, sed tutores, sive auctores gubernarunt. Alioquin dicere cum Scriptura possumus: *Veh terra cujus Rex puer est.* Et Isaias comminationis usus modo: *Dabit pueros,* inquit, *Principes eorum,* quibus cum suorum bonorum administrationem leges interdiciant, stultus videri potest, qui Reipub. curam his committit. In re nota omnibus moror fortasse nimis. Quis tamen se contineat? Cum fuit apud Cæsarem Ladislaus, & intellexit, & sapuit, & gubernatione Regnorum factus est dignus. Nunc apud Comitem quis voluntatem ejus habuerit, nisi Comes, & qui primores cum eo suum assensum dederint? Non est voluntas. Puer est, nescit quæ sibi utilia sunt. Omnibus idem est, ajunt. En, quanta iniquitas! Senescunt omnes alii, Ladislaus tempore puerefcit, & qui apud Cæsarem fuit adultus, apud Comitem est infansculus. Is tamen & Rex coronatus est. Cur sibi tutores datis? Nonne ex opere vestro commentimini. Gubernatores, inquiunt, damus sibi, non tutores. Ergo de nomine quæstionem habemus, non de rebus. Vincite, & inanem gloriam vobiscum ferte. Vulgaris plebis suffragio gaudete. Nos apud viros graves, & apud optimum Deum sententiam obtinebimus, pupillo, quantumcumque Regi magno, tutoribus opus esse. Atque sic quatuor causas, Austrialibus quæ videbantur adversus Cæsaream Majestatem, præbere colorem, & futiles, & inanes, ac derisione dignas esse liquet, quando nec testamento juvare se possunt, nec pactionibus, neque verum est eos sui Domini, aut patriæ utilitatem promovisse, nec Domini dignitas adjumentum præstabit, ut pupilli Regis tutelam evertere possint. Iniquam causam igitur promovebant. Iniqui erant, injusti, indigni favore, odio digni. Bene igitur qui male agunt summi Sacerdotis baculo cohibentur. Quod si omnino injustus Cæsar adversus Austriales fuisset, ut adversarii garrunt, non tamen gerendi belli potestatem habebant. Sine cognitione, sine auctoritate, sine Principe bellum gesserunt. Quis indixit? Quis auctoritatem interposuit? Quatuor sunt Austriæ Principes. Adversus unum dimicatum est. Ex tribus aliis nemo decretum interposuit. Res mali exempli est, plena periculi, inimica quietis. Populus in Dominum sumit arma. Plebs Principi resistit. Si tumultu licet res agere, quis Principum tutus erit? Quæ mane-

re Respub. poterit? Quis nescit injustum esse bellum, quod non est Principis auctoritate mandatum? Notum est illud Augustini contra Manichæos. Sic enim ait: *Ordo autem ille naturalis mortalium paci accommodatus hoc poscit, ut suscipiendi belli auctoritas, atque consilium penes Principes sit.* Qui sine mandato superioris, injuste Principis arma capeffunt, non justii belli præmia, sed latronum, atque Sicariorum supplicia demerentur. Neque mihi quispiam, aut Ulricum, aut alterum factionis ducem nomine Principis anteponat, indicendi qui belli potestatem habuerit. Nam *principatus, ut Leo scribit, quem seditio extorsit (ut heic) aut ambitus occupavit, etiamsi moribus, atque actibus non offendit, ipsius tamen initii sui est perniciosus exemplo, & vix bono peraguntur exitu, quæ malo sunt inchoata principio.* Quod si replicent Austriales: Oppressi fuimus, injuste Princeps noster, & puer, & captivus erat. Ceteri domus Austriæ Principes nolebant manus apponere; non ne potuimus jura Domini nostri, quæ verbis non dabantur, armis vindicare? An propterea peribit Respub., quia Princeps aut deest, aut negligit? Confundunt sese verbis suis. Cur enim ceteri Principes nolebant manus apponere, nisi quia rem esse injustam intelligebant? Ceterum numquid non poterant Austriales, priusquam arma sumerent, summo Pontifici querimoniam facere, ac justitiam petere, aut alios hortari Germaniæ Principes, qui jus suum audirent, & quæ sana essent, Imperatori consulerent? Aut juris viam coram Papa Cæsar amplexus fuisset, aut aliorum Principum suavisibus auscultaſset. Aut si neutrum fecisset, excusationem aliquam & apud Deum, & apud homines Austrialibus reliquisset. At illi non utique veriti dominorum fallere dextras, sine fide, sine pietate, sine pudore, sine cura juris, nullius auctoritate, sed propria temeritate sumentes arma, suum Principem ex tutela sui Principis excluderunt. Adversus quos missam Romani Pontificis admonitionem ex eo capite, quod bene agentes visâ sit impedire, neque juste reprehensam, neque rite repulsam fuisse, satis, ut arbitror, dictum, atque monstratum est. Quibus ex rebus, velut ex asperissimis scopulis, tempestuosoque mari navis educta, jam quietior, & securior ad tertium membrum navigabit oratio. In eo, si recte meminî, aut si bene audiui, hoc Papæ imputarunt adversantes, quod sit neque auditis, neque vocatis grave monitorium, durum, asperum, adversus eos emissum. Proh qualis iniquitas! qualis insolentia? qua-

qualis atrogantia ! Spoliarunt inferiores superiorem , subditi Principem , servi Dominum , filii patrem , inauditum , non vocatum , sine iudice , sine juris ordine , nullo cognoscente , sine culpa , sine causa , sine modo invaserunt armati principatum . Expugnaverunt arcus , exegerunt vestigalia ; legerunt Magistratus , judicaverunt sanguinem , Cusiam occupaverunt , Iudices ordinarios abiecerunt , & audent dicere : Non sumus auditi ? Lex Christi , lex Evangelica , ubi est ? *Quod vobis non vultis fieri , alteri ne feceritis .* Si aures habent , sic magister jubet . *Eadem quippe mensura , qua mensi fueritis , inquit apud Lucam Dominus , venietur vobis .* Inauditum Principem repulerunt ? Inauditi damnantur : Sine ratione peccarunt ? cum ratione puniuntur . Ferant Papæ sententiam , qui sui Principis judicant innocentiam . *Non est discipulus supra magistrum .* Dimittant , & dimittetur eis . Non condemnent , & non condemnabuntur . In quo iudicio judicant homines , in eodem sunt iudicandi . Neque aliis legem imponere debent , quam ipsi negligunt observare . Neque beneficio legis est dignus , qui committit in legem . Sileat igitur vox illa : Non sumus auditi . Merito namque non inveniunt , qui non præbent audientiam . Sed neque hoc admittimus , quod de negata prædicant audientia . Miserunt enim , plures nuntios Romam , qui Pontifici Maximo omnes rationes , quibus moti fuerant adversus Cæsarem , aperuerunt , exposueruntque supradictas omnes causas , & alia multa dixerunt . Judicavit autem Papa non esse fundamentum , quod asserbatur , sufficiens , motosque leviter Austriales , quos si ratione usos agnovisset , non solum eorum propositum non impedivisset , sed etiam adjuvisset , quia nihil ab illa Sede solet exire non iustum . Sciunt insuper Austriales oratores suos Romam misisse , atque auditos in Concistorio dixisse universa , quæ voluerunt . Sed a jure exivisse monitorium de Curia , priusquam oratores applicuissent : Fatemur . Non decet negare , quod verum est . Nondum tamen insinuatum fuerat , neque publicatum . Austriales nihil nocebat , quod in occulto latebat . Quod si Oratores sufficientes adduxissent causas , ac probabile factum ostendissent , non jussisset Romanus Pontifex executioni monitorium demandari , revocasset , extinxisset , aut quod moris esse consuevis , vim citationis resolvisset . At Oratores nihil aliud exposuerunt , quam priores nuntii , nisi quia causam non pertinere ad examen . Apostolicum videbantur astringere , & scandala quædam commina-

bantur, si monitorio locus daretur. Pontifex autem Nicolaus, sit est egregio, atque alto pater ingenio, bonisque omnibus disciplinis ornatus, cui scripta quævis antiquiora, ac nova explorata, comperta, meditataque sunt, scite, atque subtiliter ratiocinatus, & causam sui esse tribunalis ostendit, & Gregorii Magni verba subiecit. Qui super Ezechielem scribens: *Utilius, inquit, scandalum nasci permittitur, quam veritas relinquatur*. Obtulitque de Frederico Imperatore iudicium, si vellent Austriales juris inhærere tramitibus. Quod cum Legati declinassent, monitorium, quod causâ cognitâ, & ad calcem intellectâ decreverat, publicari permisit, si modo legitime publicatum est, quod nunc non agimus. At audio nescio quid murmuris, sic meis auribus sonus perstrepat. Adversarios hoc modo dicturos sentio: Nemo ante verum, & iustum iudicium condemnandus est. Nam Deus omnipotens, cujus oculis manifesta sunt omnia, ut nos à præcipitandæ sententiæ prolatione compesceret, auditis Sodomitarum sceleribus: *Descendam, inquit, & videbo utrum clamorem, qui venit ad me, opere compleverint, an non est, ita ut sciam*. Verum hæc auctoritas, si recte intelligitur, consona est monitorio, non adversa. Non vult sententiam Deus ferre, nisi hærentes, fixosque malo Sodomitas intelligat. Idem quoque Nicolaus Papa negat se damnaturum Austriales, nisi propositi tenaces agnoscat. Ideo quasi descendens visurus pertinaciam, cum Deus Angelum ad Sodomitas, sic monitorium ad Austriales mittit. Suadet usurpata relinquunt, & intra XL. dies spoliata Cæsari damna refarciant; nisi fecerint, sententiam comminatur. Sororium, atque omnino simile huic aliud scriptura præbet exemplum. Cum peccasset Ninivitarum Civitas, ac malitiæ clamor ascendisset ad Dominum, Ionam misit Prophetam, qui diceret: *Adhuc XL. dies, & Ninive subvertetur, nisi pœnitentiam ageret*. Eadem vox monitorii est adhuc XL. dies, & Austriales nominatim descripti subvertentur. Id est excommunicationis vinculo vincientur, si Sodomitarum magis obstinationem, quam Ninivitarum voluerint imitari correctionem. Utrum autem excommunicationis vis insit, ex habita notitia pendet, quem locum modo præterimus. Adiciam alia propter adversantes, qui docti videri magis, quam esse cupiunt. Sciunt juris interpretes in his, quæ notoria sunt facti permanentis, neque servari iudicarium ordinem, neque accusationem, neque citationem requiri. Nam & Paulus Apostolus Corin-

thium

thium quendam de coetu fraternitatis exclusit, atque absentem, & inaudium sine mora in interitum carnis tradidit, quia novercam suam uxoris loco publice retinebat. Cur non vocavit hominem Paulus? Cur non testes examinavit? *Ideirco*, inquit Ambrosius, *quia crimen nulla poterat tergiversatione celari*. Quis igitur Papam arguat, qui sanctum imitatur Apostolum, quo si est merito minor, auctoritate non est inferior? Sed neque Paulus illi, ut Nicolaus istis, emendationis tempus indulgit. Notorium Corinthii crimen, notorius Austrialium fuit excessus. Quod Paulo, hoc & Nicolao licuit. Neque citationem, neque judicium strepitum notorius expetebat accessus. Notorium autem factum ajunt Doctores esse, cujus evidentia probabiliter negari non potest. Negari autem simpliciter omnia possunt. Nam plerique Dei majestatem, & Inferos, & animas immortales negant, ut Epicurei, *in fortuna qui casibus omnia ponunt, & nullo credunt Mundum rectore moveri, natura volente vices, & lucis, & anni*. Arcum factum negari probabiliter nequit, id volunt esse notorium. Est igitur & in casu nostro notorium. Ac super notorio facto monitorium. Quoniam pacto negari potest facti narratio, quam monitorium continet? Libet hoc ipsum prosequi. Præbete, obsecro, aures magnanimi, atque optimi Principes, ac sacerrimi, doctissimi que Patres. Evidentiam facti ante oculos ponam. Narratur in monitorio Ladislaum Alberti filium pupillum esse. Negent, si possunt, Austriales. Narratur consuetudinem domus Austriae pupillorum Principum tutelam seniori, ac proximiori familiae Principi ex antiquo mandare. Negent, si possunt, Austriales. Narratur Fredericum Cæsarem majorem esse domus Austriae, proximiorum Ladislao ex familia Principem. Negent, si possunt, Austriales. Narratur cum annis undecim, & amplius tutelam gessisse Ladislai, ac Ducatum Austriae gubernasse. Negent, si possunt, Austriales. Narratur eundem quoque, dum se itineri accingeret, Imperialem coronam Romæ petiturus in possessione, vel quasi administratione tutelæ in Austria fuisse. Negent, si possunt Austriales. Narratur Austriales quosdam, dum Cæsar iter ad Urbem continuaret, fecisse mutationem, spoliassse illum administratione Ducatus, arma sumissse, expugnassse arces, vestigalia exegissse, Curiam, forum, judicia invasissse. Negent, si possunt, Austriales. Hisce in rebus fundatum est monitorium. Si falsa sunt hæc, si negari, si ulla ter-

conversatione celari possunt, damnamus & nos etiam monitorium.  
 At si Legati facti sunt hæc, si vicini omnia norunt, si manet adhuc  
 spoliū, si evidens est omnibus, quod narratur, si sunt aperta,  
 manifesta, liquida, notoria, quæ monitorium continet, quis  
 Papam arguere possit? Sæpe Cancellaria privatis personis similia  
 mandata concedit. Sæpe civitates, sæpe provincias, sæpe regna,  
 minoribus de causis novimus interdicta. Quis Apostolicæ Sedis  
 præsidium queretur? Quis erit usquam tutus, si propter scanda-  
 lum evitandum iustitia denegatur Imperatori? Sixtus, ut in De-  
 cretis habetur, ad Episcopos Hispaniæ persimile monitorium dire-  
 xit. Mandat enim res ablatas ut quibuscumque aliis Episcopis resti-  
 tuant, & adiiciens comminationem ait: *Si non vultis & vos, &*  
*Principes vestri à collegio nostro, & membris Ecclesiæ separari.*  
 Non ergo insolitum Papæ monitorium, non injustum, non du-  
 rum, sed usitatum, sed æquum, sed mitissimum. Nec sensit quem-  
 quam, nisi qui post XL. dies, spreta Censura Apostolica, sua  
 negligentia, sua culpa se jugulat. Sic ergo tria, quæ ab initio  
 adversus adversarios ostendere promissimus, impleta sunt. Tres-  
 que ipsorum obiectiones evertimus, quas Apostolico Monitorio  
 imputabant. Nam cum crederent illud de rebus Apostolicæ Sedis  
 minime pertinentibus agere, ostendamus litem, quam Cæsar ad-  
 versus Austriales habet, Romani Tribunalis examini non solum  
 ex plenitudine potestatis, sed ex communi etiam jure pertinuisse.  
 Cum dicerent monitorium adversus res justas, & utiles emanasse,  
 iniquis, & inutilibus obviare illud conatibus voluisse monstrabi-  
 mus. Cum prædicarent monitorium contra inauditos emissum,  
 non obligare, & auditos Austriales fuisse docuimus, & si audien-  
 tia defuisset, censuras nihilominus in rebus notoriis habuisse vigo-  
 rem. Ac tantum ad obiecta, compellationesque prebrolas, atque  
 adversantium latratus respondisse sufficiat. In præsentiarum vero  
 quoniam injuste Austriales Romanum Pontificem criminati sunt,  
 haud ægre ferre debebunt, si nos eos iuste accusabimus, ostenden-  
 tes illos, qui Romanum imperium enormi læserunt vulnere, Se-  
 dem quoque Apostolicam percutere voluisse, ut qui totius Monar-  
 chie gloriam, majestatemque persequuntur. Quorum gesta, etsi  
 bono consilio coepa fuissent, tamen quia Romanus Pontifex prohi-  
 bebat, aut cessare illos, aut subsistere decuit. *Licet enim, ut Gre-*  
*gorii sententia est, nunquam fieri malum debeat, bonum tamen ali-*  
*quando*

quando quod agitur, per obedientiam intermittitur. Et Karolus Imperator: In memoriam, inquit, B. Petri Apostoli honoremus Sanctam Romanam Ecclesiam, & Apostolicam Sedem, ut qua nobis mater est Sacerdotalis dignitatis, esse debeat Ecclesiastica magistra rationis. Quare servanda est cum omni mansuetudine humilitas, & licet vix ferendum ab illa Sede sancta imponatur jugum, tamen feramus, & pia devotione toleremus. At nostri Austriales erecta cervice, cristato capite, rebellibus humeris, quid nobis, & Papæ dicunt? Celebres ipse Missas, nos arma tractabimus. Nihil ad eum de nobis. Si quid præcipit, appellamus. Proh sceleratas, atque horrendas voces! Quid peius aut Vvaldensis hæreticus, aut Saracenus infidelis exclamat? Dent veniam Austriales, oro. Non ipsos, sed facta, dictaque insectamur, & consulentibus magis, quam facientibus irascendum putamus. Appellavimus a Monitorio, dicunt. Quo consilio? qua ratione? qua audacia illudere Apostolicæ Sedi, irridere majestatem illam, Christi contemnere Tribunal volunt? Non Austrialium hanc mentem, sed Consultorum fuisse conjector. Quamvis & isti passionibus jactati, quæ voluerunt, facile crediderunt. Ad quos confutandos necesse mihi est illud attingere membrum, quod de appellatione dicturum quarto loco promisi. Ad quam rem jam benignas aures, precor, adhibete. Appellationis remedium ob communem utilitatem inventum est, ut qui perperam opprimuntur, refugium habeant. Appellationem autem, partem esse justitiæ nemo dubitat. Cum vero justitia sit habitus animi, qui communi utilitate servatam suam cuique tribuit dignitatem, non est appellatio recipienda, quæ communi bono adversa est. Eam ob causam tria potissimum considerare oportet appellantem: Ut sit immodice, atque injuste gravatus, ut de minori Judice superiorem appeller, atque ut eum appellet, qui commode possit adiri. Horum si unum defuerit, nihil est, quod appellationi tribuat vires. Exinde cavendum est, ne quid appellatione pendente is innovet, qui appellavit. At nihil horum Austriales observaverunt. Nihil est ergo, quod appellationis jus insit, quando nec gravamen senserunt, nec superiorem appellaverunt, nec judicem, qui posset adiri, nec novitates omiserunt. Ob quam rem, monstri simile videri potest in Civitate splendida, & Scholam habente quempiam inveniri, qui talem appellationem tueri præsumat. Non est Austrialium hæc præsumptio. Ex aliorum officina hæc

hæc prodeunt. Literati sunt, qui has appellationis sagittas emittunt, quorum cæcitatem, siue malignitatem hoc in loco retundemus, quando nulla est Civitas malorum hominum omnino vacua, ac rarum est sine Juda Collegium, omnisque exercitus suum Sionem habet. Excutiamus igitur hujus appellationis vires. Quid de primo membro putabimus? oppressi sunt Austriales ex Monitorio? Si tenemus, quæ prius dicta sunt, nullum gravamen, nulla oppressio intervenit. Quia iniuste agentes iuste prohibebantur, & officium erat Romani Pontificis prohibere. Nam *qui non vetas peccare, cum possit, jubet*. Ante sententiam quicumque appellat, reiiciendus est, nisi rationabilem causam habuerit, quæ si probata esset, legitima reputari deberet. Sic in generali Concilio decrevit Alexander. At Austriales, ut præmissum est, super notorio monabantur excessu. Quis potest affirmare gravatum, qui salubre iussus est acceptare mandatum? Quod si raptorem alienæ rei, ac fornicatorem manifestum vetant Canones appellare, si publico in excessu adversus Clericos facto contra delinquentes ad excommunicationis denunciationem proceditur, si minores Judices appellationes huiusmodi non admittunt, quanto magis & apud Principes, & apud majores appellationis subterfugio carebunt, qui & raptores, & infautores manifesti noscuntur? Omnia mala exempla ex bonis originem habent. Appellationem, quæ fuit ad refellendas introducta vexationes, ad injurias isti fovendas trahunt. Sed transeamus ad Judicem, qui appellatur. Majorem hunc esse oportet, ut diximus, eo, à quo est appellatum. Nam majoribus quidem regendi, & jubendi potestas; minoribus vero obediendi necessitas est. Inferior sedes superiorem non obligat. Appellanti non minus, aut par Tribunal adeundum est. In parem pari non est impetrium. *Placuit, inquit Julius Papa, ut à quibuscunque Ecclesiasticis Iudicibus ad alios Iudices Ecclesiasticos, ubi est major auctoritas, provocatum fuerit, audiencia non denegetur. Quod si minorem, aut aequalem quis Iudicem appellaverit, nudetur auctoritate*. Et ratio quadrat; Nisi enim major, qui appellatur, fuerit, nec exequi sententiam poterit, nec plus sapere videbitur illo, à quo appellatur. In casu autem nostro ab eo Iudice appellatum est, qui nullum habet inter ceteros superiorem. Nulla est igitur appellatio. Nec leges audiunt, nec Canones, appellantes à Principe. In Ecclesia vero habere Principatum Romanus Præsul nemo doctæ mentis ignorat.



rat. Non est igitur fas à Romano Pontifice appellare. Quod autem Princeps Ecclesiæ Romanus Præful existat, compluribus auctoritatibus intelligere licet. Quamvis omnes, inquit Pelagius, per orbem Ecclesia constituta unus Christi thalamus sint; tamen Sancta Romana Ecclesia Catholica, & Apostolica nullis Synodicis constitutis ceteris Ecclesiis prælata est, sed Evangelica Domini voce, & Salvatoris nostri, Principatum obtinuit. Tu es, inquit Dominus, Petrus, & super hanc petram adificabo Ecclesiam meam. Et Anacletus de Petro dicit. Hic ergo ligandi, atque solvendi potestatem primus accepit a Domino, primusque ad eundem populum virtute sua predicationis adduxit. Ceteri vero Apostoli cum eodem pari consortio honorem susceperunt, ipsumque Principem eorum esse voluerunt. Sed voluerunt, quippe quod Salvator ipse voluerat, sicut & Anacletus ipse testatur alibi dicens: Prima Sedes est cælesti beneficio Romana Ecclesia, quam, ut memoratum est, Beatissimus Petrus, & Paulus suo martyrio consecraverunt. Et iterum: Hæc Apostolica ergo Sedes caput, & cardo, ut præfatum est, a Domino, & non ab alio constituta est, & sicut cardine ostium regitur, sic hujus Sancta Apostolica Sedis auctoritate omnes Ecclesia, Domino disponente, reguntur. Et ne multa inculcemus, Christiani nomen amittit, qui caput Ecclesiæ militantis Romanum Præsulem non recognoscit. Ergo Princeps est in Ecclesia Catholica Romanus Pontifex, nec superiorem habet, nec parem; Nam Ecclesia militans instar triumphantis ordine Hierarchyico instituta, neque biceps, neque multiceps esse potest. Unus in Cælo Deus, unus in terra Vicarius, caput Ecclesiæ, Populi Princeps, Christiani ductor exercitus, Romanus Præful. In cujus auditorio non habet appellatio vocem. Ille non pedaneus Judex est, sed Comite major, Duce superior, Rege celsior, Imperatore sublimior. Et audent appellare? Quis horum non miretur audaciam? Non confundat arrogantiam? Non damnet, ac vituperet temeritatem? Si quis ab Austriæ Duce appellare præsumeret, ne dicam à Rege Bohemiæ, vel Hungariæ, mox appellationis poenam in carcere egeretur accipere. Majorem in Austria Ducem, quam Papam in Ecclesia putant. Frustrâ igitur conditæ leges, incassum promulgati Canones. Leges non Imperatoris dumtaxat, sed Præfecti Prætorio sententiâ appellationi subducunt, isti jussionem Apostolicam provocationi subiiciunt. Sacri Canones primæ Sedis judicium cunctis mortalibus anteponunt; isti sub

superiore. Audiamus tamen cui superioritatem attribuant, si quid afferant hoc auditorio dignum, si quid habent, quod sibi sperent præsidio, atque adjumento futurum. Generale Concilium, inquit, Papa dignius, atque superius est. Quod cum judicat, si aut hæresim sapit, aut schisma nutrit, aut universalem scandalizat Ecclesiam. Ceu Constantiæ definitum, ac Basileæ comprobatum est. Si ita, Nolumus hoc disputationis ingredi pelagus, neque hos grypos aggredi. Antecepta quæstio, & in utramque partem a prudentibus viris arbitratum est. Utcumque sit, constat uno solum casu certum, & indubitatum Papam subesse Concilio. Nam si quis in Apostolatu sedens in hæresim labitur; mox Papatu excidit, minorque redditur quolibet Christiano. Nec jam Papa dicendus est, si Schismaticus est, aut eodem morbo laborat, aut in Papatu est dubius. Certus autem, atque indubitatus Pontifex, ut Constantiensē decretum innuit, numquam deferri Concilio potest, nisi universalem Ecclesiam scandalizaverit. Quod tunc fieri videretur, cum multi ex diversis mundi partibus conquererentur, idque posset accidere, si Papa vel Sacerdotibus uxores restitueret, vel iudicium sanguinis committeret, vel novum ritum non placentem, Communitati Fidelium introduceret. Nihil autem horum nunc agitur. Non est igitur Concilium Papa majus, neque appellationi est locus. Nec moveri debemus, quia diebus nostris etiam in minoribus causis & ad Constantiensē, & ad Basiliensē Concilium vidimus appellari. Nam quæ fiunt extra ordinem, intempestive, temere, tumultuarie, neque jus patiunt, neque vim consuetudinis afferunt. Inter Episcopos, ceterosque Patres conscriptos vidimus in Basileâ coquos, & stabularios orbis negotia judicantes. Quis horum dicta, vel facta judicaverit legis habere vigorem? Fuerunt & præcis temporibus generalia Concilia, nec minus magna, nec minus authentica, quam nostra; nec tamen appellationes ab Apostolica Sede receperunt. Hinc verba Gelassii manant; *Ipsi sunt Canones, inquit, qui appellationes totius Ecclesiæ ad hujus Sanctæ Sedis examen voluerunt deferri. Ab ipsa vero nunquam prorsus appellari debere sanxerunt, ac per hoc illam de tota Ecclesia judicare; ipsam autem ad nullius committere iudicium, nec de ejus nunquam præcipiunt iudicio judicari, sententiamque ejus constituerunt non oportere dissolvi, cujus potius sequenda decreta mandaverunt.* Et rursus omnibus Episcopis; *Cuncta per mundum novis Eccle-*

*Ecclesia, scribit idem Gelasius, quod sacrosancta Romana Ecclesia fas de omnibus debet judicare, neque aliquam de ejus liceat judicare judicio. Siquidem ad illam de qualibet Mundi parte appellandum est; ab illa autem nemo est appellare permissus. Atque ista eursim de majoritate Judicis appellati libasse satis habeamus. Nunc formam inspicere convenit appellationis, ut intelligamus an Judex appellatus adiri commodè possit. Tria sunt appellationis capita. In primo non informatum Papam, & informandum appellant. In secundo vel indictum Concilium, vel indicendum. In tertio universalem Ecclesiam appellationis Judicem provocant. Discutiamus hæc. Non informatum Papam asserunt. At monitorium docet informatum, atque instructum esse. Aut ergo nescire Papam, quæ facti sunt, arbitrantur, & ipsa monitorii narratione vincuntur, in quo & manifestus, & notorius explicatur excessus. Aut putant, quid juris sit, ignorare Pontificem, & stulta ducuntur opinione. Nam et si omnes Romani Præsules doctissimo Cardinalium Senatu circumsepti, universi juris exuberantem notitiam habeant, peccata tamen Nicolai præter ignorantiam nihil ignorat. Quo neque doctiorem unquam, neque acutiorem illa in Sede quempiam sedisse crediderim. Sed advertamus scitam, ac pensitilatam appellationem: Romanum Pontificem volunt duorum Judicium gestare personam; ejus, a quo appellatur, & illius, ad quem appellatur. O bone Deus quanta est sapere recte competentia! Modificaverunt subtile ingenium. Numquam ego hos audio, quin doctior sim! Nihil est antiquius, quam bonis, ac discretis convivere viris. Verum timeo, si sic pergitur, ne alias quoque personas conglutinemus, ac non solum appellantem, sed eum quoque, adversus quem appellatur, jungamus, ac Papam Judicem, reum, actoremque faciamus, atque, si libet, testem. Miror, si non palleat, aut non erubescit appellationis inventor, corruptor juris, falsus interpret Canonum, qui monstra invisibilia, atque inaudita introducere nititur. Appellatione quis aliquando ab eodem ad eundem Judicem Legislator admisit? Non Lycurgus, non ipsi decem viri in Græciâ missi, non hæc responsa prudentum, non edicta Prætorum, non plebiscita, non Senatus consulta, non principum placita, non hortinum quoruliscumque, vel barbarorum, mores admittant. In Civitate fortasse Platonis, quæ nusquam reperta est, hoc juris venati sunt adversantes. Ab Aristotelis politia procul hanc demen-*

tiam esse non ambigo. Si quis alius hoc affirmare justum præsumserit, leges, atque Canones hunc seminatorem delictum, mentis inopem, stultumque judicant, ac ex cœtu Doctorum deiciunt, Musis invisum, & literis. Ineptum est igitur primum appellationis caput, quia vitæ regimen confundit, ac rem novam, inauditam, monstruosam introducit ab omni lege, ac consuetudine reprobata. Sed adiungunt alterum caput, indictum, aut indicendum Concilium appellant. Lubricus hic locus est, incertus, instabilis. Præcipites hinc etiam adversantes dabimus. Monstravimus supra uno tantum casu ab indubitato Papa Concilium appellandum, neque hunc modo in manibus esse. Irrita est igitur appellatio. Sed concedamus aliquid adversantibus, Ineamus benevolentiam, faciamus amicos nobis de mammona iniquitatis. Fateamur aliquid esse verum, quod scimus esse mendacium. Liceat appellare Concilium adversus Romani gesta Pontificis. Quid tum victoriam hosti relinquemus? Minime. Quid ergo respondebimus? Audite omnes, oro. Concilium aut indictum, aut indicendum provocant. Nemo indictum Concilium audivit, neque indictum est usquam. Sed ajunt promissum esse Regi Franciæ Concilium in ejus Regno celebrandum anno post Jubilæum exacto. Atque cum annus effluerit, indictum Concilium opinantur esse. Sterili versant litus aratro, inanesque secant avenas. Nihil heic tritici colligent. In tanto negotio levissimus est, qui non re certa, sed opinione movetur, ac ramusculos sequitur, & aniles fabulas. Secundum post Jubilæum agimus annum, mox tertium, si Dominus dederit, ingressuri. Neque indictum accepimus esse Concilium. Quis non intelligit affectatam ignorantiam, atque supinam? Ergo non servat Regi fidem, replicant adversantes. Falsa calumnia. Non enim absolute promissum est Regi Concilium, sed apposita conditione, si ceteri Reges, atque Principes annuerent. At illi magna ex parte contradixerunt. Neque Aragonum, neque Angliæ Regibus, neque Portugalliæ placet in Gallia esse Concilium. Ego quoque jussu Cæsaris in Concistorio publico Romæ in fine anni Jubilæi hanc celebrationem Concilii non sine rationabilibus causis dissuasi. Norant tamen hoc adversarii. Ideo subalternativa loquuti sunt, indictum aut indicendum appellant Concilium. Garruli magis, quam docti Syllogismorum, captionumque Dialecticarum, laqueis confidentes, inanes constant glorias. Ruent tamen in pe-  
tra

era veritatis allisi, neque frugis, neque operæ quidquam colli-  
 gent. Quod autem nondum est indictum, aut propediem lessurum  
 non est, neque re, neque spe dici Concilium potest. Quis adeo  
 stulti, ne dicam perversi, aut odiosissimi est ingenii, qui neque na-  
 tum, neque nasciturum appelleret iudicem? Legum latores annum  
 ad prosequendam appellationem instituerunt, ex causa quoque  
 biennium. At nostri prudentes decennium tribuunt. Afferunt  
 enim decretum esse Constantiæ singulis decenniis celebranda fore  
 Concilia. Bella res, utilis, pacis altrix, atque concordia. Voca-  
 bo in jus, qui me domo spoliavit, & agris. Jubebitur adversarios  
 restituere res violenter ablatas. Appellabit Concilium. In decen-  
 nium me suspendet. Quis litium finis? quis decennium expecta-  
 bit? *Labitur occulte, fallisque volatibus atas.* Graves expensæ,  
 vita brevis, mille genera mortis appellanti donabunt litem. Sed  
 quid morâ decennii gravor? Vereor ne viginti, ne centum anni  
 fiant, priusquam Concilium celebretur, cujus indictio pro rerum,  
 & temporum conditione ex Romani Pontificis pendet arbitrio.  
 Credo nostros adversantes imitari Arcopagitas voluisse, qui du-  
 bium, & inextricabile casum missum ad se ex Asia, cum non  
 viderent, quo pacto solvere possent, ac sententiam ferre, & accu-  
 satores, & reum remiserunt iussos post centum annos ad se rever-  
 ti. Nec me movet, quod jamdiu Basiliense Concilium afferunt  
 dissolutum, ac novi tempus instare, quod ultra decennium differri  
 non debet. Nam si Romanam Curiam advertunt, dum lapsum  
 est decennium, stultum est terminum, qui præterierit, expectare.  
 Sin Sabaudiensibus aures adhibent, iniqui sunt, qui Concilia sin-  
 gulis decenniis cogere volunt, quando in annos viginti producunt  
 Concilium. Deus labori mortalium dies, quieti noctes indulgit,  
 & quamvis disparibus currunt horis, anno tamen elapsô non mi-  
 nus noctis, quam diei tempus effluxit. Quis non Ecclesiæ quoque  
 tempora partiatur, & aliud Conciliari exercitio, aliud otio sine  
 Concilio tribuat? Moderatos esse labores oportet, ac rebus, &  
 tempori universa conjungere, quod Romani Pontificis arbitrio  
 constat esse commissum. Sed utinam jam Concilium federet, aut,  
 sicut Domini nostri desiderium est, prope dies sedere posset. Nul-  
 los magis Sancta Synodus insequeretur, quam somniatores istos  
 calumniarum, & appellationum delusoriarum inventores plecte-  
 ret; impiam mentem, & brachium perversitatis effringeret; silen-  
 tium

tium sceleratis imponeret vocibus, & iniquas machinationes everteret. ostendens, quia contra sacros Canones impie agere impune non cedit. Appellatio, quæ ad Concilium interposita est, ut auditis, explosa est, nec illa manebit, quæ universalem implorat Ecclesiam. In qua re nescio, Sophistæ nostri an fonte labra proluerint. Caballino, aut in bicipiti Parnasso somniaverint, qui soliti de cursu dumtaxat astiti, ac fortis disputatione fabulari, tam repente Jurisconsulti prodierunt. Auscultemus verba; examinemus sensum. Universalem appellant Ecclesiam. Quid est hoc, quod vocant Ecclesiam? Non parietes, ut arbitror, hoc nomine, neque recta templorum accipiant, ut vulgus intelligit, sed convocationem Fidelium sumunt. In hac vero & magni, & parvuli, & viri, & mulieres, & Clerici, & Laici continentur. Hæc ab initio suæ nativitatis, quia parvuserat Fidelium numerus, potuit aliquando simul esse uno in loco. At postquam aucta est Fides, & in omnem terram exiit sonus eorum, & in fines orbis terra verba eorum, nusquam tota convenit. Sed coeperunt haberi conventus plurimorum, in quibus, quia majores asserunt, existimati sunt Universalem Ecclesiam vel repræsentare, vel facere, & quæcumque illi sanxerunt, Universalis Ecclesiæ constituta dicuntur. Verum conventus hujuscemodi, qui rite convocati sunt, nihil aliud, quam Generalia Concilia dici possunt. Aut ergo nostri adversantes Ecclesiam pro Concilio nominant, & ad secundum appellationis membrum repedant, leves, futiles, & importuni alternativam inter eadem solcantes negotia, quæ solent diversa conjungere, aut revera Ecclesiam ipsam per orbem dispersam, Fide tamen unitam, atque connexam intelligunt, Et nihil puerilius, nihil est, quod videri possit amentius. Nam quomodo hæc appellationis causam examinabit, quæ nec adiri potest, nec audire, nec audiri? O bene consultæ Consilia! Perdis; atque pernox inter libros versatus es callidæ hujus appellationis inventor, præstabilis homo sapientiæ. Pensculatius tamen, ut arbitror, & circumspectius ad extremum judicium appellasset. Ceu nonnullos egisse accepimus, qui capitalem sententiam passi adventum magni Judicis vel truncari expectant forsitan, & ipsum Deum, stellato qui sedet folio, & mundi fræna gubernat, appellationis Judicem constituisse. Præstabat; nam Papæ nullus hunc dubitat esse majorem. Potuisset hic evestigio virum aliquem mittere, qui suo ex imperio causam discussisset,

*cei Danielem puerum contra senes excitavit Sufannam falso dam-  
 nantes . At isti magis armis , quam Deo fidentes Ecclesiam appel-  
 lant , quæ neque simul potest convenire , neque Judicem deputa-  
 re , qui litem definiat ? Atque sic ex omni parte manci deficiunt ,  
 quando & sine causa non gravati , neque oppressi appellant , qui  
 vel ipse est , a quo appellatur , vel nusquam est , vel si est , adiri  
 non potest , & appellationem dubiam , incertam , obscuram , inep-  
 tamque faciunt . Complures heic , ut conjector , adversum me  
 murmurant , qui iussiones Apostolicas appellationi subiectas infi-  
 cior . Si hoc verum est , inquiunt , injuste quam multos opprimi  
 contingeret . Si causam percunctabor ; quia homo est , dicent , Ro-  
 manus Pontifex , & falli potest , & fallere . Verum hoc ego in  
 quovis Principe dicam . Sed ut temporalis Domini ferimus jugum ,  
 nec dirigimus brachia contra torrentem , nec appellare permittunt ,  
 sic apud spirituales Dominum gerendum affirmo . Quot sunt  
 Principes , qui suos subditos , quot civitates , quæ suos cives pro-  
 hibent appellare ? Quæ ratio vetat hos , aut illos provocare ? Ne  
 lites , inquiunt , immortales fiant . At hæc ratio tanto fortior est  
 apud Sedem Apostolicam , quanto majores ad eam causæ devol-  
 vuntur , super Episcopatibus , super Principatibus , super Regnis ,  
 atque Imperiis , quorum controversiæ , nisi celerius sopiantur , bella  
 suscitant , & mortalia in populos prælia . Quod si errant aliquando  
 Reges , injurianturque subditis , nec resistitur , quia majus timetur  
 incommodum , & minora mala majoribus præferuntur , cur non  
 Papæ quoque tolerabitur error , qui tanto rarius est ab illo Romani  
 culminis throno timendus , quanto maturius illi Sedi consulitur ?  
 Regale solium , quod successioni cedit , nonnumquam indocti , atque  
 dementes occupant . In Apostolica Sede qui præstantior est ex omni  
 populo , qui doctior , qui sanctior , qui in omni virtute eminentior ,  
 in quo nihil sapientiæ , nihil scientiæ , nihil industriæ desit , sacri  
 Senatus discussione eligendus collocatur . Quod si defunt aliquan-  
 do acquisita per meritum , sufficiunt quæ loci meritum testantur .  
 Nimirum igitur Sancti Patres Spiritu veritatis impulsæ , ab hujus  
 Sanctæ Sedis appellari judicio veruerunt , in qua Princeps sedet , &  
 caput omnium Ecclesiarum . Hinc illud Innocentii : *Nemo judica-  
 bis primam Sedem , justitiam temperare desiderantem ; neque enim ab  
 Augusto , neque ab omni Clero , neque a Regibus , neque a populo  
 iudex judicabitur .* In gestis autem Bonifacii Martyris scriptum est ,  
 & in .*

& inter decreta relatum, nulli fas esse primam reprehendere Sedem, etiam si cathervatim Romanus Prasul innumerabiles populos secum traheret in gehennam, quia cunctos ipse iudicaturus a nemine iudicandus est, nisi deprehensus fuerit a Fide devius. Instat quispiam: At homo est. Hunc atque illum non digne opprimeret. Malum hoc esse quis neget? Si malum, cur non malum appellatione summoveam? Respondeo, ne gravius feras malum: Duo sub Principe litigabant. Quæro abs te, an illos esse invicem amicos censes? Dices: si se diligerent, lites dimitterent. Ergo se oderunt. Non negabis. Quid esse Principi ergo illos existimas? Nihil mali scies. Interroga iterum, Principemne litigantium alterum verisimiliter oppressurum, an illos inter sese invicem oppressionem quæsituros iudicabis? Dices, nisi desipis, illud dubium, hoc certum. Nam, litiganti supplantare colligantem unicum studium est. At qui sententiam Principis appellationi subicit, victorem victo, adversarioque submittit, quia nec vitæ suæ, si possit, ignoscat. Qui vero appellationem aufert, arbitrio Principis subditos addicit, quem veluti patrem sperare benignum, & suis affectum iuribus debent. Quod si cui jus, & a quavis sententia, & a quovis Iudice provocare licebit, quid aliud erit, quam indulgere omnibus, ut aliena invadant, rapiant, spolient, qui potentiores sunt omnia tollant, qui minus habent virium serviant, jaceat justitia, iudicium dormiat, sileant leges inter arma, & ad id tempus revertamur, in quo mortales fuerunt, ante quam Reges crearentur, seu jura conscriberentur, quando brutorum more viribus homines, non ratione certabant? At hoc non expedit Reipub., neque communem servat utilitatem. Non est igitur justum, neque appellatio justitiæ pars dici potest, quæ communi bono adversatur, qualis est ab Austriacis interposita, qui Sacrosanctam Apostolicam Sedem, summumque orbis Senatum, in quo mundi lumina resident, minoris auctoritatis existimant, quam Viennensem Consulatam, quem licet boni viri, tamen indocti, atque ignobiles regunt, quando ab illo probant, ab hoc negant appellationis esse remedium. Ceterum jubentibus Imperatorum legibus, ac Sanctorum Patrum decretis, appellatione pendente, nihil esse innovandum constat, atque hoc appellanti potissimum incumbit. Videndum est an Austriales a novitatibus abstinuerint, & an legi paruerint, qui legis auxilium quærunt. Notorium est, quod dicam, non tamquam suspende-

rit,



rit, sed tamquam sustulerit appellatio Monitorium. At non velut prohibiti, sed velut iussi bellum gerere sic Austriales se habuerunt. Nam exhibitore Monitorii comprehenso, & affecto contumeliis, in carcerem coniecto, mox arma sumserunt, indicentesque bellum, Cæsarem, ut eorum verbis utamur, diffidaverunt, atque ad inferendum damnum prioresegressi sunt, nolentes addere moram sceleri, aut metiri, quod auderent. O cœca nocentium consilia! O semper audax, semper timidum scelus! Si nihil obligat Austriales Monitorium, cur festinant includere bajulum? Si appellationi confidunt, cur novitates inducunt? Sed procedit ulterius contumacia, atque ad excusandas excusationes in peccatis ex sacris literis, quæ non capit, exempla perquirat. Asina, inquit, Balaam, cum nimis urgeretur, restitit, atque in vocem miraculose prorupit, licere populis indicans duriora Prælatorum imperia refutare. Et Paulus Apostolus in faciem Petro sese asserit restitisse. *Æquanimiter etiam laturum sese Romanus Pontifex asserit, si quis ejus mandato non parnerit, quod sine scandalo adimpleri non poterat.* Et iterum: *Aut mandatum, inquit, nostrum diligenter adimpleas, aut per literas tuas quare adimplere non possis, rationabilem causam præendas.* Quibus exemplis volunt adversantes non errasse Austriales summi Pontificis monitorio resistentes. Sed absunt a vero sensu, sacrisque Codicibus, & Canonibus abutuntur. Asina enim non suo consilio, sed Dei jussu, & Angelica suggestione se foris imperio restitit, significans Deo magis, quam Prælati parendum. At cum nostri Austriales adversus Apostolicam monitionem nullam divinitus acceperint jussionem, non latet eos contumaciter restitisse, poenamque mereri. Nec Pauli se possunt exemplo tueri, cum ille in re Fidei Petrum arguerit, quia non ambulabat ad veritatem Evangelii; Nihil enim tale nunc geritur; Nec Austrialis quisquam est comparandus Apostolo, cui revelata sunt secreta cœlestia, qui ascendit ad tertium Cœlum, & vidit arcana Dei, quæ non licet homini loqui, Magister gentium, prædicator veritatis in universo Mundo, par Petro in honore, & in passione socius. Quod vero de Romanis Pontificibus addunt, id, qui sapiunt, caute, solícite, ac religiose suscipiant, nec locum habere affirmant, ubi mandatum ex certa scientia, atque causa cognita processit, cœu verba ipsorum Pontificum manifestant. Nam cum patienter sustinere se dicit, si factum non fuerit, quod prava

sibi insinuatio suggessisset, indicat se, cum præciperet, non plene cognovisse negotium. At monitorium nostrum, ut ante docuimus, discussis, ac cognitis plenissime rebus emanavit. Alioquin corrumpitur, atque dissolvitur officium omne Superiorum, si quis ad id, quod facere iussus est, non obsequio debito, sed consilio non deliberato respondeat, & plus sapere velit, quam sit necesse. Quamquam longe diversus est casus noster, in quo Austriales non solum non implere mandatum, sed contemserunt, & abiicerunt, & quod erat omnino contrarium expleverunt, ac si religio sit, quod Romana Sedes imperat, ejus oppositum observare. Adversus quos Adrianus Papa in hunc modum scribere invenitur: *Generali decreto constituimus, ut execrandum anathema fiat, & velut pravaricator Fidei Catholica semper apud Deum reus existat, quicumque Regum, seu Episcoporum, vel potentum deinceps Romanorum Pontificum censuram in quoquam crediderit, vel permiserit violandam.* Quas ob causas intelligere jam omnes, qui adsunt præsentibus, arbitror injustas, atque iniquas esse illorum querelas, qui consulentes Austrialibus, & illorum facta probantes Sanctissimi D. N. Nicolai monitiones accusant. Qui cum sint quasi culpabiles, & magna digni correctione, Apostolicæ Sedis Sanctæ decreta calumniantur, violatores legum, contemptores Canonum; corruptores Evangelii, & omnis honestæ consuetudinis perversores, quos ab Ecclesia repellendos, nisi resipiscant, & humili confessione peccata deplorent, nullus juris peritus ignorat. Nam qui luporum feritatem præ se ferunt, qui canum rabiem imitantur, quibus est venenum lethale serpentum, & omnis cruenta sævitia bestiarum, nullo pacto sunt in Ecclesia retinendi, sed excludi, abscindique debent, ne columbas, ne oves Christi sæva, & venenata contagione prædentur. Eant, eant igitur hujusmodi pestes hominum, & relinquant Collegium Christianum hæretici perversores, quando conjungi, & coherere non potest amaritudo cum dulcedine, caligo cum lumine, pluvia cum serenitate, pugna cum pace, cum fecunditate sterilitas, cum fontibus siccitas, cum tranquillitate tempestas, ut Cypriani facundissimi viri, & gloriosi Martyris est sententia. Ac tantum adversus maledicta, & malefacta nostrorum adversariorum loquutum esse sufficiat. Ceterum cum Monitorium Apostolicum perspicuis, ac manifestissimis rationibus sit defensum, quod super rebus ad Romanam Sedem pertinentibus adversus delinquentes, & notorios

nos malefactores etiam audire emanavit, cum appellationem interjectam nullo jure subsistere posse monstraverimus, cum multis in rebus Austriales peccavisse sit dictum; exposcit tempus, ut quod ultimo loco de Romani Pontificis Domini Nostri Sanctissimi Nicolai Quinti desiderio, & intento promissas, in medium afferamus. Quod gravissimo, & ornatissimo Conventui vestro (benignas aures adhibere) palam succincte, ac brevissime faciam. Quamvis offensus horrendis maledictis, compellationibusque probrosis jactatus sit Dominus noster clementissimus, non tamen ultionem expetit, cujus memoria præter injurias, quicquid accepit, tenacissime servat; sed illius vestigia sequens, cujus vices in terris agit, peccatoris conversionem, non mortem appetit. Duo sunt, quæ ad vestram congregationem hortatur intendere. Alterum est, ut componendæ paci operam detis; alterum ut Austriales commoneatis, ut Apostolicam Sedem more majorum suorum veluti matrem, & magistrantem veritatis cum digna reverentia prosequantur, humilitatem pro superbia, devotionem pro blasphemia, obedientiam pro contumacia rependentes. Intellexit pietas Apostolica incytum Regem Ladislaum, quamvis adhuc impuberem, & annis tenerum Imperatoris majestatis tutelam exivisse, atque in aliorum veluti regnaturum, venisse manus. Res adhuc turbidas esse, ac non similitates modo, sed odia videri aperta inter Casaream Serenitatem, & eos, quorum consilio Rex Ladislaus regitur. Idque molestum est, ac acerbum Domino nostro, qui ex odiis bella, ex bellis infinitas oriri calamitates noscit. Cupit ergo vestrum esse studium, vestramque curam, ut omnem discordiæ fomitem amoveatis, pacemque componatis, quia nihil est illi mundanæ machinæ motori, atque rectori, quod vel in terris, vel in Coelis fiat acceptius, qui nec locum, habitat nisi pacatum, dicente Propheta: *Et factus est in pace locus ejus*. Maxime autem eo diligentiam ferri, atque intendi vestram hortatur, ut res, quas in hac conventiono suscepistis agendas, ita ordiri conemini atque contexere, quod Imperator Regi, & Rex Imperatori indissolubili caritatis vinculo reconcilietur, ut inde paternæ dilectio, & hinc filialis affectio ferveat, tantamque se invicem observent, ut proximitatis, & sanguinis jura amoris, & benevolentiae superentur officiis. Quæ res si vestro conatu peragantur, ut sperandum est, uberes Christianæ Reipub. fructus parabunt. Cum nihil magis Christianitati conducatur, quam Regnum illud

Hungariæ; quod pro muro contra Turcos Fideles habent, & Imperium, quod est Regnorum caput, & culmen, mutuis sese obsequiis, ac beneficiis superare contendant. Quo in negotio si quid est, quod Sedes Apostolica aut opis, aut operis impertiri posset, id promptum, paratumque offert. Cui Prophetica semper in oculis est præceptio: *Declina a malo, & fac bonum, inquire pacem, & persequere eam*. Cui non sufficit pacem quærere, nisi inventam, fugientemque omni studio persequatur, sciens quia magister, & Dominus Salvator Christus cum in terris ageret, nullum majus, quam ferendæ plantandæque pacis studium habuit, quo nascente, quo prædicante, ac secundum carnem moriente semper annunciatam novimus pacem, cujus nomine nihil dulcius, qua re nihil jucundius, aut salubrius inter mortales inveniri potest. Quæ licet nonnunquam difficulter obtineatur, obtenta tamen carius, ac diligentius possidetur. Complurima de bono pacis afferre possem; sed omnia norunt prudentissimæ, atque oculatissimæ dignitates vestræ, quæ indies res parvas concordia crescere, dilabi magnas discordia cernunt. Quibus autem modis componi lites omnes, ac refrigerari ferventes ira animi possint, scientibus supervacuum est labor exponere: Nec suis est docere Minervam. Transeo ad secundum Sanctissimi Domini Nostri optatum, quod Prælatos præcipue, virosque doctrina pollentes inspicit, quales esse quamplures in hoc auditorio non est dubium. Vos igitur vos, inquam, juris, ac sacrarum literarum Interpretes, vosque mundi lumina, vos qui lucernas ardentes tenetis in Domo Domini, quæ est Ecclesia, vos ad innocentiam simplices, & cum simplicitate prudentes, vos Apostolica magnitudo repositos, oratosque facit, ut sollicito corde Austriales commoneatis, ne jussiones Apostolicas respuentes, Ecclesiæ claves irrideant. Quoniam si Christiano censeri vocabulo cupiunt, si sapientiam Dei Patris sequi Filium volunt, Evangelio necessario credent, quod Petrum Ecclesiæ pastorem constitutum, voce Salvatoris edocet, & animas ligandi, atque solvendi Pontificium accepisse. Quod autem de Petro, idem de successoribus ejus sentient, si Regni æterni, & hæreditatis Christi optaverint esse participes. Quia non ad unam solum personam Vicariatum suum extendit Dominus, sed gradatim per vices electionis usque ad finem mundi propagavit dicens: *Ego vobiscum sum usque ad consummationem sæculi*. Hinc Hieronymus ad Damasum Papam scribens:

Cum

*Cum successore Piscatoris , inquit , & cum discipulo Christi loquor . Ego nullum primum , nisi Christum sequens , Beatitudini tuae , idest Cathedrae Petri communi consortior . Super illam petram edificatam Ecclesiam scio . Quicumque extra hanc Domum agnum comederit , profanus est . Si quis in Noe arca non fuerit , peribit regnante diluvio . Quod si haec Austriales suoapte ingenio non capiunt , instruite illos in caritate non ficta , atque commonitos facite , ne his auscultent , qui resistendum Apostolicæ Sedi consulunt , & alios rebellantes in exemplum adducunt , dicentes : Erimus nos sicut & ceteri , qui Romani Pontificis auctoritatem ignorant . Quibus vocibus nihil esse aut sceleratius , aut periculosius potest . Quod si neque rationibus , neque Sacrorum Canonum vincis auctoritatibus possunt , exemplorum saltem copia moveantur . Omnes enim , qui ab initio nascentis Ecclesiæ in hanc usque diem Apostolicæ sublimitatis impugnare conati sunt eminentiam , in ruinam cum Lucifero dati clades maximas inciderunt . In Oriente , sicut Hieronymus ait , Lucifer ille , qui ceciderat , super sidera posuit thronum suum , ubi obruta sulcis frumenta in lolium , avenasque degenerant . Ægyptus , & Lybia , dum Christum , qui Romæ prædicatur , audire contemnit , Pseudo Prophetam Mahometum admittit , & sequitur ad Infernum . Græcia dum superbit , ac Romanæ Majestatis Primatum negare præsumit , servire Turcis cogitur , & hostibus Christiani nominis tributum pendere . Quid Regnum Bosnia referam omnibus gentibus despectum , atque invisum ? Quid profuit in Bohemia nonnullorum temeritas , qui dum Romanam Ecclesiam insequuntur , se ipsos conterunt , ac florentissimi Regni non opes solum , sed templa Sanctorum , ac ædes , & palatia nobilissima Dominorum evertunt ? Qui dum non sunt Archiepiscopi , & aliorum Prælatorum jussionibus subiici , turpissimorum Apostatarum Procopii Rasii , & Petri cujusdam Anglici tolerare jugum coguntur , atque illos habere præpositos , quos vix stabuli , aut popinae famulos antea recepissent . Advertant hoc , & contremiscant , qui Romanum Pontificem , sacrumque Collegium insectantur . De quibus Hieronymus : *Apud vos , inquit , solos incorrupta Patrum servatur auctoritas . Et iterum : Vos estis lux Mundi , vos sal terra , vos vasa aurea , & argentea . Et iterum de Papa : Quicumque non colligit tecum , dispergit . Nec sibi blandiantur dicentes : si Romanam Ecclesiam reliquerimus , male illi**

illi erit, multi deficient, paucieam sequentur; Nam quamvis do-  
 let Ecclesia de perditione ovium, cum tamen incurabiles sunt  
 suo pte ingenio, morbidas oves extra septa propellit, ne morbida,  
 facta pecus totum corrumat ovile. Nemo existimet bonam virum,  
 ut Cyprianus tradit, ab Ecclesia posse discedere. Triticum non rapit  
 ventus, nec arborem solida radice fundatam procella subvertit. Inanes  
 palea tempestate jactantur. Invalida arbores turbinis incursione ver-  
 tuntur. Sciant qui volunt ab Apostolico secedere fundamento, se  
 debiles arbores, & viles paleas esse igni rapacissimo celerrime  
 comburendas, & quamvis sequaces habeant, non tamen minus ar-  
 debunt. Romanus autem Præsul cum Joanne Apostolo dicit:  
*Ex nobis exierunt, sed non fuerunt ex nobis. Oportet, inquit Doctor*  
*Gentium Paulus, hæreses esse, ut probari manifesti sint in nobis.*  
 Nam sic probantur Fideles, & infideles deteguntur. Sic etiam,  
 ante judicii diem heic quoque justorum, atque injustorum animæ,  
 dividuntur. Ecclesia tamen in suo splendore integra perseverat,  
 pura, candida, ac Domini luce perfusa, per orbem totum radios  
 suos porrigens. Unum tamen lumen est, quod ubique diffundit-  
 tur, nec unitas corporis separatur. Qui sunt, qui dicunt: ab Ec-  
 clesia recedamus? Avelle radium solis a corpore; divisionem lucis  
 unitas non capit. At qui relinquunt Ecclesiam, vivificationis  
 amisso spiritu, Deo, & Angelis ejus evestigio moriuntur. Ab ar-  
 bore frange ramum; fructus germinare non poterit. A fonte præ-  
 cide rivum; præcisus arefcet. Eligant igitur Austriales, an cum  
 Romana salvari Ecclesia velint, an perire cum persecutoribus  
 ejus. *Elegi abiectus esse in Domo Domini, canit David, magis quam*  
*habitare in tabernaculis peccatorum.* En solidam, & inconcussam  
 fidem. En virum juxta cor Domini repertum. Mendicare inter  
 bonos, quam inter malos abundare mavult. Quid Austriales  
 agant, quibus cum veritate manentibus felicitas, cum falsitate,  
 recedentibus miseria repromittitur? O exuberantem divinæ mi-  
 sericordiæ largitatem! O infinitam superni Regis benignitatem!  
 quæ sectatoribus suis non futura solum in Cælis, sed in terris quo-  
 que præsentia, & amplissima dona pollicetur, dicente apud Mat-  
 thæum Domino: *Beati mites, quoniam ipsi possidebunt terram.*  
 Et virum, qui non abiit in consilio impiorum, & in via peccato-  
 rum non stetit, beatum esse, & omnia, quæcumque agat, prosperi-  
 tatem habitura, Regius Propheta confirmat, Et apud Mala-  
 chiam:

**chiam: Probate me,** inquit Dominus, *si non aperuero vobis ca-*  
*sharaktas Cæli, & effundam vobis benedictionem usque ad abun-*  
*dantiam, & increpabo pro vobis devorantem, & non corrumpent*  
*fructum terræ vestræ, neq̃ erit sterilis vinea in agro, & beatos*  
*vos dicent omnes gentes. Vos ergo Patres Fide ferventes, qui*  
*Scripturarum integram habetis notitiam, & incorruptos sapien-*  
*tiæ haustus ebibitis, scientes, quia Deo animam, mundo famam,*  
*proximo curam, patriæ honorem, Imperio reverentiam, Roma-*  
*næ Sedi fidelitatem debetis, omni studio, & officio vel uno*  
*hoc opere satisfacietis, si ex desiderio Summi Pontificis Domi-*  
*ni Nostri Nicolai Quinti quod jus, quod ratio, quod veritas*  
*præcipit, Austrialibus prædicantes, sic nobilitatem, & plebem*  
*instruxeritis, ut pertinaciâ dimissâ salutis suæ cupidi, ac solliciti*  
*Sacro sanctæ Romanæ Sedis non ultionem timere, sed sperare*  
*veniam mereantur.*



IN ORATIONEM ÆNEÆ SILVII  
DISQUISITIO

Ad Illustrissimum, ac eruditissimum Virum

PROSPERVM MANDOSIVM,

Romanum Patritium, & S. Stephani

Equitem.

SYNOPSIS DISQUISITIONIS.

*Res gesta Æneæ Silvii summam recensentur. Præpositus Basilicæ Laurentianæ Mediolani is fuit. Causa, & argumentum hujus Orationis. Quid senserit Æneas de Summi Pontificis auctoritate. Maimburgus, ac Launojus refelluntur. Opera Æneæ nondum vulgata numerantur.*

**Q**Uam impensum, Mandosi clarissime, fuerit, sitq; adhuc tuum in illustrandis antiquitatibus Urbis studium, nihil est quod commemorem, illam enim famæ mensuram apud eruditos obtinuisti, quæ tibi æternitatem nominis facile promittat. Gratissimum igitur tibi futurum arbitror, Orationem hanc intueri, quam Pius II. antequam Romano diademate fulgeret elucubravit, & unde tibi multa suppeditari possunt in Urbis ornamentum. Et ego quidem, si laudatoribus Æneæ Silvii fama indigeret, sique tua eruditione, ac patientia abuti fas esset, grandem Panegyricum, atq; satis amplam de illo Historiam contexere heic possem. Verum neq; operis mei ratio, neq; tua sapientia longius evagari me sinunt, quam ut summam illius gesta pertexam, ut proposita Oratio magis illustretur. Me itaq; in nonnullis continebo, quæ Æneæ ejusdem auctorem apud nostros Mediolanenses altius commendent. Equidem hujus celeberrimi viri tum eloquentiam, tum ingenium maximi semper duxi, atq; miratus sum, illique plures omnium nomine gratias habendas reor, quoniam literas temporibus suis adhuc in squallore jacentes exemplo non minus quam liberalitate ad non mediocrem splendorem evexerit. Qua ex cura quantum illi beneficium Christiana Respublica rependerit, ex collato in illum summo Pontificatu apertissime discas. Ad hoc autem supremum in terris fastigium & virtus, & fortuna veluti manu illum apprehendentes adduxerunt, quod paucis commemorabo, Illi Picolomineorum familia Senensis & antiquitate, & nobilitate præstans lucem primam dedit. Diu in patria versatus, bellorum tumultu, ac plebis in Nobiles odio urgente, voluntarium elegit, aut coactus est subire exilium, melioremq; alibi sortem quære-

re.



re . Dominico Capranica primū, deinde Nicodemo Scaligero Frisingensi Episcopo a secretis fuit . Tum apud Bartholomæum Vellatem Vicecomitem Novariensem Antistitem idem munus exercuit, atq; ab isto ad Nicolaum Cardinalem Albergatum transit, cui ab epistolis itidem fuit . Multam inde operam ad negotia Basiliensis Concilii contulit, ubi alieno consortio, & ætatis nondum firmæ imprudentia deceptus Eugenio Quarto legitimo Urbis Pontifici parum æquum se præbuit . Mediolanensem S Laurentii Præposituram, ad quam evectus fuerat, diu non tenuit . Hinc Tridentinum Canonicatum adeptus, mox Sarantanæ Vallis Parochialem Ecclesiam rexit, & ab illa ad Ecclesiam S. Mariæ Aspacensis in Bajoaria translatus, Frederico Tertio Romanorum Regi titulo Cancellarii, aut Secretarii adhæsit . Hujus cura Tergestinæ Sedis primum, dein Senarum patriæ suæ Episcopus renunciatus, & Sacro Cardinalium Collegio adscriptus, tandem Callisto in Romana Cathedra successit, Pii Secundi nomine assumpto . Sic per summos labores, quamplurimas legationes, magnamq; ingenii, ac prudentiæ contentionem Picolomineus ad eam dignitatem venit, quæ Cælo proxima nullam in terris majorem habet . Verum, quia inter Aneæ dignitates Mediolanensis Præposituræ meminimus, ab re futurum non arbitror, si de illa aliquid in præsentia edisseram, quum non infimum sit hujus magnæ Urbis decus, tantum virum olim sibi per beneficia obtinxisse . Erat Philippo Mediolanensium Duci apprime carus Aneas, tum quod vir providus, magnosq; præditus ingenio videretur, tum etiam quod in Concilio Basiliensi plura pro Mediolanensibus egisset . Non exiguam quoq; gratiæ mensuram impetraverat Aneas a Francisco Pizolpastro Mediolanensi Archiepiscopo, viro illis temporibus pietate, ac eloquentia clarissimo, ad quem conscripta etiam legitur Epistola 19. lib. 1. Quare quum diem extremum clauisset Præpositus insignis Basilicæ S. Laurentii Mediolani, Franciscus Antistes ad eam dignitatem Picolomineum promovit . Id ubi rescitum Basileæ, continuo omnes Synodi Patres hujusmodi electioni calculum suum addidere . Sed Isidorus Rosatensis Aneæ æmulus in generali concione obstitit, atq; in hæc verba erupit: *Quid agitis Patres? electivam Præposituram Anea homini extero committitis? beneficia in terra Mediolanensi absq; voluntate Principis de vobis optime meriti confertis? Cives, & Doctores spernitis?* Ad hæc Aneas: *Vehementer*, inquit, *admiror Patres optimi Isidorum adversum me verba facere, qui nuper ex Mediolano reversus literas Philippi Ducis ad me desulit, quibus ille Princeps gratias mihi agit, quod ejus causam hoc in loco peroraverim, atq; ob eam rem gratum sibi esse affirmat in ejus ditione quodeumq; Sacerdotium me acceptare, cujus libenti animo possessionem sit mihi daturus . Non igitur ille me extraneum habet, neq; nova res est unius regionis homines in altera dignitates habere, si modo linguam norint, nam & Archiepiscopus ex Bononia Mediolanum venit . Ad quæ Isidorus*

quum responsum affligeret, universorum adstantium clamore compressus obmutuit. Quid autem *Aenez* post hæc acciderit, ex ipsius oratione, licet longa, quam ex verbis meis, clarius intelligitur. Scribit itaque Epist. 30. lib. 1. ad *Guinifortum Barzizium atrinſq; Iuris Doctorem, Ducalemque Secretarium*, cujus in hoc eodem libro mihi sermo recurret, dum ejus elegantissimam Orationem producam in nuptiis *Philippi Bonromei* recitatam, atq; inter alia hæc ait: *Vacavit alias in Basiliensi Concilio Præpositura S. Laurentij Mediolanensis, eamque mihi S. Synodus, quam tunc omnes recognoscebant, illico contulit. Princeps Mediolanensis alium ex domo Landrianorum eligi fecit, & dari ei possessionem. Eugenius cuidam Leonardo Vercellensi de illa providit. Veni ergo Mediolanum, favoreque amicorum, & ex gratia Principis, excluso, qui jam erat intrusus, possessionem obtinui, moxque iussu Ducali Basileam repeti. Ab hinc triennium pestis magna Concilium intravit, Dux suos revocavit. Ego quia boni officii ibi habebam recedere non potui, morbum incidi, subitoque orta fama est me mortem obiisse. Scitum est id Mediolani. Leonardus, cui Eugenius providerat, sublatum me de medio gaudens possessionem Præpositura postulat, obtinetque. Ego postmodum convalescens, & audiens me spoliatum scribo literas ad amicos, facio fidem me vivum esse, peto restitui. Sed quia Basilea eram, nunquam obtinere potui, credoque nunquam Principi fuisse rem expositam. Tum Guinifortum rogat, ut apud Philippum Ducem causam istam agat, judicemque exposcit aut Mediolanensem Archiepiscopum virum, ut ait, sanctissimum, aut Novariensem Pontificem integerrimum patrem. Ad horum primum Epist. 29. Scribens hac de re iterum meminit. Si quando, ait, *Matthæus de Pngrano* ad te venit, meo nomine salvus esto, id quoque de Candido dixerim eloquentia fluviò, Guiniforto Ducali Secretario apprime merito, cui super re mea Præpositura scribo. Quum Guiniforti officia nihil *Aenez* profuissent, censuit is ex usu sibi futurum aliena uti opera, animamque Mediolanensis Ducis alia ratione stectendum. Quare impetratis a Frederico Romanorum Rege, cui tunc a secretis erat, commendatitiis ad ipsum Ducem literis, Nicolaum quoque Arzimboldum Ducalem Consiliarium, & Franciscum Bossum Doctorem eximium, a se scriptis Epistolis convenit, eisque rem suam enixe commendavit. Leguntur Epistolæ istæ inter ejus opera lib. 1. Epist. 47. & 48. In priore hæc habentur. Suscepi, non sunt multi dies, literas tuas, quibus mihi spem facis velle te curam suscipere, ut Præpositura mea mihi restitatur, qua confecta mortuum &c. Additur: Scribit Majestas Regia in favorem meum juxta copiam, quam heic inclusam mitto. Cum hac poteris audacius meam negotium aggredi. In altera vero ad Bossum Epistola eadem confirmat: Exinde, ait, scribit Rex illustri Principi Duci Mediolani in favorem meum, petitque Præposituram mihi restitui &c. Extat etiam inter *Aenez* opera Epistola 173. quæ est memorati Arzimboldi (nescio tamen cur*

eur illic Jacobus appelletur, perperam credo) ad *Aeneas* literas respon-  
 so. Inquit autem: *Ego quod de Prapositione mihi addidisti onus libens*  
*& amplector, & ad exitum usque perducam, vires aut ingenium modo*  
*non defuerint.* Data est hæc Epistola Anno Christi 1444. die 13. Octo-  
 bris. Verum tot officia, tot pro *Aenea* patroni apud Philippum Ma-  
 riam Mediolanensem Ducem ne hilum quidem proficere. Quapropter  
*Aeneas* constitutum fuit ad ipsum Ducem literas dare, quibus se  
 adhuc in vivis agentem testaretur. Sic igitur. exorditur Epistolam  
 quinquagesimam tertiam: *Si essem mortuus, sicut de me adversarii*  
*mei tuam Celsitudinem instruxerunt, minime has literas modo scribe-*  
*rem, nisi & mortui etiam scribant.* Ego tamen ex divino munere adhuc  
 aucta fruor, sumque Serenissimi Domini nostri Regis Romanorum Secre-  
 tarius &c. Nunc mortuus fingor &c. quare supplico, ut tua Clementia  
 velit considerare, mihiq; Ecclesiam meam S. Laurentii mandare re-  
 sistui, quod faciens non solum me emtum habebit, sed Regi etiam no-  
 stro, qui pro me scribit, complacebit. Quis denique victum tot arietibus  
 in tanta iustitiæ cognitione Philippum non crederet? At tamen ni-  
 hil *Aeneas* causam juris rationumque favor juvit, & coactus vir præ-  
 clarissimus veterem dignitatem oblivisci. Quum vero eodem Anno  
 Christi 1444. die 13. Decembris ad Philippum scribere iterum decre-  
 visset, animum suum, iustamque offensionem dissimulando non fuit,  
 inquit enim: *Et si favoris mihi non multum hactenus tua Celsitudo im-*  
*penderit, quæ post traditam mihi Ecclesiam S. Laurentij Majoris Me-*  
*diolanensis possessionem, spoliato rem meum præter jus, & contra lite-*  
*ras Regias in meum favorem sapientius scriptas tuetur, in tantum tamen*  
*illustri Celsitudini tua sum deditus, ut prætermittere nullatenus possim,*  
*quin novitates ad nos delatas eidem significem.* Hinc ita de *Aenea Silvio*  
 ad satietatem relatis, quibus antiquissimam pro studio meo S. Laurentii  
 Basilicam illustrare contendi, transeamus ad Orationem, quam nunc  
 primum publici juris facio. Recitata in nostro Codice dicitur Anno  
 Christi 1453. sed potius 1452. scribendum fuerat; etenim testabatur  
 ipsemet *Aeneas* sibi tum secundum post Jubilæum agi Annum, & mox  
 tertium adventurum. Ut autem huiusce concionis argumentum cla-  
 rius ipsis Lectoribus pateat, brevibus colligam. Sed quis hoc melius  
 præstet, quam ipsemet *Aeneas*? Scilicet aliis in locis idem Historiæ  
 caput elegantissime tractavit tum in Epistolis, tum in Historia Austria-  
 ti, quam calamo descriptam in Bibliotheca Ambrosiana servamus.  
 Illam & ego descripseram, quum inter *Aeneas* scripta luci hucusque  
 surrepta gemmam pretiosissimam tam diu latere ægre ferrem. At sero  
 tandem ex Actis Erudit. Lipsiens. Tom. 2. Supplem. didici, ante annos  
 paucos in publicum prodiiisse operâ Boecleri V. C. Illic autem Frederici  
 gesta luculenter explicantur, quæ majoris compendii gratia exprimam  
 ego ex ejusdem *Aeneas Silvii* Historia de Europa cap. 22. ubi de Austria.  
 Inquit igitur: *Austriam describere hoc loco haud necessarium existima-*

*mus, de qua propriam Historiam edidimus. (Historiam Austrialem designat, quam non ita pridem diximus publica luce donatam) In ea Provinciales post obitum Alberti Caesaris Frederico se commiserant ea lege, ut si masculum pragnans Regina pareret, tutor eius esset, si feminam, terra Dominus. Nato Ladislao, tutelam ejus Fredericus accepit. Petentem Italiam Casarem rogaverunt Austriales, uti Ladislauum, qui jam propemodum adolevisset, in paterna hereditate apud se dimitteret. Rejēta petitione, auctoribus duobus Vtricis, altero Ciliæ Comite, & Eyzingero, sumtis armis rebellavere. Redenntem ex Italia Fredericum apud Novam Civitatem obsidione cinxere, & quamvis a Nicolao Pontifice Maximo jussi essent, ne tutelam Caesaris impedirent, contemptis Apostolica Sedis mandatis, & tanta majestatis auctoritate derisa, sceleratū propositū tenuere. Doctā eo tempore Viennensis schola indoctam sententiam protulit, qua per appellationem ad futurum Concilium interponendam suspendi posse Romani Præfulis mandata rescipit. Civitas Viennensis, & omnis Austria ex eo tempore semper in armis fuit &c. Quum ita se haberent rebellis Austriz negotia, Nicolaus Quintus Pontifex Maximus & suam auctoritatem pessumdari, & justitiam Frederico faventem a refractariis populis labefactari intelligens, Æneam Silvium eo tempore Senensem Episcopum Nuncium, ac Oratorem suum per Bohemiam, Moraviam, Austriam, aliasque provincias constituerat, eique in mandatis dederat, ut Religionem iis in oris restitueret, pacem aleret, atque in perduelles animadverteret. Extat de hoc Pontificum Diploma penes Raynaldum in Annal. Anno Christi 1452. num. 6. uti etiam solemnīs monitio ad Austriz populos missa. Ubi mentem Romani Pontificis Austriales didicere, convocatis Doctoribus appellationem hujusmodi interposuere, quam ex laudatæ Historiæ Austriacæ libro quinto depromsi: Quoniam Pontifex Maximus Imperatoris Frederici suasionibus motus ea nos facere jubet, quæ nec nobis, nec Domino nostro Ladislao conducunt, gravesque pœnas in nos minatur, nisi parperimus, cum id nobis oneris sit, arbitantes eundem Pontificem, ut res inter nos & Imperatorem Fredericum sese habent, ignorare, ab eo parum instructo ad eundem instruendum, docendumque magis, sive ad Concilium Generale indictum, seu indicendum, vel demum ad universalem Ecclesiam appellamus. Pico-  
lominei tum Nuncii Apostolici munere fungentis animum pupugit tam imprudens Austriacum appellatio, adeoque adversum sacris Canonibus consilium. Quare suum esse continuo censuit, inconsultum illis populis effugium præripere, & ab eorum contumeliis sanctam Petri Sedem vindicare. Quam erudite, quam graviter, quam eloquentius idem præstiterit, ex ejus verbis melius dijudicandum alijs relinquo. Equidem hanc omnium, quas Æneas composuerit, elegantissimam Orationem duco, si Historiæ fidem, ac monumenta spectes, si argumenta pro Romani Pontificis auctoritate allata perpendas. Neq;*

VERO

Vero ulla nostris temporibus magis opportuna occasio occurrere poterat, ut hæc Oratio in publicum prodiret. Siquidem illam audacissimis quorundam scriptis obiiiciemus, qui vel inter Catholicos in sanctam Sedem debacchantur, parvum modestæ pensum habentes, nullum veritatis. In illos quidem calamum hucusque strinxere Eminentissimi duo S. R. E. Cardinales Cælestinus Sfondratus, & Aguirre, viri eximia eruditione præditi, quorum conatibus si hæc Æneæ Silvii lucubratio accedat, nullus dubito, quin maximum meliori causæ pondus accedat. Quod enim est ad summum Pontificis in Principes, ac humana potestatem, en illam ab Ænea luculenter probatam, atque summo eloquentiæ robore ab Austrialium injuriis defensam. De appellationibus a Romana Sede ad universale Concilium nihil est quod agamus, quandoquidem menti Natalis Alexandri, Maimburgi, Dupinii, atque aliorum hujus modi scriptorum mens Æneæ apertissime adversatur; & de illis eruditissimum Tractatum a C. V. Christiano Lupo conscriptum, ubique legitur. Sed quoniam his de quæstionibus sermonem injecimus, Maimburgi calumniam heic refutare non alienum videtur, quippe & Romanæ Sedis, & Pii secundi judicium, ac ipsam demum veritatem audacter nimis, ac injuste oppugnat. Ut enim probet Maimburgus Generali Concilio summum Pontificem subesse, ac inferiorem esse, in Tractatu Historico de Institut. & Priuileg. Rom. Eccles. cap. 25. fol. 256. testimonium Pii secundi profert, atque his verbis inculcat. *Pius, inquit, secundus, quum adhuc Æneas Silvius vocaretur, ageretque Basiliensis Concilii Secretarium, exemplo Doctorum Parisiensium omnem nervum intendit, ut defenderet majorem esse Concilii, quam Pontificis auctoritatem: At vero ubi Pontificatum obtinuit, ex rationibus, quas facile quisvis imaginari sibi potest, animum induxit, ut mundo palam faceret, se ab ea sententia recessisse, quam olim utpote de meritis, ac iustitia causæ optime instructus ardentissime defenderat. Id per Bullam fecit, in qua retractat, revocatque quæ Basileæ docuerat; & tamen in hac ipsa retractione non potuit imperare sibi, quin manifeste veritati suffragium ferret, aperiretque utriusque sententiæ, & quam deserebat, & quam recens complectebatur elogium. En ejus verba: Tuebatur antiquam sententiam, ille (hoc est Cardinalis) novam defendebat; extollebamus Concilii generalis auctoritatem; ille Apostolicæ Sedis potestatem magnopere commendabat. En ingenuam Pii Confessionem. Fatetur sententiam, qua Concilii partes tuetur, antiquam esse, eam vero, quæ Pontificem præfert, novam, recensque inventam. Hactenus Maimburgus, cujus verba eloquentissimus Cardinalis Sfondratus differt. 3. §. 6. num. 4. Galliz vindicatæ Latio donavit, idemq; ante illum præstiterat C. V. Emanuel a Schellstrate in P. ad Tractatum de sensu & auctoritate Decret. Constant. Concilii. Sed quam malum opinioni suæ patrociniū quæsierit Gallicus ille Scriptor, & quam falsis rationibus pro famosa sententia pugnet, præstaret ex aliis cognoscere,*

scere, Lectoresq; ad laudatum Emin. Sfondrati opus remittere, quam heic iterum demonstrare. Dicam tamen paucis. Non eum profecto sensum patiuntur verba Pii, quem illis assignit Maimburgus, sed alium plane. Interfuerat olim Basiliensi Concilio Iulianus S. Angeli Cardinalis, vnaque cum illo Aneas Silvius. Horum mentibus incaute sententia adhæsit, quæ Concilio Oecumenico Romanum Pontificem subiciebat. Sed ipso Synodi tempore resipuit Cardinalis, cum quo multis post annis Aneas sermonem habens de rebus Basiliensibus amice disputabat. Pro opinione antiqua, videlicet quæ olim Cardinali S. Angeli placuerat, & quam is exuerat, pugnat Aneas, alter vero novam, nempe illam, quam pro Pontifice amplexus fuerat, tuebatur, eamque Aneas persuadere conabatur. Hoc utiq; sonant relata Pii Pontificis verba, totiusque Bullæ contextus. Cur enim, inquam ego, toties se errasse, se falsa opinioni, dum Basileæ ageret, auscultasse, se veritatem post Concilium cognovisse, & Basiliensium cecitati renuntiassse toties in eadem Bulla dixisset Pius, si sententiam, quæ Concilii partes contra Eugenium Papam legitimum olim sustinebat, adhuc post susceptas Pontificatus maximi infulas antiquam duxisset, hoc est antiquitare, veterumq; Patrum suffragiis nixam? Sed an reipsa, ubi Romanam Sedem Pius obtinuit, sententiam de Romani Pontificis auctoritate tum primum mutaverit, modo inquirendum est mihi, quando quidem non uno in loco id Maimburgo visum est, atq; illic potissimum, ubi ait: *Ce Pape, qui voulut bien changer d'avis, changeant de condition*, id est: *Hic Papa, qui voluit sententiam mutare, quum conditionem mutavit*. Certe multis ante Pontificatum annis mutatam ab Aenea sententiam, illiq; Sedis Apostolicæ auctoritatem omnino probatam fuisse, vel ex hac illustri Oratione manifeste cognoscimus, quippe obicientibus Austriæ populis se a Romani Pontificis iudicio ad Generale Concilium appellare, primo respondet licere tamen ab interiori ad superius tribunal appellare; tum addit: *In casu autem nostro ab eo Iudice appellatum est, qui nullum habet in terris superiorem*. Nulla est igitur appellatio. Infra vero hoc plane constituit: *Ergo Princeps est in Ecclesia Catholica Romanus Pontifex, nec superiorem habet, nec parem*. Quum vero reponerent Austriales generale Concilium Papæ dignius, ac superius esse, quasi id a Synodis Constantiensi, ac Basiliensi definitum foret, rursus Aneas, in hæc verba loquitur. *Nolumus hoc disputationis ingredi pelagus, neq; hoc grypos aggredi. Anceps quæstio, & in utramq; partem a prudentibus viris arbitrata est. Vicinque sit, constat uno solum casu certum, & indubitatum Papam subesse Concilio. Nam si quis in Apostolatu sedens, in hæresim labitur, max Papatu excidit, minorq; redditur quolibet Christiano. Nec iam Papa dicendus est, si Schismaticus est, aut eodem morbo laborat, aut in Papatu est dubius. Certus autem, atq; indubitatus Pontifex, ut Constantiense decretum innuit, numquam deferri Concilio potest, nisi universalem Ec-*  
clesiam.

*elefiam foandalizaverit*. Quo autem in exiftimationis loco ſibi foret illorum Conciliorum auctoritas in medium prolata, his verbis ſignificat: *Nec moveri debemus, quia diebus noſtris etiam in minoribus cauſis, & ad Conſtantienſe, & ad Baſilienſe Concilium vidimus appellari. Nam quæ ſunt extra ordinem, intempeſtive, temere, tumultuarie, neq; juſ pariant, neq; vim conſuetudinis afferunt. Inter Epiſcopos, ceteroſq; Patres conſcriptos vidimus in Baſilea coquos, & ſtabularios orbis negotia judicantes: Quis horum dicta, vel facta judicaverit legis habere vigorem?* Hæc *Æneas* inter Baſilienſis Concilii proceres olim numeratus, quibus Conſtantienſis Synodi decreta perſpicue explicantur, ad eum æmpe modulum, quo uſi ſunt Clariffimi Scriptores Cardinalis Sfondratus diſſert. 3. §. 4. Gall. Vindic. & Emanuel à Scheſſtrate in Tract. de ſenſu, & auctor. Decret. Conſtant. Concilii. Atq; hinc potiffimum illud elucet, quod mihi probandum contra Maimburgi calumnias propoſueram, videlicet *Æneam* cum conditione non mutaſſe ſententiam, multiſq; ante Pontificatum annis ſaniori parti, ac dogmati ad hæſiſſe. At quia de ſententijs perperam *Æneæ* Silvio impactis res agitur, præterire nequeo egregiam operam in huiusmodi arena a Clariffimo, ac eruditiffimo viro Joanne Ciampino Urbis, ac literarum ornamenco navatam. Scripſerat Joannes Launojus Pariſienſis Doctor, Scriptor, ſi audacia, ac virulentia ab eo abeſſet, inter primos numerandus, ſuis in Epiſtolis nonnulla, quibus & Romani Pontificis, ejuſque Curæ dignitas, ac honor lædebatur. Magnum ille, ac enorme fulmen in eandem Romanam Curiam intorquendum ſumſerat ab Epiſtola Pii ſecundi P. M. ad Carolum VII. Galliarum Regem hoc exordium præferente: *Quæ ad nos de conditionibus Tornacenſis Civitatis &c.* In ea enim Epiſtola hæc leguntur ex Baſilienſi editione anni 1571. *Primum a te peſimus, cariffime Fili, ut Doctõribus Sedis Apoſtolice ſemper non credas, ſed multa illorum paſſionibus tribuas.* Sapientiſſimo Ciampino abſurda continuo hæc ſenſa videbantur, atq; a prudentia Pii Pontificis omnino aliena. Quare conſiſſis diverſis Epiſtolarum Pii II. editionibus, Baſilienſem anno 1551. Norimbergenſem anno 1496. & Lugdunenſem anno 1558. procuratas conſuluit. Ibi pro *Doctõribus* ſcriptum *Detrañtoribus* inveniens Diſquiſitionem hac de re ad Emin. ac doctiſſimum Cardinalem Caſanate inſtituit, qua Launojana fundamenta diſſecit, & Pii verba germano ſenſui, ſinceræque veritati reſtituit. Ingratum autem Illuſtriſſimo huic ſcriptori minime facturum me arbitror, ſi ejus conatui & ego geminas Epiſtolarum Pii II. editiones adiciam, in quibus non vox *Doctõribus*, ſed quidem ut ratio poſcebat, *Detrañtoribus* legitur. Prima Rurembergæ procurata eſt impenſis *Antonii Koburger XVI. Kal. Octob. Anno ſal. Chr. MCCCCCLXXXL*. Atq; hæc omnium antiquiſſima editio mihi videtur, ejuſque noticiam debeo C. V. P. Eufſtachio à S. Ubaldo, in cujus locuplete Bibliotheca cum hæc, tum alia non vulgaria habentur. Alter vero Epiſtolarum

Pii II. exemplar penes doctissimum, atq; in omni antiquitate versatissimum virum Joannem Mariam Bidellium extat. In fine legitur: *Pii II. Pontificis Maximi, cui ante summum Episcopatum primum quidem Imperiali Secretario, tandem Episcopo, deinde Cardinali Senensi, Æneas Silvius nomen erat, familiares Epistolæ ad diversos in quadruplici vita statu transmissæ. Impresum Mediolani per Magistrum Fidericum Scinzenzeler Anno Domini MCCCCLXXXVI. die X. Decembris.* Quanti vero facienda sit hujusmodi editio, ex illius testimonio, qui Præfationem operi inscripsit, discere possumus. Fuit is Ambrosius Archintus Patricius Mediolanensis, uti ibidem legitur, ex illa nempe vetustissima, ac nobilissima familia, quæ nunc vivos habet Illustrissimos fratres Josephum, ac Philippum, illum pro S. Sede Nuncium apud Hispaniarum Monarcham, hunc vero Comitem, & Mediolanensem Senatorem, viros omni eruditione excultos, quibus de literarum studio non concedunt egregii filii Carolus, ac Hieronymus Abbas. Itaq; ait laudatus Ambrosius: *Hoc elaboravi, ut Epistolæ, quæ apud barbaros impressæ sunt, & vix quatuor volumina ad Italos pervenerunt, omnibus esset cum parvo ære copia, & meliori artificio impressæ, correctioresq; & emendatiores haberentur, quia Germania illa Latinorum nominum vocabula ignorat, ordinemq; confundit. Teneat itaque barbara Germania Codices suos, quia Ambrosii Archinti, & Ioannis Vinzælii viri docti, qui totum opus revisit, beneficio studioſi, & literæ multæ ipsarum Epistolarum volumina in medium allata sunt. Neq; illis Mediolanensium decus præteritur, in quo illustrando multa mihi superius dicta fuere; etenim de Ænea Archintus hæc habet: *Is a teneris annis literis deditus, jurig; postea Cæsareo operam dedit; mox ut intestinas factiones evaderet, Mediolanum se conferens Præpositura S. Laurentii Majoris Mediolani donatus est.* Itaque germanum Epistolæ Pii sensum nemo in posterum non videbit, cujus corruptionem Basiliensi Typographo adultæ iam hæresis suadere potuit, uti egregie coniicit laudatus Illustrissimus Ciampinus. Scilicet Heterodoxis, qui quot die clamoribus Catholicorum fidem in recudendis veterum scriptis calumniantur, religioni subinde non fuit Scriptores antiquos ad suum arbitrium vitiare, ut Romanæ Sedis majestati invidia conflaretur. Sed ut ad nostram revertamur Orationem, illam ex M.S. Codice Bibliothecæ Ambrosianæ descriptam exhibemus, ubi & alias offendimus luci, & publico hucusque ereptas non sine Literatorum damno. Et quoniam in reliquis Anecdotorum libris Cælo favente per me proferendis singulas typis commendare est animus, nunc eruditorum curiositati satis arbitror me facturum, si earum inscriptiones referam, ut quid etiam ex Pii II. operibus sperandum sit cunctis pateſcat. Prima igitur ab ipso Ænea nondum sacris initiato habita fuit in Basiliensi Concilio, quum de loco ageretur eligendo, ut ibi cum Græcis Oecumenica Synodus haberetur. Incipit: *Audi vi Patres optimi &c.* De hac Ora-*



Oratione quid in Pii II. vita sentiat Bartholomæus Platina audire non piget: *In eo, inquit, conventu per sæpe oravit, sed illa ejus Oratio egregia, & elegans est habita, quam eligenda Concilii sede idonea Avinionensi, Prino, Florentia Papiam anteferendam offendit, rerum opportunitate, sita loci, adium privatarum magnificentiæ, Cæli benignitate, & clementiæ, commoditate rerum omnium, quæ urbi possunt importari, liberalitate Philippi Ducis.* In hanc rem scripsit quoque August. Oudin. in Addit. ad Cræconum. Altera Oratio habita ab Ænea fuit ad plebem S. Mariæ in Hanspach Diocesis Pataviensis, dum ibi Rectorem ageret. Eius initium est: *Non est apud me dubium &c.* Eandem Orationem M. S. in Augustana Bibliotheca asservasi docet Henricus Vuharten in Addit. ad Hist. Literar. Guilelmi Cave. Terciam Orationem Æneas ad Populum Mediolanensem recitavit post obitum Philippi Viccomitis Mediolanensis Ducis, quum Legatus Frederici Cæsaris foret. Incipit: *Est mihi non parum oneris Reverendissimi Patres &c.* Quartæ Orationis inscriptio est de coronatione Cæsaris habita Roma aeterna Nicolao Quinto Pontifice Maximo: ita vero Æneas exorditur: *Fateor Maxime Pontifex &c.* Quinta Oratio Ratisponæ recitata est in conventu plurimorum Principum præsentem etiam Burgundiæ Duce pro armis in Turcas capiendis. Initium illi est: *Quamvis omnibus, qui ad sitis &c.* Post hæc Orationes sequitur *Responsio data nomine Cæsaris Legatis Hungarorum in Nova Civitate Austria ab Ænea Silvio XXIII. April. MCCCCLP.* hæc incipit: *Optasset Sacra Majestas Imperatoria &c.* Huic conjuncta legitur alia *Ænea Silvii responsio data Legatis Hungarorum nomine Cæsaris, in nova Civitate Austria XXIII. Martii MCCCCLP.* hoc principio: *Si mihi Reverendissimi Patres &c.* Sextæ Orationi causam dedit conventus Viennensis, ubi ex Imperatoris mādato expeditionem contra Turcas discretissimus Æneas promovit. Septimam Orationem in fine Mantuanæ conventus habuit jam Romano Pontificatu auctus, atq; hæc incipit verbis: *Septimo jam exatto mense &c.* sequitur Oratio octava ab eodem Pio contra Sigismundum Aultriæ Ducem habita: ex Cardinalis captiva. Incipit: *Iustissima quamvis judicia &c.* Hanc autem, & ipsam, ni fallor, luce carere existimo. Legitur post hæc Oratio Pii II. habita Romæ in Basilica S. Petri, quum B. Catherinam Senensem albo Sanctarum Virginum addidisset, cujus initium ita est: *Catherinam Senensem in Catalogum &c.* Eiusdem fragmentum exhibens Clarissimus PP. Henschenius, & Papebrochius ad diem 30. Aprilis pag. 977. Tom. 3. illius mensis. Tum in Codice nostro sequitur responsio Pii II. P. M. data Oratoribus Regis Renati Senis. Incipit: *De Regno Sicilia, cujus proprietates &c.* Deinde responsio data Oratoribus Regis Bohemiæ in Concistorio Romæ cum hoc exordio: *Superioribus diebus cum audissemus &c.* Præterea legitur Oratio Æneæ Silvii Episcopi Senensis Neapoli habita coram Alphonso Aragonum Rege in Templo: hoc illi principium est:

*Modestius fortasse fuerit &c.* Postremam libri partem occupat Oratio Aeneæ Silvii Senensis Episcopi habita coram Callisto Papa III. *de compatiatis Bohemorum*. Incipit: *Res Bobemicas ad te hodie perfero*. Hæc autem Oratio, quoniam nondum luci reddita est, venustissima, ac singulari eruditione referta edetur. Atque hæc sunt, quæ, modo Cælum conatibus faveat, publici juris facere identidem in animum induxi, ac quid ex operibus Aeneæ Silvii celeberrimi viri, & præclarissimi Pontificis, quantum per me est, impoſterum a Literaria Republica deſideretur; idque poſſimum præſtare contendam, quum ex Clarissimo viro Antonio Magliabechio Mediceæ Bibliothecæ Præfecto didicerim, non ingratam futuram eſſe operam meam Senenſibus eruditis, ac præſertim doctiſſimis, ac nobiliſſimis viris Abbati Jacobo Magnanello, & Hieronymo Lilio, quorum doctrinam, atque humanitatem pluribus prædicare poſſem, neq; unquam venerari deſinam.



## MANUMISSIO,

Sine qua ex familia nemo propria ad Sacros Ordines  
promovere valet.

**A**uctoritas Ecclesiastica patenter admonet, insuper & majestas Canonicae Religionis assensum præbet, ut quemcumque ad Sacros Ordines ex familia propria promovere Ecclesia quæque delegerit, in præsentia Sacerdotum Canonorum, simul & nobilium Laicorum, & cui subiectus est, manumissione, sub libertatis testamento solemniter roboretur. Idcirco in Dei nomine quemdam Ecclesie nostrae famulum, nomine talem, Sacris dignum Ordinibus, Ecclesiasticis eruditum disciplinis ad Altaris cornu palam insignibus viris Civem Romanum statim per hoc sacrae Auctoritatis testamentum, ita ut ab hodierno die, & tempore bene, & inconvulso ingenuus, atque ab omni prorsus vinculo permaneat securus, tamquam si ab ingenuis procreatus fuisset parentibus, vel natus, idemque, pergat quancumque volens elegerit Canonice partem, potius habens aperiendi, exeundi iuxta regulam obnoxe roboratam, ita ut deinceps nec nobis ullum, nec successoribus nostris noxialis debeat conditionis servitium, neque aliquid libertinitatis obsequium cuiquam impendat. Sed ob amorem, honoremque Domini nostri Jesu Christi, ad cuius militiam electus est, absolutus, atque sicut Civis Romanus a cuncta catena servitutis ereptus, sub integra plenaque ingenuitate consistens, securus cunctis diebus vitæ suæ permaneat. Quatenus per hanc absolutionem securius, liberiusque, atque honestius Divinae potentiae, cui mancipatur, Domino adjuvante famulari valeat, & per hunc manumissionis, atque ingenuitatis titulum bene semper ingenuus, atque inconvulso securus ab omni servitutis occasione noxialis existat. Suum vetero peculiare, quod nunc habet, aut ex hoc adipisci valuerit, liberam disponendi, quum voluerit, habeat potestatem, agatque inde, secundum Canonicam auctoritatem libere qualiter ei libuerit. Ut autem pro reverendis cultibus venerabiliter, solemniterque absolutio celebrata, atque ingenuitatis auctoritas inviolabilem obtineat firmitatem, manu propria subter firmavimus, Sacerdotes quoque, & institutionis Canonicae Clericos, nec non & inclitos præsentis Laicos roborandi subter firmare cum stipulatione subnixæ rogavimus.

## NOTÆ, AC OBSERVATIONES

In hanc Manumissionis formulam.

**E**X Ambrosianæ Bibliothecæ MS. Codice formula hæc exscripta per me fuit. Erat autem olim liber in Bobienfis Monasterii Bibliotheca, atq; ex ea in nostram transit ex munere Patrum Benedictinorum, qui Magni Cardinalis Federici Borromæi consilium pluribus aliis donis juvere. Spectes in eo Conciliorum, ac Epistolarum Decretalium collectionem a Dionysio Exiguo lucubratam, nec non Concordiam Canonum a Cresconio Afro editam cum aliis quibuldam minoribus monumentis, notisq; vetustissimis Canonum explicationem subinde præbentibus. Tempus, quo exaratus Codex fuerit, produnt, ni fallor, appositæ in calce huiusmodi versus:

*Obtulit, ut maneat sacrum per tempora munus.*

*Supplex, ac humilis Abba Agilulphus acris.*

*Christe tibi, magnoq; patroni nempe Columba,*

*Quo miserante iugi floreat auxilio.*

*Divinis librum constat dogmatibus auctum,*

*Exerat hinc pectus quiq; Deo militat.*

*Sedulo quam volvens Christum petat ore modesto.*

*Pavendis flammis eripiat famulum.*

Monasterium Bobiense rexit Agilulphus iste Abbas ante octingentos annos, seculo videlicet Christi nono; siquidem tria Diplomata ab Ughello in Ital. sac. tom. 4. post Bobienses Episcopos pag. 1359. proferuntur, in quibus Agilulphi Abbatis mentio habetur; referuntur autem ad annos Christi 883, 896. & 898. Characteres ipsi temporis eiusdem fidem faciunt, quadrati enim sunt, affabreq; exarati, & fortassis ante Agilulphi ætatem elaborati, quum versiculi minoribus liceris, atq; aliquantulum a reliqua scriptura diversis constent. Ibidem quoq; legitur Kalendarium metricum, quod publici juris fecit Lucas Dacherius tom. 10. Spicilegii acceptum ex Canobii S. Remigii Rhemensis apographo exarato manu Bertigarti Monachi Ebbone Archiepiscopo, hoc est saltem ante annum DCCCXLI. Nullus in nostro Codice titulus, sed in Rhemenfi legebatur: *Martyrologium, quod Beda heroico carmine composuit*. Eius quidem Kalendaroli auctorem Bedam eruditissimi viri Henschenius, & Papebrochius in Act. SS. tom. 3. Apr. ad diem 24. & 29. ejusdem mensis in vita duorum Vilsfridorum vix credunt, quum tamen perantiquum opus agnoscant, quemadmodum etiam Codicis nostris beneficio discimus. Ex hoc igitur Codice vetustam Manumissionis formulam huc derivavi, eoq; libentius hoc præstiti, quo sæpius intelligo, atq; experior, non vulgi tantum, sed omnium pene literatorum animis hanc insidere sententiam, ut sub Christianis antiquis omnium

omnium servitutem usum desisse arbitrentur. Quippe per Baptismi lavacrum potestatem dominicam, servilemque conditionem tolli certissimum eis videtur. Verum nullo fundamento nititur huiusmodi opinio, nullaque, ut ajunt Logici, lex positiva servitutes ab Ecclesia Dei hucusque eliminavit. Ab Ethnicis itaque ad Christianos hæc consuetudo transit; & Constantinus Magnus hoc dumtaxat instituit, ut manumissiones in Gentilium templis, & Comitibus antea celebratz, presentibus Episcopis, & in ædibus sacris impofterum peragerentur, ut ostendunt lex unica tit. 7. de Manumiss. C. Theod. Sozomenus lib. 1. Hist. cap. 9. Nicephorus lib. 7. cap. 16. Cassiodorus, aliiq; Scriptores. Justinianus postea cum in Institutionum libris, tum in Codice servitutum jura non modo non sustulit, sed declaravit, & manumissionum ritus præscripsit. 1. & 2. C. de his qui in Eccl. manumittuntur. His accedunt Leges Langobardorum lib. 4. tit. 35., & alibi; Leges Ungaricæ, Ripuaricæ, Visigothicæ, Alamannicæ de Christianorum mancipiorum manumissionibus plura tradentes. In Legibus etiam Caroli Magni, Ludovici Pii, ac Lotharii de Servis multa statuuntur, quorum usum iccirco tunc nequaquam fuisse sublatum cognoscimus. Sed & ex Epistolis plurium Summorum Pontificum, ac præsertim Alexandri III. Urbani, ac Innocentii III. servos ad tempora usq; Friderici II. Imperatoris apud Christianos adhiberi consuevisse patet. Exinde rara hujus moris exempla, non tamen omnino desita: Clarissimus Du Fresnius in Glossario med. & infimæ Latin. ad verbum *Manumissio* præter alia præclarissima antiquorum temporum documenta Manumissionum usum ostendit in Galliis itidem servatum A.Ch. 1223. 1243. 1250. 1302. & 1313. Sequentibus sæculis quamquam nullo Principum decreto servitutem jura interdicerentur, visa tamen sunt sensim extingui, ita ut nostris temporibus nonnisi in homines a Christiana Religione alienos usurpari soleant. Quocirca Jo. Ginotomus in Instit. lib. 1. tit. 3. de jure person. ait: *Nos Christiani hodie veros servos non habemus*. Sed, ut ajebam, nullis Canonibus, nullisq; Principum legibus sublatus est servorum usus, atq; etiam nunc obtinere potest. Quin etsi per sacrum Baptismum Christianorum albo mancipia inscribantur conditionis suæ asperitate nequaquam liberantur. Illud quidem falsum est, quod ex Consiliis Romani refert Cardinalis Tuscus in Pract. Concl. juris lit. S. Concl. 236. *Servus, inquit is, Judæi, licet efficiatur Christianus per susceptionem Baptismatis, non efficitur liber. c. primo, & c. fin. de Judæis. Roman. Consil. 288. in casu proposito in princ.* Addit etiam: *Extende, multo magis in servo Christiano, quia licet efficiatur Christianus, non efficitur liber, quia Judæus non debet esse melioris conditionis quam Christianus*. Contra probare hæc duo capitula videntur, licet nostra adhuc sententia stet, quemadmodum videre est apud Barbosam, & Gonzalez in Comment. ad Tit. de Judæis. Gaspar vero Beatus de inope debitore creditori addicendo agens inter Tract. volum. 3. par. 10.

te 2. legem sua tempestate in Hispaniis vigentem refert, quâ debitor, qui satisfacere creditori non poterat, servus efficiebatur, quâ aspera lex an etiamnum obineat ignotum est mihi. Quibus positis jam apertissime patet, cui usui inferretur proposita Manumissio, sine qua ex familia nemo propria ad Sacros Ordines promoveri valebat. Nemo autem in Ecclesiasticâ eruditionis studio tam peregrinus est, ut nesciat Sacris iniciandos a Dominorum potestate solutos esse debere. Hoc integro titulo in Decretalibus de Serviis non ordinandis proditur; hoc tradunt Jvo parte 6. c. 130. 133. Burchardus lib. 2. c. 29. 32., & Concilia non pauca sanctionibus suis luculenter statuerunt. Sed Lectorem remittere juvat ad eruditionis opus Prænotionum Mystagogicarum auctore Nicolao Comneno Papadopoli Anno pastoretico Patensis vulgatum, ubi Respons. 12. sect. 5. hujusmodi sententia proponitur, atque probatur. In Codice nostro acta subsequitur manumissionis forma ex B. Gregorii sancta Registro, quam ore idem proprio discavit. Incipit: *Gregorius Montana, & Thoma. Cum Redemptor noster totius conditor Creatura &c.* edita autem est hæc inter opera & Gregorii Magni lib. 5. Epist. 12. Indict. XIV. quæ tamen Indictum in MS. nostro dicitur VIII.



## I N D E X

**Sanctorum Martyrum , quorum Corpora  
S. Gregorii Magni temporibus  
Romæ quiescebant.**

Notatio de Olea Sanctorum Martyrum ,  
qui Romæ in corpore requiescunt.  
Idest.

Sancti Petri Apostholi.	Sanctae Agnetis, & aliorum multorum Martyrum.
Sancti Pauli Apostholi.	Sancti Y . . . . . ion .
Sancti Pancrati .	Sanctae . . . . . cris .
Sancti Euthemi .	Sanctae Sapientiae .
Sanctae Sophiae cum tres filias suas .	Sanctae Spei .
Sanctae Paulinae .	Sanctae Fidis .
Sanctae Luci . . . . . ae .	Sanctae Caritatis .
Sancti Processi .	Sanctae Ceciliae .
Sancti Martiniani .	Sancti Frecicii .
Sancti Crisanti .	Sancti Cornili , & multa milia Sanctorum .
Sanctae Dariae .	Sancti Iohannis . S. Liberalis . . . . .
Sancti Mauri .	Sanctus Blastro , & multo- rum Sanctorum .
Sanctus Iason, & alii Sancti multa milia .	Sed & alii Sancti , idest CCLXII. in vnum locum, & alii CXXII.
Sancti Saturnini .	Alii XLVI. quos omnes S. Iustinus Presbyter col- lega
Sancti . . . . . nionis .	
Sancti Sylli .	
Sancti Laurenti .	
Sancti Yppoliti .	
Sanctorum Iohannis , & Pauli .	

lega S. Laurentii Marty-	Sancti Sylvestri .
ris. sepelivit .	Sancti Filippi, & aliorum
Sanctae Felicitatis cum sep-	multorum Sanctorum .
tem filios suos .	Sancti Sebastiani .
Sancti Bonifaci .	Sancti Luticii .
Sancti Hermetis .	Sancti Quirini .
Sancti Probi .	Sancti Valeriani .
Sancti Iacynthi .	Sancti Tiburti .
Sancti Maximiliani .	Sancti Maximi .
Sanctus Crispus .	Sancti Orbani .
Sanctus Herculanus .	Sancti Ianuarii .
Sanctus Basilio .	Sanctae Petronillae filiae
Sancta Basilica .	S. Petri Apostoli .
Oleo de Sede, ubi prius sedit	Sancti Nerei .
S. Petrus .	Sancti Damasi .
Sancti Vitalis .	Sancti Marcelliani .
Sancti Alexandri .	S. Acillei .
Sanctus Martialis .	Sancti Marci .
Sanctus Marcellus .	

\* Quas Olea Sancta temporibus Domni Gregorii Papae  
adduxit. Iohannes, indignus, & peccator Domnae  
Theodolindae Reginae de Roma .





IN INDICEM PROPOSITUM  
DISQUISITIO

Ad Clarissimum

P. CONRADUM JANNINGUM  
E Soc. JESU.

## SYNOPSIS DISQUISITIONIS.

*Antiquitas Catalogi hujus exploratur, & ad S. Gregorii Magni tempora refertur. Reliquias Sanctorum minime Romani Pontifices concedebant, sed tantum Sanctuaria. Quid hæc fuerint, perpenditur. Olea Sacra, alia a lampadibus, alia a tumulorum Sacrorum constanti miraculorum virtute imbuebantur, innumerabilium Martyrum Corpora quiescunt Roma. Dodanelli opinio refellitur. Prælitæes hujus Catalogi.*

**H**Abes, Clarissime Janninge, quod me poposceras, quod ego sponderam, antiquissimum videlicet Romanorum Martyrum Indicem. Et quidem publicis typis fidem meam liberare in animum induxi, non ut muneris tenuitatem palam ambitiose extollerem, sed ut quæ mea erga te sit observantia vel hunc dignoscere in promptu sit. Mitto impensum illud studium, quæ sacram Societatem Iesu prosequor, communis enim mihi est cum omnibus, qui pietatis, ac scientiarum lac ab illa suxerunt, hujusce obsequii causa, & venerationem illam hæc tantum significo, quam peculiare meritum tuum a me non tam poscit, quam dulciter extorquet. Nimirum quis bonis literis deditur eruditionem tuam non colat, ejus ope tot Sanctorum Acta, & vetusta Ecclesiæ monumenta illustrare pergis? Te enim opus exercet literariæ Reipublicæ utilissimum, Catholicæ Religioni necessarium, & cedro undequaque dignum, cui adornando ædium suum, collatis operis, dicavere magni viri Bolandus, & Henschenius, in quo promovendo celeberrimus P. Papebrochius collega tuus ad senectam usque ætatem insudavit, & utinam diu insudet. Hujusmodi conatibus, quibus apud seros nepotes Clarissimi illi viri famam suam commendarunt, successorem te fecit sapientia, sua, atque in te potissimum spera hucusque suam collocavere, nutriendæque eruditi. Ita non ex iis tantum, quæ adhuc præstitisti, sed ex iis etiam, quorum nobis spem facis, meritum tuum metiamur oportet. Atque ego sane tum alibi, tum in hocce libello imperare

mihî non potui, quin quanti apud me sis exprimerem, exiguumque etiam opusculum tibi inscriberem, cujus tamen in usu utilitatem non adeo modicam futuram spero, ut te desiderii, ac imperii, me sedulæ obedienciæ pœniteat. Quid igitur super hoc opusculo commentatus fuerim, en sub oculis tuis. Age, rem expediamus. Inter præclarissima Italiæ monumenta Musæum Septalianum Mediolani sitam absque eemeritatis metu numeramus. Maxima illi a rebus visu dignissimis commendatio est, neque minor a quibusdam antiquis rebus, quas temporum edacitas absumere non est ausa. Illinc Indicem istum describere mihi licuit, veniam dante Illustrissimo Francisco Septalio Nazarianæ Basilicæ Canonico. Quod maxime hujus Catalogi pretium auget, est ipsa, ut puto, scripturæ, ac papyri antiquitas. Hæc *Ægyptiaca* est, eamque minus periti *corteccia d'arbori* appellant, illa vero characteres exhibet non multum ab iis dissimiles, quos in celeberrimo Codice Ambrosianæ Bibliothecæ legimus. Scilicet apud nos in eadem papyro *Ægyptiaca* servantur Fl. Josephi de Judaicis Antiquitatibus libri nonnulli, quos Rufinus Aquilejensis Latine donavit, seu, ut in libro Observationum eruditum propediem edendo probavi, Cassiodorus ab amicis suis e Græco vertendos curavit. Exarati autem sunt ante annos mille & centum, uti vel ipse Mabillonius V. C. atque horum peritissimus censuit in Itin. Ital. pag. 12. Et quidem hic eruditissimus Pater quum Anno 1685. Italicas Bibliothecas lustraret una cum P. Michæle Germano Septalianum Musæum invisit, sibi que oblatum Indicem pro sua eruditione legit. Quin & ejusdem *ἱερίων* suis elaboratum manibus ibidem P. Germanus reliquit ad majus legentium commodum. In laudato vero Itin. Ital. pag. 14. rem paucis describere Clarissimi viri: *ibi Indicem, ajuat, reliquiarum, qua Roma tempore Gregorii Magni extabant, in charta Ægyptiaca exaratum legimus*. Utramque papyrum, recentem scilicet, ac vetustam simul contuli, atque exinde quantum licuit accurate in eruditorum gratiam huc derivavi. Temporis porro notam, quo scriptus iste Catalogus fuerit, non ex conjecturis, sed ex postremis verbis eruere fidenter possumus, ait enim Scriptor: *Quas olea sancta temporibus Domini Gregorii Papa adduxit Iohannes indignus, & peccator Domna Theodelinda Regina de Roma*. Hic Gregorii Magni tempus exprimi audimus, a quo probabiliter Reliquiarum illarum Index prodibat. Chartam vero ipsemet Iohannes conscripsit, neque enim *indignus*, aut *peccator* ab alio appellaretur. Itaque vides & hocce monumento Cl. P. Papebrochii Collegæ tui sententiam infirmari, qua suspicabatur quondam ille in Propyl. ad Tomum 2. Apr. num. 128. *Ægyptiacæ chartæ usum a Christo nato desisse, & pro illa membranarum invaluisse*. Quam rem utique eruditissime Cl. V. Mabillonius in opere de Re Diplom. lib. 1. cap. 8. pertractavit, aucturus profecto suæ solidioris sententiæ pondus, si & Catalogum laudatum, & vetustissimam Josephi versionem in Ambrosiana servatam

suif.

fuisſet oculis, uti poſtea fecit, ante conſulere potuiſſet. Hujus autem Ægyptiacæ papyri meminit Boſſincontrus Morigia in Chronico Modoëtiensî lib. 1. cap. 13., quod opus ante annos 355. Ambroſiana Bibliotheca MS. ſervat. Narrat hic Auctôr viſionem quandam cœlicus oblatam, atque inter alia ſic loquitur: *Per quemdam venerandiſſimum Clericum nomine Iohannem multas ſanctas, & infinitas reliquias cum maximis Indulgentiis, & Libros IV. Dialogorum, ſive de vita Sanctorum, & Dialogum cum Epiftola gratioſa ad dictum Sanctum Oraculum in Modoëtia Sanctiſſima Theodelinda Regina mandavit, quæ dictus Iohannes præſtando illa ſancta munera dixit: Hæc ſunt olea ſancta, quæ temporibus Dumni Gregorii Papa adduxit Iohannes indignus, & peccator de Roma in Modoëtia &c. quæ olea ſancta hodie in dicta Eccleſia ſunt ibi per ordinem ſcriptæ, & in pulcherrima arſa marmorea recluſa. Libro vero 2. cap. 4. addit: Librum veterem Bibliæ aperuit in quodam ſecreto loco dicti libri, ſicut Deo, & S. Iohanni placuit, ſcripturam unam reperit talis tenoris: Hæc ſunt olea ſancta &c. Bartholomæus quoque Zucchiuſ in Hiſtoria Reginz Langobard. Italice edita Anno 1613. cap. 22. ita ſcribit: Pontifex Gregorius Modoëtiam Diaconum Iohannem direxit cum humaniſſimis literis, & cum pretioſo munere Indulgentiarum, Privilegii, Evangeliftarii, & Reliquiarum, cuius Catalogum heic ſum expoſiturus. Extat etiam num ipſemet Index Roma delatus in arboreo cortice ſcriptus Langobardorum lingua. Tum Catalogum recenſet, eumque paucis expedit, fragmentum arundinis, duas ſpinas, ſpongiæ partem, S. Crucis fragmentum, & nonnulla alia referens, quæ ad Chriſti Redemptoris paſſionem, aut ad Dei-param, ac S. Iohannem Baptiſtam ſpectant. Addit reperiri adhuc Modoëtiaz multas Apoſtolorum, Martyrum, Virginumque reliquias, de quibus ſigillatim ſcribere nimis longum foret, item tredecim vaſa olei ab Apoſtolis benedicti, ut inſcriptio habet, itemque magnam ſtuppæ, ac pannorum linearum ſtrum Martyrum ſanguine tinctam. Verum miſus proprie loquitur Zucchiuſ, ubi papyrum Langobardorum lingua conſcriptam cenſet, quæ revera ex Latinis verbis conſtat, & dum tot reliquias a Gregorio Pontifice ad Theodelindam miſſas aſſignat, nam non reliquias Sanctorum, ſed olea benedicta tantum Iohannes Modoëtiam detulit. Quod ut clarius innotescat, tibi in memoriam revoco Gregorii ejuſdem verba ad Conſtantiam Auguſtam. lib. 3. Epiſt. 30. A Sancto Pontifice expetierat Conſtantia aliquas ex S. Pauli cineribus reliquias, ut in ejuſdem Apoſtoli honorem ædem ſacraret. Reſponder magnum Pontifex: *Cognoſcat autem tranquiſſima Domina, quia Romanis conſuetudo non eſt, quando ſanctorum reliquias dant, ut quidquam tangere præſumant de corpore, ſed tantummodo in pixide brandeum mittitur, atque ad ſacraſſima corpora Sanctorum ponitur. Addit: In Romanis namque, vel totius Occidentis partibus omnino intolerabile eſt, atque ſacrilegum, ſi Sanctorum cor-**

*perat tangere quisquam fortasse voluerit. Non igitur Gregorio magno id moris fuit, ut in alias regiones ab Urbe asportati Sanctorum lipsana fineret. Sed ut postulanti pietati consuleretur, brandea tantum (velamina scilicet vestes, ac lintea, quæ Sanctorum tumulos tetigerant) ejus temporibus transmitti solebant. Sic pretiosissimæ Sanctorum exuvie intactæ Romanis in Basilicis fovebantur, collatæq; brandeis miraculorum virtute, aliis in Urbibus Sanctorum Martyrum auxilium præsentissimum erat, ossa non colebantur. Et profecto assentiri non possum doctissimo viro Johanni Ferrando ex eadem, qua tu, Societate Jesu, quum lib. 1. cap. 3. art. 3. Disquis. Reliquiarum in eam concedere sententiam, ut ipsas Sanctorum reliquias, & ossa *Sanctuarii* nomine a Gregorio Magno designari arbitretur. Legamus tanti Pontificis verba per Ferrandum producta, & ex lib. 7. Epist. 12. petita: *Paulus, ait, Ecclesia Reatina Diaconus petitoria nobis insinuatione poposcit, ut ad fontes in Basilica B. Mariae semper Virginis, & Genetrixis Dei, ac D. N. I. C., qua est intra Civitatem Reatinam posita, reliquia Beatorum Martyrum Hermetis, & Hiacynthi, & Maximi debeant collocari. Et idcirco, Frater carissime, si in eodem loco nullum corpus constat humanum, Sanctuaria prædictorum Martyrum cum reverentia sine ambiguitate suscepta diligenter consecrabis. Alias præterea Gregorii Epistolæ citat, nempe Epist. 86. 87. 88. lib. 7., & Epist. 12. lib. 10. & Epist. 10. lib. 12., quibus a S. Gregorio reliquias Martyrum Sanctuaria appellari Ferrandus confirmet. Verum constanter censeo hoc a S. Pontificis mente abhorrere, illaq; tantummodo, quæ vel ipsis Sanctorum pignoribus, vel eorum sepulcris, & Lipsanothecis admota fuerant, Sanctuarii nomine insignita fuisse, quia quamdam venerationis, ac Sanctitatis speciem ex pio contactu recipiebant, ita ut miraculis non minus quam ipsa Martyrum ossa sæpissime distinguerentur. Ita me sentire cogit Gregorius ipsemet, cui loquenti aures adhibeamus lib. 7. Epist. 88. ad Constantium Mediolanensem Episcopum: *Lator, inquit, presentium Eusebius Diaconus Fraternitatis vestre nobis talia intimavit sibi a vobis injuncta, ut reliquias B. Pauli Apostoli, sed & B. Iohannis, & Pancratii per eum ad vos dirigere deberemus. Quam petitionem vestram curavimus effectui mancipandam. Fraternitas ergo vestra solito studio perscrutari non differat, quatenus in locis, quibus recondenda sunt, luminaria, vel alimonia ibidem servientium ante dedicationem loco ipsius debeant erogari, & tunc in eisdem locis directæ Sanctuaria sui cum reverentia collocentur &c. Viden' heic delata Mediolanum B. Pauli Apostoli, aliorumq; Sanctorum Sanctuaria? At hæc eorumdem Sanctorum ossa nequaquam fuere, quum uti supra ex ipsomet Gregorio vidimus, vel ipsi Constantiæ Augustæ denegata fuerint. Igitur heic sub Sanctuarii vocabulo ea tantum designabantur, quæ a sacrorum pignorum, aut tumulorum contactu virtutem miraculorum hauserant. Verum, inquires, hujusmodi Sanctuaria tum in hac, tum***

in superius producta Gregorii Epistola *Reliquia Sanctorum*, nuncupantur. Non abnuo; sed hinc edocemur, Reliquiarum nomen non cineribus tantum, sed ipsis etiam rebus, quæ Sanctos viros, eorumve tumulos attigissent, tributum fuisse. Sic *Reliquia* tum ossa, tum *Sanctuariorum* dicebantur, *Sanctuariorum* vero ea dumtaxat, quæ uti diximus Sacris Sanctorum tumulis admota fuissent. In Concilio Romano sub Zacharia Pontifice Anno 745. damnatur Aldebertus hæreticus, *quia capillos, atq; ungulas suas populis pro Sanctuario exhibuit*. Hunc quoq; locum Ferrandus memorat, ut Sanctuarii nomen ipsis Sanctorum lippisanis olim convenisse probet; quum tamen capilli, atq; ungulæ non corporum partes, sed excrementa sint, idcirco *Sanctuariorum* appellari rectissime possunt. Igitur quum Gregorius Magnus a se Reliquias Sanctorum, seu Sanctuariorum concedi affirmat, non eorundem Sanctorum ossa, sed Brandea tantum, seu linteamina continuo sunt intelligenda. Qua de re præter laudatas a Ferrando Gregorii Epistolas legenti occurrent Epist. 52. lib. 1. & Ep. 9. lib. 2. In Epistola vero 50. & 51. lib. 5. ad Palladium Episcopum, & ad Brunichildam Francorum Reginam scribens, se ad illos mittere ait Reliquias Sanctorum Apostolorum Petri, & Pauli; quibus verbis non ossa, uti dicebamus, sed Sanctuariorum omnino designantur. Atq; his affinia sunt, quæ ad Hormisdam Pontificem Legati Apostolici scripsere A. Ch. 520. dum Constantinopolim agerent. Eorum verba apud Baronium legantur. Sed ut ad nostra revertamur, vidimus Gregorii M. tempore minime id moris obtinuisse, ut Sanctorum ossa ab Urbe alio transferrentur. Hoc etiam animadvertenter laudatus Annalium parens Baronius ad diem 15. Julii. In suspicionem tamen nos induci nollem iccirco, sacrarum Reliquiarum translationes post Gregorii tantum tempora in Occidente ortum habuisse, ut idem Baronius eo loco sentire videtur his Gregorii verbis innixus: *Romanis namq; vel totius Occidentis partibus omnino intolerabile est, & sacrilegum, si Sanctorum corpora tangere quis fortasse voluerit*. Etenim vel sub ipsius Constantini M. Imperio piam hanc consuetudinem invaluisse ex S. Paulini Natali XI. probavi in Dissert. XIX. Tom. 1. Anecdor. Quibus consideratis non ossa, Reliquiasve Apostolorum, ac Martyrum, ut opinatur Zucchi, ad Theodelindam a Gregorio Pontifice missa fuisse, verum olea tantum, & *Sanctuariorum*, quæ sacrarum pignorum vices implebant, exploratum arbitror. Quidnam vero hæc olea fuerint, breviter inquiremus; Alia enim, ut recte nostri, antiquitus erant, quæ a lampadibus ante Sanctorum sepulcra ardentibus petebantur, alia, quæ iisdem Martyrum tumulis admovei privata religione solebant. Per utrumque olei genus SS. Martyres quamplura miracula operabantur. Venantius Fortunatus lib. 4. de vita S. Martini morbum ab oculis suis depulsum testatur ex oleo lychni, qui ante S. Martini imaginem Ravennæ ardebat. Ait ille:

*Quo procul ut tetigi benedictio lumen olivæ,  
Igneus ille vapor marcenti fronte recessit,  
Et præsens medicos blando fugat unguine morbos.*

Ex antiquissima S. Nicetii Lugdunensis Episcopi vita, quam Tomo primo Aprilis die 2. retulere ex Chiffletio Clarissimi Collegæ tui Henrichenius, & Papebrochius, quemdam legimus a vesani spiritus vexatione liberatum, ubi *per frontem ejus, os, vel aures de oleo de ciciudehis* (scilicet lucernis) *qui ad memoriam erant B. Pontificis Nicetii, fideliter Crucis signacula facta sunt*. Sic in Actis S. Zosimi Episcopi Syracusani Tom. 3. Martii ad diem 30. *Theodora quadam genere Alexandrina quum graviter ex oculis laboraret, desperassetque de salute, ad S. Zosimi sepulcrum confugiens oculos quotidie perungebat oleo bychnorum ante sacrum loculum pendentium, & voti compos facta, planeque curata est*. Tomo 2. Januar. ad diem 31. ex antiquissimis Actis eisdem nomine Calo pes fractus restitutus dicitur virtute olei, quod in lucerna servabatur ante sepulcrum SS. Cyprii, & Johannis. Plura prætermitto, hoc solum addens, antiquissimis temporibus in Ecclesia Dei usurpatum, ut ante Sanctorum tumultuosas lampades accenderentur, quod ex S. Paulino luculenter probasse mihi videor in Dissert. XVI. Tom. 1. Anecd. Alia vero olei species inter Catholicos in usu habebatur, cui itidem miraculorum virtus inerat: Coniciebatur autem hoc pacto: Tumulis Sanctorum Martyrum, & capsulis, ubi condebantur sacri cineres, superstruebatur, ita ut tabula quædam marmorea pavimentum tegeret, clauderetque sepulcrum. In hac tabula una, aut gemina fenestra aperiiebatur, per quam immitti a Fidelibus vasa oleo, nardo, aut balsamo plena solebant. Hinc propius tacta Sarcophagi superficie liquores retrahebantur, quibus celesti gratia adveniente prodigiis coruscare postmodum dabatur. S. Paulinus Nolanus in Nat. XIII. piz istius consuetudinis eleganter meminit. Paulinus vero aliter, cui Petricordii agnomen, in lib. 5. de vita S. Martini hac de re ita loquitur:

*His persape locis, quibus hac vicinia prestat,  
Pacificum exponunt per vascula pura liquorem.  
Desuper infusi mutandum neßare roris,  
Quo fluit in Sanctum celestis gratia succum.*

Et hunc morem innuisse mihi videtur Aur. Prudentius in Hymno XI. *περὶ Ἐνσάρων*, ubi de iis loquitur, qui ad S. Hippolyti Martyristumulum continebant:

*Oscula perspicuo figunt impressa metallo,  
Balsama diffundunt, fletibus ora rigant.*

Plura de hujus olei virtutibus exempla in medium proferre possem, nisi temporis, tuæque patientiæ rationem habendam ducerem. Tertium olei genus prætereo, cujus virtute, quum a Sanctis viris benedictio illi collata fuisset, mirabiliter morbi fugabantur; hujus enim exempla

pla tum in Actis Sanctorum, tum in Historia Lausiaca cap. 13. in Beniamini vita, cap. 20. in Macario Alexandrino, & cap. 43. in Jo: Lycienſi, alibique ſuppetunt frequentiffima. Olea igitur illa, quæ a Gregorio Magno ad Theodelindam in Catalogo miſſa dicuntur, aut e lucernis ante SS. Martyrum tumulos ſuſpenſis deſumpta fuere, aut e ſepulcrorum contractu quamdam ſanctitatis ſpeciem acceperant, ita ut reliquiarum ſacrarum loco forent habenda. Quis porro fuerit Johannes ille, qui ſe hæc ad Regiam detuliſſe ſcribit, ignotum eſt. Facile tamen adducor ut credam, eundem illum eſſe, cujus mentio occurrit in Epiſt. 1. lib. 3. S. Gregorii. Scribens S. Pontifex ad Conſtantium Episcopum Mediolanenſem ait: *Johannes vero Subdiaconus noſter multa nobis bona tuæ fraternitatis rediens nunciavit.* Quum ad Conſtantium ſe contuliſſet Johannes iſte, ſimile vero mihi videtur, & ad ipſam Theodelindam diverſiſſe, ut Gregorii nomine delatis donis illius religionem foveret. Epiſt. quoque 34. lib. 7. ad eundem Conſtantium ita ſcribit Gregorius: *Lator præſentium Johannes vir memorandus, qui Præſectura vices illic acturus advenit, noſtra ſe petiit Epiſtola commendari.* Probabilius tamen videtur Subdiacono, quam laico viro ſacra illa pignora fuiſſe commendata. Quod reliquum eſt, moleſte fero, nullam a Gregorio muneris hujus memoriam fuiſſe relictam. Superſunt quidem nonnullæ ejusdem Epiſtolæ ad Theodelindam, ſed ne verbum quidem de hiſce oleis ibi. In Epiſtola 7. lib. 12. hæc ad illam ſcribit: *Excellentiſſimo autem Filio noſtro Adulovvaldo Regi transmittere philateria curavimus, id eſt Crucem cum ligno S. Crucis Domini, & lectionem S. Evangelii theca Perſica incluſam.* Philactoriorum nomine hæc bullas, thecaſve intelligi ſacris reliquiis plenæ optime noſti, ait enim Johannes Diaconus lib. 5. cap. 8. de vita ejusdem Magni Pontificis: *Quod autem reliquiarum philacteria tenui argento fabricata, vilique pallio de collo ſuſpenſa fuiſſe videntur, habitus ejus mediocritate demonſtratur.* Dudo quoque lib. 2. de Actis Normann. ſcribit:

*Reliquiæque ſimul, philateria, Cruxque verenda.* uti legere eſt apud C. V. Duſſreſnium in Gloſſ. med. & inf. Latinitatis, ubi permulta hujusmodi exempla proponuntur. Nunc autem de Catalogi noſtri utilitate reſtat ut aliquid diſſeramus, quamquam me non fugiat, mea mihi fortasſe ſupra eorum dignitatem a me æſtimari, pretiumque munuſculi hujus a mea potius opinione, quam ab ejus præſtancia pendere. Itaque primo hinc diſcimus, quam multis Martyrum exuviis, ſacrisque corporibus Gregorii tempore Roma abundare. Scilicet turba illa erat, *quam dinumerare nemo poterat, & cujus glorioſas animas Johannes Apoſtolus in Apocalypſi Prophetice vidit, nobiſque ſignificavit.* Martyres non pauci nomen ſuum illic ab oblivione intactum ſervabant, innumerabilium vero cineres ſine nomine, ſed non ſine juſto honore ſacris in tumulis ſervabantur. Leguntur hæc

*S. Iason, & alii Sancti multa milia, S. Agnetis, & aliorum multorum Martyrum. Deinde S. Cornili, seu Corneli, & multa milia Sanctorum. S. Blasii, & multorum Sanctorum. His accedunt CCLXII. & CXVII. & XLVI. quorum corpora, ut in antiquissimis etiam Actis apud Suerium die 10. Augusti refertur, post præclarissimum S. Laurentii certamen Iustinus Presbyter, & Iohannes nocte collegerunt, & sepelierunt in crypta in via Salaria VIII. Kal. Novemb. Sequitur memoria S. Filippi, & aliorum multorum Sanctorum, ut plane pateat numerum Martyrum, qui Romanis in Basilicis condebantur, colligi non potuisse. Quare mirari subit Henrici Doduvelli, viri alioqui eruditi, opinionem in Dissert. Cyprian. de paucitate Martyrum, ubi paucos Christi fideles Ethnicis insectantibus Martyri palam donatos contendit. Infelicem profecto operam lussit ille, qui ut ingenio pollentem se proderet, sibiq; ab audaci sententia famam compararet, in eam raptus est necessitatem, ut summum decus Christianæ Ecclesiæ, cui vel ipse, hæreticus licet, nomen dedit, eriperet, seque, si Superis placet, Tyrannorum protectorem, ac patronum præstaret. Equidem nolim vadem me pro illis offerre, qui omnibus Sanctorum Actis fidem habendam arbitrantur; quin facile in eam pendeo sententiam, ut a sequiorum seculorum ignorantia, ac pio errore multa in Ecclesiam Dei incredibilia, imo falsissima fuisse illata censeam. Sed longe plura SS. Martyrum Acta peruisse cum scimus, tum etiam dolemus. Nam si una in Urbe tot Christiani veram fidem sanguine, ac morte sua testati sunt, ut eorum numerus ad quamplura milia ascenderet, imo omnem fugeret recensioem, quanta Martyrum multitudo futura fuit in toto terrarum orbe, per quem Tyrannorum rabies se quoque effudit? Quamquam & infirma Doduvellianæ opinionis fundamenta omnino convulsa sunt a Clarissimis viris Antonio Pagio in Critica Baroniana, ac a Theoderico Ruinartio Monacho insignis Congregationis S. Mauri in Actis primorum Martyrum sinceris. Verum quia minime defuturos censeo, qui Doduvelli defensionem suscipiant, vereor ne Gregorium quoque Magnum aliquot seculis ab insectationum temporibus remotum veluti impostoræm, auctoremve nimis credulitatis suspitione aspersum conviciis excipiant, Doduvelli ipsius more, qui a Monachis otiosis tantam Martyrum multitudinem falso nobis obtrusam commentus est. At otiosis Cœnobitis accensere certe non audebunt Leonem Magnum, qui in Serm. 1. de Natali Apostolorum hæc habet: *Vnde duo ista præclara divini sermonis germina in quantam sobolem germinarint, beatorum MILLIA Martyrum protestantur, qui Apostolicorum amuli triumphorum Urbem nostram purpuratis, & longe lateque rutilantibus populis ambierunt, & quasi ex multarum honore gemmarum conferta uno diademate coronarunt.* En tibi beatorum Martyrum milia, quorum triumphis Romana Ecclesia illustrata fuerat. Illorum vero multitudo non tantum ex S. Gregorii, sed etiam ex S. Paulini Episcopi*

Nolani



Nolani mente, numero comprehendendi non poterat. Dabo ejusdem carmina ex Natali XIII.

*Heic Petrus, ac Paulus procures, heic Martyres omnes,*

*Quos simul innumeros magna tenet ambitus Urbis &c.*

Tanto Scriptori, qui postremo insectationum seculo floruit, fidem habendam nemo ratione constans negabit. Quid si Aurelium Prudentium quoque a nobis stantem producamus, & ipsum seculi a Christo nato quarti Scriptorem? Ejus utique fidem, ac dicta vel Doduvellus deosculetur, quum ejus silentio ad suam sententiam roborandam fuerit usus ita scribens: *Sub seculi quarti finem scripsit rpi Ἐπαύρων Prudentius in Latinos & Martyras, præcipue Hispanos, sed & illos paucissimos.* Inquit igitur magnus ille Poeta in eodem Libro Hymn. 2. de S. Laurentio.

*Vix fama nota est, abditis*

*Quam plena sanctis Roma sit,*

*Quam dives urbanum solum*

*Sacris sepulcris floreat.*

Idem etiam in Hymno XI. de S. Hippolyto ita loquitur:

*Innumeros cineres sanctorum Romula in Urbe*

*Vidimus, o Christo Valeriane facer.*

Tum addit ex tanta Martyrum copia plures nomine, aut epigrammate cognitos illic videri; multorum legi solum numerum; innumerabiles vero esse, qui neque nomine, neque numero distinguerentur. Audiamus:

*Plurima literalis signata sepulcra loquantur*

*Martyris aut nomen, aut epigramma aliquid.*

*Sunt & multa tamen tacitas claudencia turbas*

*Marmora, quæ solum significant numerum.*

*Quanta virum jaceant congestis corpora acervis*

*Nosse licet, quarum nomina nulla legis.*

At, inquit Doduvellus, diligentissime olim Martyrum Acta literis mandabantur, quumque per univas Ecclesias ea monumenta spargerentur, fieri non potest, ut perire pecuerint. Et nihilominus temporibus nostris tot Martyres sine nomine jactantur, aut eorum Acta a recentioribus concinnata feruntur non sine patenti veritatis periculo, aut detrimento. Verum in Diocletiani, ac Maximiani insectatione, imo inter alias Christianæ Ecclesiæ ærunas hujusmodi Acta exeidisse, tam misve tradita fuisse, pluribus demonstrare fas esset; unum tamen heic Prudentii testimonium præ cunctis erit. Inquit autem Hymno primo de SS. Martyrib. Calagurritan. Nemeterio, & Cheledonio:

*O vetustatis silentis obsoleta oblivio!*

*Invidentur ista nobis, fama & ipsa extinguitur.*

*Chartulas blasphemus olim nam satellites abstulit,*

*Ne tenacibus libellis erudita secula*

*Ordinem, tempus, modumq; passionis proditum*

*Dulcibus linguis per aures posterorum spargerent &c.*

Ad Martyres redeo, quorum innumerabilem copiam in Urbe æterna traditam tumulo diximus. Quod si insigne opus Pauli Aringhi de Roma subterranea consulamus, nonne statim pluribus ex documentis liquet totam Romam continuatum esse, ut ita dicam, interruptumque sacrorum cinerum sepulcrum. Una Basilica Vaticana adeo Sanctorum Martyrum corporibus abundat, ut multa eorundem millia ibidem asserventur, quemadmodum Summi Pontifices Nicolaus IV., & Joannes XXII. in suis Diplomatis apud ipsam Basilicam custoditis scribunt, referente Jacobo Grimaldo in Catalogo MS. sacrarum Reliquiarum eiusdem Basilicæ: Quum autem tot ibidem Sanctorum ossa servarentur, hinc factum est, ut paucis sepulcri locus in venerabili templo illo concederetur, adeoque nostris temporibus pia hæc retineatur consuetudo, ut solis summis Pontificibus, aut magnis Principibus id liceat. Sic tantæ Basilicæ pio honori cautum est, ne cum sacris cineribus profana cadavera confunderentur. Quod si quis olim in hoc templo tumulam invenire cupiebat, veniam, ac facultatem a Romanis Pontificibus impetrare ante cogeatur. Refert propterea Aringhus lib. 2. cap. 10. Romæ Subterræn. Epitaphium Fl. Maximi V. C. cui ab *Hormisdæ Pontifice locus in Basilica B. Petri concessus fuerat*. Ego vero alium huiusmodi lapidem producam ibidem repertum Anno 1617. XI. April., & quem vulgatum nusquam inuenio:

LOCUS. MARCELLI, SUBD. REG. SEXTE:  
CONCESSUM. SIBI. ET. POSTERIS. EIUS  
A. BEATISSIMO. PAPA. JOANNE.  
QUI. VIXIT ANN. PL. M. LXVIII.  
DEP. P.C. BASILI V.C. ANN. XXII.  
IND. XI. UNDECIMU. KAL.  
JANUARIAS.

Secundo quum omnium Martyrum, qui nostro in Catalogo memorantur, corpora Gregorii ævo in Urbe colerentur, ubi videre contingat, ex his aliquem aliis in locis nunc quiescere, continuo monebimur, illuc a Romanis tumulis sacros cineres fuisse translatos. Exemplum accipe. S. Quirinus Romæ pro confessione Fidei interfectus, ibidem etiam sepulcro traditus fuit. Quum vero gemini hujus nominis Martyres in Martyrologiis recensentur eadem in Urbe coronam consequuti, utriusque tamen corpora nunc aliis in regionibus conduntur. Unus in Tergerenseano Bavaricæ Monasterio die 25. Martii, alter Novessii ad Rhenum requiescunt, uti a Clarissimis Henfchenio, & Papebrochio in Actis Sanctorum adnotatur. Recte igitur traditum est, unum saltem eorum ab Urbe illuc fuisse translatum. Tercio quorundam

dam Martyrum nomina heic tibi occurrent, quæ non tam facile alibi reperias. Et profecto nullus dubito, si magno Cardinali BarONIO Index iste fuisset ad manum, quin ille Romanum Martyrologium fuisset autur. Quis enim decentius eo in libro locum obtineat, quam qui Romæ olim cum Martyrii palmam, tum sepulturam invenere? Heic igitur descriptos videas (si tamen absq; mendis nomina redduntur) S. Sapientiam, S. Freccium, S. Liberalem, S. Baufonem, S. Blastronem, & S. Laticium, quorum, ut aiebam, nulla in Romano Martyrologio occurrit mentio. Equidem quod est ad S. Sapientiam, lubenter in eam concedo sententiam, ut arbitrer eam a S. Sophia nequaquam distingui, quam supra his designatam verbis video: *S. Sophia cum tres filias suas.* Etenim hæc tres S. Sophiæ filias, nempe Spem, Fidem, & Caritatem post S. Sapientiam nomen expressas iterum legimus. Tuum itaq; erit diligenter perpendere, quo titulo eadem nomina repetita fuerint, uti etiam an S. Blaastro cum S. Blaastro conveniat, qui Romæ Martyrium absolvit, ut fidem facit die 17. Junii Martyrologium sub Hieronymi nomine evulgatum. De S. Liberale meminit Ferrarius in Catalogo SS. Ital. ad diem 30. Decembris, eumq; ex MS. Episcopum Canusinum, ac Romæ capite plexum tradit. De reliquis Martyribus nihil dicendum superest, nisi quod vobis præsidium hinc obventurum est, si aliis in Martyrologiis eorum nomina se offerant. Tandem animadvertas Petronillam S. Petri filiam heic nuncupari, quam appellationem, uti ad diem 31. Maii in Actis SS. adnotavit Cl. Collegæ tui, in antiquis Codicibus raro inveniri, compertum habemus. Sed jam habes, Janninge eruditissime, enormem commentarium in exiguum opusculum, habes obsequii mei infirmum pignus, utrumq; fortassis inutile tibi, si id meriti mei modulo, non ex tuæ humanitatis ratione metiaris. Ego interim tibi, Clarissimoq; P. Papebrochio, meliora è Cælo precor otia, ut interruptam studiorum vestrorum lineam in Ecclesiæ Catholicæ commodum, atq; in literarum progressum alacrius repetatis. Libris vero vestris ut pax reddatur, ut honor restituatur, una cum omnibus literarum, ac veritatis cultoribus vehementer opto. Et quis modo hanc vobis felicitatem non spondeat? Si rationum vestrarum firmitas, si adversariorum vestrorum minus æquæ accusationes perpendantur, si animo præjudiciis expurgato ad sententiam eatur, non dubito, quin a vestris partibus stet victoria. In eam enim Urbem, atq; in illud Tribunal causam vestram agitandam intulistis, ubi tot eruditissimi viri melioribus literis dant operam, ubi quot eruditos invenias, eosdem etiam scias æquitatis amantes. Atq; utinam votum spemq; meam brevi completa intelligam; tunc enim non vobis tantum pro pace recuperata, sed universæ literatorum Republicæ gratulabor, quum omnium intersit tum utilissimi operis, tum veritatis triumphum inspicere. Vale.

# CHRONICON

## REGVM ITALIAE.

**D**ie Sabbati, quod est decimo die mensis Aprilis, & fuit in eo die secundum Paschæ Civitate Arlenda migravit ab hac die Rodolphus Rex. Regnavit annos V.

Deinde venit in Italia Dominus Vgo Rex. Ab ea die regnatum annos XXI. expletos, & menses VIII., & dies III., & filius ejus Lautharius ab ea die regnatum cum ipso genitori suo annos XVI. & dies VI. Post decessum ipsius Ughoni regnavit ipse Lautharius annos III. expletos, & menses VII. & dies II. Obiit dies Veneris, qui est decimo Calendas Decembris Civitate Taurirensium. Erat tunc in die onora.

Fuit itaq; tunc Regnum sine Rege eo tempore dies XXIV. & in vicesimo quarto die, qui fuit die Dominico XV. die Decembris in Basilica S. Michaelis, quæ dicitur Major, fuerunt electi, & coronati Berengarius, & Adalbertus filius ejus in Regibus. Et regnaverunt in pace annos XII. & viscerunt se, postquam coronam acceperant, annis XX. & IV. & mensibus IV. & dies V.

Oto Imperator regnavit annis XI. & menses IV.

Item Oto filius ejus regnavit post decessum genitori suo annis X. & habebat regnatum cum ipso genitori suo annis VI.

Defuncto secundo Otone fuit tunc Regnum sine Regem annos V. & menses IX. Die Veneris, quod est decimo Kal. Februar. in finibus Romani ad locum, qui vocatur Paterne apud ipse Oto Imperator Indiction. XV.

Fuit tunc Regnum sine Rege XXIV. dies. Die, qui fuit Dominico, & fuit XV. die mensis Februar. in Civitate Papia inter Basilicam S. Michaelis fuit coronatus Ardoinus Rex, & regnante annos duos, & menses II.

Et in die Dominico, qui fuit die Mensis Madii inter Basilicam Sancti Michaeli, quæ dicitur Majore, fuit electus Henricus, & coronatus in secundo die, qui fuit die Lunæ XII. die Mensis Madi, & coronatus Civitate Papia ab igne combusta fuit. Et regnavit Annos X. minus menses IV. Et in Festivitate Cathedræ S. Petri VIII.

VIII. Kal. Mart. fuit coronatus ad Imperatorem, & imperavit Annos XII. & menses V. minus dies IV.

Et fuit tunc Regnum sine Rege annos II. & menses VII. & dies IV. Et tunc fuit coronatus Chunradus in Roma VIII. Kal. Junias. Et percurrit Indictio XI. & anni Incarn. Domini Millesimo vicefimo octavo. MXXVIII.

## A L I U D C H R O N I C O N :

**I**N Nomine Domini Ugo Rex, & Lautharius filius ejus regnavit infimul annos XX. Post vero ipsius Ugoni decessum ipse Lautharius filio ejus regnavit annos III.

Deinde regnaverunt Berengarius, & Adalbertus filio ejus infimul annos XI.

Deinde venit primus Otto in Italia, & privavit Regnum eorum Berengarium, & Adalbertum, & fuit translatum ad Imperatorem. Et imperavit annos XI. & menses III. & dies VI. antequam ejus filius Otto fuisset Imperator.

Postquam ipse secundus Otto fuit coronatus ad Imperatorem, esse, imperavit annos XXI. mensibus III. diebus VI. Ipsi ambo infimul anni VI. Post autem ipsius primi Ottonis decessum prædictus filius secundus Otto imperavit annos X. cum patre annis VI. mensibus III. diebus VI.

Et fuit intervallum post ipsius decessum, antequam tertius Otto fuisset coronatus ad esse Imperatorem, annos XII. Imperavit ipse tertius Otto Annos V. & menses VIII.

Post ipsius decessum regnavit Ardoinus Rex annos II. & menses II. & dimidio.

Deinde venit Anricus Rex, & imperavit Regnum eidem Ardoinus. Fuit coronatus ad Regem in Papia tertio die ante festivitatem Sancte Xiri, quæ fuit in medio Madio. Et habet modo regnatum IX. annos, & dies IX. XII. Kal. Junias odie. Et percurrit Indictio XI.

Pro omni tempore munnit Indictiones octavo Kal. Octubris, hoc est septimo die exiente mense Septembri anno Incarnationis Domini N. I. C. millesimo XII. Ugo intrabit Rex, & percurrit Indictio octava. Lautharius intrabit, & percurrit Indictio quarta.

Beren-

Berengarius quando intrabit Rex , & percurrit Indictio VI. Quando intrabit Otto Rex , percurrit Indictio VII. Otto filius item Ottonis , percurrit Indictio III. Quando intrabit Rex tertius Otto , percurrit Indictio XV. Quando intrabit Rex Ardoinus , & percurrit Indictio I. Quando intrabit Rex Anricus , percurrit Indictio XI. Quando fuit Lotharius , fuit interualle *egressi*. Intrabit Rex , & fuit Incarnatio Domini N. I. Ch. DCCCCLXV. Et quando Berengarius migravit , erat DCCCCLXV.

## A D N O T A T I O N E S in hæc Chronica.

**G**Eminos MS. Codices per vetustos in Ambrosiana Bibliotheca servamus, quorum prior Capitularia Regum Francorum, alter Langobardorum leges complectitur. Hic circiter Ann. Christi MXIII. ille Anno MXXVII. Lexarati fuere, & olim in Cœnobio quodam, ut ibi notatur, extabant Oſcelæ ſito, quod vulgo *Suſa di Savoja* appellatur. Multa hinc diſcas, quibus Regum Ital. Chronologia ampliſcitur, nonnulla etiam, quibus reſtituatur. Præter alia heic animadvertas, Regio nomine inſigniri Arduinum, quem Henricus Imperator inter Cœlites poſtea cooptatus acerrimo bello inſectatus eſt, eumque Ticinenſi in Urbe corona Italica fuiſſe redimitum. Regnum illius duobus tantum annis, duobus menſibus, & aliquot diebus conſtaſſe dicitur. Hunc tamen Arduinum Dicmarus hb. 4. Hiſtor. *Regem à Langobardis falſo appellatum* ait, & in eandem ſententiam plerique Germanici Scriptores ivere. Utri ex his partibus ſtet veritas, inquiram ego ſortaiſſis in *Diſquiſitione de Corona Ferrea* hoc ſecundo Tomo includenda. Diverſam etiam rationem temporis, quo Conradus Imperator Romanam Coronam ſuſcepit, heic obſerves; reliqui enim Hiſtoriographi à Baronio laudati Anno Chriſti 1027. illum à Joanne Pontifice die Sancto Reſurreccionis Dominicæ inunctum, & coronatum, affirmant, quod tamen VIII. Kal. Junias peractum hoc in Chronico legitur. Quod eſt ad Annos, quibus tertius Otto Romanorum Imperatorem egit, recte notatis hæc video. Quum enim An. Ch. 996. V. Id. Maii Romæ aureum diadema acceperit, annosquæ deinde V. & menſes IX. imperaſſe dicatur, ejus mors iccirco in Annum 1002. & in menſem Februarium eſt conſicienda. Quare iis auſcultandum non eſt, qui falſa temporum ratione ducti in Anno ſuperiore, hoc eſt 1001. Caſaris hujus interitum figunt. Hoc Emin. etiam Baronius animadvertit. Ceterum & hinc percipimus, Auguſtorum annos à die tantum ſuſceptæ Romanæ Coronæ numerari olim conſueviſſe, quem morem aliis ſcriptori-

coribus usurpatum cognovimus. Tandem ope Indictionum heic descriptarum tempora facilius intelligas, quibus Italicum sceptrum Reges obtinere. In nostro autem Codice, ubi Regum Francorum Capitularia leguntur, post Chronicon Constitutio Henrici Imperatoris, ut arbitror, primi sequitur, quam quia hucusque non editam censeo, huc derivare par est.

### Constitutio Henrici primi Imperatoris!

Henricus gratia Divinae miserationis Romanorum  
Imperator Augustus.

**O**mnibus nostris fidelibus presentibus etiam & futuris notum fieri volumus, quod semper Reipublicae providentes, quae digna sunt, probabilius personarum nostri Imperii fidelium acceptione disponimus. Cum enim pro excellentia nostri Regni, & pro utilitate multimoda demoraremur in Civitate Argentina, quae vulgari nomine Straburge vocatur, multorum perlatum est ad nos relatione, quod plurimi tunc erant, qui sub occasione his periculis laborabant. Unde etiam digna provisione omnibus succurrentes, attestatio- ne quamplurimum nobis astantium fidelium Archiepiscoporum, Mediola- nensis videlicet, & Treverensis, Episcoporum quoque Transburgensis, Placentini, Cumani, Vercellensis, Parmensis, Aqueusis, Lunensis, Vul- terrensis, Marchionum quoque & Comitum Italibensium, nobilium vero multorum Pavaſorum, sapientium, & ludicum, inter multa, quae Rei- publica congruebant, tria Capitula inseruimus, quae & ab omnibus no- stri Imperii observentur, stabilique observatione teneantur amodo, & deinceps statuimus, iubemus, & firmiter praecipimus. Haec sunt, quae inviolabiliter observari iubemus.

Cap. I. Quicumque ex quacunque natione legitimam uxorem acce- perit, vel acceperit, si eam mori contingerit sine filiis, filiabusque eorum- amborum, vir sua uxoris succedat, & omnia bona eius percipiat.

Cap. II. Quicumque propter cupiditatem rerum patrem, aut matrem, aut fratrem, aut sororem, vel nepotem, vel aliquem suum propinquum per se, aut per alium interfecerit, hereditas interfecti ad alios suos le- gitimos heredes perveniat. Interfectoris vero hereditas in Fisco redi- gatur. Ipse vero ordinante Episcopo publica poenitentia subdatur. Quod si ille, qui crimine arguitur, negare voluerit, per se pugnam faciat, nec liceat ei Campionem pro se dare, nisi decrepita aetas, aut juvenilis, aut infirmitas pugnare prohibuerit.

Cap. III. Qui infra trevram, vel datum pacis osculum, aliquem hominem interfecerit, & negare voluerit, pugnam per se faciat, nec Campionem pro se dabit, nisi ut dictum est supra. Si vero convictus fue- rit, manum, qua homicidium fecit, amittat.

VETV.

VETVSTISSIMI VERSVS,  
qui olim in Bibliotheca S. ISIDORI  
Hispalensis Episcopi legebantur.

**Y**sidori Spalensis Episcopi extant versus titulis Bibliothecæ.  
Sunt heic plura sacra, sunt heic mundialia plura,  
Ex his, si qua placent carmina, tolle, lege.  
Prata vides plena spinis, & copia floris;  
Si non vis spinas sumere, sume rosas.  
Heic gemmæ radiant veneranda volumina Legis,  
Condita sunt pariter heic nova cum veteri.  
Ille Origenis ego Doctor verissimus olim,  
Præreptus subito lingua nocente fui.  
Condere, si credis, studui tot millia libros,  
Quot legio missos ducit in arma viros.  
Nulla meos unquam tetigit blasphemia sensus,  
Sed vigil, & prudens tutus ab hoste fui.  
Sola mihi casum Periarchum dicta dederunt,  
His me conjectum impia tela premunt.  
Gallia me genitum, me Piæavis ore tonanti  
Doctorem Hilarium misit alumna suum.  
Ambrosius Doctor signis insignis, & Hymnis,  
Enitet heic titulis, enitet eloquiis.  
Mentitur, qui te totum legisse fatetur,  
Aut quis cuncta tua Lector habere potest?  
Namque voluminibus mille Augustine refulges;  
Testantur libri, quod loquor ipse, tui.  
Quamvis multorum placeant volumina libris,  
Si Augustinus adest, sufficit ipse tibi.  
Hieronyme Interpres variis doctissime linguis  
.....  
Te Bethlem celebrat, totus te personat orbis,  
Te quoq; nostra tuis Bibliotheca libris.  
Nomine Joannes Chrysostomus inde vocatur,  
Aurea quod nostrum lingua coruscat opus.  
Constantinopolis me præceptore refulget,  
Et celebror libris Doctor ubique meis.

Origenes.

Hilarius.

Ambrosius.

Augustinus.

Hieronimus.

Joannes Chrysostomus.

Com.



Composui mores, virtutum praelia dixi,  
 Et docui miseros crimina flere reos.  
 Clarior eloquio cunctis Cypriane refulges,  
 Tu modo Doctor eras, tu modo Martyr ades.  
 Si Maro, si Flaccus, si Naso, & Persius horret,  
 Lucanus si te, Papiniusq; tedit;  
 Par eat eximio dulcis Prudentius ore,  
 Carminibus variis nobilis ille satis.  
 Perlege facundi studiosum carmen Aviti.  
 Ecce Juvenecus adest, Seduliusque tibi.  
 Ambo lingua pares, florentes versibus ambo  
 Fonte Evangelico pocula larga ferunt.  
 Desine Gentilibus ergo inservire Poetis.  
 Dum bona tanta potes, quid tibi Calliroen?  
 Historias rerum, & transacti tempora seculi  
 Condita membranis hæc simul arca gerit.  
 Quantum Augustino clares tu Ippone magistro,  
 Tantum Roma suo Præsule Gregorio.  
 Non satis antiquis Doctoribus impar haberis  
 Leander vates. Hoc tua dicta docent,  
 Conditur heic juris series amplissima legum,  
 Veridico Latium quæ regit ore forum.  
 Non fucos, libros gestant hæc scrinia nostra;  
 Qui cupis, ecce lege, si tua vota libent.  
 Tolle heic segnitiam, pone fastidia mentis;  
 Crede mihi frater, doctior inde redit.  
 An dicis forte: Quid jam mihi ista necesse est,  
 Quod meditem studij non superesse mei?  
 Explicui Historias, percurriq; omnia Legis:  
 Vere hoc si dicis, jam nihil ipse sapis.  
 Quos claros orbe celebrat medicina magistros,  
 Hos præsens pictos signat imago viros.  
 Sunt medio dona, quam diu quisq; laborat,  
 Aeger jam surgit, nulla lagena venit.  
 Quod debes medico, redde æger, ne mala rursus  
 Occurrant, occurreret denuo nemo tibi.  
 Pauperis attendat medicus census, atq; potentis,  
 Dispar conditio dispari habenda modo est.

*Cyprianus.*

*Prudentius.*

*Avitus.  
Juvenecus.  
Sedulius*

*Euseb.  
Orosius.*

*Gregor.*

*Leander  
Theodosius.  
Paulus.  
Gains.*

*Cosmas.  
Damianus.*

*Hippocrates.  
Gallienus.*

Si fuerit dives, sit justa occasio lucri;  
 Si pauper, merces sufficit una tibi.  
 Quidquid Arabs aris, quidquid fert Indus odoris;  
 Quidquid & Jonii pervehit unda maris,  
 Cynamomum, myrrham, folium, cassiamq; nitentem,  
 Balsama, thus, calamum, Choriciumq; crocum;  
 Hæc possunt magnorum pigmentaria Regum,  
 Et domus immensis proflua deliciis.  
 Nos vilibus fruimur pratorum germinis herbis,  
 Quas humiles valles, & juga celsa ferunt.  
 Sacri ergo Hesperidum montes, & rura valete,  
 Nam multis curis munera vestra valent.  
 Heic odorata jacent, heic spirant cinnama, thura,  
 Quæq; opulentus Arabs, quæq; Sabea feret.  
 Unguenti genera dum sint gratissima plura,  
 Nil rosa, nil viola gratius esse potest.  
 Cedit Elinus, cedit Amaracinus illis,  
 Cedit & heic Cyprum quæ regione venit.  
 Unguenta heic cernis varia, quæ Græcia misit,  
 Plurima & Hesperia de regione sumus.  
 Vascula concreta fragilis de pulvere cretæ  
 Pigmenta gerimus, pocula nulla damus.

## I N P R O P O S I T A C A R M I N A A D N O T A T I O N E S.

**V**TI anno proxime elapso animadverti in Prolegomenis ad  
 Tomum primum Anecdotorum, vetustissimus ille Codex,  
 unde quatuor S. Paulini Episcopi Nolani Poemata descripti,  
 alia quoque SS. Patrum carmina complectebatur, puta Ve-  
 nantii Fortunati, Prosperi, Juvenci, Aratoris, & Paulini Petricordii.  
 S. Prosperi Epigrammatis hi versus subiiciuntur ab antiquo Scriptore  
 certe profecti.

*Hæc Augustini ex sacris Epigrammata dictis  
 Dulcifero Rhetor componens carmine Prosper  
 Versibus exametris depinxit, pentametrisque,  
 Floribus ex varijs seu fulget nexa corona,*

*Vnde*

*Vnde ego te Lector, religis qui hac sedulus, oro  
Intentas adhibere sonis cœlestibus aures;  
Istic nam invenies, animum si cura subintrat,  
Maxime quid doceant Sanctæ moderamina Legis  
Observare homines, vel quid vitare sub astra,  
Siderum Cœli cupiunt qui scandere Regnum.*

Heic quoque carmina moralia leguntur Catoni adscripta, post quæ sine titulo sequitur Theodulfi Aurelianensis Episcopi Parænesis ad Iudices libro primo carminum edita. Desiderantur tamen in Codicibus impressis carmina quatuor in calce Poematis exarata, & cum aliis verbis conjuncta. Ita vero se habent:

*Carmina si fuerint, te ludice, digna favore,  
Reddatur titulus, purpurensque nitor.  
Sin minus, æstivas poteris convolvere sardas,  
Aut piper, aut calvas hinc cooperire nuces.*

Dices illi in fletu cordis: *Aspice ad infelicem pietate immensa.  
Respice crudelem misericordia publica. Vulneratus ad medicum curro.  
Serva pietatem consuetudinis, qui tamdiu suspendisti gladii ultionis,  
dele numerositatem criminum multitudine miserationum.* Post hæc proxime leguntur versus pluteis præfixi Bibliothecæ S. Isidori Hispalensis Episcopi. Auctorem illorum minime novi, neque Theodulfo Aurelianensi adscripserim, quamquam in argumento simili sæpe versato; neque enim tam negligenter metri, ac Prosodiz leges ille neglexisset. Isidoro ipsi fortasse quis tribuat, nam & Poetices ornamentis sanctum illum Episcopum ex cultum fuisse prodit *Lamentum Penitentia* Trochaicis versibus compositum, atque inter ejus opera evulgatum, si quidem Isidoro tribuendum est Poemation illud a Brantione Episcopo Casaraugustano in Catalogo operum Isidori prætermisum. Certe quin ad seculum Christi septimum, quo potissimum floruit Isidorus, opusculum hoc referri queat, mendæ quamplures non obstant; illa enim tempestate adeo afflictæ literarum res fuere, ut non Poetica tantum ars, sed omnes disciplinæ Barbaris regnantibus tetra in nocte jacerent. Itaque S. Isidori Bibliothecam hi versus illustrabant, & quum eis multa insint in SS. Patrum laudem recte pronuntiata, idcirco in eruditorum, ac præsertim Hispanorum gratiam luce donandi fuere.

EXPOSITIO FIDEI CATHOLICÆ  
FORTVNATI.

**Q**uicumque vult esse saluus, ante omnia opus est, ut teneat Catholicam Fidem, quam nisi quisque integram, inviolatamque servaverit, absque dubio in æternum peribit. Primo ergo omnium Fides necessaria est, sicut Apostolica docet auctoritas dicens: *Sine Fide impossibile est placere Deo*. Constat enim neminem ad veram pervenire posse Beatitudinem, nisi Deo placeat, & Deo neminem placere posse, nisi per Fidem. Fides namque est bonorum omnium fundamentum, Fides humanæ salutis initium. Sine hac nemo ad Filiorum Dei potest consortium pervenire, quia sine ipsa nec in hoc seculo quisquam iustificationis consequitur gratiam, nec in futuro vitam possidebit æternam. Et si quis heic non ambulaverit per Fidem, non perveniet ad speciem beatam Domini nostri Jesu Christi. *Catholica* universalis dicitur, idest recta, quam universa Ecclesia tenere debet. Ecclesia quippe Congregatio dicitur Christianorum, sive conventus populorum. Non enim sicut conventicula hæreticorum in aliquibus regionum partibus coarctatur, sed per totum terrarum orbem dilatata diffunditur, *Ut unum Deum in Trinitate, & Trinitatem in unitate veneremur, & credamus, & colamus, & confiteamur Trinitatem in personis, unitatem in substantia*. Hanc quoque Trinitatem personarum, atque unitatem naturæ Propheta Esajas revelatam sibi non tacuit, cum se dicit Seraphim vidisse clamantia *Sanctus Sanctus Sanctus Dominus Deus Sabaoth*. Ubi prorsus in eo, quod dicitur tertio *Sanctus*, personarum Trinitatem, in eo vero, quod semel dicimus *Dominus Deus Sabaoth*, divinæ naturæ cognoscimus unitatem. Neque confundentes personas, ut Sabellius errat, qui ipsum dicit esse Patrem in persona, quem & Filium ipsum, & Spiritum Sanctum. Non ergo confundentes personas, quia tres personæ omnino sunt. Est enim gignens, genitus, & procedens. Gignens est Pater, qui genuit Filium; Filius est genitus, quem genuit Pater, Spiritus Sanctus est procedens, quia a Patre, & Filio procedit. Pater & Filius coæterni sibi sunt, & coæquales, & cooperatores, sicut scriptum est: *Verbo Domini Cæli firmati sunt*, idest à Filio Dei crea-

creati, *Spiritu oris ejus omnis virtus eorum*. Ubi sub singulari numero Spiritus ejus dicitur, Trinitatem personarum aperte demonstrat, quia tres unum sunt, & unum tres. *Neque substantiam separantes*, ut Arius garrit, quia tres personas esse dicit, si & tres substantias esse mentitur, Filium dicit minorem quam Patrem, & creaturam esse, Spiritum Sanctum adhuc minorem quam Filium, & Patris & Filii eum administratorem esse adserit. Non ergo substantiam separantes, quia totæ tres personæ in substantia Deitatis unum sunt. *Alia est enim persona Patris*, quia Pater ingenuitus est, eo quod à nullo est genitus; *alia persona Filii*, quia Filius à Patre solo est genitus; *alia Spiritus Sancti*, quia à Patre, & Filio procedens est. *Sed Patris, & Filii, & Spiritus Sancti una est Divinitas*, idest Deitas, *aqualis gloria*, idest claritas, *cœterna majestas*. Majestas gloria est, claritas, sive potestas. *Qualis Pater, talis Filius, talis & Spiritus Sanctus*, idest in Deitate, & omnipotentia. *Increatus Pater, increatus Filius, increatus & Spiritus Sanctus*, idest à nullo creatus. *Immensus Pater, immensus Filius, immensus & Spiritus Sanctus*. Non est mensurabilis in sua natura, quia inlocalis est, & incircumscrip- tus, ubique totus, ubique præ- s- ens, ubique potens. *Æternus Pater, æternus Filius, æternus & Spiritus Sanctus*, idest non tres æterni, sed in tribus personis unus Deus æternus, qui sine initio, & sine fine æternus permanet. *Similiter omnipotens Pater, omnipotens Filius, omnipotens & Spiritus Sanctus*. Omnipotens dicitur, eo quod omnia potest, & omnium obtinet potestatem. Ergo si omnia potest, quid est quod non potest? Hoc non potest quod omnipotenti non competit posse. Falli non potest, quia sanctus est; mori non potest, quia immortalis vita est; finiri non potest, quia infinitus & perennis est. *Ita Deus Pater, Deus Filius, Deus & Spiritus Sanctus*. Proprium nomen est Patris Pater, & proprium nomen Filii Filius, & proprium nomen est Spiritus Sancti Spiritus Sanctus. *Ita Dominus Pater, Dominus Filius, Dominus & Spiritus Sanctus*. Dominus dicitur, eo quod dominetur creaturæ cunctæ, vel quod creatura omnis dominatur ejus deserviat. *Quia sicut singillatim*, idest sicut distincte *unamquamque personam Deum, & Dominum confiteri Christiana veritate compellimur*. Quia si me interrogaveris, quid est Pater? ego respondebo: Deus, & Dominus. Similiter si me interrogaveris, quid est Filius? ego dicam: Deus, & Dominus,

Et

Et si dicas: quid est Spiritus Sanctus? Ego dicam: Deus, & Dominus. Et in his tribus personis non tres Deos, nec tres Dominos, sed in his tribus, sicut jam supradictum est, unum Deum, & unum Dominum confiteor. *Unus ergo Pater, non tres Patres*, idest quia Pater semper Pater, nec aliquando Filius. *Unus Filius, non tres Filii*, idest quia Filius semper Filius, nec aliquando Pater. *Unus Spiritus Sanctus, non tres Spiritus Sancti*, idest quia Spiritus Sanctus semper est Spiritus Sanctus, nec aliquando Filius, aut Pater. Hæc est proprietas personarum. *Et in hac Trinitate nihil prius, aut posterius*. Quia sicut numquam Filius sine Patre, sic numquam fuit Pater sine Filio, sic & numquam fuit Pater, & Filius sine Spiritu Sancto. Coæterna ergo Trinitas, & inseparabilis unitas sine initio, & sine fine. *Nihil majus aut minus*. Aequalitatem personarum dicit, quia Trinitas æqualis est, & una Deitas, Apostolo docente, & dicente: *Per ea, quæ facta sunt, intellecta conspiciuntur*, & per creaturam Creator intelligitur secundum has comparationes, & alias quamplures. Sol, candor, & calor, & tria sunt vocabula, & tria unum. Quod candit, hoc calet, & quod calet, hoc candit. Tria hæc vocabula res una esse dignoscitur. Ira Pater, & Filius, & Spiritus Sanctus tres personæ in Deitate substantiæ unum sunt, & individua unitas recte creditur. Item de terrenis vena, fons, fluvius, tria sunt vocabula, & tria unum in sua natura. Ita trium personarum Patris, & Filii, & Spiritus Sancti substantia, & Deitas unum est. *Est ergo Fides recta, ut credamus, & confiteamur, quia Dominus Iesus Christus*. Iesus Hebraice Latine Salvator dicitur, eo quod salvat populum; Christus eo quod Spiritu Sancto divinitus sit delibutus, sicut in ipsius persona Blasias ait: *Spiritus Domini super me, propter quod unxit me &c.* Ita & Psalmista de Christo Domino dicit: *Paxit se Deus Deus tuus oleo letitiae præ confortibus suis*. *Dei Filius, Deus pariter, & homo est*. Filius a felicitate parentum dicitur; Homo ab humo dicitur, idest de humo terræ factus est. Deus ex substantia Patris ante secula genitus, idest Deus de Deo, Lumen de Lumine, Splendor de Splendore, fortis de forti, virtus de virtute, vita de vita, æternitas de æternitate. *Per omnia*, idest quod Pater in divina substantia, hoc est & Filius. Deus enim Pater Deum Filium genuit non voluntate, neque necessitate, sed natura. Nec quærat quomodo genuit Filium, quod & Angeli nesciunt, & Prophetia est incognitum. Unde & isdem

isdem eximius Propheta Elajas dicit : *Generationem ejus quis enarrabit ?* Ac si dixisset : Angelorum nullus, Prophetarum nemo. Nec inenarrabilis, & inestimabilis Deus a servulis suis discutendus est, sed fideliter credendus, & pariter diligendus. *Et homo ex substantia matris in seculo natus.* Dei Filius Verbum caro factum, & non quod Divinitas mutasset Deitatem, sed adsumsit humanitatem. Hoc est Verbum caro factum est, ex utero Virginis veram humanam carnem traxit. Et de utero virginali verus homo, sicut & verus Deus, in seculo natus est, salutem virginitatis gratiam, quia mater genuit, & Virgo mansit ante partum, & post partum. In seculo, idest in isto sexto miliario, in quo nunc sumus; secula enim generationibus constant, & inde secula, quod sequantur, abeuntibus enim aliis alia succedunt. *Perfectus Deus, perfectus homo,* idest verus Deus, & verus homo ex anima rationali, & non, ut Apollinaris hæreticus dixit, primum quasi Deitas pro anima fuisset in carne Christi; postea cum per Evangelicam auctoritatem fuisset convictus dixit: *Habuit quidem animam, qua vivificavit corpus, sed non rationalem.* Et e contrario iste dicit, qui Catholice sentit: *Ex anima rationali, & humana carne subsistens,* idest plenus homo, atque perfectus. *Aequalis Patri secundum Divinitatem, minor Patre secundum humanitatem,* idest secundum formam servi, quam adsumere dignatus est. *Qui licet Deus sit, & homo, non duo tamen, sed unus est Christus.* Idest duarum substantiarum in Christo, Deitas, & humanitas, non duarum personarum, sed una est persona. *Unus autem, non conversione divinitatis in carnem, sed adsumptione humanitatis in Deum.* Idest non quod divinitas, quæ incommutabilis est, sit conversa in carnem, sed ideo unus, eo quod humanitatem adsumsit, coepit esse, quod erat, & non amisit quod erat, coepit esse homo, quod antea non erat; non amisit Deitatem, quia incommutabilis in æternum permanet. *Unus omnino non confusione substantia, sed unitate persona.* Idest divinitas incommutabilis cum homine, quem adsumere dignata est, sicut scriptum est: *Verbum tantum Domine in æternum permanet,* idest divinitas cum humanitate, ut diximus, duas substantias, unam personam esse in Christo; ut sicut ante adsumptionem carnis æterna fuit Trinitas, ita post adsumptionem humanæ naturæ vera maneat Trinitas, ne propter adsumptionem humanæ carnis dicatur esse quaternitas, quod absit à Fidelium cordibus, vel sensibus dici, aut cogitari, cum  
ita,

ita, ut supra dictum est, & unitas in Trinitate, & Trinitas in unitate veneranda sit. *Nam sicut anima rationalis, & caro unus est homo, ita Deus, & homo unus est Christus.* Et si Dei Filius nostram luteam, & mortalem carnem nostræ conditionis adsumserit, sed tamen se nullatenus inquinavit, aut naturam Deitatis mutavit; quia si Sol, aut ignis aliquid immundum tetigerit, quod tangit purgat, & se nullatenus coinquinat, ita Deitas farcinam, quam ex nostra humanitate adsumsit, nequaquam coinquinavit, sed nostræ naturæ carnem, quam adsumsit, purgavit, & à maculis, & sordibus peccatorum, ac vitiorum expiavit, sicut Esaias ait: *Ipsè infirmitates nostras accepit, & ægrotationes portavit.* Ad hoc secundum humanitatem natus est, ut infirmitates nostras acciperet, & ægrotationes portaret, non quod ipse infirmitates, vel ægrotationes in se haberet, quia salus mundi est, sed ut eas à nobis tolleret, dum suæ sacræ passionis gratiam, & Sacramenta chirographo adempto Redemptionem pariter, ac salutem animarum nobis condonaret. *Qui passus est pro salute nostra, idest secundum id, quod pati potuit, quod est secundum naturam humanam, nam secundum divinitatem Dei Filius impassibilis est.* *Descendit ad Inferos*, ut Protoplastum Adam, & Patriarchas, & Prophetas, & omnes justos, qui pro originali peccato ibidem detinebantur, liberaret, & de vinculo ipsius peccati absolutos de eadem captivitate, & infernali loco, suo sanguine redemptos ad supernam patriam, & ad perpetuæ vitæ gaudia revocaret. Reliqui vero qui supra originali peccato principalia crimina commiserunt, ut asserit Scriptura, in poenali Tartaro remanserunt, sicut in persona Christi dictum est per Prophetam: *Era mors tua, & mors*, idest morte sua Christus humani generis inimicam mortem interfecit; & vitam dedit, *Ero morsus tuus, inferne.* Partem momordit Infernum pro parte eorum, quos liberavit, partem reliquit pro parte eorum, qui pro principalibus criminibus in tormentis remanserunt. *Surrexit à mortuis* primogenitus mortuorum. Et alibi Apostolus dicit: *Ipsè primogenitus ex multis Fratribus*, idest primus à mortuis resurrexit. *Et multa corpora Sanctorum dormientium cum eo surrexerunt*, sicut Evangelica auctoritas dicit, sed ipse, qui caput est, prius, deinde qui membra sunt continuo. Postea *ascendit ad Cælos*, sicut Psalmista ait: *Ascendens in altum captivam duxit captivitatem*, idest huma-

nam



nam naturam, quæ prius sub peccato venundata fuit, & captivâ, eamdemque redemptam captivam duxit in cœlestem altitudinem, & ad Cœlestis Patriæ Regnum sempiternum, ubi antea non fuerat, & collocavit in gloriam sempiternam. *Sedet ad dexteram Patris*, idest prosperitatem paternam, & in eo honore, quod Deus est. *Inde venturus est judicare vivos, & mortuos*. Vivos dicit eos, quos tunc adventus Dominicus in corpore viventes invenit, & mortuos jam antea sepultos. Et aliter dicit vivos justos, & mortuos peccatores. *Ad cuius adventum omnes homines resurgere habent cum corporibus suis, & reddituri sunt de factis propriis rationem, & qui bona egerunt, ibunt in vitam æternam; qui vero mala, in ignem æternum*. *Hæc est Fides Catholica, quam nisi quisq; fideliter, firmiterq; crediderit, salvus esse non poterit.*

## IN PROPOSITAM EXPOSITIONEM DISQUISITIO

Ad Clarissimum, & Eruditissimum Virum  
LAURENTIUM ALEXANDRUM ZACAGNIUM  
Vaticanae Bibliothecæ Præfectum.

### SYNOPSIS DISQUISITIONIS.

*Symbolum Quicumque S. Athanasio doctissimi vtri abjudicarunt. Quibus rationibus ducti. Vigilio Tapsensi Quesnellius, Vincensio Lirinensi P. Chiffletius tribuunt. Quo tempore Symbolum prodierit, aut sub S. Athanasii nomine laudari coeperit. Ex antiquissimo Codice MS. Ambrosiana Bibliotheca antiquitas ejusdem, ac differentia ostenditur. Numquam addita illi fuit vox Filioque. Varia illius Expositiones recensentur. Hujus Symboli Auctor esse potuit Venantius Fortunatus. Saltem fuit is hujus Expositionis Auctor.*

**V**tinam, eruditissime Zacagni, qui parem tecum in literarum studiis viam infisto, eadem etiam, qua tu, felicitate metam pertingerem, laboreq; mei æque ac tui aliquam æternitatis spem promovereretur; tunc enim majori alacritate hujusmodi curriculo me totam committerem, & anxia animi contentione in hoc instituto insudarem. Sed quum ingeni mei curtam suppel-

Ec

cilem

dilem mecum reputo, unam mihi inter literarias curas superesse solatium video, nempe mihi studere, dulcissimamq; cum eruditis viris familiaritatem colere. Etsi votis meis plane respondeat, spem tamen meam superat quidquid utilitatis ex lucubrationibus meis Orthodoxæ Fidei obvenire potest. Quid enim ego, videlicet corvus inter olones, sperem præclarissimis ævi nostri Scriptoribus comparatus? Nihil profecto, nisi proborum patientiam, & aliquam ex consilio meo commendationem. Attamen ubi perspicio, te quoq; eidem rei operam dare, ut nondum edita veterum Patrum, præcipueq; Græcorum monumenta, publici juris facias, animum meum ad majora incitatum sentio, & mihi me gaudere, quod te par cura exerceat, e qua procul dubio literæ meliores promoveantur. Sed ne ex conquistis modestiæ verbis, tuisve ex encomiis laudem, ac benevolentiam mihi captare videar, en tibi de Symboli *Quicumque* Auctore, & de ejusdem vetustis expositionibus novam Disquisitionem exhibeo. Plurimi quidem hanc arenam ingressi ita omnem ad hoc opusculum spectantem eruditionem consumulisse videntur, ut nihil novi reliquum sit, quod de illo proferri possit. Nonnulla tamen, ni fallor, hucusq; nemini observata nunc exhibere juvat, quæ utcumq; se habeant, humanitatis tuæ usum sibi facile spondent. Ante omnia vero, ne, si dubitare videar, an S. Athanasius Symboli hujus Auctor fuerit, teneris quorundam auribus fastidium creem, Eminentissimi Cardinalis Vincentii Mariæ Ursini, Beneventani Archiepiscopi verba præmittenda censui. In Dissertatione de S. Bartholomæi reliquiis Benevento vendicatis, quam legere est pag. 56. Synodici Beneventani Art. 7. inter nonnullos n̄vos, quos Romano Breviario inesse demonstravit, hunc quoq; connumerat: *Symbolum Quicumque vult salvus esse S. Athanasio in Breviariis hodiernis adscriptum, quod illius non esse eruditissimi plerique sentiunt, quamquam cujus determinate sit Auctoris non ita inter se congruant: Quæ de re legendus Quænellius Dissert. 14. in Opera S. Leonis, & alii plures.* Ita Eminentissimus, ac doctissimus Scriptor, cujus testimonium quanti hac in re sit faciendum, eruditus quisq; intelligit. Neq; vero hæc mihi sunt exscribenda quæ Gerardus Jo. Vossius in Dissert. de tribus Symbolis, Godofridus Hermantius in Obseru. ad vitam S. Athanasii, Dupin in Biblioth. Scriptor. Ecclesiast. ad S. Athanasii opera, Natalis Alexander in selectis Hist. Eccles. Dissert. Daniel Papebrochius Tom. 1. Maii, Cabasilus, Joannes Mabillonius, Guilielmus Cavé, & Casimirus Oudin in Supplem. de Script. Eccles. ad Bellarminum, aliq; de hoc Symbolo Latinis literis mandarunt; esset enim actum agere, propiorq; tædio, quam eruditioni res foret. Ea tamen memoriæ tuæ iterum subiciantur oportet, quæ Athanasio Sanctissimo Viro opusculum hujusmodi facile abjudicare videntur, ut ad observationes meas tutiore gressu deveniam. Primo tam apertis expressisque verbis a Symboli auctore hæreses Nestoriana, atq; Erychiana refelluntur, ut longe post Nesto-

Nestorii, ac Eutychetis tempora conscriptum opusculum dignoscatur. Atque S. Athanasius seculo Christi quarto humanis ereptus neutram, hæresim postea natam adeo luculenter damnare potuit. Secundo si Athanasium Auctorem Symbolum hoc habuisset, cur ejusdem auctoritate per plura secula doctissimi Catholicæ Ecclesiæ Patres numquam fuissent vsi? Unico hoc telo configi potuisset Macedonii, Nestorii, atq; Eutychetis insania, & nemo tamen inventus est, qui ejus aliquando meminerit, non Gregorius Nazianzenus, non Hieronymus, non Augustinus, non Celestinus Pontifex, non Leo Magnus, non Cyrillus Alexandrinus, non Cassianus, aut alii, quorum tamen magni intererat Athanasii testimonium in hæreticos pertinaces producere. Quin quod magis mirare, nemo e nostris, dum Phocianum Schisma ferveret, adeo luculenta S. Athanasii auctoritate est usus, ut Spiritum Sanctum a Filio quoq; procedere probaret. Tot Patrum silentium in eam opinionem nos agit, ut Athanasium nequaquam Symboli Auctorem arbitremur. Tertio quis credat Athanasium, qui contra Arianos, dum in humanis ageret, perpetuo scriptis decertavit, omniumq; strenuissime Filium Dei Deo Patri *ὁμοῖον*, hoc est *consubstantialem* esse ostendit, hanc vocem in Symbolo suo prætermisurum fuisse? Una hæc vox in Nicæno Concilio a SS. Patribus excogitata Orientem, Occidentemq; diu exercuit, & unica veluti Catholicorum tessera existimabatur. Utique non omisisset Athanasius Nicænorum Episcoporum sententiæ addidissimus. Quanto quamquam seculo Christianæ Epochæ quarto nonnullæ prodierint Fidei Catholice Expositiones, tanti tamen Nicænum Symbolum Athanasius faciebat, ut hac una formula in suæ fidei testimoniū semper uteretur. Quapropter ad Jovinianum Augustum scribens inquit: *θελοῦμεν ταῦτα τῆς οὔτης ἐκκλησίας μαθεῖν παρ' ἡμῶν τὴν τῆς καθολικῆς ἐκκλησίας πίστιν, ἐβουλευσάμεθα μᾶλλον πάντων τῶν παρὰ τὴν πατρίδα ἐν Νικαίᾳ ὁμολογηθεῖσαν πίστιν ὑπομνήσαι τῶν ἐν ἐκκλησίᾳ.* Hoc est. *Quum igitur pietas tua cognoscere e nobis cupiat Ecclesiæ Catholice fidem, nihil nobis consultius visum, quam ut fidem, pro qua Patres Nicæa propugnaverunt, tuo religioso animo recitarem.* Tum addit, universis Hispaniæ, Britanniæ, Galliæ, Italiæ, aliarumque Provinciarum Ecclesias huic fidei formulæ consentire, subditque: *ταῦτα τῇ πίστι Ἀγγλῶν πάντα ἐπιμένειν ἀναγκαῖον, ὡς θεῖα, καὶ ἀποστολική, καὶ μὴ διὰ μετακινήν αὐτῆς διδασκαλίαις, καὶ λογομαχίαις.* Huic universæ Fidei, Auguste, omnes acquiescant, atq; in ea mancant, uti Divinā, atq; Apostolicā oportet, ut nil ex ea immutare per consentiones, pugnasq; verborum liceat. Alibi vero, & præcipue in Epist. ad Antiochenos se procul fuisse a condenda nova Fidei formulâ Athanasius prodit. His accedit, nullam intercessisse causam, ob quam Vir Sanctissimus ad hanc Fidei professionem edendam compulsus fuerit; neque enim veri videretur simile, quod magnus Annalium parens opinatur, id Romæ factum, ut Julio Pontifici fidem suam Athanasius expo-

ratam faceret. Numquam sane apud viros Catholicos præcipueq; apud Episcopum maximum hæresis suspitione is laboravit, quippe quot periculis, quot laboribus, quot scriptis veram ille Fidem protexerat? Ipsimet Ariani Athanasium minime hæreseos crimine notabant, sed ut Magis deditum, sed ut avarum, ac in Imperatores perduellem incusabant. Potiora autem hæc sunt argumenta, quæ Athanasio Symbolum hoc abjudicant. Nam quod alii in hujus opinionis confirmationem adducunt, videlicet Latinum, non Græcum, Symboli Scriptorem fuisse, e stylo, aliisq; conjecturis rem dijudicantes, parum ad hujusmodi contentiones dirimendas momenti adfert. Conceptum Latine Symbolum hoc primum fuisse, fateor & ego; etenim primigenium quemdam Latinitatis contextum præfert, deinde Græca exemplaria MS. omnia fere inter se dissident, Latina vero secum concordant, postremo Latinis antiquitus Symbolum innotuit, sero autem Græcis. Ego vero inter tot Græca volumina MS., quibus Ambrosiana affluit, nullum umquam Symboli hujus exemplar Græcum offendi; contra vero nonnulla e Latinis, eaq; vetustissima, ut infra ostendam. Sed cur Athanasius, Latino quoque sermone in hac formula condenda uti non potuit? An quia Latinæ linguæ ignarus foret? Minime sane. Quandoquidem Latini non minus quam Græci sermonis Athanasium fuisse peritum Marcellinus, & Faustinus Presbyteri antiquissimi in suo libello precum fatentur, quum ab ipso in Græcam linguam translatos Luciferi Calaritani Episcopi libros affirmant. Porro in Commentariis S. Augustini in Psalmum 120. locus ex hoc Symbolo petitus legebatur olim. Lovanienses tamen Doctores, nuperiq; PP. Benedictini ex Parisiensi Congregatione S. Mauri in Operum S. Augustini editionibus adnotarunt, hujusmodi verba ab omnibus MS. Codicibus abesse, quod & ego animadverti in vetustissimo nostræ Bibliothecæ exemplari. Atque hæc, aliæque prudenter observata Patri Bernardo de Montfaucon laudatæ Congregationis S. Mauri Monacho, eruditissimo Clarissimoque Scriptori, ejusque sociis suasere, ut in novissima editione Operum S. Athanasii Anno hoc 1698. Symbolum hoc eidem Sancto Antistiti suppositum affirmarent, illudque inter Opera dubia conicerent. Eruditissimus quoque vir P. Joseph Maria Thomasius Cleric. Regular. in notis ad Psalterium Anno proxime elapso evulgatis breviter, & modeste sententiam suam explicat de Symboli hujus Auctore his verbis: *Omissis nonnullorum conjecturis, ac divinationibus de Auctore hujus Symboli, ex longa præscriptione multorum seculorum, & Inscriptionibus veterum Codicum diligentius videndum, num hæc plenior explicatio Nicæna Fidei sit velut Hypomnesticon quoddam, sive Commonitorium ad Catholicorum instructionem contra varias hæreses & Græce, & Latine primo confectum de iis, quæ de Trinitate, & Incarnatione tum voce disputata, tum scripto decreta sunt in Concilio Alexandrino sub Iuliano*  
*Augu-*

*Augusto, presidente S. Athanasio, presentibusque ex Latinis S. Eusebio Episcopo Percellensi, & duobus Diaconis Luciferi Episcopi Insula Sardinia. Certe quæ Rufinus lib. X. Historia Ecclesiastica cap. 29. & Epistola ipsa eiusdem Concilii apud S. Athanasium Epist. ad Antioch. scribunt; si considerentur attentius, verbatimque expendantur, pene totum Symbolum hocce representare videntur. Hactenus rationes vidimus, quæ S. Athanasio Symbolum hoc eripiunt; nunc videamus cuiam auctori adscribendum censuerint eruditi. Petrus Pithoeus in lib. de Process. Spir. Sancti Gallo cuidam Scriptori gloriam hanc tribuere videtur, atque in ejus sententiam propendere se professus est Gerardus Joannes Vossius in Append. ad Dissert. de tribus Symbolis. Anno vero 1675. Quesnellus vir doctissimus in Append. ad Dissert. 14. in opera S. Leonis Magni rem propius attingens à Vigilio Tapsensi in Africa Episcopo Symbolum laudatum prodisse arbitratus est. Ut hoc probet, his utitur argumentis. Tempus, quo scriptum videtur Symbolum, Auctori huic optime convenit, siquidem post hæreses Arianam, Nestorianam, atque Eutychianam floruit, imo illas pluribus insectatus est libris. Deinde Vigilio id moris fuit, ut si qua contra hæreticos opuscula sæviante Barbarorum insectatione scriberet, ea non suo nomine, sed sub antiquorum Patrum, præcipueque sub S. Athanasii persona evulgaret, quod eruditis maxime constat. Veri igitur simile videtur, & hocce opusculum magno Athanasio per hunc Auctorem fuisse suppositum, eaque etiam firmitus confirmatur opinio, ubi simul conferantur Symbolum, & libri tres de Trinitate à Vigilio contra Marivadum, seu Varimadum scripti, in quibus nonnulla sensa inter se consimilia reperiuntur. His additur Codicis Thuanæi auctoritas, in quo præter Dialogum adversus Arianos, Sabellianos, ac Photinianos sub Athanasii nomine à Vigilio editum proxime legitur Symbolum Athanasianum cum hac epigraphe: *Fides dicta à S. Athanasio Episcopo*. Equidem Quesnelli conjecturis non parum ponderis inesse fateor, necumque ita sensere plures alii Scriptores. His tamen observationibus minime absterritus Cl. V. Joseph Antelmius Anno 1693. novam de Symboli Athanasiani Auctore Disquisitionem evulgavit, in qua rejectis Quesnelli rationibus gloriam hanc Vincentio Lirinensi vindicare nervis omnibus contendit. Hoc autem ut præster, Vigilius Tapsensem de loco primum dejecit, nullam intercedere similitudinem inter hujus libros, laudatumque Symbolum ostendens. Tum addit, si has conjecturas sequi oportet, formulas apud S. Augustinum posse reperiri, quæ ad Symboli stylum propius accedant. Nemo vero hucusque fuit, qui Augustino Symbolum inscriberet. Præterea futile est argumentum e libris contra Varimadum scriptis desumptum, Vigilius enim illi nequaquam parentem habent. Mos denique Vigilio fuit Athana-*

na.

anasianum Symbolum in operibus Athanasio suppositis consecrari ; nomenque Athanasii libris eisdem præfigere. Neutrum vero in hoc Symbolo animadvertas , quippe ab Athanasiano stylus discrepat nomenque Athanasii antiquitus eidem præfixum non fuit. Præterea ut Vincensium Lirinensem Symboli Auctorem statuatur , istum in Gallis natum , scilicet Treveris , vel in Belgica prima ex testimonio S. Lupi probat. Atqui Symboli Auctorem Gallum quoque fuisse Pitheci , Vossii , aliorumque sententia est . Quandoquidem præ aliis nationibus in Gallia prodire in lucem Symbolum istud cepit , Trevisque potissimum elaboratum videtur . Tum à Gallis Scriptoribus primum celebratum , atque ab Episcopis , Synodisque Galliarum antiquitus receptum , & commendatum reperitur . Lirinensis insuper in iis potissimum hæcibus , quæ in Symbolo perstringuntur , profligandis operam posuit , uti ex ejus Commonitorio apertissime cognoscitur . Sub alienis autem nominibus consuevisse Vincensium in arenam prodire , laudati Commonitioni exemplo patet , illud enim sub nomine Peregrini evulgavit . Quod si cum Symboli formulis , ac loquutionibus Commonitorium componas , ac præsertim Caput XIX. , mirum est quanta inter ambos factus similitudo intercedat . Hæc & similia pluribus pertractavit eruditissimus Anselmus , cujus opinioni quorundam eruditorum suffragia accesserint , me penitus fugit ; fateor tamen ad veritatem omnium maxime istam accedere . Ceterum præter has celebres duas sententias , quibus Vigilio Tapfensi , aut Vincensio Lirinensi laudata Fidei professio tribuitur , alia quoque olim habebantur ; siquidem teste Cardinali Bona cap. 26. s. 18. divinæ Psalmodiæ Guiljelmus Baldesanus in Hist. Pedemontana MS. S. Eusebium Vercellensem Episcopum magno Athanasio adjutorem fuisse in hoc Symbolo adornando olim scripsit ; imo solum Eusebium ejusdem Auctorem agnovere aliqui , ut testatur Vossius in fine Dissert. 2. de tribus Symbolis . Alii denique Anastasium Synaitam , alii Athanasium Spitensem opusculi hujus Scriptorem affirmavere . Ita viris eruditissimis in hac re opinati placuit adeo , ut majoribus umbris , ac ambagibus quæstionem hanc involvisse , non exolviste videantur . Proinde me debita modestia haudquaquam renunciaturum spero , si quid mea quoque ferat opinio , huc adferam , nulla tamen majoris progressus , aut claritatis spe ductus . Itaque primo , quoniam tempore sub S. Athanasii nomine Symbolum innocuerit , dispiciamus , ut de re planius statuere possimus . Jam supra animadvertimus Codicum MS. ope S. Augustini Enarrationibus in Psalmum 120. à scitolo quodam Athanasianensi Symboli facinoram assutam fuisse . Quod igitur omnium antiquissimum superest monumentum , Canon ille est , quem æterni nominis vir Jacobus Sirmondus e Soc. Jesu in Divionensi quodam Codice repertum publica luce donavit Tom. 1. Con.

Concil. Galliz pag. 107. Ita vero conceptus est: *Si quis Presbyter, Diaconus, Subdiaconus, vel Clericus Symbolum, quod Sancto inspirante Spiritu Apostoli tradiderunt, & Fidem S. Athanasii Presulis irreprehensibiliter non recensuerit, ab Episcopo condemnatur.* Canonem hunc ad Synodum Augustodunensem, circiter Annum Christi DCLXX. sub S. Leodegario celebratam, fortasse referendum tum ipsemet Sirmondus; tum Labbeus autumant. Atqui, ut eruditissime adnotavit Clarissimus P. Papebrochius in Respons. ad exhibitionem error. par. 2. Art. 13. n. 36. verbis illis *Fidem S. Athanasii* minime Symbolum Athanasianum designatur, sed quidem Nicænum, in quo elaborando plurimum insudasse Athanasium veri simile est; Etenim cur Apostolico Symbolo commendato Nicænum, prætermisissent Augustodunenses Patres? Cur Athanasiani Symboli, cujus tunc nullus erat usus in sacris, cognitionem exegissent, Nicænumque ne uno quidem verbo commemorassent? Præterea ad Augustodunense sub S. Leodegario Concilium Canon laudatus haud referendus videtur, sed potius ad alia aliis temporibus procul dubio eadem in Urbe celebrata. Quare hinc nullum pro Symboli hujus antiquitate firmum argumentum haurire possumus. Verum ne majoris quidem momenti sunt verba illa, quæ in Concilii Toletani Quarti Professione Fidei leguntur; quamvis enim phrasæ nonnullæ ibidem inveniantur Symboli phrasibus oppido similes, attamen ejusmodi non sunt, ut iis Patribus Symbolum jam innotuisse demonstrent. Quin ex eodem Concilio has formulas quis delibasse videri potest, ut inde Symbolum istud constaret. Igitur ad seculum a Christo nato nonum devenimus, quo revera Athanasiani Symboli memoria nobis occurrit. Theodulfus Aurelianensis Episcopus, qui sub Carolo Magno floruit, in lib. de Spiritu Sancto num. 8. quædam ex hoc Symbolo citat, ipsamque Athanasio tribuit. Hincmarus postea Rhemenis contra Godescalcum cap. 35. & alibi Athanasium Symboli Auctorem nuncupat. Horum opinioni subscribere Agobardus Lugdunensis, Fridericus Ultrajectinus, Anselmus Hamburgensis, Rathramnus Corbejenis, Aneas Parisiensis, Abbo Floriacensis, Ratherius Leodicensis, alique non pauci ex antiquis, quorum catalogum reperias in Dissertatione mihi nondum lecta, quæ inscribitur: *Indicia eruditorum de Symbolo Athanasiano studiose collecta & inter se collata auctore Vivilbelmo Ernesto Tentzelio A. 1687. evulgata.* Quantum igitur ex literaria antiquitate colligere licet, nono dumtaxat Epochæ vulgaris seculo celebrari primū cepit, & sub S. Athanasii nomine commendari Symbolum istud. Ubi videas, quam male Gerardus Jo. Vossius ejusdem opusculi vetustatem seculo Christi decimo tertio olim adscripserit, quamvis eruditorum rationibus postea victus ad annum usque a Christo nato millesimum opinionem suam retraxerit. Quibus hætenus enarratis quis fortasse quærat, an aliquod an aliqua ante nonum seculum Symboli hujus vestigia reperiantur.

tur. Jacobus Ussérius Armachanus vir celeberrimus in Epist. ad Ger. Io. Uossium præfixa libello de Symbolis antiquorum Psalterium Latino-Gallicum in Bibliotheca Cottoniana sibi conspectum affirmat, quod tum e characterum forma, tum ex antiquo picturæ genere Gregorii Magni tempore recentius non erat. Ibi præter Symbolum Apostolorum Achanasianum quoque legebatur cum hoc titulo *Fides Catholica*, nullâ tamen Achanasii mentione injectâ. Eruditissimus præterea Antelmius in laudata Disquisitione de Symbolo Achanasiano vetustissimū Codicem in Colbertina Bibliotheca adseruari animadvertit, ubi Symbolum idem absque Achanasii nomine exaratum fuit. Codex vero ille Cottonianum antiquitate præcellere videtur. Equidem Clarissimo Viro tantam Codicis vetustatem affirmanti vix credebam, dolebamque summopere mihi nondum illius Disquisitionem occurrisset, quam ecce me huiusmodi cura levavit Cl. P. D. Bernardus de Montfaucon supra laudatus, cujus erudita consuetudine Mediolani ego nuper fruebar. Mihi igitur affirmavit vir doctissimus, geminos Codices ab Antelmio memoratos Caroli M. temporibus fuisse exaratos, neque tantam vetustatem ab illis præferri, quantum eis tribuit Antelmus. At nos in Ambrosiana Bibliotheca non minoris præstantiæ Codicem MS. servamus e celebri Bibliotheca Bobiensis in nostram illatum, in quo Symbolum legas omni tamen inscriptione destitutum. Idem autem Codex ille est, unde Bachiarium exscripsimus, antiquissimus plane, quippe ante annos mille & plures exaratus, ut in Prolegomenis ad Bachiarium, & pag. 16. prioris Tomi Anecdotorum conieci. In fronte libri aliâ, sed antiquâ manu hæc leguntur: *In hoc volumine infrascripta continentur: Dogmatis Liber Fidei: Bachiarium Fides. Sermo de Ascensione Domini. Hieronymi Fides. Ambrosii Confessio Fidei. Hieronymi regula Catholica Fidei, Libellus de Trinitate. Ambrosii de Trinitate libri tres. Eiusdem libellus Fidei.* Absunt a libro quinque postrema opuscula, & quoniam integer adhuc est Codex, & nusquam mutilatus, idcirco numquam adfuisse videntur. *Dogmatis liber* nullo Auctore notatus alius non est, quam *Liber de Ecclesiasticis Dogmatibus*, qui olim sub S. Augustini nomine circumferebatur, nunc ab omnibus Gennadio Massiliensi Presbytero adscribitur. Nonnullas in hoc Opusculum Observationes meas expectet Lector in libello quodam propediem typis commendando. Post Bachiarium Apologiam, & Symbolum *Quicumque hæc subsequuntur: Incipit de Ascensione Domini R. H. C. Sermo dicendus: Domini N. I. C. Adventus, ac Ascensio multas Fratres carissimi nobis præstitit Festivitates; nascitur enim primum, Magis ostenditur, post paulo patitur, resurgit, ascendit, ut nos cum eo nasceremur &c.* Deinde fragmentum subiicitur, cujus initium ita se habet: *Dens Trinitas invisibilis est, invisibilis etenim, atque immensa paternæ bonitatis Majestas nullis aut imitabilibus cognita, nec præteritis æternitatibus visâ divinitate, ætatem intra se omnia continens sibi soli quidvis, & quan-*



*ita fit, nota est &c.* Ita vero concluditur: *Nam Fides plus sentit, quam disputari queat.* Ad quemnam Auctorem Sermo sit referendus, me fugit. Fragmentum fortassis ex operibus S. Ambrosii desumptum est, quod in praesentia examinare non vacat. His additur *Hieronimi Fides*, eadem omnino; quae sub Damasi Romani Pontificis nomine inter S. Hieronymi opera olim fuit evulgata. Ut autem redeam ad Symbolum nostrum, illud singulari dignum est animadversione, quod nempe ab editis libris non parum dissentiat MS. hic liber. Constans enim eruditorum hucusque sententia fuit, omnino inter se Latina Symboli exemplaria concordare, Graeca vero multis in locis inter se dissidere. Profecto, quod est ad Graeca, sex novimus Symboli formulas inter se valde discordes, uti observatum est a Vvolfgango Gundlingio in notis ad Zialovuschi delinear. Eccles. Orient. pag. 69. Prima est, quam exhibet Gilbertus Genebrardus lib. 3. de Trinit. ex MS. Lazari Baiffii. Altera est, quam Anno 1565. Henricus Stephanus in Gallia vulgavit. Quae duae formulae septem in locis secum dissident. Tertia est a Philippo Labbeo, & Gabriele Cossartio edita quadragies a reliquis discordans. Quartam Ecclesia Constantinopolitana, Genebrardo recte, usurpavit, & mirum in modum ab aliis discrepat. Quinta hujus Symboli formula legitur Tom. 2. Operum S. Athanasii edit. Commel. pag. 38. Sextam protulit Usserius in libello de Symbolis, quae quoniam a Graecis plane interpolata videtur; pluribus quoque in locis a Latino Symbolo iceirco differt. Tanta autem harum formularum apud Graecos differentia illi quoque argumentum causam dedie, ut Symboli Auctor Graece nequaquam scripisse crederetur. Car enim tot insignes mutationes in Opusculo huiusmodi irrepperint, si Graecis literis prima Symboli forma commendata fuit, id potius diversis Interpretibus tribuendum est, qui Symbolum Latine primum conscriptum Graeca Civitate suo arbitrio donarunt. Latina vero exemplaria, quae hucusque inter se penitus consentire videbantur, Auctorem certe Latinum ostendunt. Opera tamen pretium erit, Codicem nostrum consulere. Symbolumque cum iisdem describere discrepantiis, quae ibidem leguntur, Ita autem se habet:

## EXEMPLAR ATHANASIANI SYMBOLI

Ex antiquissimo Ambrosianæ Codice.

**Q**uicumque vult esse salvus, ante omnia opus est, ut teneat. \* Addi-  
 Catholicam Fidem, quam nisi quis integram, inviolatur alia  
 tamque servaverit, absque dubio in aeternum peribit. manu:  
 Fides autem Catholica hac est, ut unum Deum in Trini- Sed Pa-  
 tate, & Trinitatem in unitate veneremur, neque confun- tris, &  
 dentes personas, neque substantiam separantes. Alia est enim Filii, &  
 persona Patris, alia persona Filii, alia persona Spiritus Sancti, \* una est Spiritus  
 divi, Sancti.

divinitas, aequalis gloria, coaeterna maiestas. Qualis Pater, talis Filius, talis & Spiritus Sanctus. Increatus Pater, increatus Filius, increatus Spiritus Sanctus. Immensus Pater, immensus Filius, immensus Spiritus Sanctus. Aeternus Pater, aeternus Filius, aeternus Spiritus Sanctus. Et tamen non tres aeterni, sed unus aeternus, sicut non tres increati, nec tres immensi, sed unus immensus, & unus increatus. Similiter omnipotens Pater, omnipotens Filius, omnipotens Spiritus Sanctus, & non tres omnipotentes, sed unus omnipotens. Ita Deus Pater, Deus Filius, Deus Spiritus Sanctus; & tamen non tres Dii, sed unus Deus. Ita Dominus Pater, Dominus Filius, Dominus Spiritus Sanctus; & tamen non tres Domini, sed unus Dominus. Quia sicut singillatim unamquamque personam & Deum, & Dominum confiteri Christiana veritate compellimur, ita tres Deos, aut Dominos dicere Catholica religione prohibemus. Pater a nullo est factus, nec creatus, nec genitus. Filius à Patre solo est, non factus, nec creatus, sed genitus. Spiritus Sanctus a Patre, & Filio non factus, nec creatus, nec genitus, sed procedens, Patri, & Filio coaeternus est. Unus ergo Pater, non tres Patres, unus Filius, non tres Filii, unus Spiritus Sanctus, non tres Spiritus Sancti. Et in hac Trinitate nihil prius, aut posterius, nihil maius, aut minus, sed totae tres personae coaeternae sibi sunt, & coaequales, ita ut per omnia, sicut iam supradictum est, & Trinitas in unitate; & unitas in Trinitate veneranda sit. Qui vult ergo salvus esse, ita de Trinitate sentiat. Sed necessarium est ad aeternam salutem, ut incarnationem quoque Domini N. I. C. fideliter credat. Est ergo Fides recta, ut credamus, & confiteamur, quod Dominus noster Iesus Christus Dei Filius, & Deus pariter, & homo est. Deus est ex substantia Patris ante secula genitus, & homo est ex substantia matris in seculo natus. Perfectus Deus, perfectus homo, ex anima rationali, & humana carne subsistens, aequalis Patri secundum divinitatem, minor Patre secundum humanitatem. Qui licet Deus sit, & homo, non duo tamen, sed unus est Christus. Unus autem non conversione divinitatis in carne, sed assumptione humanitatis in Deo. Unus omnino non confusione substantiae, sed unitate persona. Nam sicut anima rationalis, & caro unus est homo, ita Deus & homo unus est Christus. Qui passus est pro salute nostra, descendit ad Inferos, surrexit a mortuis, ascendit ad Caelos, sedit ad dexteram Patris inde venturus iudicare vivos, ac mortuos. Ad cuius adventum omnes homines reddituri sunt de factis propriis rationem, & qui bona egerint, ibunt in vitam aeternam, qui mala, in ignem aeternum. Haec est Fides Catholica, quam nisi unusquisque fideliter, firmiterque crediderit, salvus esse non poterit.

In eadem scripturae linea haec sequuntur: *Lacta mater eum, qui fecit te, quia talem fecit te, ut ipse fieret in te. Lacta enim, qui*  
fru-

*fructum fecunditatis tibi dedit conceptus, & decus virginitatis non abstulit natus.* Cumque Scriptori tribuenda sint hæc verba, ignotum est mihi; & quidem scirem, fortassis enim nobis conjectura esset, qua Symboli Auctorem cognosceremus. Quod tamen hæc potissimum animadvertas, versiculus ille est, in quo Spiritus Sanctus dicitur a Patre, & Filio non factus, nec creatus, nec genitus, sed procedens. Græculi quidam Photiano veneno infecti, quum S. Spiritum a Filio procedere negarent, neque tam luculentum Magni Athanasii, aut saltem antiquissimi Scriptoris testimonium eludere possent, in eam rapti sunt sententiam, ut a Latinis particulam & Filio additam Symbolo fuisse tradiderint. Et revera non Ecclesia tantum Constantinopolitana, sed Serviana, Bulgarica, Russica, Moscovitica, aliaque ritui Græco additæ, cæsi Athanasiano Symbolo in sacris Liturgiis utantur, hanc tamen particulam & Filio inde excludere. Eam contra Catholicos calumniam nostri temporis Novatores sibi adoptarunt, utque alios præteream, Uvolsingius Gundlingius in Notis ad Zialovutchi Delineat. Eccles. Orient. pag. 54. pluribus probare nititur, vocem illam & Filio a Latinis Symbolo intertextam, tum quod idē in Nicæno, seu Constantinopolitano Symbolo præstitere, tum etiā quod usq; ad seculum XIV. nemo contra Græcorum opinionem Athanasianum Symbolum produxerit, quum tamen jam quingentos annos controversia de Spiritus Sancti processione Occidentalium, ac Orientalium calamos exercuisset. Verum si Gundlingio germanam Codicis nostri antiquitatem oculis lustrare contigisset, quin minus suæ opinioni indulgisset, non dubito. Scilicet, uti supra diximus, longe ante Photiana deliramenta exaratus est liber, atq; in eo laudata vox legitur. Quamquam inficias non eo, quin a quibusdam nostris Scriptoribus vox eadem antiquorum operibus aliquando fuerit adiecta: Contigit hoc in libro Gennadii Massiliensis de Dogmatibus Ecclesiasticis supra memorato, ac in Confessione Fidei, quam alii S. Damaso; alii S. Hieronymo tribuunt. In utroque hoc Opusculo, ut ex antiquissimo Codice nostro animadverti, Spiritus Sanctus a Patre procedere dicitur, particula vero Filii desideratur, quæ tamen ab editis libris minime abest. Sed hæc fide non mala ab Orthodoxis Auctoribus præstitum est; religiosi seniam, tenerisque eorum mentibus flagitii loco habebatur, si quem ex antiquis Patribus inveniebant, qui S. Spiritum a Patre procedere, nulla Filii facta mentione, dixisset. Quod si veteris Historiæ rationem habuissent, utique intellexissent tum a Patribus Constantinopolitani Concilii Primi in Symbolo, quod Nicænum nuncupamus, tum ab aliis ante Photii Schisma Scriptoribus vocem Filioq; omisam plerumq; fuisse, non quod a Filio quoque Spiritum Sanctum procedere negarent, sed quod nondum in controversiam veritas illa adducta fuerat. Neque tamen defuere iis etiam temporibus Sanctissimi viri, qui sententiam a Schismaticis Græcis postea reprobata tuerentur, quales sunt S. Basilius lib. 3. contra Eunomium, Grego-

rius Nyssenus tract. 3. & 4. super *Pater noster*, Epiphanius in *Anchora* eo, Cyrillus Alexandr. lib. 13. cap. 2. Theodori, & alibi. S. Ambrosius lib. 1. cap. 15. de Spiritu Sancto, S. Augustinus lib. 15. de Trin. cap. 26. Paulinus Nolanus in Natal. IX. 6. Leo M. Epist. 95. ad Turribium &c. Sed quum nemini, ut aiebam, huc usq; in mentem venisset perversa Græcorum recentiorum opinio, qua Spiritus Sanctus a solo Patre procedere dicitur, hinc liberum unicuiq; erat S. Spiritum a Patre, nulla Filii mentione habita, procedentem appellare. Venio nunc ad Expositionem Symboli nunc per me redditam luci. Et primo animadvertendum reor, tanti apud Orthodoxos viros vel antiquitus factum fuisse Achanasianum Symbolum, ut illud Commentariis, atq; Expositionibus explicare, atq; illustrare summum decus censerent. Nimirum pretioso Opusculo hoc eruditionis tributum debebatur, ut Symbolis Apostolico, & Nicæno, quorum explicationi quamplures operam dederant, hac etiam ex parte simile redderetur. Multa de hujusmodi in Symbolum Expositionibus a Liriacensis Cœnobii culcioribus factis disserit laudatus Antelmus in Disquisitione de Symb. Achanas., quam non sine dolore hucusq; legere non potui. An aliquam integram produxerit Scriptor doctissimus ex hisce Expositionibus, mihi non liquet. Clarissimi quidem Patres Benedictini ex Congregatione S. Mauri, ut me per literas monuit eruditissimus inter illos P. Bernardus de Montfaucon, quandam hujus Symboli Expositionem in novissima Operum S. Achanasi Editione Tom. 2. evulgarunt ex MS. Codice Monasterii sui ante annos sexcentos exaratam, & a nostra omnino dissimilem. Ex edictis vero, quas adhuc viderim, Expositionibus præcipua est illa, quæ per S. Brunonem Herbipolensem Episcopum ante medium a Christo nato seculum undecimum conscripta fuit. Hanc legere est Tom. 18. pag. 345. Biblioth. SS. Patrum noviss. edit. Altera Tom. 23. pag. 596. ejusdem Bibliothecæ legitur, eamque lucubravit seculo Christo undecimo Hildegardis Virgo Sanctissima, ut suis Sororibus sacra Fidei nostræ documenta exponeret. Est porro nobis in Ambrosiana Bibliotheca membranaceus Codex annos ab hinc ferme sexcentos manu descriptus, ut ex characterum forma, alijsq; conjecturis affirmari posse mihi videtur. Heic præter alia Opuscula multa tres Symboli Expositiones habentur, quarum unam tantum nunc publici juris facio. Prima ita inscribitur: *Expositio Fidei Catholica*. Alteri nullus titulus præfixus est. Postrema vero hunc præfert: *Expositio Fidei Catholica Fortunati*. Quid hac inscriptione visa certi statuendum sit, nihil occurrit; adhuc enim in incerto est, utrum Symboli, an solius Expositionis Auctor Fortunatus affirmetur. Utrum libet tamen eligas, profecto magnum huic Opusculo pretium ex antiquitate accedet. Fortunatus autem heic memoratus alius a Venantio Fortunato non est, quem insulæ Picaviensis Ecclesiæ, quem Christianæ Poetices ornamenta æternitate donarunt. In Gallia Transpadana non longe a Cenetensi Castro, aut a Tarvisina Civi-

Civitatem natus est Fortunatus, Ravennae vero educatus, variisque ibi Disciplinis imbutus, antequam Langobardi Italiam invaderent, in Germaniam, Galliasque se contulit. Iis in regionibus diu versatus, summisque viris carus ad Episcopalem tandem Pictavorum Sedem evectus est. Plura ab eo profecta ingenii, ac eruditionis monumenta ad nostram usque aetatem servata sunt, non sine magna illius commendatione, quod barbaris omnino temporibus aequales alios Scriptores superaverit. Quod si pro Gallo, aut Afro Symboli Athanasiani Auctorem Italum haberemus, nunc magnum provinciae nostrae decus accederet. Quum igitur veri videatur simile, Magno Athanasio Symbolum non esse adjudicandum, si aliis Scriptoribus aut Vigilium Tapsensem aut Vincentium Lirinensem socius hujus parentes esse, per conjecturas divinando dicere licet, cur nobis non liceat paribus conjecturis inniti, celeberrisque Symboli Auctorem Fortunatum suspicari? Itaque argumenta superius allata colligamus, & investigemus, an commode Scriptori huic tanta laus, ac palma deferri possit. E Gallis primum prodierit Symbolum Athanasianum animadvertimus tum quod a Gallis Scriptoribus ante omnes celebratum, a Synodis, Episcopisq; Galliarum receptum, & commendatum antiquitus fuerit, tum etiam quod Treveris in Galliarum Metropoli illud elucubratum fuisse opinio increbuerit. Quapropter Pithoeus, ac Vossius, alique eruditissimi viri Gallum hominem Symboli parentem opinati sunt, Anselmus vero hac potissimum ratione ductus non Vigilium in Africa Episcopum, sed Vincentium Lirinensem Opusculi hujus Auctorem affirmavit. Atqui, Fortunato nostro eadem documenta accommodantur, in Italia quidem nato, sed pluribus annis inter Gallos versato, & apud eos vita defuncto. Illum Treviris etiam fuisse a vero non abhorret, namq; Nicetium Trevirensis Episcopum, ejusq; successorem Magnericum intima familiaritate coluit, uti ex carminibus 9. 10. 11. lib. 3. constat. Quum vero postquam haereses Nestorii, ac Eutychetis profligatae fuere, Symbolum procusum cognoscatur, utique in Fortunati tempora ejus origo cadere potest, quippe saeculo Christi sexto Auctor hic floruit, Synodique Chalcedonenensis auctoritate in hisce dogmatibus proponendis uti potuit. Ad haec ut supra animadvertimus ex antiquissimo Codice Bibliothecae nostrae Spiritum Sanctum a Filio quoque procedere scripsit procul dubio quicumque Symboli hujus auctor fuit. Ac Gennadio teste in Catal. Illustr. viror. humanis ereptus est Vincentius Lirinensis *Theodose, & Valentiniano regnantibus*, hoc est, ut opinari licet, circiter annum Christi 445. Eo autem tempore nondum Fidei dogmatibus passim accenseri solebat haec de Spiritu Sancto sententia. Plurique vero Scriptores Symbolum Constantinopolitanum sequuti nulla Filii facta mentione Spiritum a Patre procedere profitebantur. Ipsemet sanctus Vincentius nullum in Commonitorio illius sententiae vestigium reliquit,

quit. Contra seculo Christi sexto quum doctissimis viris clariss hęc formula coeperit usurpari, & a nonnullis quoque Conciliis probata, fuerit, a Venantio Fortunato probabilius potuit proponi. Nihil est autem, quod causas eruditi expiscentur, cur Athanasii nomen Symbolo huic præsuum fuerit, frustra que cum Quesoellus, cum Antelmio ostendere nituntur, Vigilio ac Vincenzio in more fuisse, ut alii Patribus libros suos supponerent. Nam si vetustissimos Codices consulamus, vel ipso Antelmio satente, in iis Symbolum absque ulius Auctoris nomine exaratum est, multisque solum postea seculis M. Athanasii nomen pręferre cepit. Quod si causam, ex qua Fortunatus hanc Fidei professionem pręcudere potuerit, inquiramus, illa occurrit, quod in Gallia seculo etiam sexto Nestorii, acque Eutychetis quæstiones agitabantur. Id patet ex gominis Pelagii Papę Epistolis ad Childebertum Regem, e quibus prior data dicitur III. Id. Decembr. Anno XV. P. C. Basilii V. C. videlicet An. Ch. 556. Ita vero Galliarum provincias, ipsumque Regis animum *femina scandalorum* invaserant, ut ipsemet Pelagius Pontifex Fidei suę formulam ad Childebertum mittere coactus fuerit, qua visa constanter in verę Religionis doctrina se Retentum. Et quidem circiter hęc tempora in Gallias migravit Fortunatus; ubi ex ejusdem carminibus probari potest, oblatęque forsitan occasione pro germana Christi Fide egregio Symbolo propugnauit. Certe veró ab huiusmodi studio pius ille Scriptor nequaquam abhorruit. Extant adhuc geminę illius lucubrationes, quarum priore Dominica Oratio exponitur, altera Symbolum Apostolorum. Sed & inter Fortunati opera, quę nobis supersunt, quędam colligas veluti semina verborum, ac sensuum in Symbolo expressorum. Expositionem Apostolici Symboli ita isenorditur: *Praclarum in primordio ponitur celestis testimonii fundamentum, quia saluus esse non poterit, qui recte de salute non crediderit.* Athanasianum vero Symbolum paribus elauditur verbis: *Hęc est Fides Catholica, quam nisi quisque fideliter firmiterque crediderit, saluus esse non poterit.* Carmine etiam 5. lib. 8. ubi Deiparę Virginis laudes canuntur, ita legitur:

*Quod Deus amplexus carnem est, caro iuncta cohesit,  
Stat Deus, atque homo fit, Christus utrumque gerit.  
Non Deus in carnem est uersus, Deus accipit artus,  
Non se permutans, sed sibi membra levans.  
Unus in ambobus naturis, verus in ipsis,  
Æqualis matri hinc, par Deitate patri.  
De pure natus habens divina, humanaque matris,  
De patre sublimis, de genetrice humilis &c.*

Quę sensu in Symbolo paribus ferme verbis exprimuntur. Hiscandem accedat Codicis nostri auctoritas, cujus fidem ut magis exploratam reddamus, hęc addere iuvat. Pręter librum nondum editum Gezonis

Abba.

Abbatibus de Corpore, & Sanguine Christi seculo Epochæ vulgaris decimo lucubratum, pluresque Glossas pervestigat in sacra Biblia, multaque alia Opuscula, Expositionem quoque continet Apostolici Symboli cum hac inscriptione: *Incipit Expositio a Fortunato Presbytero conscripta*. Eadem vero est ac edita inter Fortunati opera. Tum sequuntur geminæ ejusdem Symboli Explicationes, tres Orationis Dominicæ, & duæ Athanasiani Symboli *Expositiones* incertis Auctoribus scriptæ, tandem ut diximus, *Expositio Fidei Catholica Fortunati* legitur. Quocirca quin ad Venantium quoque Fortunatum Opusculum hoc sit referendum, nullus dubito. Quamquam non ita meis conjecturis plaude, ut facilius non arbuter, Expositionem potius quam Symbolum huic Auctori tribuendam. Potuit in ejus manus Symbolum devenire aut a Vigilio, aut a Vincenzio, aut alio quopiam elaboratum, cui notas apponere operæ pretium Fortunatus duxerit, Utcumque se res habeat, patientia tua diutius abuti nolo, Zacagni Clarissime, neque horarum tuarum literarum Reipublicæ utilitati sacratarum usum fraudare. Habes heic mei erga te obsequii argumentum, utinam ignorantix quoque non habeas, & ante tuum tribunal, si non commendationem impetrem, saltem humanitatis tue fructum, veniamque promerear. Vale.

GUINIFORTI BARZIZII  
ORATIO  
IN SPONSALIBUS  
PHILIPPI BONROMEI

*Circiter Annum MCDXXX.*

S Y S

PHILIPPO MARIA VICECOMITE  
MEDIOLANENSIVM DUCE.

**V**ideo, Magnifici Domini, spectabiles Cives, & egregii viri, summa cum atacritate ad sponsalia hæc contrahenda vos convenisse, de quibus cum a me Oratio haberi debeat, vereor, ne si pro rei dignitate & pauca, & minus accurate dixerò, temere aut arroganter hoc dicendi munus adiiisse videar, utque illud, quod, ut plane intelligo, de me aliquando fecistis, honestissimum judicium hac re hodierno die, non mediocriter imminutum sentiam. Quamobrem hoc primum  
etiam

etiam atq; etiam quæſo, exiſtimetis non eâ me volentem ad orandum acceſſiſſe, ut ambicioſe quas tenues, & exiguas eſſe proſiteor ingenii vires, oſtendem; ſed partim eorum auctoritate, quorum deſideriis obtemperare ſoleo, impulſum fuiſſe, partim affectu proprio, qui ſemper in eorum laude verſatus libentiſſime fui, de quibus ſermonem heic fieri cauſa poſtulat. Quod ſi minus copioſe res tanta, quanta eſt, a me abſolvetur, veſtra heic valeat prudentia, viriſpectatiſſimi, veſtra humanitas, ut cum facile perceperitis eam eſſe præſentis actus amplitudinem, cui vix ulla dicendi facultas par inveniri poſſit, tum mihi ſuccenſendum nihil putetis, ſi etiam, cum multa dixerò, plura ſilentio præteriſſe videbor. Dicendum quidem eſſe intelligo tum de matrimonialis contractus nobilitate, ac præſtantia, tum de utriuſque heic contrahentium claritate, & originis gloria, quorum utrumvis mente pertracto, immenſum ſe quiddam offert, quod non dicam oratione proſequi, ſed ne cogitatione quidem ipſâ complecti me poſſe conſido. Atque ut a primo incipiam, nonne divini atque humani juris codices uſque a mundi creatione diligenter evoluendi erunt, ſi & huius Sacramenti inſtitutionem, ac dignitatem cognoscere, & utilitates, quas per omnia tempora humano generi ſine intermiſſione attulit, inveſtigare, & privilegia, quæ multa promeruit, ſingula exquirere voluerimus? Sacris nempe literis edocemur non humano conſilio in hac miſeriarum vâlle, ſed rerum omnium conditoris Dei manu in Paradifo deliciarum, cum cetera a ſe trecta in pulcherrimam formam redegiſſet, ut in ſervitium hominum ſubiecta eſſent, hominem autem ipſum ad laudem & gloriam ſuam de limo terræ formaret, edocemur, inquam, ex hominis ipſius latere ab initio ſeculoſum eductam Evam, non per internuncium, ſed veritatis ſuæ verbo ſociam illi ad ſobolis propagationem, ad communionem vitæ, ad ſolatium adjunctam, & conjugatam fuiſſe, tantamque poſtea pro conjugio inviolabiliter ſervandæ curam Deum geſſiſſe, ut eos corporali morte cum lumina, infamia, & perpetua, cum intolerabili cruciatu affici voluerit, qui aliſino thoro ſe immiſcere præſumerit. Apud omnes vero populos, qui ratione ulla gubernarentur, frequentatum eſſe conjugium fidem nobis faciunt non ſolum ſcripta ſanctorum hominum, quæ veritatem doctrinaſque redolent, verum etiam poetarum carmina, qui tametiſi aliis in rebus velamine mendacii pluſima vera

con-



contexerunt, hoc tamen unum temerare ausi non sunt, imo id ratum videntes inviolabilia fere conjugia fando confixerunt. Idem fere Historiarum libri, cautiones legum, & omnium, qui in sermonem de hujusmodi re inciderunt, sententiæ vel plane decantant, vel indubie significant. Ita nobis palam fit nullum sive dixerim inter homines vinculum, sive divinum Sacramentum vetustate nobilius, auctoris majestate celsius, loci, in quo prius institutum fuit, eminentia clarius, frequentatione celebrius, aut firmitus, observantia denique generalius, hoc uno a divina providentia vel insitum nobis, vel traditum esse. Commoditates vero, quas ad universi generis conservationem, ad animarum salutem, ad tranquillitatem mentis, cordisque lætitiā, ad corporum sospitatem, laborumque solatium, ad fortunæ bonā, pacem, amicitias, affinitates, honores, divitias, tum universum ipsum genus humanum, tum singulæ quæque nationes, tum singularissimi homines innumeras pene consequuntur, non est mei propositi enumerare, primum quia nimis longam exigunt orationem, nec satis omnia colligi possunt, deinde quia expers ego conjugii multa ex fide, aut conjectura, dicturus apud vos essem, quæ non solum pro vestra prudentia multo apertius ea intelligitis, quam ego, sed etiam ab experientia, quæ rerum magistra nuncupatur, pene omnes certius teneris. Suadet ergo hæc ratio, ut jura specialia matrimonii, quæ tam inducta quam per juris corpus diffusa late patent, non negligam; non parvo etenim studio egent, si unum in locum redigi debent, & ea præsertim ratione commemoraturus ea fuisset, quæ & signum manifestissimum utilitatis hujus ab totius orbis rectoribus optime intellectæ, & nobile de ipsa per eos promulgatum judicium palam factura esset. Itaque his atque aliis prætermiſſis, quæ in matrimonii laudem reduci possunt, ad ornatum adolescentem Philippum, & ad modestissimam virginem Franciscam, inter quos Sponsalia fiunt, converteretur oratio mea. Quorum ætas florida, & decens forma, cum ad conjugium aptissime conveniant, tum etiam cetera, quæ in vita humana desiderari solent, bonā spem optimam præbent, hanc societatem unanimem inter eos ac summe tranquillam, parentibus vero, propinquis, & amicis jucundissimam, denique & Principi, & universæ patriæ probatam semper, ac fructuosam fore. Atque ut reliqua omittamus, aspiciat, obsecro amplissimi viri, eff-

giem horum, atque indolem, & quid secum afferat, considerate. Nonne duo quasi virtutis simulacra nobis repræsentantur? nonne suavissimam civilium morum fragrantiam spirant? nonne pulcherrimam prolem, suisque majoribus dignam pollicentur? Hujus tam ingenuæ indolis non fallacia signa esse, confirmat eruditio, ac summa in his adolescentibus honestissime per omnem ætatem instituendis parentum vigilantia. Genitura autem, & a claris majoribus ducta origo, quantum in liberis momentum habeat, quam vim, sæpe videmus. Num igitur iudicium de his nobilissimum facere dubitabimus? quia, etiam antequam geniti essent, non nisi excellenti ingenio, præstantique natura procreari posse videbantur. Ex Vicecomitibus innocentissima hæc virgo Francisca utroque parente orta est, quorum genus cum altius repetitis ab annalibus, primum a Trojanis, dehinc ab Albanis processisse dicatur. Tum illud in aperto est, plures Principes, magnumque insignium procerum numerum superiore hoc tempore tulisse, nunc vero serenissimo isto fidere, in cujus lumine ambulamus, Philippo Maria Excellentissimo Duce non modo Italiam illustrare, verum etiam splendorem suum ad quascunque sive Transalpinas, sive transmarinas, sive Jesu Christi Redemptoris nostri caractere insignitas, sive barbaras, & quantumvis remotissimas nationes transmittere, de quo plura dicerem, si & temporis, quod angustum datur, ratio id permetteret, & ego ad immensam hanc rem transigendam viribus meis satis considerem. Hæc Vicecomitum progenie, quæ ad Coeli similitudinem varium in se ornatum & omne juxta suum esse pulcherrimum continet, oriunda novitia nostra gloriari præterea potest patrem esse sibi L. magni animi virum, cujus ut fortitudo atque prudentia difficillimis in rebus egregia esse dignoscitur, ita & mansuetudo, liberalitas, magnificentia se spectabilem præbet; fides autem, & in Principem nostrum invictissimum devotio integra Celsitudini suæ probatissimum eum, & carissimum facit. Quid de Philippo adolescente Patricio dicam? qui ex gemina domo avita, scilicet Vitalianorum, & Bonromeorum veram legitime trahens originem præcipuum ab utraque nobilitatis ornamentum suscipit? Vitalianos enim Padua Urbs celeberrima insignes varjis dignitatibus, eximisque titulis per multa jam secula etiam primarios habet. Nominarem hoc loco inpavidum militem, atque fortissimum adhuc  
in

in rebus humanis agentem Avi quondam tui, Philippe, fratrem, nonnullosque alios, de quorum strenuitate, ac magnificentia recens erat memoria. Commemorarem affinitates, quas cum illustribus Marchionibus Estensis, quas cum aliis amplissimis familiis Vitalianum hoc genus aliquando contraxit. Dicerem & aliud excelsum quoddam in illius generis laude, quod adolescens ego eadem illa in Urbe didici; sed cum de Philippo filio dicturus sim, prohibet me Vitaliani patris conspectus praesens, cujus ut recte facta omnia laudem cumulatissime pariunt, ita & aures ab omni laude, maxime quae ambitiosa cuiquam videri possit, vehementer abhorrent. Bonromeos autem magnos olim Etruria, & potentes novit; hac vero aetate orbis nulla est pars, quae non eos spectatos habeat. Nam cum superioribus seculis opulentissimae Terrae Sancti Miniati Principatum cum subjacentibus sibi munitissimis oppidis tenuissent, non solum dehinc per omnes Italiae florentissimas Civitates, sed ad exterarum quoque nationes per Europam, ultra Alpes, ultra Pyrenaeos montes, ultra Oceanum, in Africam quoque, & in Asiam suum latissime nomen extenderunt. Clarissimum ergo utrumque genus tuum, Philippe, crebro ad memoriam revoca, & stude (quod te studere gaudeo) maiorum tuorum gloriam, quamquam splendidissima est, cum laude vel superexcellere, vel adaequare. In primis autem ante oculos patrem tuum Vitalianum Bonromeum, virum integerrimum, constitue, semperque in eum intentus esto, ut suam virtutem consequare; Neminem enim reperio, quem te sequi magis deceat; Ab eo namque rerum omnium in civili vita occurrentium modum perdisces; In eo quod diligentia pariat, quod frugalitas servet, quod liberalitas, quod magnificentia effundat, perspicies; Ex eo quae moderatione appetendi pro dignitate honores amplissimi, quae facilitate oblati ultro pro Republica non spernendi, quae fide, quo studio administrandi, certissimam doctrinam hauries. Ipse te docebit, quae religione in Deum, quae devotione in Principem, quae caritate in patriam, pietate in parentes, benevolentia in proximos, & amicos esse, quam submisse in superiores, quam comiter ad pares, quam mansuete ad inferiores, quam benigne ad omnes, atque beneficere habere debeas. Ejus monitis si obtemperabis, tum ad Oeconomica, seu privata negotia, tum ad publica impigre, quotiens adunda erunt, ac prudenter accedes, omnemque ita com-

pones vitam, ut nihil amplius secundum civiles mores desiderare quisquam in te valeat. Sed eo redeo, unde oratio divertisse videtur. Tam claris parentibus, tantisque majoribus geniti adolescentem nostrum, quibus nec mores decentissimi, aut honestissimæ disciplinæ defunt, & ea, quæ vel natura dare, vel fortuna concedere potest, virtutis ac beatæ vitæ adminicula copiose affluunt, certissimum, quantum humana conditio ferre potest, regia sua indole nobis indicium ferunt, conjugium hoc jucundum, utile, sanctum, ac felix ad Dei laudem futurum. Quare Cives nobilissimi congratulemini omnes (id quod certe fit) tum adolescentibus his, quorum merita in sui dilectionem allicere quemque debent, tum eorum parentibus, magnificis viris, Deumque Patrem omnipotentem precemur, ut qui affinitatis hujus auctor, atque omnis boni dator est, solidum hoc gaudium, stabile, ac perpetuum esse concedat. Verum quoniam hoc percipi non potest, nisi voluntatum invicem sponcione, ac veluti quodam voto præcedente, ad stipulationis ego verba in Jesu Christi Dei, ac Mariæ Filii Domini nostri matris, nomine, Spiritu Sancto gratiam suam infundente accedam; eam vero, ut res ipsa postulat, plebejo sermone depromam.

## O R A T I O

I N N U P T I I S

JOANNIS AVGVSTINI VICECOMITIS,

E T

O T T O N I S M A N D E L L I

*Circiter Annum Christi MCDXXX, recitata.*

**S**I quando ulla in conjugali celebritate habenda fuit a me Oratio, magnifici Domini, & Spectabiles, & Cives egregii, semper ipse mihi sum visus amplam rem, ac supra meas vires arduam aggredi, quamquam & otio vel non mediocri tunc respirarem, & nunquam de pluribus sponsalitiis contractibus uno tempore dicendum foret. Nunc vero studiorum multiplicium curis ad gemina inclyta sponsalia simul celebranda evocor (dicam hoc fortasse præter expectationem vestram, sed vere dicam) molestum

lestum quippe sentio, quod parum temporis ad Orationem, si non pro dignitate rerum, saltem pro industria, quantulacumque est, constandam habuerim; molestius, quod non satis eloquentiæ ad res tantas etiam longo dierum spatio allaturus fuisssem. At cum trium patrum, hinc Petri, & Raphaelis, inde Vitaliani auctoritas, & præstantia, cum virginum hinc duorum, inde duarum ad contractum venientium nitidissimus candor emicuit, facile impelli potui, ut contra institutum meum nobilem hanc orandi provinciam ad me delatam sumerem, mallempque & inops in dicendo, & jejunos videri, quam vel pertinaciter his contradicere, quibus obtemperandum semper duxi, vel ea voluptate carere, quæ se mihi offerebat de angelicis, ut sic dixerim, connubiis cogitanti. Igitur ut quibus de rebus futurus est sermo, explicem, tenellas duas elegantissimas virgines Margaritam, & Taldam sub matre Ambroxia, matrona integerrima, decentissimis ornatas moribus, Palladiisque disciplinis apprime instructas exhibet Vitalianus pater, spectabilis vir. Magnificus autem, ac potens Heros Petrus Vicecomes Patri-  
cium adolescentem primogenitum suum Joannem Augustinum, huc loci adduxit, cui prior natus puella matrimonio vincitur. Raphael quoque Mandellus, splendidissimus Civis filium venustissimum Ottonem in medium profert, ut sibi despondeatur annis puella tenerior. Quid de his sentiam, colendissimi viri, si quis me interrogat, aperte profiteor rara hujuscemodi connubia contrahi, & rariora quidem, quam plerique animadvertērint. Intueamur parentum excellentiam: pudet me de patribus heic adstantibus loqui, ac eo licentius id prætermitto, quod eorum & fortunæ fulgor in aperto est, & virtutum tum urbanarum, tum & militarium splendor, & domi forisque anteaclis claruit annis, & quotidie ante hominum oculos versatur. Quodque singula heic me numerare neque ipsis gratum esset, & mihi longum, vobisque audientibus assentatorium videri posset. Connotentur itaque avi, proavi, longiusque distantes alii progenitores atque agnati. Ad Augustinum cum proavo Berteto, plurimisque aliis agnatione sibi astrictis militibus inclytis se conferet avus Gaspar, ille vir magnus, ille in militia probatissimus, in Senatu primus, in rebus præclaris vices sæpe Ducales gerens, qui cum opibus, & potentiis tantum posset, quantum nemo civis, id sapienter curavit, ut consilio, ut auctoritate, ut Principis & gratia, & judicio excelleret. Nec materni Augu-  
stino

Anno decerunt magnifici Saonæ Marchiones. Hunc quoque locum irradiabunt, qui terrarum orbem illustraverunt Excellentissimi Principes ex eodem illo, ex quo & Augustinus descendit, Vicecomitum capite orti. Quorum unus hic noster Serenissimus Dux Philippus Maria eminentissimum celsis majorum suorum laudibus cumulum adiciens vere docuit, nihil tam sublime inter mortales inveniri, quin ad sublimius contendere celsus animus & possit, & debeat. Ottoni adolescentulo aderit avus Otto Mandellus, summos apud Reges Legatus ille acceptissimus, ille pius oppressorum patronus, ille nostrorum Ducum Illustrissimorum & patris, & filii Senator gravissimus, ille in armis acerrimus Capitaneus, aureis insignibus, victoriarumque trophæis ornatus. Aderit Petrus Ottonis illius pater, qui universo primum Serenissimi Regis Angliæ, dehinc Illustrissimi Principis nostri Galeazæ exercitui feliciter præfuit, dignamque immortalitate post se memoriam reliquit. Aderunt multis comitati Nicolaus, Mafæus, Guiderus, Mandellæ milites, nedum suis temporibus, sed nostra etiam ætate famosissimi. Aderunt Crivelli nobilitatis vetustate, variisque honorum titulis præclari. Aderunt inclyti Gonzagæ Mantuani strictissima Ottoni consanguinitate conjuncti. Aderunt ex Marchionibus Hestensibus, & Malaspinis, ex Pellevicinis, ex Comitibus Rusconibus, ex multis nobilissimis tum Mediolanensibus, tum exteris parentelis viri Sapientissimi, qui se Ottoni huic adolescentulo applicabunt. Nec vero dispartire singulos adolescentes singulos tantorum. Procerum turmæ circumvallabunt, sed promiscue ambos complectentur, quod ut planum reddam non diutius immorabor verbis. Nota est enim huic Urbi affinitas, quæ inter Vicecomites, atque Mandellos per temporum longa curricula successive renovata est. Sed & puellis nostris grandævi accedent parentes, qui vestro illas conspectui ornatiores offerent. Ex Bonromeis enim hæc confluent, qui magnis administrandis rebus terras mariaque lustrant. Ex Vitalianis quoque generosi concurrent milites, bello pacique aptissimi, inter quos apparebunt qui magni Ecclesiæ Consanonerii extiterunt. Concurrent ejusce cognominis viri plerique, eximii. Concurrent, imo iam præsentæ ad sunt Pagnani spectabilibus multis affinitatibus septi, suæque propria claritate conspiciui. Concurrent denique Marchionales. Hestens domus, aliarumque nobilium præstantes multi, qui jure sanguinis puellas cir-

circumstabunt. Hos etsi pulchrum esset enumerare, tamen ut prolixitatem nimiam vitam, silentio transeo. Hastenus quæ dicta sunt vel præsentī fide tenemus, vel non remota longe a patrum nostrorum memoria fuerunt. Quod si ad remotiora nos secula contulerimus, in Regia usque solia (nisi famæ, literarumque monumentis negatur fides) quacumque ambulaverimus una conscendemus. Non me diffundere in hoc sermone possum, ut confiterer, viri clarissimi, quia præfixas habeo temporis metas, quas pronuntiando præterire non licet. Illud jam liquido persuasum puto, raro ad conubia tantam undique majorum gloriam convenire. Illud singulare quiddam heic conspicio, quod etsi neminem contra suspectum verear, præcipua tamen prædicatione dignissimum judico. Innocentissimæ duæ virginēs duobus una hora virginibus, quale nescio quando alias auditum fuerit, puberibus nubunt. Contemplemur, quæso patres sapientissimi, immaculata hæc conjugia, delicata, suavitatis odorem spirantia, quibus plane confido cœlestes Angelicos spiritus magna frequentia interesse. Contemplemini hæc conjugia primo illi, quod in Paradiso deliciarum institutum fuit, quam simillima. Contemplemini, inquam, ea, filiisque vestris proponite in exemplum, ut suam integritatem eos conservare non pigeat. Imo & ipsi vobis exemplum inde sumite. Volo enim excitemini ad filiorum vestrorum vitam sagaciter explorandam, ad intempestivam eorum tempestive cohibendam lasciviam, ad bonas cogitationes ipsorum mentibus inferendas, ad ingenia pulcherrimæ alicuius disciplinæ, virtutumque omnium studio dedicanda. Incredibile est, quantum me istorum puritas sincera delectet; Idem non dubito & vobis accidere, atque illud tacite in mentem venire, hunc esse præcipuum actum, cui parem neque videritis unquam, nec quando visuri sitis animo pernoscere valeatis. Hinc ea sola expectatione nos detineri animo, ut id perfectum cernatis, quod tanta admiratione suspicitis. Ego vero libenter quantum in me erit curabo, ut desideris vestris satisficiatis, si tamen pauca prius pro inextinguibili qua sum perpetuandi hujus boni cupiditate præcepero. Ad vos me converto Joannes Augustine, & Otto Cœlici adolescentes. Incomparabilem thesaurum vos parentum exactissimâ diligentia, vestraque ex parte naturâ in hunc usque diem custodistis. Jam in alium, dum tempus idoneum erit, transibitis statim,

tum. Vigilate, quæso: imo vos per Deum adjuro, vigilate, & attente studete vestrum in sanctificatione vas custodire, nullique illecebris animos vestros in extraneam labi concupiscentiam patiamini. Summam, credite, jucunditatem capietis, quotiens nullum unquam illicitum notum vobis fuisse concubitus meminertis, quotiens & proprias vobis conjuges meminertis, & vos illis proprios fuisse cogitabitis. Hinc amor perpetuus existimabile, conjugii bonum, hinc mentium hilaritas, hinc filiorum Deo largiente optata fecunditas, hinc divinæ gratiæ multiplicatio prodibit, ut sperare audeam, qua vos ætate intueor, si Dei non contemnitis donum, vobis antequam extremum claudatis diem superstites in quartam & in quintam generationem liberos fore. Hæc, atque his consentanea quoniam vos præ oculis habituros, vestramque vos non inquinaturos mundiciam spero, brevi hac suasionis contentus finem dicendi facio, securusque ad verba stipulationis, invocata Beatissimâ Virgine D. N. I. C. Matre Mariâ, Deo præfidente accedo.

### *In gemina hac Epithalamia Disquisitio.*

**N**æque hæc, licet sequioris ævi factus, illustria monumenta, amplius eruditis occultanda censui, in eis enim non mediocris eloquencia, & amplissimæ Borromæorum familiæ præconia honoresque spectantur. Ita Sanctissimi Antistitis olim nostri Caroli propagata est fama, adeoque ejus præclaris pro Religione Catholica gestis non Urbs modo Mediolanensis, sed tota Christianorum Respublica se obstrictam fateatur, ut ejus originem nobilissimam noscere aut omnium intersit, aut saltem nemini ingratum futurum sit. Satis hæc una causa fuisset, ut Borromæorum nobilitati istud etiam singulare testimonium adderem; Propiora, nihilominus momenta scribentem urgent ad obsequii professionem. Etenim si magni illius Federici Cardinalis Borromæi studium in hanc Urbem mecum reputo, quo splendidissimam Bibliothecam, atque in ea celebre Collegium Ambrosianum literarum comodo, atque æternitati sacravi, quot nominibus eidem devincti non sumus? Atque ego potissimum qui in ejus Collegium nulla virtutis commendatione ab Illustrissimis Conservatoribus sum coopertus tanto arctius in Borromææ gentis ære sum, quanto præsentius ejus munificam beneficentiam sentio. His accedit humanissima illa benevo-

len-



lentia, quā me prosequi p̄to sua magnanimitate non desinunt cum Excellentissimus Comes Carolus Verbanus Lacus Toparcha, vellerisq; aurei Eques, tum Illustrissimus, ac Reverendissimus Comes Gibertus utriusq; Signaturæ Referendarius, Protonotarius Apostolicus ex participantium numero, & Vicoboldoni Abbas, atq; Excellentiss. Comitibus Caroli dignissima proles Comes Joannes, quibus æternos annos mecum Italia tota adprecatur. Proinde cur ego de nobilissima familia perpetuo fileam in tanta meritorum affluentia? Vix ingrati animi vitio liber abeat ille, qui, dum vires majora negant, aliena beneficia saltem testando non probet. Opportune itaque contigit mihi, ut egregias hasce Orationes tenebris, ac pulveri subducerem, quarum op̄e & Borromæorum præstantia, & meum erga illos obsequium uberius explicarentur. Et de hujusquidē gentis antiquitate, ac nobilitate peculiare tractatus edidit doctissimi viri Joseph Ripamontius in Libris *de Origine, & Pontificatu S. Caroli* Basilii Serenius in *Stylobate familia Borromææ*, & Io: Petrus Crescentius in *Amphitheatro Nobilitatis Italicae*. Atqui eorum nemini hujusmodi occurrerunt Orationes, e quarum alioqui luculenta auctoritate lucubrationum suarum pretium augere potuissent. Nostris autem temporibus quum de præstantioribus Italicae familiis eruditissimum opus elaborare pergit Jacobus Vunthelmus Imhofius, Norimbergensis Senator, vir editis scriptis undequaque clarissimus, in illustranda Borromæorum Genealogia operam ab illo collocari compertum est mihi. Quare illius studiis, non exiguum lumen quæsitum fuisse, si & has conciones ante scribentis oculos constituam. En igitur ambas, quarum priorem ex Ambrosiana Bibliothecæ MS. Codice X. 339. in 4. descripsi. Quisnam vero ejusdem auctor fuerit, ante omnia inquiramus. Guinifortus ille est Bergomas Gasparini Barzizii C. V. filius, quem seculo Christi XV. eloquentia insignis, publicæque dignitates Mediolani celebrem fecere. Tredecim annos natus in Patavina Universitate Doctoris insignia meruit, suamque famam adeo amplificavit, ut a Philippo Maria Vicecomite Mediolanensium Duce ad plurimas easque præclarissimas dignitates evectus fuerit. Præter nonnullas tanti viri Orationes Epistolarum quoque ab eodem conscriptarum libros aliquot in Ambrosiana Bibliotheca nondum evulgatos servamus, in quibus quum multa eorum temporum negotia non omnibus obvia pertraherentur, mirabilisque eloquentiæ vis contineatur, luci reddendos per me aliquando confido. Ex his autem Epistolis nonnulla excerpam, ut Barzizii res melius dignoscantur. In Ticinensi Gymnasio eloquentiam publice professus est. Philippo Mediolanensium Duci a secretis fuit, eumque propterea *Ducalem Secretarium* appellat Aeneas Silvius Ep. 51. Senatorum quoque in album relictus fuit ab Alphonso Aragonum Rege, cui Guiniforti virtutes pluribus experimentis perspectæ erant. Hoc autem ex eiusdem Epistola

ad Bartholomæum de la Sala cognovi : *Agam*, inquit, *literis apud Clarissimum virum Iuriconsultum Iacobum Pergri Regium Senatorem, ac Vicecancellarium, cui ego Senatorii Collegii societate, intimaque familiaritate conjunctus fui.* Supra vero hæc dixerat : *Operam meam apud Serenissimum Regem Aragonum desideras, cui me pro sua clementia carum esse, ut suspicor, audisti.* Et profecto ad Regem Alphonsum non semel Legati munere auctus se contulit, aut potius ab illo ad alios missus est, illiusq; iccirco gratiam tam alte sibi conciliavit, ut quamplurimis donis ab illo egregie præter ceteros ornatus discesserit. In Epistola etiam ad Episcopum Novariensem A. C. 1434. scripta se *Regium Senatorem, atq; Legatum* inscribit. Neq; in ornando Guiniforto cuiquam cessit Philippus Maria Vicecomes, Vicarium enim Generalem eundem creavit, aliisq; dignitatibus amplificavit. Quapropter facile ipsi fuit nobilissimam sibi vxorem querere, de qua multis in Epistolis, ac præsertim ad Joannem Augustinum fratrem suum ita scribit : *Vxorem mihi nobilissimam tunc virginem, atq; iis ornamentis pradam despondi. Ejus pater quondam Iohannes Malabarba Mediolanensis virtute spectatus, ac nobilitate primarius civis.* Ceterum quanta apud Principes Guiniforti existimatio, & fama foret, ex laudatis Epistolis cognoscere licet; scribit enim ad Imperatorem Sigismundum, ad Joannem Gonzagam Mantuæ Marchionem, ad Joannem Iacobum Montisferrati Marchionem, ad Alphonsum Aragonum Regem, ad Joannem Nauarræ Regem, ad Rectores Civitatis Camerini, & ad plurimos alios Episcopos, egregiosq; amicos. Inter hos postremos *Stephanum Cacciam Iuriconsultum Novariensem, & Concistorialem Advocatum* pluribus literis convenit. Ex hac vetustissima familia natum nunc Emin. Cardinalem Federicum Cacciam Mediolanensem Archiepiscopum, & veneramur, & singulari amore prosequimur, cui olim idem muneris Romæ non sine Mediolanensium, suiq; gloria exercere contigit, quasi Maiorum gloriam, quam virtutibus superat, iisdem dignitatibus antea æmulari videretur. Ab Anno igitur 1400. ad 1450. in vivis egisse Guinifortum, veri prorsus simile arbitror, atque ut animadverti, pleræque ejus Epistolæ intra Annum 1430. & 1446. conscriptæ fuere. De hoc egregio Scriptore meminit P. Donatus Calvius in Scena literar. Scriptor. Bergom. pag. 311. ubi illius lucubrationes recensens hanc quoque habet : *Oratio in Sponsalibus Philippi Borromæi adolescentis ornatissimi. Incipit: Video magnifici Domini.* Seculo itaque Christianæ Epochæ decimo quinto ea Mediolanensibus consuetudo erat, ut quando inter nobiles viros matrimonia ineunda erant, coram præstantissimis Civium, & universis affinibus nuptiarum contrahendarum solemnities peragerentur. Is primariorum conventus, & publica lætitia sæpe illustri aliqua Oratione excipi solebat, qua in sponso- rum laudem, familiæque commendationem quædam pronuntiabantur.

Hinc

Hinc eloquentissimis viris eâ provinciâ demandatâ familiarum encomia proferebantur, & quæ sponſis dignitas, quæ parentibus, & conſanguineis merita forent, brevi ex panegyrico patebat. Ubi vero in harum Orationum calce vides, Oratorem *ad ſtipulationis verba accedere*, ne continuo cogita, heic diploma illud memorari, quod noſtris temporibus ſponſalia, ut ajunt, de futuro præcedere, atque a tabellionibus conſci ſolet. Uti enim ex aliis hujusmodi concionibus perſpexi, ſtipulatio illa erat, quæ Sponſalia, ut ajunt Leguleii, de præſenti perficit, integrumque Matrimonii Sacramentum conſtituit. Scilicet ante Concilium Tridentinum ad Sacramentum abſolvendum neceſſaria minime fuit Parochi præſentia. Quare peractâ concione, ipſius Oratoris erat nuptias facturos interrogare, quorum conſenſu expreſſo ſtipulatio Matrimonii expreſſa dicebatur. Quanti igitur Barzizii Oratio faciendâ ſit, quippe a tanto viro lucubrata, & in conſpectu, ut ita dicam, totius Urbis recitata, nemo non videt. Adulationis ſuſpicionem proſecto avertebat & dicentis auctoritas, & auditorum majeſtas. Adhibere vanos titulos, & familiarum antiquitatem incertiſ efferre monumentis tum maxime fugias, quum Oratio multorum, & quidem præclariffimorum Civium auribus accipiendâ eſt, quibus neque mendacia placeant, & mentientem convincere in promptu ſit. Philippo Vitaliani Bonromei filio uxor deſtinabatur Francisca Lanceloti Vicetomitæ filia, quam Francischinam Ripamontius in lib. de orig. & Pontif. D. Caroli vocat. Quapropter, ut Matrimonium ſplendide pro more celebraretur, acciti fuere inter Mediolanenſes nobiliſſimi, qui ſtipulandis nuptiis intereſſent, & Guiniſortus delectus, ut familiæ utriuſque ſplendorem eloquentia ſua teſtaretur. Omnium votis, ſuoque muneri plane reſpondit vir diſertiſſimus, nobiſque non inſimum Borromææ gentis ornamentum reliquit. Nam primo Borromæorum, ac Vitalianorum proſapiam in unam coaluiſſe familiam eſt auctor, quod alii itidem Scriptores memoriæ mandarunt. Deinde Vitalianos antiquitus Patavii in urbe clariſſimos ad tempora uſque ſua floruiſſe teſtatur, dum ait: *Vitalianos Padua urbs celeberrima inſignes variis dignitatibus, eximiisſque titulis per multa jam ſecula etiam primarios habet.* Tum affinitates addit, quibus ſe cum inclytis Marchionibus Eltenſibus, aliſque ampliffimis familiis Vitaliani devinxerant, & in hæc verba deſinit: *Dicerem & aliud excelſum quoddam in illius generis laude, quod adoleſcens ego illa in urbe didici &c.* Quid ſit eximium hæc decus, quod a ſe Patavii olim auditum veluti tranſeundo commemorat Guiniſortus, nolo divinare, facile tamen adducor, ut credam heic ſignificari potentiſſimam antiquitatem Vitalianorum gentem fuiſſe, adeo ut illic imperaſſe crederetur. Proſequitur: *Bonromeos autem magnos olim Etruria, & potentes novit. Hac vero ætate orbis nulla eſt pars;*

qua non eos spectatos habeat. Nam cum superioribus seculis op̄t̄ lentissima terra S. Miniati Principatum cum subiacentibus sibi munitionissimis oppidis tenuissent, non solum dehinc per omnes Italia florantissimas Civitates, sed ad exteras quoque nationes &c. suum latissime nomen extenderunt. Et profecto insigne oppidum S. Miniati ita Bonromeorum nomine, & dominatu illustre olim fuit, ut illinc eorum nonnullis appellatio advenerit. Illustre est Venetiis in S. Helenz sacris ædibus monumentum, ubi sepultus est Anno Ch. 1431. Alexander Bonromeus his versibus appositis:

*Mitis Alexander vir Bonromeus Ethriscus,*

*Natus enim Sancto Miniato propagine clara &c.*

Ibidem quiescit Bonromeus de Bonromeis Alexandri frater natu major cum hac Epigraphe:

*Insignem virtute virum, Comitumque Tiara*

*Vallis, & Arquati Dominum celeberrima presens*

*Urna tenet. Tantam genuit Florentia prolem.*

*Hic pietatis honos, gravis, & sectator honesti*

*Bonromeus erat justus. Ditavit egenos*

*Semper, & his meritis superam penetravit ad aulam.*

*Matthæus de Reverfis*

*Mediolanensis fecit MCCCXXII.*

Sed quoniam de hoc Bonromeo mentionem fecimus, audire non pigeat, quæ de illo Baldus Iurisconsultus habet volum. 2. Conf. 147. Refert hic Diploma concordie, quam cum Francisco Carrariensi iniit Ioannes Galeaz Vicecomes Comes Virtutum, Dominusque Mediolani Anno 1392. Eiusdem Carrariensis imperio relinquatur urbs Patavina, quæ Vicecomiti ante paruerat, ita tamen ut intacta bona, ac iura iis serventur, qui a Vicecomitis partibus steterant. Illos autem huiusmodi beneficio frui vult, qui sint originarii, sive habitatores Padue, & quoscunque alios subditos præfati Domini Comititis Virtutum, qui habent domos, vel possessiones iusto titulo acquisitas in Padua, vel districtu, & specialiter Milanum de Malabarbis, & patrem, ac Dominum Bonromæum de Bonromais de S. Miniato habitatores Padue. Hæc in illo Diplomate, cui ipsemet Baldus subscripsit. Patavium itaq; vnde antiquitus ortum duxisse dicuntur, iis etiam temporibus Bonromei incolebant, adeoque conspicui erant, ut eorum in publicis inter Principes Actis ratio haberetur. Illâ vero eadem in Urbe Vitalianorum ac Bonromeorum familiæ longo temporis spacio, ut creditur, sejunctæ iterum per adoptionem insimul nexæ fuerunt. Nunc etiam in Verbano lacu antiqua arx Vitaliana seculo Christi decimo quinto ædificata utriusq; familiæ memoriam hac inscriptione marmori commendata testatur:

*Vitaliana vocor Verbani turris in undis*

*Edita, primæva nomina stirpis habens.*

*Me Ludovicus sic Bonromeus in altum*

*Extulit, ut pateat Vitalianus honor. &c.*

Infra leguntur alii versus, inter quos iste:

*Vitalianorum Ludovicus vera propago.*

Plura possem heic pertexere in amplissimæ familiæ laudem, ni me cumulus rerum absterret, libelliq; mei ratio ad alia abduceret. Unum tantum commemorabo, quod nuper animadversum mihi est, neq; male collocatum heic erit. Anno 1489. Stephanus Dalcinius Scalensis Canonicus libellum de Nuptiis Illustrissimi Ducis Mediolani ad Lucarum Cremonensem scripsit. Quodam vero capite: *Ubi Nuptiarum excellentia hæc habet: Nuptiarum splendorem etiam ostenderunt duo inter Cisalpinos potentissimi, Ioannes Franciscus Palavicus Marchio, & Ioannes Borromeus Comes. Hi dimissis servorum agminibus, quibus aliquin stipati incedere solent, equo longius sequente, ipsi pedites in togis auro textis, gemmisq; radiantibus. Elysabella ad fratrium quasi Paranymphe utrinq; astiterunt, totamq; via longitudinem pedibus emensi in templum introduxerunt. Mira hercle nuptiarum excellentia, quibus tanti viri famulicium præstare, & pro Sponsa lateronis, ac satellitis officium adimplere non dedignantur.*

Venio ad alterum Epithalamium. Illud, ut ex vetusta Oratorum MSS. collectione haurirem mihi evenit, quam non ita pridem Ambrosianæ Bibliothecæ dono dedit pereruditus vir Lazarus Augustinus Cotta I. V. D. Novariensis Urbis illustrator, & accuratissimus antiquitatum cultor. Margarita, ac Talda Vitaliani Bonromei V. C. filiarum nupserant, illa Augustino Vicecomiti, hæc Ottoni Mandello præclarissimis inter Mediolanenses Civibus. Quapropter accitus vir disertissimus fuit, qui Oratione publica initiarum nuptiarum Majestatem augeret. Habita autem est concio, ut arbitror, sub idem fere tempus, quo alteram Orationem Guinifortus habuit, videlicet circiter Annum Christi 1430. quandoquidem apertis verbis ibidem Philippus Maria Vicecomes Mediolani Dux tum viuis memoratur. Auctorem ignoro, ni fortassis & ipse Barzizius fuerit, illumve hæc apposita in calce verba prodant: *Ioannes Matthæus de Privolis scripsit.* Porro heic non unius Borromæ familiæ commendationem reperias, sed aliquot etiam illustrium familiarum, quæ nunc Mediolani splendorem suum ab antiquitate manantem novis titulis, ac virtutibus augent. Enumeratis igitur iis, qui Vicecomitem, ac Mandellum sanguinis, & cognitionis proximitate pertingebant, eos non omittit, qui Borromæ familiæ per affinitatem iungebantur. Inquit autem hic Auctor: *Ex Bonromeis hi confluent, qui magnis administrandis rebus terras mariaq; lustrarunt. Ex Vitalianis quoq; generosi concurrent milites, bello paciq; aptissimi, inter quos apparebunt qui magni Ecclesiæ Confanonerii extiterunt. Concurrent, imo iam præsentibus adfunt Fagnani spectabilibus multis affinitatibus septi, inaq; propria claritate conspici. Concurrents deniq;*

*Mar-*

*Marchionales Hestensis domus, aliarumq; nobilium prestantes multi, qui iure sanguinis puellas circumstabunt &c. Atq; hinc, ni fallor, intelliget Lector, quo in honore cum Mediolani, tum aliis in regionibus ea tempestate haberetur Borromæorum nomen, de quorum antiquissimo, ac amplissimo genere hæc pauca sufficiant, grati, acq; obloquentis animi mei testimonia.*

## DE IV. TEMPORUM JEJUNIIS

## DISQUISITIO

Ad Clarissimum, Doctissimumq;

P. D. IOANNEM BAPTISTAM DE MIRO

Benedictinæ Cassinensis Congregationis Abbatem &c.

## C A P. I.

*Locus Bachiarj obscurus. Post Quadragesimam celebriora sunt apud Christianos IV. Temporum jejunia. Hæc sunt ex Apostolica institutione.*

**E**Quidem scio, Clarissime Vir, & non sine superbia sentio, te aliquam de me, obsequioque erga te meo opinionem habere, quando non semel te mihi talem præstiteris, qualem amicus amicum exoptare potest. Verum nescio, quid de me senties, ubi hanc Disquisitionem tuo nomini inscriptam legeris; in ea enim aut audaciam damnari, aut salem desiderari, posse egomet video. Quum tamen experiundo cognoverim te non humanitati minus, quam literarum studiis operam semper dedisse, quid est nunc, quod de venia a te impetranda desperem. His accedit, non ea mente me ista scripsisse, ut eruditus viderer, sed ut hac in re tuam eruditionem conspicerem, quam Græcis æque Latinisque notam effecisti, quæque te in amplissimum Bibliothecæ Vaticanæ Lyceum perduxit. Igitur aures tuas mihi parumper accommodes velim, ut subobscuram jejunii IV. Temporum institutionem, usumque investigemus, atque ut Bachiarium, si licet, tenebris eripiamus. Certe quid sibi velit hic Auctor, dum ait: *Jejunia attentiora secundum Ecclesiasticam regulam, disciplinamque servamus, ut tribus temporibus anni masculinum nostrum, hoc est opus virtutis, quod cetero operi præcellat, appareat, attente perpendo, neque ejus mentem plane assequi possum.* Quum enim heic de jejunii agatur, cur trium temporum inicitur mentio? Et hæc quidem verba a Cap. 34. Exodi

di mutatus est Scriptor noster, ubi ad Moyſen Dominus inquit : *Tribus anni temporibus apparebit omne masculinum tuum in conſpectu omnipotentis Domini Dei Israel.* Sed nulla ibi memorantur jejunia, & Feſta dumtaxat innuuntur, quæ tribus anni temporibus a Judæis celebrari poſtea conſuevere, nempe ut explicat Theodorus, Paſcha, Pentecoſte, & Scenopegia. Vereor idcirco, ut ne, ſi locum hunc interpretandum mihi propoſuero, obſcuris Bachiarîi verbis deteriorem explicationem adhibeam, majoresque tenebras, quam lucem illis affundam. Nihilominus experiri juvat, divinationemque proponere, per quam, ſi non aliud, jejuniorum ſaltem antiquitas pro virili mea parte fortassis illuſtrabitur. Quibus anni temporibus olim apud Chriſtianos jejunia fuerint obſervata, quantaque illorum copia foret, longum eſſet enumerare, facileque in librum materia creſceret, quam tamen occupavit C. V. Ludovicus Thomaffinus in Tractatu de Jejuniis. Heic autem ſub *jejuniorum attentiorum* nomine ea tantum ſignificantur, quæ majori attentione, & cultu digna apud Chriſtianos in uſu erant. Quapropter hæc tria tantum Bachiarîi tempore forent, inquirendum eſt, quamquam fateor diverſos adeo jejuniorum uſus primis Eccleſiæ ſeculis videri, ut quid certi ſtatuendum ſit nequaquam occurrat. Quadageſimale jejunium ante Paſcha tum Occidentales tum Orientales vel ab ipſorum Apoſtolorum ævo ſemper colverunt; quamquam non iidem forent omnibus jejuniorum dies, ac termini. Proxime accedunt IV. Temporum jejunia, & ipſa ex Apoſtolicis inſtitutis derivata, quæ a Chriſtianis cum Romana Eccleſia conjunctis nunc magna religione celebrantur. Horum antiquum uſum attente inveſtigemus oportet, ut an cum tribus jejuniorum temporibus a Bachiarîo designatis conveniant cognoſcamus. Itaque primo S. Leonem audiamus Serm. 8. de jejunio decimi menſis ita loquentem : *Hujus obſervantia utilitas in Eccleſiaſticis præcipue eſt conſtituta jejuniiſ, quæ ex doctrina S. Spiritus ita per totius anni circulum diſtributa ſunt, ut lex abſtinentiæ omnibus ſit ſcripta temporibus. Siquidem jejunium vernum in Quadageſima, æſtivum in Pentecoſte, autumnale in menſe ſeptimo, hyemale autem in hoc, qui eſt decimus, celebramus.* Plura hinc haurire documenta poſſumus, neq; enim tantum, quæ tempora olim jejuniiſ dicata forent, intelligimus, verum etiam eorum inſtitutionem ex doctrina S. Spiritus, atq; ut alibi idem Leo affirmat, ex Apoſtolorum auctoritate diſci muſe manare. Idem repetit in Serm. 2. de jejunio Pentecoſtes, ubi ait, *Jejunium illud de traditione Apoſtolica, & de S. Spiritus prodire doctrina.* Tribus porro Solis diebus ſingula jejunia illa conſtituiſſe nos docet laudatus Pontifex pluribus in Sermionibus. *Quarta, inquit, & ſexta FERIA jejunemus, Sabbato vero apud B. Petrum Apoſtolum vigilias celebremus, qui & orationes, & jejunia, & eleemoſynas noſtras precibus ſuis dignabitur coadiuvare.* Oc-

cur;

currit tamen S. Augustini locus, cujus beneficio quatuor Temporum jejunia partim illustrari, partimq; everti videntur. Ait ille in Epist. ad Casulanum 86. *Christianus, qui quarta, & sexta Feria, & ipso Sabbato jejunare consuevit, quod frequenter Romana plebs facit.* Infra vero: *Videat quanta officiat contumelia ipsam Romanam Ecclesiam, ubi & his hebdomadibus, in quibus quarta, & sexta (Feria subaudi) & Sabbato jejunatur, tribus tantum diebus continuis, Dominico scilicet, & deinde secunda, & tertia prandetur.* Vides hec trium in hebdomade dierum jejunium Romæ usitatum fuisse, ideoq; S. Leonis sententiam de tribus diebus confirmari; At quum ait Augustinus: *Id frequenter Romana plebs facit*, næ plura quam IV. Tempora his designata jejunii significare videtur, Sed ut animadvertit doctissimus Thomassinus cap. 21. part. 1. Tract. de Jejun. sciendum est, quamquam quarta, & sexta Feria a Romanis jejunio frequenter colebantur, nullum tamen hujusce abstinentiæ præceptum viguisse. Voluntaria hæc erant Romanis jejunia: quæ vero statis quatuor Temporibus in usuerant, eadem Ecclesiastica lege indicebantur. Possum in hanc rem S. Leonis auctoritate uti. En ejus verba Serm. 1. de jejun. Septimi Mensis: *Observantiam, ait, vestram ita novimus esse devotam, ut animas vestras non solum legitimis, sed etiam voluntariis jejuniiis excolatis.* Subdit inferius: *Res est præcipui Operis, quam & ex auctoritate indicimus, & ex caritate suademus.* Igitur quatuor anni Temporibus ad jejunandum Ecclesiastico præcepto adigebantur Romani, quibus tamen consueta aliis temporibus fuere voluntaria jejunia. Et ad hunc morem procul dubio S. Augustinus in Epistola supra laudata respexisse videtur.

## C A P. II.

*Num in universa Ecclesia colerentur hæc jejunia, inquitur SS. Leonis, ac Athanasii loca explicantur. Apud Græcos nullus unquam fuit horum jejuniorum usus.*

**P**ERspecta istorum jejuniorum antiquitate consequi videretur, tria illa tempora, quorum Bacharius meminit, ad jejunii rationem, haudquaquam posse pertinere; siquidem non ipsius modo Bacharii ævo, sed ante illum quatuor Temporum jejunia usurpabantur. Et quidem, si Card. Bellarmino auscultemus ita scribenti lib. 2. cap. 19. de bonis operibus in particulari, 3. Leo in Serm. 7. de Jejun. *Decimi Mensis testatur hæc jejunia quatuor Temporum in universa Ecclesia celebrari.* Natalis quoq; Alexander in Hist. Eccles. Seculo 2. par. 1. diss. 4. art. 4. hæc posuit Conclusionem: *Quatuor Temporum jejunia seculo quinto ab universa Ecclesia religiose observata fuisse certum est.* Sed a tanti Cardinalis, doctissimiq; Alexandri sententia discedere cogor, aliisq;



aliisque argumentis ostendere, Bachiarum verba ad quatuor temporum jejunia omnino referri non posse. Et profecto in una Urbe, Romanaque solum provincia, aut summum in paucis Occidentalibus Ecclesiis quatuor Temporum jejunia antiquitus invaluisse fidenter affirmo. Sunt hæc S. Leonis verba a Bellarmino citata: *His conversionibus providente gratia Dei addita sunt sancta jejunia, quæ in quibusdam diebus ab universa Ecclesia devotionem observantia generalis exigent.* Alium locum proferat Nat. Alexander ex Serm. 4. de Jejun. Sept. mensis cap. 2. *Quibusdam tamen diebus, inquit Sanctus Leo, ab omnibus oportet pariter celebrari generale jejunium, & tunc est efficacior, sacratioque devotio, quando in operibus pietatis totius Ecclesie unus animus, unus est sensus.* Verum sub universa Ecclesia, totiusque Ecclesie nomine totam Christianorum Rempublicam per mundum diffusam heic designari non arbitror, sed quidem totam Ecclesiam Romanam, seu universum Urbis populum. Aliis quoque diebus Romæ voluntaria jejunia in usu erant, ut diximus supra, sed tunc non omnes Romani sanctæ consuetudini parebant. Quapropter gratius Deo futurum S. Leo inquit, ubi *universa Ecclesia*, quæ Romæ est, una consensione Sacra quatuor Temporum jejunia amplectatur. Et quis nescit, quamvis una sit Sponsa Christi, unaque Ecclesia, nempe Christianorum congregatio, multas tamen olim appellatas fuisse Ecclesias pro diversis urbibus, atque provinciis, ita ut ab Ephesinâ Ecclesiâ Romana, Mediolanensis item a Romana, eodemque pacto singulæ inter se distinguerentur? Ad septem Asiæ Ecclesias scribebat Joannes Apostolus cap. 1. Apocal. hoc est Ephesum, Smyrnam, Pergamum, Thyatiram, Sardos, Philadelphiam, & Laodiciam. Paulus vero τῇ ἐκκλησίᾳ τοῦ θεοῦ τῇ ἐν Κορίνθῳ, ad Ecclesiam Dei, quæ est Corinthi duas scripsit Epistolas, aliisque in locis ἐκκλησίας τῆς Γαλατίας Ecclesias Galatiæ nominavit. Verum verba iterum S. Pontificis Leonis proferamus cum sequentibus conjuncta: *His conversionibus, ait, providente gratia Dei addita sunt sancta jejunia, quæ in quibusdam diebus ab universa Ecclesia devotionem observantia generalis exigent. Quamvis enim pulchrum sit, atque laudabile, ut singula quæque membra corporis Christi propriis ornentur officiis; excellentioris tamen est actionis, sacratioque virtutis, cum in unum propositum piæ plebis corda concurrunt, ut ille, cui sanctificatio nostra supplicium est, non solum a parte, sed etiam a soliditate superetur.* Neque aliter in alio laudato loco loquitur S. Leo, inquit enim: *Quamvis unicuique nostrum liberum sit voluntariis castigationibus proprium corpus afficere, & nunc moderatius, nunc vero distinctius repugnantes spiritui carnales concupiscentias edomare; quibusdam tamen diebus ab omnibus oportet pariter celebrari generale jejunium, & tunc est efficacior, sanctiorque devotio, quando in operibus pietatis totius Ecclesia unus animus,*

& unus est sensus. Publica enim praeferenda sunt propriis, & ibi intelligenda est praecipua ratio utilitatis, ubi vigilat cura communis. Componit itaque S. Leo cum privatis quorundam voluntariisque jeuniis ea, quae ab universa plebe Romana ex praecepto servabantur, majorisque praestantiae hae esse significat. Hunc autem germanum esse horum verborum sensum, tum clarius intelliges, quum S. Leonem Quadragesimale jejunium indicentem audies; ut enim illis temporibus abstinentiam toti terrarum orbi Christiano communem praedicet, ab omnibus populis, ab omni corpore Ecclesia, universisque Fidelibus eandem usurpam docet. Sunt ejus verba Serm. 6. de Quadrag. Saluberrime nos quadragesima dierum jejunio preparemus. Non enim ii tantum, qui per mortis Christi, resurrectionisque mysterium in novam vitam Baptismo sunt regenerante venturi, sed etiam omnes populi renatorum utiliter sibi, & necessarie praesidium hujus sanctificationis assumunt. Serm. vero decimo de Quadrag. Considerantes, inquit, quid per Crucem Domini adepta est universitas mundi, cognoscimus ad celebrandum Pascha diem merito nos quadragesima dierum jejunio preparari, ut digni possimus divinis interesse mysteriis. Non enim summos tantum Antistites, aut secundi Ordinis Sacerdotes, nec solos Sacramentorum ministros, sed omne corpus Ecclesia, universumque Fidelium numerum ab omnibus contaminationibus oportet esse purgatum, ut templum Dei, cui fundamentum est ipse fundator, in omnibus lapidibus speciosum, & in tota sui parte sit lucidum. Veri igitur simile mihi videtur, Ecclesiae tantummodo Romanae S. Leonem mentionem fecisse, ubi universam Ecclesiam in quatuor temporum jejunio observando concordem affirmavit, quod uberius nunc demonstrare pergo. Certum est apud Orientales Christianos omnes Sabbati dies jejunio caruisse praeter Sabbatum Antepaschale, quam consuetudinem non ostendunt solum, verum etiam confirmant Constitutiones Apostolicae sub Clementis Romani Pontificis nomine vel antiquitus in honore habitae. Lib. 5. cap. 14. Jejunium (ita ibidem legitur) solvere praecipit septima die post galli cantum, ipso autem magna Hebdomada Sabbato jejunare, non quidem quod jejunandum sit Sabbato, quod est requies Domini a mundi opificiis, sed quod illo tantum jejunandum est, quo ipse Auctor mundi adhuc erat sub terra. Lib. quoque 7. cap. 24. idem repetitur: Sabbatum, & Dominicum Festos dies agitate. Unum vero tantummodo Sabbatum nobis toto anno observandum est, Sabbatum scilicet sepulturae Christi, quo quidem jejunare deceat, non autem celebrare Festum. In Canonibus vero, qui Apostolis fortasse suppositi sunt, similia habentur. Canon 75. ita se habet: ὁ τις πληρὸς ἐπίσκοπος τῷ Κυριακῷ ἡμέραν ὑπεύθυνον, ἢ τῷ Σάββατον, πλὴν τῷ ἑνὸς, καθαιρέτω. Et si laicos, ἀπορίστω. Si quis Clericus inventus fuerit die Dominico ieiunare, vel Sabbato, praequam uno solo, de-  
 po.

*ponatur. Sin autem Laicus, segregetur.* Id repetitum invenias apud S. Ignatium Martyrem in Epist. 8. ad Philippenses, in Concilio Trulano Can. 55. apud Gregorium Nyssenum Orat. contra eos, qui egre ferunt reprehensiones, apud Anastasium Sinaitam quæst. 77. aliosque Græcos Scriptores. Hæc autem lex non solos tantum Orientales populos respiciebat, sed quasdam etiam Occidentis Ecclesias. Romæ tamen Sabbato jejunia observari consuevisse exploratum habemus. Igitur consequens est, nulla quatuor Temporum jejunia Orientalibus populis in usu fuisse, quum Sabbatum jejunando transigere interdictum iis, aut saltem nulla ejus rei consuetudo foret. Eminentissimi Baronius ad A. C. 57. & Bessarminus, alique non pauci ad jejunia quatuor Temporum retulerunt hæc S. Athanasii verba in Apologet. 2. *ἐν ἑβδομάτῃ μετὰ τὴν ἁγίαν πεντηκοστήν ἡ λαὸς νηστεύει ἑπτά ημέρας* τὴν πεντηκοστήν εὐχέσθαι. *In hebdomade post sacram Pentecostem populus completis jejniis ad orandum ad Cimiterium abiit.* Quæ etiam verba Theodorus libro 2. cap. 14. Historiæ inseruit. Verum qui Orientalium morem in jejunando novit, nullam hæc quatuor Temporum mentionem fieri statim intelliget. Auctor Constitutionum Apostolicarum lib. 5. cap. ult. *Itaque, ait, post celebratam Pentecosten celebrare hebdomadam unam, & post illam jejunare item unam.* Igitur Græcis in usu erat post Pentecosten unam integram hebdomadam, excepto Sabbato, jejunio celebrare, quem morem loco laudato S. Athanasius expressit.

## CAP. III.

*Sabbato olim paucis in Ecclesiis apud Latinos jejunia indicebantur.*  
*Hinc jejunia IV. Temporum paucis usurpata. Sero in*  
*Mediolanensem Ecclesiam introitus eorum usus*  
*videtur. Jejunia in Occidente olim*  
*diversa.*

**V**ENIAMUS nunc ad Latinos, & an apud omnes quatuor Temporum jejunia observarentur, investigemus. Paucis hujusmodi piæ consuetudinem, aut fortassis uni Romanæ Ecclesiæ, adhæsisse suspicari cogor, etenim Sabbato jejunare præter Romanam plebem paucæ admodum Ecclesiæ solebant. Urbicus quidam, seu Romanus homo, Augustini temporibus jejunium Sabbati ab universis Christi Fidelibus servandum contendebat, quum Romæ idem mos alte vigeret. De hac re interrogatus a Casulano Augustinus Epist. 86. pluribus docet: a Romanis tantum, paucisque Occidentalibus adhibitum Sabbato jejunium reliquis Ecclesiis nequaquam præbere jejunandi causam, liberumque propterea aliis esse jejunium illa die aut omittere, aut amplecti.

plecti. *Ista dicens*, inquit Augustinus, & a frequentia jejunandi solum diem Dominicum excipiens, non tantum Orientis, & Occidentis populos Christianos, in quibus Sabbato nemo jejunat, verum etiam ipsam Romanam Ecclesiam improvidus, & incautus accusat. Infra addit: *Et de die quidem Sabbati facilius causa est, quia etiam Romana jejunit Ecclesia, & alia nonnulla, etiamsi pauca, siue illi proxima, siue longinqua &c.* Dixerat ante, ab Urbico illo blasphemari Ecclesiam toto terrarum orbe diffusam, qua exceptis Romanis, & adhuc paucis Occidentalibus, jejuniio Sabbatino haudquaquam indulgebat. Quum ergo tot Occidentis Ecclesiarum Græcarum more jejuniium observare Sabbato religioni sibi ducerent, ne ipsam quidem quatuor Temporum abstinentiam nisi Latinis paucis placuisse arbitror, quippe Sabbato hujusmodi jejuniium indicebatur. Atque hinc est, quod Tertullianus lib. de jejuniis Psychicos, hoc est Orthodoxæ Fidei sectatores his verbis alloquitur: *Cur stationibus quartam, & sextam Feriam dicamus, & jejuniis Parasceven? Quamquam vos etiam Sabbatum si quando continuatis, numquam nisi in Pascha jejunandum creditis.* Ad quæ verba eruditissimus Pamelius hæc notat: *Ex quibus constat Roma, & in multis vicinis, ac remotioribus Ecclesiis etiam Sabbato ieiunatum fuisse; in Ecclesiis vero Orientis non item, imo neque Mediolani, neque in Africa, saltem ex præcepto Ecclesiæ, nisi semel in anno pridie Paschæ.* Quid autem de S. Mediolanensi Ecclesiâ dicam, cujus heic mentio occurrit? In hac profecto quum Græcorum plures ritus vigerent, is tamen maxime obtinebat, ut numquam Sabbato jejuniis daretur opera. Quin huius consuetudinis ita ratio habebatur, ut vel ipsis Quadragesimæ temporibus a ieiunio die Sabbati Mediolanenses abstinerent. Nolim mihi fidem habeas, sed Ambrosio Sanctissimo Antistiti. Inquit ille cap. 10. num. 34. de Elia, & Jejuniio: *Considera; Quadragesima totis præter Sabbatum, & Dominicam ieiunatur diebus.* Excipiendum hinc tantummodo maioris hebdomadæ Sabbatum, quo quidem uno, ut ait S. Augustinus in Epist. cit. ad Casulanum, sic ab omnibus ieiunatur, ut etiam illi Sabbati ieiunium devotissime celebrent, qui ceteris per totum annum Sabbatis prandent. Addit idem S. Augustinus celebrem illam S. Ambrosii sententiam, quam sibi, dum Mediolani ageret, de Sabbatini ieiunii ratione percunctanti reddidit vir sanctissimus his verbis: *Quid possum, inquit, hinc docere amplius quam ipse facio? Quando heic sum (videlicet Mediolani) non ieiuno Sabbato, quando Roma sum, ieiuno Sabbato &c.* Itaq; S. Ambrosii tempestat quatuor Temporum ieiunia Mediolanensi Ecclesiæ in usu non fuisse pro certo arbitror. Imo in Urbem hanc ante S. Caroli tempora hunc pium ieiunandi morem inductum nulla documenta nos docent. Ipsemet S. Antistes in Concilio Provinciali 4. tit. de sacris quatuor Temporibus hæc habet: *Sacra quatuor ieiuniorum tempora ex S. Spiritus Doctrina salutariter instituta, sicut olim & frequenti Fidelium conventu, & solemni*

lemni celebritate, & religioso supplicationum officio colebantur, ita ad illorum cultum pastoralis cura eruditius fidelium mentibus in usum antiquæ pietatis revocanda sunt. Quibus ex verbis quum huiusmodi ieiunia in usum revocari videantur, incertum quoque est, an ante illa tempora Mediolani observarentur. Ego sane quum omnes Missales Libros ante S. Caroli Episcopatum vel typis commissos, vel manu descriptos consuluerim, nullam horum ieiuniorum mentionem offendi. Beroldus præterea, qui tam diligenter Ambrosianæ Ecclesiæ ritus seculo Christi duodecimo describebat, quiq; MS. in Bibliotheca nostra adservatur, ne verbum quidem de more isto reliquit. In Officiis vero Ecclesiasticis, aut in sacris Ambrosianæ Missæ ritibus nullam iis diebus ieiunii, aut mutationis vestigium olim apparebat, qualia tamen in Romanis Missalibus, ac Breviariis aspicere est. Omnium primus S. Carolus hæc in Missali apposuit post Missam diei 5. Pentecostes: *Feria IV. VI. & Sabbato sunt tempora Pentecostes ieiunanda.* Atq; hæc omnia fusa a nobis prolata facile, ni fallor, eorum opinionem evertere possunt, qui tum Latinis, tum Græcis, atq; adeo toti Christianorum Republicæ quatuor Temporum ieiunia antiquitus usurpata fuisse arbitrantur. Immo sacrum hunc morem per paucas Occidentis Ecclesias pervasisse, probabilis videri potest. Quod si huc respexissent eruditissimi quidam Scriptores, profecto in interpretandis duobus veterum Patrum locis, minime hæssissent, a quibus nullum aliud ieiunium quam Quadragesimale universis Christianis observatum dicitur. Tertullianus in lib. de Ieiun. adversus Catholicos disputans postquam affirmavit Antepaschale ieiunium religiose ab omnibus esse peragendum, ex Catholicorum mente ait: *Itaque de cetero indifferenter ieiunandum ex arbitrio, non ex imperio novæ disciplinæ, pro temporibus, & causis uniuscuiusque: sic & Apostolos observasse &c.* S. vero Hieronymus in Epist. ad Marcellam 54. Nos, inquit, *unam Quadragesimam secundum traditionem Apostolorum toto anno tempore nobis congruo ieiunamus; Montanistæ, tres in anno faciunt Quadragesimas, quasi tres passi sint Salvatores; non quod & per totum annum, excepta Pentecoste, ieiunare non liceat, sed quod aliud sit necessitate, aliud voluntate munus offerre.* Quibus ex verbis plane intelligimus, unam Quadragesimam ex præcepto observatam olim fuisse, ideoq; quatuor Temporum ieiunia ab universa Christianorum Republica minime fuisse usurpata, aut saltem ex præcepto indici non consuevisse, quod tamen præceptum Romæ, ut vidimus, sine dubio vigeat. Attamen ut validioribus argumentis sententia nostra roborescat, materiem propositam uberius explicemus Philastrius Episcopus Brixienfis, qui seculo Christi quarto floruit, ideoq; Bachiarum æqualis fuit, ieiunia describens in Ecclesia Dei usurpata in hanc sententiam loquitur lib. de Hæres. cap. 97. *Per annum quatuor ieiunia in Ecclesia celebrantur. In Natali primum, deinde in Pascha, tertium in Epiphania, quartum in Pentecoste.* Nam in Natali

*Saluatoris Domini ieiunandum est, deinde in Pascha Quadragesima atque in Ascensione itidem in Cælum, post Pascha die Quadragesimo, inde usque in Pentecostem diebus decem: Confusa, fateor, sunt huiusmodi verba, quibus sententia minime integra est; nihilominus si aut Epiphaniæ, aut decem dierum ieiunio transigendorum mentionem, heic factam cogites, diversa a Romanorum consuetudine ieiunia fuisse commodissime intelliges. In Hispania vero nondum S. Isidori Hispalensis, ævo, hoc est seculo Christi septimo ineunte, quatuor Temporum ieiunia, quemadmodum a Romanis observabantur, obtinuisse certissimum reor. Quandoquidem lib. 2. cap. 36. 37. & sequ. Ecclesiastica ieiunia recensens idem Isidorus, quatuor memorat. Primum Quadragesimæ, alterum, quod iuxta Canones post Pentecostem alio die inchoatur, tertium quod deatma die septimi mensis celebrat Ecclesia, & quartum jejuniū Calendarum Novembrium est. Alia vero addit ieiunia, videlicet ieiunium Calendarum Ianuariarum, ieiunium in Lætanis triduanis, & ieiunium sextæ Feriæ, inter quæ non apparere quatuor Temporum abstinentiam a Romana Ecclesia indictam nemo non videt. Scio librum hunc a magno Annalium parente Isidoro Hispalensi abiudicari, sed communis eruditorum consensus, totaque antiquitatis auctoritas in contrarium pugnat. Animadvertas etiam vellem Sanctissimi Patris tui Benedicti regulam cap. 41. Præscribuntur ibi ieiunia Monachis obeunda. Ita autem loquitur vir sanctus: *A S. Pascha usque ad Pentecostem ad Sextam reficiant fratres, Et ad septimam coeant. A Pentecoste autem tota æstate quarta, Et sexta FERIA ieiunent usque ad Nonam, reliquis vero diebus ad Sextam prandant &c.* Utique nullum heic invenias triduanum Pentecostes ieiunium, cuius observantia tamen nequaquam pius Patriarcha renunciasset, si tunc per universam Ecclesiam eius obtinisset usus.*

## CAP. IV.

*Triduanum veris jejuniū olim in usu fuisse nequaquam videtur  
Ordinum Sacrorum collatio quando habita. Hæc Iſ.  
Ieiuniorum Temporibus non præbuit  
originem.*

**V**ERUM ad Sanctissimi Pontificis Leonis tempora iterum reverti placet, meamque in hac re dubitationem proponere. Nescio enim an reapse prioribus Ecclesiæ seculis ulla de verno quatuor Temporum ieiunio, uti nunc sit, ratio haberetur. *Ieiunium*, inquit ille Serm. 8. de Ieiun. X. mensis, *vernū in Quadragesima, æstivum in Pentecoste, autumnale in mensa septimo, hyemale autem in hoc, quod*

*est decimus, celebramus.* Jejunii verni nomine heic solam Quadragessimam Anepaschalem significari, non triduum illud, quod Quadragesimalis hebdomadae initio nunc peragitur, facile censeo. Quum enim a S. Pontifice quatuor enumerentur ieiunia per Anni circulum ex Apostolica institutione observanda, par est ut primum ex iis, ac solemnissimum Quadragesimale appelletur. Proinde nullam tridui memorati mentionem a S. Leone factam suspicor. Hoc autem clarius patebit singulos illius sermones attente perpendenti. Ieiunia Mensium septimi, ac decimi, ieiunium quoque Pentecostes commemorat, Feriam quartam, sextam, & Sabbatum tunc ieiunio celebranda affirmat, sed quum de Quadragesima Sermones habet, omnino praeterit singulare illud triduum, quod nunc in Exordio Quadragesimae quatuor Temporum nuncupamus ieiunium. Et profecto quoniam causa intercedere potuit, quod a Quadragesimali ieiunio olim distingueretur ieiunium, quod in ipsa Quadragesima inclusum erat? An quia abstinentia maiore triduum illud indigeret? An ut ieiunando trium mensium vernorum decimae Deo O. M. redderetur? Nentum sane; quippe prioris hebdomadae Quadragesimalis dies parem cum reliquis diebus abstinentiam (modo postremam excipias hebdomadam) exposcebant. Tunc vero, quum totius anni decimae summo rerum conditori solverentur, non verum tantummodo triduum, sed triginta sex dies per ieiunium Caelo dicabantur. At, inquis, illius tridui ratio habenda fuit, tunc enim sacrorum Ordinum collationes peragi solebant, quemadmodum etiam in reliquis quatuor Temporum triduis usu veniebat. Fateor, hac una de causa prioris hebdomadae Quadragesimalis triduum a ceteris diebus distingui potuit, siquidem aperuissima sunt Gelasii Papae de huiusmodi ritu testimonia in Epistola ad Lucaniam, & Brutiorum Episcopos. *Ordinationes, inquit ille, Presbyterorum, & Diaconorum nisi certis temporibus, & diebus exerceri non debent, idest quarti mensis ieiunio, septimi, & decimi, sed etiam Quadragesimalis initii, ac mediana hebdomada, & Sabbati ieiunio circa vespeream noverint celebrandas.* Quod igitur ieiunia quatuor Temporum instituta fuerint, id potissimum causae fuisse censet Hallier lib. de Sacris Ordinibus. sect. 7. cap. 1. art. 2. §. 2., quia non nisi praecedente ieiunio Sacris initiari nemini licebat. Haec tamen ratio institutionem quidem ieiuniorum illustrat, quae post Pentecosten, mensibusque septimo, ac decimo peragebantur, nihil vero de verni temporis triduo confirmat. Non ut Sacri Ordines conferrentur, primam Quadragesimae hebdomadam per ieiunium Ecclesia sacrabat, sed ut revera statutam ab Apostolis eo tempore abstinentiam servaret. Et cur, quoniam, a reliquis Quadragesimae diebus minime triduum illud distinguebatur, quod Dominicam Passionis praecedat, & sub mediana hebdomada vocabulo a Gelasio significatur? tunc enim sacris quoque

Ordinibus initiabantur Christiani . Imo ne ipso quidem S. Leonis ævo priorem Quadragesimæ hebdomadam Sacrorum Ordinum collationi fuisse destinatam , verisimile videtur . Scribit hic S. Pontifex ad Dioscorum Alexandrinum Episcopum Epist. 80. aut 81. *Quod a patribus nostris propensiore cura novimus esse servatum , a vobis quoque volumus custodiri , ut non passim omnibus diebus Sacerdotalis , vel Levitica ordinatio celebretur , sed post diem Sabbati eius noctis , qua in prima Sabbati lucefcit , exordia deligantur &c. Quod eiusdem observantia erit , si mane ipso Dominico die continuatio Sabbati ieiunio celebretur , a quo tempore precedentis noctis initia non recedunt , quam ad diem Resurrectionis , sicut etiam in Pascha Domini declaratur , pertinere , non dubium est .* Clarius autem loquitur infra S. Leo : *Et ideo pie , & laudabiliter Apostolicis morem gesseris institutis , si hanc ordinandum Sacerdotum formam per Ecclesias , quibus Dominus præesse te voluit , etiam ipse servaveris , ut his , qui consecrandi sunt , numquam benedictiones nisi in die Resurrectionis Dominica tribuantur , cui a vespere Sabbati initium constat adscribi .* Adeo vero dilucida sunt hæc S. Leonis postrema verba , ut mirer , quibusdam Canonum Interpretibus in mentem venire opinionem illam , qua singulis Anni Sabbatis sacros Ordines antiquitus conferri potuisse contendunt . Aliena sane a tanti Pontificis mente sententia ; Nam *benedictiones numquam* , videlicet Ordines sacros , *nisi in die Resurrectionis Dominica , cui a vespere Sabbati initium constat adscribi* , tribuendas esse affirmat . Igitur S. Leonis ævo , ut sacra hæc munera peragerentur , maioris hebdomadæ Quadragesimalis Sabbatum eligebatur , quo die ad vespem vergente , quum Resurrectionis sacre Festum decurrere inciperet , ideo ipsomet Paschæ die conferri Ordines dicebantur . Quamquam fateor me nescire plane , qua ratione cum his S. Leonis verbis ea consentire possint , quæ de collatione Ordinum a Romanis Pontificibus peracta in eorum Vitis habet Anastasius Bibliothecarius ; semper enim mense tantum Decembri *Ordinationes* , ut is appellat , ab iis habitas esse ostendit . Simplicius omnium primus Februario quoque id præstitisse dicitur , eumque imitati sunt Successores , vario tamen ritu , ac majoti libertate . Amalarius Fortunatus lib. 2. cap. 2. de Eccles. Offic. *minime celebratas in quatuor Temporibus Ordinationes a primis Episcopis* inquit . Veram tamen , siue S. Leonis , siue Anastasii sententia sit verior , liquet non institutum quatuor Temporum ieiunium , ut tunc Ordinum sacrorum collationes haberentur , sed potius , ut laudato loco Amalarius loquitur , *ipsas Ordinationes eo tempore propter ieiunium præcedens* postea celebrari cœpisse . Nulla igitur causa fuit , quod a reliquis Quadragesimæ diebus prioris hebdomadæ triduum distingueretur , ideoque ieiunii verni nomine integra Quadragesima a S. Leone , aliisque vetustis Patribus designata videretur . Ieiunium istud subsequerentur triduanæ Pentecostes , ac mensium Septembris , & Decembris ieiunia , quæ sunt

com.



computata quatuor constituebant Tempora ieiuniis Ecclesiasticis sacra, atq; ab ipsis Apostolorum temporibus Romana in Ecclesia observata. Atque hinc est, quod antiquitus in Missa post salutationem *Pax Domini sit semper vobiscum* trium solummodo Temporum ieiunia antediciantur, non vero quatuor. Doctissimus Card. Bona lib. 2. cap. 16. rerum Liturg. hæc ex libro Sacramentorum Romanæ Ecclesiæ ante annos nongentos scripro adnotavit: *Post hæc commonenda plebs pro ieiuniis quarti, septimi, & decimi mensis temporibus suis, sive pro Scrutiniis &c.* Illud quoque animadvertere est in antiquissimo Codice Sacramentorum Romanæ Ecclesiæ, quem edidit Cl. V. Pater Iosephus Maria Thomasius, ubi Cap. LXXXII. hæc leguntur: *Denunciatio ieiuniorum quarti, septimi, & decimi mensis.* Verum nullum est luculentius testimonium, quam quod legitur in Concilio Cloveshoviæ secundo habito A.Ch. 747. ut videre est Tomo 6. collect. Concil. Labbei. *Octavo decimo, inquit Patres illi, statutum est mandato, ut ieiuniorum tempora, idest quarti, septimi, & decimi mensis nullus negligere presumat, sed ante horum initia per singulos annos admoneatur plebs, quatenus legitima universalis Ecclesia sciat, atq; observet ieiunia, concorditerq; universi id faciant, nec ullatenus in eiusmodi discrepent observatione, sed secundum exemplar, quod iuxta ritum Romana Ecclesiæ descriptum, studeant celebrare.* Hæc Patres Sanctissimi de Britanniarum Ecclesiis, in quibus Romanæ Ecclesiæ ritus vigeant, illuc iam dudum cura S. Gregorii M. a S. Augustino importati. Nam eo solum tempore huiusmodi ieiuniorum ritum in Britannias penetrasse, discas e Can. 16. Concilii Aenhamensis habiti Anno 1009. Tom. 9. collect. Labb. Ibi hæc leguntur: *Et ieiunia quatuor Temporum, quæ Imbren vocant, & cetera omnia, prout Sanctus Gregorius genti imposuit Anglorum, conservantur.*

## C A P. V.

*Triduum vernum sero excogitatum videtur. Isidori sententia defenditur. IV. Ieiuniorum usus quando in Gallias migravit.*

**A**Tqui, reponet quispiam, videntem factum est, ut primâ Quadragesimæ hebdomadâ unum ex his quatuor Temporum ieiuniis nunc celebrari dicatur? Coniecturam profero meam. Præter solemne Quadragesimæ ieiunium trium temporum ieiunia Romæ, & fortasse in aliis quibusdam Occidentis Ecclesiis per aliquot secula viguisse videntur. Quam vero ætati, autumnæ, ac hyemæ triduum ieiunio transigendum assignatum fuisset, ut veris etiam tributum Deo redderetur, triduum aliud ieiunium ætatis tempora insinuatum est,

Kk

quippe

quippe Quadragesimā ipsā non veris, sed totius anni, decimā per ieiū-  
nium summo Numini videbantur persolveri. Triduum autem hoc non  
priori Quadragesimæ hebdomadi præscriptum est, sed primæ Martii,  
ita ut interdum ante Quadragesimam ieiunium haberetur, sæpius vero  
in ipsum Quadragesimale ieiunium triduum istud recideret. Sed quum  
ex hac institutione nonnulla sequerentur incommoda, atq; ut Ordini  
sacrorum collationi, quæ ex Gelasii præcepto priore Quadragesi-  
mæ hebdomada celebrabatur, triduanum etiam veris ieiunium adne-  
steretur, placuit, ut eadem hebdomadā, quod nunc fit, ieiunium ver-  
num celebraretur. Ritus iste a Romana, ut credere par est, in reli-  
quas Occidentis Ecclesias manavit, & Caroli Magni tempore primum  
in Galliis receptus videtur; quum enim in omnibus inclutus ille Impera-  
tor Regna sua ad exemplar eius Ecclesiæ, quæ omnium mater est, com-  
ponere vellet, veteribus Gallorum ritibus sacris antiquatis, Romanam  
Liturgiam illuc iniecit, atque adeo quatuor Temporum ieiunia. Rem  
auctoritate firmemus, Sub finem sæculi a Christo nato octavi Episto-  
las aliquot Decretales sub Romanorum Pontificum nomine confectas  
fuisse, omnium hæc eruditorum sententia est. Isidorus pius illarum  
artifex, Mercatoris, seu Peccatoris cognomento clarus in Hispaniis  
degebat, quare ex iis provinciis in Gallias, & reliquum Occidentem  
merces huiusmodi migravere. Callisto autem Primo, Pontifici Roma-  
no, qui circiter Annum Christi 224. floruit, supposita est Epistola ad  
Benedictum Episcopum, ubi hæc legantur: *ieiunium, quod ter in anno  
apud nos celebrare didicisti, convenientius nunc per quatuor tempora  
fieri decernimus, ut sicut annus per quatuor voluitur tempora, sic &  
nos quatuor solenne agamus ieiunium per anni quatuor tempora.  
Et sicut replemur frumento, vino, & oleo ad alenda corpora, sic re-  
pleamur ieiunio ad alendas animas iuxta Prophetam Zachariam vocem,  
cap. 8. Anastasius quoque Bibliothecarius in huius Pontificis vita secun-  
dum exemplar, quod MS. in Ambrosiana Bibliotheca adservatur:*  
*Hic, ait, ieiunium instituit die Sabbati ter in anno fieri frumenti, vini,  
& olei secundum Prophetiam quarti, septimi, & decimi. Ubi non ter,  
sed quater legendum merito censet Baronius ad A. Ch. 226. Equidem  
quin confecta ab Isidoro Epistola hæc fuerit, non ambigo; sed ex ipsa  
tamen non parum lucis opinioni nostræ accedere video, quin ipsam  
magna ex parte veram esse fateari oportet. Cognoverat Isidorus Romæ  
prius temporibus tria tantum tempora ieiunii triduanis destinata,  
quibus postea quartum, hoc est vernum, sensim accesserat. Quum  
huius additamenti Auctorem minime nosset, censuit ad Callistum us-  
que rem retrahi posse. Et quidem iis subaspicor, qui Isidorum hæc no-  
tant, quasi a Callisto Papa, non vero ab Apostolica, ut tradit S. Leo,  
quatuor ieiuniorum Tempora sinxerit instituta, In Bibliothecarium  
potius hæc criminatio cadit, qui Isidori sententiā non bene perspe-  
xit. Nam quum ex Isidori mente Callistus dicat ieiunium quod ter in*

anno

anno apud nos celebrari didicisti, utique ipso fatente Isidoro ante Callisti tempora ieiunia illa celebrabantur. Quum vero quartum fuisse additum scribatur, Isidorum, ut aiebam, censeo ad præterita respexisse tempora, atque ad recentem consuetudinem. Etenim tam confidenter hanc additionem ille non proposuisset factam, si nullo veterum Patrum testimonio sententiam suam roborare potuisset. Id moris est Scriptori illi, ut nihil sine antiquorum Scriptorum suffragio scribat, imo sæpe ipsamet eorum verba diligentissime describat, sicuti a Blondello in singulari opere demonstratum fuit. His accedit in nonnullis Italiz urbibus vel ad ipsum seculum Epochæ nostræ decimum illum obtinuisse ritum, ut trium tantum Temporum ieiunia observarentur: Atto Vercellensis Episcopus, qui floruit circiter Annum Christi 945. in Capitulari 87. eisdem verbis utitur, ac Isidorus in Epistola Callisti, tacite significans tribus anni temporibus Ecclesiam suam ieiuniis operam dedisse. Hunc autem sacrum ritum Caroli M. tantum ævo in Gallias primum penetrasse ex ipsius Imperatoris Capitulari 86. lib. 5. aliisque Capitularibus, & ex Can. 34. Concilii Moguntini Anno 813. cognoscere licet. Illic enim tamquam institutio nova, atque a Romanis accepta dicitur. *Constituimus*, inquiunt Moguntini Antistites, *ut quatuor tempora anni ab omnibus cum ieiunio observentur, hoc est in mense Martio hebdomada prima, & Feria quarta, & sexta, & Sabbato &c. similiter in mense Iunio hebdomada secunda, in mense Septembris hebdomada tertia, in mense Decembrio hebdomada prima, quæ fueris plena ante Nativitatis Domini, sicut est in Romana Ecclesia traditum.* Ex quibus verbis eruditissimus quoque Thomassinus in Tract. de Jeton. parte 2. cap. 18. recenter in Gallias statum horum ieiuniorum ritum fuisse, prudenter coniecit: Quod si veterem Ecclesiæ Gallicanæ Liturgiam a Cl. Patre Mabillonio evulgatam, quæ in usu ante Caroli M. ævum fuit, consulamus, utique nullam horum ieiuniorum memoriam fieri videbimus, quum tamen ieiunia Quadragesimæ, & Rogationum illic adnotentur, Missæque peculiari celebretur. Illud etiam videre est in Missali Gothico, seu Gothico a Gallicano, & in alio Missali vetere Gallicano apud Cl. V. Patrem Josephum Mariam Thomassium in libro, cui titulus est *Codices Sacramentorum &c.* Anh. 1680. evulgatis, & a laudato Mabillonio iterum excusis, in his enim Liturgiis nullum omnino præferbitur horum ieiuniorum documentum. Neque diversa colligas a Concilio Turonensi secundo habito Anno 567., cuius Canone 17. ieiunia Monachis obunda præscribuntur his verbis: *Post Pascha usque ad Pentecosten exceptis Rogationum diebus, nulla indicantur ieiunia. Post Pentecosten tota hebdomada ex asse jejunetur. Postea usque ad Kalendas Augusti, toto etiam Septembri, Octobri, & Novembri ter in septimana secunda, quarta, & sexta die jejuniis incumbatur.* Ubi nulla de autumnali quatuor Temporum jejunio occurrat mentio, imo nulla de ceteris.

## C A P. VI.

*Quando olim hæc jejunia indicèrentur, queritur. Prima Hebdomada Martii, secunda Junii duobus primis jejuniis destinata.*

*Micrologi Auctor refellitur.*

**I**N Canone Concilii Moguntini superius relato animadvertimus, verum jejunium priori hebdomadæ Martii, æstivum secundæ Junii, autumnale tertiæ Septembris, hyemale tandem hebdomadæ integræ Vigiliam Dominici Natalis præcedenti conjuncta fuisse. Micrologi tamen vetustus auctor lib. de Eccles. Obseru. cap. 24. jejunium verum primâ semper Quadragesimali hebdomadâ celebratum ait, sibiq; Moguntinum Concilium (sub Henrico II. Imperatore ut is perperam censet celebratum) obiciens, Patribus illis errorem facti impingit, quod nempe antiquam SS. Patrum traditionem in hac re minus attenderint. Verum auctorem Micrologi deceptum potius existimo, quum enim apertis verbis Moguntini Patres traditam ab Ecclesiâ Romana consuetudinem se sequi profiteantur, illos adeo imprudentes suspicari non possumus, ut alium a Romano ritum proponerent. Attamen ut evidentius Scriptorem hunc errasse intelligamus, præsto sit nobis ipsemet Ordo Romanus, videlicet Liturgia Romæ antiquitus usurpata. Ibi tit. De IV. Temporibus jejuniorum hæc exhibentur verba: *In primo mense (hoc est Martio) quarta & sexta Feria, vel Sabbato in prima hebdomada ipsius mensis primum jejunium celebratur. Secundum in quarto mense in secunda hebdomada ipsius mensis. Tertium jejunium septimi mensis, idest Septembris, tertia hebdomada ipsius mensis. Quartum decimi mensis, idest Decembris quarta hebdomada ante Natalem Domini.* Ipsum igitur Ordinem Romanum cum Moguntino Canone plane consentire animadvertas. Hinc autem ea consuetudo invaluit, ut quatuor Temporum jejunia vel ab ipsa Romana Ecclesiâ nuncuparentur jejunia primi, quarti, septimi, ac decimi mensis, hoc est Martii, Junii, Septembris, atq; Decembris, veteres enim annum a Martio auspicabantur. Rhabanus Maurus lib. 2. de Inst. Cleric. cap. 24. *Sunt quaque, ait, quatuor Sabbata in quatuor mensibus, in quibus specialia ieiunia sunt constituta, idest in Martio mense primo Sabbato; & in secundo Sabbato quarti mensis, idest Junii; in septimi quoq; mensis, idest Septembris, tertio Sabbato, & in quarto Sabbato decimi mensis, idest Decembris.* Amalarius Fortunatus lib. 2. cap. 1. de Eccles. Offic. similia plane scribit, & ut in hisce hebdomadibus statutum eorum jejuniorum fuisse tempus significet, addit: *Tunc ieiunare solemus, etiamsi provenerint in Octavis Pentecostis, quando celebratur festivitas septiformis Spiritus.* Alcuinus verò lib. de Divin. Offic. cap.

cap. de IV. Temporibus in hac verba loquitur: *In his quatuor anni Temporibus oportet nos jejunare, etiamsi venerit infra Pentecosten.* Quare jejunium æstivum ita hebdomadæ secundæ Junii adfixum erat, ut sæpissimè longe post Pentecosten, raro in Octava Pentecostes celebraretur. Hoc & in verno jejunio usu veniebat, quod ante Quadragesimam nonnumquam observandum erat, ita temporum cursu, ac ratione suadente. Sed & hujus veritatis fides nobis relicta est in vetustissima illa, & ante nongentos annos usurpata, Romanæ Ecclesiæ Liturgia, quam anno 1680. publicis typis tradidit eruditissimus P. Iosephus Maria Thomasius Cl. Reg. una cum aliis *Sacramentorum Codicibus*. Ibidem cap. XIX. hæc leguntur: *Istæ Orationes, quæ sequuntur, prima Sabbati in mense primo sunt dicendæ. Orationes, & Preces in XII. Lectionibus Mense primo: Deus qui delinquentes &c.* Tum cap. XX. proxime sequitur Ordo qualiter in Romana Sedis Apostolicæ Ecclesiæ Presbyteri, Diaconi, vel Subdiaconi eligendi sunt. *Mensis primi, quarti, septimi, & decimi Sabbatorum die in XII. Lectiones ad S. Petrum, ubi Missæ celebrantur. Postquam Antiphonam ad Introitum dixerint &c.* In libro vero Sacramentorum, quem S. Gregorio male adscriptum Angelus Roccha vulgavit Tom. 5. Operum S. Greg. edit. Paris. MDCV., jejunii verni mentio *Feriæ quarta, Feriæ sexta, & Sabbato Mensis Primi, hoc est Martii*, conjungitur, nulla prioris hebdomadæ Quadragesimalis mentione relicta. His accedit vetustum illud Lectionarium Sancto Hieronymo suppositum, ac a Pamelio vulgatum, ubi post Hebdomadam tertiam, quæ Pentecostes Festum sequitur, ista leguntur: *Incipiunt Lectiones mensis quarti. Feriæ quarta, Feriæ sexta, & Sabbato in XII. Lectionibus.* Quibus nobis triduanum Junii designatur ieiunium non Pentecostes hebdomadæ, sed prima Junii celebratum. Chorum claudet constitutio 51. Conventus Aquisgranensis habiti Ann. Ch. 817. apud Sirmundum Tom. 2. Concil. Galliæ. Statuitur ibi *ut in hebdomada Pentecostes non flectantur genua, & non ieiunetur, nisi statuti fuerint dies ieiunii.* Ubi vides tunc solum ieiunium celebrari intra hebdomadam Pentecostes, quum in illam statuta quatuor Temporum ieiunia inciderent. Interrogemus itaque Micrologi Auctorem cur ab antiquis tum Romanis, tum Gallis Scriptoribus ieiunium vernum primo mense, videlicet Martio semper adscribatur, quum non raro ex eius sententia Februario mense contingat? Respondet ille: *Nec mireris hoc ieiunium potius Martio, quam Februario adscribi, quamvis in Februario cum ipsa Quadragesima nonnumquam occurrat. Semper enim idem ieiunium, aut Kalendaria aliquando, aut Lunationem Martii, aut utrumque simul incurrit. Februarii autem Kalendaria aliquando, Lunationem vero numquam attingit. Ergo multo congruentius Martio adscribitur, quem numquam relinquit, quam Februario, quem multoties penitus non attingit. Observetur sane hoc ieiunium cum ipsa Quadragesima secundum*

Luna-

*Lunationem, sicut & Pascha. Unde non incongrue ipsum Martio propter Lunationem adscribitur, quamvis in Februario occurrat. Sicut & Pascha Aprili semper adscribitur, quamvis saepe in Martio contingat. Hic sane quamquam subobscuris verbis Scriptor iste utatur, ita tamen loquitur, ut multos errores errasse videatur. Quid enim inquit ille, vernalium ieiunium in Lunationem Martii semper, numquam vero in Lunationem Februarii incidere? Imo, inquam ego, numquam in Lunationem Martii, semper vero in Februarii Lunationem (si Annum quandoque Embolismicum fortassis excipias) ieiunium vernum cadit. Ut præcepto Sacrae Scripturae pareamus, quo Pascha celebrandum præscribitur primo Anni mense, a SS. Patribus constitutum fuit, ne sub alia Luna Dominicum Pascha perageretur, quam ubi Luna Martii orbem suum impleffet. Ea autem Luna Paschalis dicitur, cuius decima quarta dies in æquinoctii diem incidit, aut eandem proxime consequitur, ita ut a die XXII. Martii usque ad XXV. Aprilis computatis terminis celebrari semper Pascha possit. Quamquam non iidem semper fuerint Paschalistemporis termini, illud tamen semper observatum est, ut sub Lunæ Martiæ, seu primi mensis cursu Pascha perageretur. Quare primo consequitur falli Auctorem Micrologi, quum Aprilis Pascha semper adscribi affirmet, quod revera primi Mensis, hoc est Martii Lunæ adscribendum est. Secundo parum accurate dicitur ieiunium vernum, si constituatur in prima Quadragesimæ hebdomada, semper in Lunationem Martii incurrere: etenim Luna Martii nisi adultæ Quadragesimæ, atque adeo peractæ iam verno quatuor Temporum ieiunio, nasci non potest. Februario itaque melius quam Martio triduum illud tribuendum foret, si Lunæ rationem haberemus. Atque hinc patet, ieiunium hoc priori tantum hebdomadæ Martii alligatum olim fuisse, neque ideo institutum, ut tunc Ordinum collationes celebrarentur, quæ ex Gelasii Papæ testimonio in priorem Quadragesimæ, non Martii, hebdomadam incidebant.*

## CAP. VII.

*Incommoda ex antiquo ritu celebrandi hæc ieiunia. Plurimum Conciliorum ope his subvenitur. Sub Gregorio VII. PP. quatuor Ieiuniorum sedes constituta.*

**V**erum procedente tempore quum aliqua ex hoc ritu sequerentur incommoda, ac differentia, nonnulli aut ignorantia, aut religione ducti statas, ac definitas quatuor ieiuniorum Sedes minime observabant. Si enim Martiæ Kalendæ in quintam Feriam incidebant, quibusdam placebat quartâ Feriâ, hoc est die postremâ Februarii, aut ipso primo Sabbato Martii ieiunium ver.

vernū incipere; quibusdam vero in alteram Martii hebdomadam differre. Incommodum etiam arbitrabantur nonnulli extremos. Bachanaliorum dies ieiunio transigere, si quando eveniret ut triduum observandum eo tempore foret. Præterea quum in hebdomadam quæ Pentecosten præcedit, æstivum ieiunium incidere posset, tunc ieiunio dare operam religio erat veterum Canonum cultoribus. Ea propter ut his difficultatibus obviam iret Concilium Salengunstadiense Anno 1022. coactum, Canone secundo hæc decreta promulgavit: *De incerto ieiunio quatuor Temporum hanc certitudinem statuimus, ut si Calenda Martii in quarta Feria, sive antea evenerint, eadem hebdomadā ieiunium celebretur. Si autem Calenda Martii in quintam Feriam, aut sextam, aut Sabbatum distendantur, in sequentem hebdomadam ieiunium differatur &c. Si quando vero ieiunium mensis Iunii in Vigilia Pentecostes secundum prædictam regulā evenerit, non ibi celebrandum erit, sed in ipsa hebdomada solemni Pentecostes &c.* Post hujus Synodi tempora veri simillimum est a Bernone Augiensis Abbate scriptum fuisse libellum de quibusdam rebus ad Missam spectantibus. Cap. 7. de jejuniis quatuor Temporum disserit, ac præter alia observatione digna hæc adfert: *Scire optas, utrumnam statim in primo Sabbato Martii sit ieiunandum, etiamsi ideo Mensis quinta, sexta, aut septima Feria incipiat, an ad aliud Sabbatum propter quartam Feriam sit differendum. Ad quod tibi ex consuetudine S. Ecclesie, qua pro maxima auctoritate tenenda est, respondeo, quod absq; ulla refractione semper eiusdem mensis quarta Feria debeat expectari, quoniam idem ieiunium, quod quarta Feria incipitur, Sabbato finitur, nequaquam Februario, sed totum Martio deputatur &c.* Tum alia addit, quæ quatuor Temporum ieiunia ostendant statis mensium hebdomadibus celebrata fuisse, uti Moguntinum Concilium, ceteriq; Auctores nos docuere. Et quum is ex consuetudine S. Ecclesie se respondere affirmet, procul dubio constat, non aliter eo tempore ab Ecclesia Romana huiusmodi jejunia fuisse usurpata. Quibus auctoritatibus addas velim Concilii Rotomagensis decretum An. 1072. promulgatum, per quod quatuor jejuniorum Temporibus eadem designatur sedes, ac a Moguntino Concilio olim adscripta fuerat. Hactenus vidimus unam Concilium, atq; Auctoribus mentem, curamq; fuisse, ut ieiunia laudata fixum in anni mensibus invenirent locum, nullaq; sanctione cautum fuisse iacommodis illis, quæ ob hanc consuetudinem afferebantur. Quapropter, ut Beldricus in Chronico Cameracensi lib. 3. cap. 51. testatur, Patres Synodi Triburiensis Anno 1031. post aliqua dictorum suorum hoc habuerunt capitulum, ut si quando ieiunium primi mensis in ea hebdomada, qua constitus caput ieiunii, sicut solet, eveniret, amborum ieiuniorum celebritas una officii expletionem completeretur. In hoc rursus moderatissimus Pastor Gerardus Cameracensis Episcopus antiquam Patrum consuetudinem servari monebat, & in altera hebdomada officium primi

*ieiunii celebrandum pro antiqua consuetudine censebat. Cuius oblata sententia visa est congrua, & ab eis decreta est tenenda.* In Synodo postea Arvernensi 127. earum, quas collegit Lambertus Episcopus Atrebatensis, ut ad Goffridi Vindocinensis Epist. 23. lib. 3. scribit Sirmondus V. C. e Soc. Iesu, decretum est, *ut semper fiat ieiunium veris in prima hebdomada Quadragesima, ieiunium vero aestatis infra hebdomadam Pentecostes.* Quo Anno hæc Synodus habita fuerit, mihi non constat; fortasse tamen ad Gregorii VII. tempora videtur referenda. Et sane sub hoc Sanctissimo Pontifice quatuor Temporum jejunia certam, statamq; sedem obtinuerunt, quam nostra etiam tempestate tenent. In Synodo Quintilneburgensi Anno 1085. coram Pontificio Legato celebrata, ut refert Bertholdus in Historia, constitutum est *ut verum ieiunium in prima hebdomada Quadragesima, æstivum in Pentecoste semper celebraretur.* Nihil de reliquis duobus jejuniis Septembris, ac Decembris excogitatum est, nam iisdem semper diebus antea indici solebant, quibus nunc quoq; indicuntur. Anno itidem 1095. sub Urbano II. Pontifice Maximo in Placentina, & Claromontana Synodis laudatæ sanctioni totius pene Latinæ Ecclesiæ suffragium accessit, uti nos docet Bertholdus prælaudatus. Quamquam non ubique statim pio decreto obtemperatum est, Goffridus enim Vindocinensis lib. 3. Epist. 23. ad Hildebertum Cenomannensem Episcopum hæc verba scribit: *In qua hebdomada Iunii ieiunia sitis celebraturi, nobis notificare curetis.* Quare nondum omnibus constabat, quæ foret æstivi jejunii sedes. Imo, quod magis stupeas, in Anglia a Concilio Oxoniensi Anni 1222., uti animadvertit doctissimus Thomassinus, ita sancitum legitur: *Ieiunia quatuor Temporum in totius Anni temporibus. In Martio prima hebdomada ieiunandum est. In Iunio in secunda, quod dupliciter observatur a pluribus, in prima hebdomada post Litanias, aut in hebdomada Pentecostes.* Novis exinde summorum Pontificum decretis horum ieiuniorum usus ita firmatus est, ut Latinis omnibus una nunc sit accuratissima horum servandorum ratio, neque gravi crimine careat eorum contemtor. Quod si quis hæreticus reponeret, huic piæ consuetudini, ac decreto nequaquam parendum, quum antiquis temporibus nullum hac de re universale præceptum foret; continuo respondebimus, vel ab ipso Apostolorum ævo usurpatum, ut ab Episcopis ieiunia indicerentur, quibus parere subiecti populi cogebantur, testibus Tertulliano lib. de Ieiun. cap. 13. S. Ambrosio in cap. 3. & 4. Ionæ, & S. Leone M. Serm. 1. de Ieiun. Sept. mensis. Quatuor vero Ieiuniorum tempora non Romanus modo Pontifex, videlicet Ecclesiæ Catholicæ caput, ac Magister, sed Concilia tum Oecumenica, tum Provincialia ex præcepto servanda constituerunt.





## CAP. ULTIMUM.

*Colliguntur dicta. Tres Quadragesima olim celebrata?  
Bachiarrii verbis quadam explicatio adhibetur.*

**N**unc eorum, quæ hæcenus differuimus, rationes subducamus. Quatuor Temporum Jejunia ex Apostolica traditione, atque institutione prodeunt. Eorum usus numquam apud Orientales obtinuit, & aliquot a Christo nato sæculis Romæ tantum, aut summum in paucis aliis Latinorum Ecclesiis vixit. Sæculo Christi octavo in Gallias, in Hispanias, ac per totum ferme Occidentem propagatus est. Nullum primis sæculis fortasse habebatur jejunium quatuor Temporum verum præter integram Quadragesimam, quæ cum tribus aliis Anni Temporibus quatuor constituebat abstinentiæ Tempora. Sequenti tempore jejunium vernum excogitatum videtur. Hoc priori mensis Martii hebdomadæ, æstivum vero secundæ Junii conjuncta fuere. Gregorio VII. Petri sedem implente, statâ ac certa horum jejuniorum sedes stabiliri primum cœpit, quæ nostra etiam ætate servatur. Si igitur quarto vulgaris Epochæ sæculo aut Romæ solum, aut paucis in Urbibus quatuor anni Jejunia usurpabantur, restat, ut fateamur, nihil rei hæc jejunia habere cum *attentioribus illis, quæ tribus anni Temporibus* colenda esse Bachiarrius pronunciat. At quænam, inquires, hæc fuere Bachiarrii ævo tria tempora jejuniis destinata? Hercle difficile est demonstrare; conjecturas tamen meas in hanc rem accipito. Uti superius ex S. Hieronymo animadvertimus, Montanistis in more fuit Quadragesimas tres annis singulis jejunando celebrare. Neq; illorum abstinentia apud Catholicos male audisset, nisi de privata consuetudine præceptum omnibus commune facere molitus esset Montanus. Idcirco is damnationis sententia repulsus est, quippe hæc jejunia *ex arbitrio agenda, non ex imperio* censebant Catholici, ut significat Tertullianus Montani assecla lib. de Jejun. cap. 13. Aliquot post Montanum sæculis pia nonnullorum consuetudo increbuit, ut Quadragesimæ tres non ex prava Montanistarum imitatione, sed ex Christiana pietate colerentur. Ex his jejuniis primum Antepaschale erat, alterum post Pentecosten, tertium ante Nativitatem Domini. Quare Carolus M. Imperator lib. 6. Capitular. cap. 184. editum hujusmodi profert: *Insper admoneant Sacerdotes, ut legitima tria jejunia in anno agantur, idest XL. dies ante Nativitatem Domini, & XL. dies ante Pascha, ubi decimas anni solvimus, & post Pentecosten XL. dies. Quamquam enim nonnulla ex his Canonica præventur auctoritate, nobis tamen omnibus simul propter consuetudinem plebis, & parentum nostrorum morem hæc observare convenit.* Huc etiam respexit Amalarius lib. 4. de Eccles. Offic. cap. 37. ubi ait: S. Hieronymus

nam Quadragesimam ponit in observatione, nos observamus tres Quadragesimas, idest ante Pascha Domini, circa Festivitatem S. Iohannis, & ante Nativitatem Domini. Addit tamen: Sic a piis mentibus frequentatur apud nos, ut patet abstinencia huiusmodi non ex imperio, sed ex arbitrio fuisse usurpata. Libro etiam 1. cap. 37. recensitis hisce jejuniis, contra allatis argumentis occurrit inquis: Non sequimur nos in presenti jejunio Montanum, & suos sectatores, sed consideramus peccata nostra, & pro eis certamus fructus dignos reddere penitentia. De his jejuniis præterea meminit Rhabanus Maurus lib. 2. cap. 20. & 21. de Institut. Cleric. Ne vero puta trium juniorum usum seculo dumtaxat octavo, ac nono inter Catholicos viguisse, etenim quum Carolus M. ita loquatur: propter consuetudinem plebis, & parentum nostrorum morem hæc observare convenit, utique in aperto est, ab antiquis temporibus Quadragesimas tres in Gallia invaluisse. Seculo vero Christi septimo S. Egbertus in Hybernia Monasticæ observantiæ reparator, ut refert Bedas lib. 3. cap. 27. Hist. Eccles. Angl. in Quadragesima semper non plus quam semel in die reficiebatur, non aliud quam panem, & lac tenuissimum, & hoc etiam mensurâ gustabat &c. Cuius modum continentia etiam Quadragesima diebus ante Nativitatem Domini, totidem quoq; post peracta solemnia Pentecostes, hoc est Quinquagesima observare solebat. Sed neque in hisce subsistimus. Concilium Turonense secundum adeamus Anno 567. celebratum, in cuius Canone 27. ista leguntur: De jejuniis vero antiqua a Monachis instituta servantur, ut post Quinquagesimam (videlicet post Pentecosten) tota hebdomade ex asse jejurent &c. de Decembri usq; ad Nativitatem Domini jejurent. Quibus duobus jejuniis si Quadragesimam antepaschalem adicias, tria invenies jejunia majori observatione digna, quæ deinde aucta trium Quadragesimarum nomine distincta fuere. Fateor: hic usus solis Monachis, & ne his quidem omnibus, eo tempore videtur placuisse; atqui satis hoc fortasse erit, ut Bachiarum sententia explicetur, illum enim, ut in Prolegomenis animadverti, Monachismo operanti dedisse probabile est. Quod si quis ex adverso obiciat, tempore quidem Turonensis Concilii hæc jejunia viguisse, non tamen Bachiarum ævo, cuius ætatem ad seculi quarti finem referendam adnotavi, oppido responam ego, longe ante illius Concilii tempora jejuniis illis Monachos vacasse, etenim ab eodem Canone antiqua Monachorum instituta restituantur, Monachos vero, eorumque Cænobia in Occidentis regionibus ante Bachiarum ætatem floruisse, nemo dubitat. Igitur non admodum a veri similitudine abhorret, ad hæc tria, utpote præcipua, jejunia respexisse Bachiarum. Tu pro tua diligentia, atque eruditione omnigena, qua clares, singula quæso perpende, melioremq; nactus explicationem, mihi, verbisq; Bachiarum tenebras feliciter eripe; ego enim uno voto, ac una prece rem huc usq; longo sermone deductam claudo, ut me ames, obsequiumq; meum boni consulas. Vale.

267

TOMUS II

# DE CORONA FERREA,

Qua Romanorum Imperatores in Insubribus  
coronari solent,

COMMENTARIUS.

ERUDITISSIMO, AC HYMANISSIMO VIRO  
**NICOLA O RVBINO**

Metropolitanae Basilicae Canonico Ordin.,  
ac Theologo

*Ludovicus Antonius Muratorius S. P. D.*



Ape tecum, RVBINE VIR SAPIENTISSIME, quæ sint studiorum meorum instituta, communicare soleo, & aliquam de rebus eruditis subinde quæstionem inicere, non ut diem tantum honesta consuetudine occupemus, verum etiam ut communione doctrinarum minorem ignorantiam postremis vitæ annis paremus. Quo quidem ex commercio quam doctior quotidie discedam, quantumque utilitatis inde mihi obveniat, si velim profiteri, non tam ingenui, quam grati hominis officio perfungar. Enimvero ita Ecclesiasticis studiis, huiusque præsertim amplissimæ Urbis Historiæ animum addixisti, ut nil jam tuis obiciatur oculis novum, & quod ante memoriæ tuæ non commendaveris. Quem igitur ego potius in incitiæ meæ subsidium, quam te, deligam consiliorum meorum in literis excolendis, ut ita dicam, auctorem? Memineris porro, quoties nos exercuerit celebris de Corona ferrea quæstio, quum videlicet eius originem, usumque investigaremus, & an eadem rebus sacris accensenda foret, inquireremus. His accedebat intelligendi studium, a quo, & ubi eiusdem Coronæ collatio olim perageretur, hinc Mediolanensi, illinc vero Modoënsi populo tantam sibi gloriam vendicante. Occurrebant etiam, quibus Imperatorum coronatio in Insubribus novitatem sapere videbatur, eamque in sententiam pendere clarissimi

nominis virum Onuphrium Panvinium moleste ferebam. Quia corōnandi in Oppido Modoënsi Cæsares non tantum novam, sed & absurdam consuetudinem Blondus appellabat, ita scribens in Regione VII. Lombardia: *Modoëtia nobilissimum totius Lombardiæ Oppidum, in quo servat absurda consuetudo a trecentis annis introducta Cæsares Germanos Corona ferrea in Romanos Reges, Imperatoresque insigniri.* Quæ quidem opinio quum insignis Oppidi gloriæ non leuiter officiat, refellenda videbatur. Eapropter oblata mihi scribendi causa ex Henrici VII. vita, quem Mediolanum dumtaxat, & non Modoëtiæ, teste Cermenatensi, Italico diademate cinctum vidimus, quid mea ferat opinio, in præsentia prodere volo. Te vero non fugit, heic potissimum disputari posse de præstantia Mediolanensis Antistitis, cuius olim erat, prout nunc etiam est, Italici Reges inungere, imo, si nonnullis Scriptoribus fidem habemus, eos quoque ad Regnum eligere. Et hoc profecto gloriosum est nostri Metropolitæ decus, quamquam nostris temporibus tantum ab eius usua Italia absit, quantum a veterum incolarum gloria. Mutata nimium est rerum facies, atque intestinis externisque odiis concussa est Provincia, olim orbis terrarum Domina, ut si cum antiqua Romanorum virtute, ac potentia nunc componeretur, se ipsam vix agnoscere posset. Neque tamen iccirco ea nobis sunt vota, ut veteris Regni ambitionem velimus, quum optimorum summeque piorum Principum imperio nunc pareamus, quibus nihil antiquius est quam pace, & clementia subiectos populos moderari. Nobis sane magis conducit sub optimis Principibus parere, quam cum pessimis imperare. Itaque veteribus monumentis insistamus oportet, ut in Mediolanensis Archiepiscopi iure inquirendo, ferreæque Coronæ usu explicando tutiores progrediamur. Interea si quid minus caute, si quid imperite edisseram, humanitate tua supplendum, atque emendandum spero, ut animus mihi alia impoſterum pro tantæ Urbis dignitate molienti addatur.

## C A P. I.

*Coronarum origo, & usus apud antiquos. Corona a diademate diversa. Tres Coronæ recentioribus Romanorum Imperatoribus usurpata. Ferrea describitur.*

Coronarum usus non apud Græcos Romanosque tantum, sed apud ipsos Reges barbaros antiquissimis temporibus, longeque antequam Romanæ Reipublicæ ortum invaluit. Aliæ e floribus, aliæ e frondibus, aliæ demum ex metallo constabant pro varia Sacrorum, regionumque consuetudine, pro diversa utentium ratione. Majestatem vero Regnantium aurea Corona plerumque distinguebat, cæsi olim vel ipsis  
mi

miliebus e prælia cum victoriâ reversis exhiberi soleret. Deinde va-  
luti peculiare Principum ornamentum usurpata fuit, nostraq; tempe-  
state nemini, præterquam Regibus, magnisque Principibus, aureo  
diademate uti fas est. Hic autem præcipuus aurearum Coronarum  
splendor priscis quoq; Imperatoribus adhibebatur, quamquam Julio  
Cæsari, eiusq; successoribus regalem in Urbe speciem præferre, aut pe-  
riculum foret, aut iis abstinere fervientis Reipublicæ solamen videre-  
tur. Sunt qui male intellectis Scriptorum locis ducti arbitrentur, sub  
Aureliano dumtaxat aureas Coronas a Romanis Imperatoribus usur-  
pâsse. Sed ii nequaquam vetera numismata animadverterunt,  
in quibus quamplures ante Aurelianum Cæsares cum radiata corona  
conspicui videntur. Ex his nonnulla inspexi ego cum in Cimeliis Bi-  
bliothecæ nostræ, tum etiam apud Patinum, aliosq; eruditos. Cernun-  
tur ibidem DIUVS AVGVSTVS, NERO CLAVDIVS, IMP.  
CAES. NER. TRAIANVS, tum Pertinax, Julianus, Alexander Se-  
verus, Balbinus, Philippi ambo, Trajanus Decius, Herennius Etruscus,  
Hostilianus, Æmilianus, Valerianus &c. singuli radiatis coronis redi-  
mitis. Quamobrem ea mihi stat sententia, coronis aureis Romanos  
Monarchas usos fuisse, soliusque diadematis gemmati usum iis displic-  
uisse quod insigne potissimum Regni id foret. Caligulam propterea,  
ac Domitianum legimus coronam auream in publicis ludis gestasse,  
*quumq; parum abfuisset, ut Caligula diadema sumeret, admonitus est,  
Principum, & Regum se excessisse fastigium*, uti Suetonius in ejus Vita  
cap. 22. narrat. Ad Aurelianum Cæsarem usq; hujusmodi in Romanis  
Principibus modestia obtinuit. Primus hic omnium, si Aurelio Victo-  
ri credimus, jam fatisciente Imperio, & ad Regni formam delapso,  
*Diadema capiti innexuit, quod adhuc fere incognitum Romanis mori-  
bus videbatur*. Reliquis subinde Imperatoribus cum aureæ coronæ,  
tum diademata in usu fuere. Mutato dein Imperii statu, & a Græcis  
Augustis ad Francos, atq; ad Germanos jure Imperii Romani transla-  
to, non una solum corona redimiri cœperunt Imperatores, ac Reges,  
sed duabus, tribusve, prout latiora, aut breviora erant dominationis  
confinia. Tribus vero coronis supra ceteras fama accessit, nempe au-  
reæ, argenteæ, ac ferreæ, quibus deteriorum temporum Cæsares orna-  
ri consuevere. Argenteam accipiebant ii, quum Aquisgrani ad Ger-  
manicum Regnum inaugurabantur; ferream, quum Langobardorum  
Regnum obtinebant; demum auream, quum Romanorum Impera-  
tores appellabantur. A vero plane abhorret Auctor Glossæ in c. Ro-  
mani. Clementina de jurejur. hæc scribens: *Scire debes (prout habetur  
etiam in Pontificali) quod Rex Romanorum coronatur triplici co-  
na. Prima est ferrea, quam recipit ab Archiepiscopo Colonienſi in  
Aquisgrano ejusdem Diœcesis. Secunda est argentea, quam ingressus in  
Italiam recipit a Mediolanensi Archiepiscopo in villa Modicensi ejus-  
dem Diœcesis. Tertia est de puro auro, qua coronatur per Papam in*

*Ecclesia S. Petri ad Altare S. Mauritii*. Utique corona argentea ab Archiepiscopo Colonienſi in Germania, corona vero ferrea ab Archiepiscopo Mediolanenſi in Inſubribus tribuebatur, & mos ille perpetuo retentus. Miror idcirco, Donatum Boſſium, cui alios conſentientes invenio, Civem Mediolanenſem hoc ignorare potuiſſe, quum in Chronico ad Ann. 766. Gloſſæ verba tamquam veriſſima deſcribit, argenteaq; corona Italicos Reges Mediolani inſigniri ſolicos eſſe tradit; Quid hæc metallorum differentia in his coronis efformandis portendat; ſedulo Juris periti, nonnullique alii Scriptores quaerunt, & præſertim Baldus inter Leguleios vir celeberrimus hac de re opusculum edidit, in quo myſticam metallorum ſignificationem interpretatur. Ferro ajunt fortitudinem designari, qua populos rebellantes, atque a fide deſiſcentes proſtigare Imperator debet; argento claritatem, quæ po- tiſſimum Principem decet, auro vero, quod omnibus metallis excellentius eſt, Cæſarem reliquis Regibus excellentiorem ſignificari. At hujusmodi interpretationes ſale plerumque carent, neq; in iſis examinandis operam inſumere vacat. Aeneas Silvius, cui poſtea Romanum Pontificatum adeptus Pii II. nomen fuit, de coronis iſtis quædam habet in lib. 4. Hiſtoriæ Auſtrialis, quæ non ita pridem publica luce frui cœpit. Ita vero ſermonem ille ſuum exorditur: *Libet heic pauca de coronis dicere, ne ſtulte videamur eorum opinioni conſentire, qui tres coronas Imperatori neceſſarias aiunt, Teutonicam, Mediolanenſem, & Romanam, & unam argenteam, alteram ferream, tertiam auream eſſe ſermocinantur. Inter quos etiam Legum Interpretes delirant, quid fer- rum, quid argentum, quidve ſignificet aurum, plurimis verbis explicare laborantes, atq; ut aurum ceteris metallis, ſic Romanorum Imperium ceteris Regnis præſtabilius eſſe conſirmant. Verum cuiusque materiæ corona fuerit, ad parabolizandum idonea videri poterit. Utrumque ſe res habeat, errare illos video, qui revera ex hiſce diverſis metallis coronas conſtare arbitrantur; omnes enim puriſſimo ex auro conſtatæ ſunt, coronæq; tantum in Inſubribus adhibita additus eſt circulus fer- reus, in interiori parte intextus. Hieronymus Balbus in libello de Co- ronatu ad Carolum V. hæc habet: *At in Germania perinde ut Romæ corona aurea Imperatorem inſigniri, illa ſcilicet, qua Carolus Magnus primo uſus eſt, ipſe ego certiſſimus ſum teſtis, quia nono ab hinc anno tuæ coronationi Carole V. non ſolum interfui, ſed cum per id tempus apud te Ludovici Pannonia, Bohemiaq; Regis Oratorem agerem, ad quem juſ eligendi ſpectabat, etiam præſui. Antiquior autem Hieronymo Balbo Aeneas Silvius in laudato libro quarto Hiſtoriæ Auſtrialis hujus rei ſi- dem facit hiſ verbis: *Has autem coronas omnes aureas eſſe compertum habeo, quamvis per medium circulum coronæ Mediolanenſis lamina quædam parvula ex ferro ducatur, quæ ſtulta interpretationi efficit locum; quippe Daniel Prophetæ quatuor orbis Regna majora deſcribens ultimum, quod noſtri Romanum eſſe volunt, ferro comparavit, quoniam ſic***

*sicut ferrum omnia metalla comminuit, sic omnia Regna Romanum Imperium destrivit. Et profecto coronam Germanicam numquam ex argento fuisse conflata, veri videtur similis, quippe temporibus etiam Vuitichindi vetustissimi Historici aurea in usu erat, prout ipse lib. 2. Histor. testatur. Alias quoque coronas ab Imperatoribus usurpatas scribunt, qui eorum res memoriz commendarunt, cujusmodi Arelatenensis fuit, ac Ratisponensis. De prima ita ibidem loquitur Aeneas Silvius: Similem modum de Regno Burgundorum observavit antiquitas, quod Bosonem Romanis Imperatoribus legimus tradidisse, cujus corona in Arelate suscipitur. Alteram Friderico Primo Imperator. una cum Germanici Regni jure collatam scribit Anonymus ille, qui Romano Pontificali, seu Cærimoniali rubricas addidit. At quamvis ex auctoritate Othonis Frisingensis Historici celebris id ille affirmet, sententiam tamen hanc multimodis nutare censeo. Etenim numquam Ratisponæ ad Regnum Germanicum Cæsares inaugurari consuevere, sed Aquigrani, ut Caroli Magni exemplum imitarentur, ipseque Fridericus ad Othonem Frisingensem patruum suum hæc de se scribit: Post primam unctionem Aquigrari, & acceptam coronam Teutonici Regni, generalem Curiam Merseburg in Pentecoste celebravimus. Deinde nusquam apud Othonem ipsum Ratisponensis coronæ mentionem inveni. His visis ut rem nostram propius attingamus, Coronam ferream, qua Imperatores in Langobardici Regni jura immittebantur, describendam reor. Est autem circulus aureus perquam latus, & gemmulis non levis pretii exteriori parte circumornatus. Introrsus lamina ferrea inserta est, & non in summitate, ut Pontificalis Romani Scholiastes scribit. Nullæ heic pinne, aut radii, quæ ceterorum Regum coronæ distinguunt solent, & quæ regnantium capita Solis instar majestatem, splendoremque effundere videntur. Ceterum Modoëtiæ nostris temporibus hujusmodi insigne servatur, de cujus Oppidi præstantia, ac prærogativis sermo inferius recurret.*

## CAP. II.

*Coronæ ferreæ origo quaritur. Quidam a Theodelinda institutam arbitrantur. Alii antiquiorem, aut recentiorem esse tradunt.*

**I**N tradenda ferreæ Coronæ origine multa nobis occurrunt impedimenta, quæstionemque invadimus impeditissimam sano, multisque hinc inde difficultatibus circumseptam, quippe Auctores aut partium studii abrepti, aut conjecturis nimium indulgentes illam ad arbitrium suum decernere maluerunt, quam incertam relinquere. Antiquorum hac de re silentium nihil minus præstitit, quam scribentium ingenia, terre-

terrere, quā causa fuit, ut eo fidencius opiniones suas expromerent; quo minus timoris suberat, ne prodita vetustate tabularum convincerentur. Ego tamen tantam veritatis rationem habendam arbitror, ut me fateri non pudeat ea nescire, quorum scientiam certo obtinere non licet. Bartholomæus Zucchijs Scriptor Modoëtiensis, vir non obscuri nominis, Reginæ Theodelindæ, ferreæque Coronæ Historiam Anno 1613. evulgavit. Uterque libellus Italica lingua conscriptus est: utrumque ego identidem consulam; Theodelindæ enim vitam a P. Alexio Ledesma jampridem descriptam erunt qui Romanensibus fabulis quam Historiæ propiorem arbitrentur. Zucchijs itaq; cap. 10. Hist. Theod. a Gregorio Magno ferrei diadematis in Italia usum accessit, cujus rei gravem, ut is ait, *auctorem* testem habemus ita scribentem: *S. Gregorius Pontifex Theodelindam Corona ferrea donavit*. In Proemio vero ad Historiam de Corona ferrea quis hic *Auctor* gravis fuerit, apertius prodit, Carolumq; Sigonium magni nominis virum appellat, a quo laudata sententia emanavit. Verum qua fide heic Zucchijs egerit, quave diligentia in Sigonio legendo fuerit usus, nescio; etenim id nusquam Sigonius scripsit, imo Coronam ferream ab ipsa Regina Theodelinda institutam prodidit, Mediolanensium Scriptorum auctoritate fretus. Sunt ejus verba lib. 1. de Regno Italiz Anno 991. *Scriptores Mediolanenses patrios sequuti Annales asserunt, coronam Agilulfo impositam fuisse, a Theodelinda Regina institutam, auream illam quidem, verum circulo ferreo interiore intextam, unde post ferreæ nomen Italico Longobardorum in Regno enituit*. Hujusmodi verba Zucchijs quoque produxit cap. 1. de Cor. ferr. Sed quoniam iis opinionem suam aliqua ex parte infirmari sentiebat, ideo quædam prætermisit, & a Theodelinda Regina institutam fuisse coronam dissimulans, vocem primo Sigonianæ sententiæ adjecit. Porro quum Sigonius Auctor diligentissimus, neque incertis opinionibus niti solitus suam hac de re sententiam expromere noluerit, Scriptoribusque tantum Mediolanensibus facti fidem reliquerit, quid isti de Coronæ ferreæ institutione senserint, videamus. Et primo Georgius Merula lib. 2. Antiq. Vicecom. hæc de Henrico I. Imperatore Sancto scribit: *Quidam sunt Auctores, ab hoc Henrico captam consuetudinem ferreæ Coronæ, quam Mediolani is demum accepit, qui in Germania Cæsar designatus sit. Alii primum Othoni hujusmodi ornamenta data ferunt. Sunt qui a Carolo factum repetant. Ego cum incerta tradantur, nec satis firmum originis auctorem habeam, quando res caperit, minime affirmare aulam*. Addit tamen egregius Auctor, sibi verisimillimum videri, Coronæ hujus originem post Caroli Magni tempora cœpisse, ut extraneis Regibus in Italicum Regnum advenientibus, Regalisque dignitatis insignia suscipientibus, Italia parere magis quam servire videretur. Bernardinus vero Corius, cui Mediolanensem Historiam Italico rudi- que sermone conscriptam debemus, Merulam fere totum exscripsit.

Sed



Sed quum aliis addendis temperare sibi noluerit, aniles, putidæq; protulit fabulas, in quibus iudicium desideres. E *Græppia aurea Urbis*, vetusto nempe libro, cujus exemplaria amisimus, refert Corius, primo Corona ferrea insignitum fuisse Julium Cæsarem, tum Augustum, ac Trajanum, quod ferro totum terrarum orbem sceptro suo subiecissent. Diocletianum postea, ac Maximianum pro Romani Imperii dignitate aurea corona uti coepisse, simulque statuisse, ut aurea deinceps Romæ, ferrea vero Mediolani conferretur. Donatus Bossius Mediolanensis, seculi & ipse decimiquinti Scriptor, antequam Italiam Langobardi invaderent, a Lamberto quodam (videlicet Theodeberto Rege Francorum) Tyranno Coronam ferream, *qua honoris gratia Imperatores Mediolani coronabantur, Papiam translata fuisse* tradit. Gaspar quoque Bugatus, Sigonio antiquior, Coronæ ferreæ primordia ad Maximianum ulque Herculeum Imperatorem retulit, Regesque non tantum Langobardos, sed Gothos quoque illa insignitos affirmavit. Si itaque liceret, Sigonium libenter interrogarem, quorumnam Scriptorum Mediolanensium testimonio fuerit usus, ut Coronam ferream a Theodelinda institutam scriberet. Neminem ego inveni, apud quem stet rei tantæ fides, unumque habeo Tristanum Chalcum, nobilissimum Historicum, & quidem vetustum, sed seculo dumtaxat nostro publica lucedomatum, qui bb. 4. H. B. Pat. sic loquitur: *Agilulfus coronam Mediolani, & reliqua Regum insignia, Flaviumque prænomen accepit. Et hinc fortasse consuetudo inolevit, ut is demum legitime in Langobardos regnare credatur, cui Theodelinda Diadema imponatur*. Hæc Tristanus dubitantis specie, quæ Sigonius videre non potuit. Alcinius vero celeberrimus Auctor in lib. de form. Rom. Imp. Coronam ferream ex instituto Pipini accipi solitam scribit. Et hætenus intra vulgatos Auctores orationem continui; nunc quid hac de re ferant nondum editi, inspiciamus. Circa Ann. Ch. 1330. ut alibi me animadvertere memini, ad scribendas Historias totum se contulerat Gualvaneus Flamma, præclarissimi Ordinis Prædicatorum alumnus, Civisque Mediolanensis. Ejus lucubrationes MS. in Ambrosiana servamus, magnæque facimus, quod singularia Urbis hujus monumenta complectantur. Verum quum difficillimis Italix temporibus, & grandi literarum nocte damnatis, dederit ille operam hujusmodi studii, nil mirum, si fabulis fœdisque erroribus quandoque scatent, interque multum critici non parum lolii domino etiam nolente irroperit. Ego ejus fidem sequi non dubitavi in iis, quæ non nimis longe ab ejus ætate remota narrantur; ceterum ubi antiquissima refert, neque probatissimis Historiis innititur, auctoritatem non satis firmam ab ipso expectes. Quam in sententiam mecum, ut arbitror, ibunt quicumque & sequiorum seculorum infelicitatem, & nostræ ætatis accuratissimam spiritum nescunt. Igitur Gualvaneus cap. 328. Chronici Majoris hæc habet: *Maximianus postquam imperaverat annis xx. in Civitate Mediolani Imperio renuncians,*

Mm

illud

illud Maxentio filio suo delegavit. Et coronam ferream, five fasciam, qua semper usus fuerat, Mediolani dereliquit statuens, ut quicumq; in hac Civitate per Cives de Mediolano coronaretur, ipso facto esset totius Italia Rex, & omnes ei tenerentur obedire. Unde in libro *Extractionum* habetur, quod Maximianus, ejusque predecessores usque ad ista tempora usi sunt corona ferrea. Cum autem introductus fuit usus aurei Diadematis, statuit Imperator Maximianus, ut in Mediolano Reges coronarentur ferrea corona. Hæc ex diffis Sicardi, Atblantis, & Ptholomei. Sed cujus ponderis hujusmodi opinio sit, nullo negotio intelligent eruditi. Quis enim unquam somniavit, a Maximiano Imperatore sub finem seculi a Christo nato tertii Coronam ferream fuisse usurpata? Tunc sane aut aureis coronis, aut diademate nonionibus sparsio, aut lauru utebantur Augusti. Nullus præterea Imperatorum ante Caroli Magni tempora Italicum Regnum in Insulribus inivit, quum aut Romæ, aut Constantinopoli jus esset constituendi Cæsares, atque Italiam illis subiiciendi. Ex his autem Gualvani verbis angas quoq; suas, ni fallor, partim mutuatus est Corius supra memoratus. Quum igitur Scriptores hæcenus recensiti in assignanda Coronæ ferreæ institutione non modo inter se dissideant, verum ne ullam quidem adferant opinionem certam, dignamque prudentum fide, firmitioribus fundamentis fulcienda res est, ut propius ad veritatem, aut saltem ad veri similitudinem accedamus.

## CAP. III.

*Reges Langobardos Coronam non usurpasse, probabile est.  
Contraria sententia magis aridet. Ferrea tamen Corona non adinventæ illorum temporibus.*

ET quoniam Langobardici Regni Corona hæc audit, primumque Agilulfo imposita dicitur, poscit muneris mei ratio, ut sedulo, ac pro virili parte quæstionem hanc perpendam. Quod si vel ipsos Modoëcenses Historicos consulere heic placet, Agilulfum haud primum omnium corona donatum fuisse intelligemus. Bonincontrus Morigia *Chronicon Modoëtia* (ita enim inscribitur) circiter Ann. Christi 1345. elucubratus est. Unicum ejus libri MS. exemplar ad nostra usque tempora servatum in Ambrosianæ Bibliothecæ pluteis extat. Is igitur Auctor lib. 1. cap. 9. postquam Alboino primo Langobardorum Regi successorem Clephum fuisse dixit: *Hic primus, addit, & ultimus est, qui in Papiæ coronatur.* Infra inquit: *Authari Cleph Regis prædicti filius, Lombardia Rex tertius Anno Domini DLXXXV. regnavit Annis VI. Hic in sua coronatione dictus est Flavius Rex Autharis, quo cognomine postea Reges Lombardia usi sunt.* Post Autharis mortem Agilulfus

Iustus in maritum a Theodelinda spectatz prudentiæ femina coopertus regnavit; quare ex ipsorum etiam Modoëtiensium sententia non omnium primus corona redimitus fuit. Supra autem vidimus, quid de ferrei diadematis usu Gualvaneus Flamma senserit; illud enim vel ante Constantini Magni imperium usurpatum tradit. Præterea in Historia sua cap. 469. Theodeberti, seu ut corrupte alibi appellatur, Lamberti Francorum Regis irruptionem in Italiam circiter Annum Christi 540. memorat. Hic Rex, ut is scribit, *Ticini Theodoricum fratrem suum in Regem Italia coronavit Corona ferrea*. Theodericus vero Ticinensium prodicione territus Mediolanum se recepit, illiq; Urbi honorem corona sublatum restituit. Quæ quidem omnia an revera coarguere potuerint, nunc examinare non vacat. Post hæc Langobardos Reges enumerat Gualvaneus, singulisq; ferream coronam impositam fuisse scribit. Hunc Auctorem plerique rerum Mediolanensium Scriptores *κατὰ τὴν αἰδαν* sequuti Sigonium usque adeo moverunt, ut ferreum diadema Langobardorum temporibus usurpatum credere, quam tot Historicis fidem auctoritatemque abrogare maluerit. Cur tamen ejus usum ab Agilulfo deduxerit, plane non assequor. Sed hoc posito coronationis primordio, reliquos subinde Langobardorum Reges talibus insignibus donatos affirmare necessum illi fuit, quamquam non semel professus fuerit, id ex aliena potius quam sua sententia scribere. Inter tot ambages, rerumque angustias quoddam mihi tuto instituendum sit iter, plane non video. Et quidem si Paulum Diaconum vetustissimum rerum Langobardicarum Scriptorem consulimus, nullam de imponenda corona mentionem is fecit. Quin sola traditione hæc Langobardos Reges inaugurari consuevisse, ejus testimonio significari videtur; inquit enim lib. 6. cap. 55. de Gestis Langobard. *Ipse Rex Lindprandus eo tempore in languorem decidens, morti proximavit. Quem Langobardi vita excedere existimantes, ejus nepotem Hildeprandum foras muros Civitatis ad Sanctæ Deigenetricis Ecclesiam, quæ ad Porticas dicitur, in Regem levaverunt. Cui dum contum, sicut moris est, traderent in ejus conti summitate cuculus avis volitando veniens infedit*. Neque insueta fuisset hæc Reges exornandi ratio, quippe Romuli temporibus, si Justino Historico est fides, coronarum loco hæc Regibus usurpabantur. Audi Scriptorem hunc ita lib. 43. cap. 3. loquentem: *Per ea adhuc tempora Reges bastas pro diademate habebant, quas Græci sceptræ dixere*. Regum quoque Langobardorum coronationem omnino præterit Herempertus Langobardus auctor antiquissimus in Historia de Gestis Principum Beneventanorum. Quare, ut nil omittamus, ipsemet Sigonius horum auctoritate, seu melius dicam, silencio ductus coronæ usum apud Langobardos in dubium revocavit; etenim ad Annum 601. ait: *Quodius a Rege nullo Longobardorum usurpatum, Paulus nusquam ostendit, imo morem eis fuisse ait, ut bastam Regi declarato porrigerent*. In hanc etiam opi-

nionem concessit Erycius Puteanus lib. 2. Histor. Insubr. ubi hæc notat: *Miror Langobardos tam cito ab hasta insignit ad ferream coronam passos se transferri*. Equidem huiusmodi sententiæ olim acquiescebam, quum libellum suum inscriptum: *Explicatio duorum Sarcophagorum* ad me transmisit Clarissimus, meique amantissimus vir Joannes Ciampinus, mihi nuper, totique eruditorum Reipublicæ immaturo fato ereptus, & cui lacrymis meis me parentasse ambitiose fateor. Exhibebat autem eodem in libro doctissimus Scriptor Agilulfi Langobardorum Regis imaginem e vetustis nummis depromptam, quos luce pridem Angelus Breventanus donarat in Langobardorum Regum Gentiliacæ arbore. Inspicias ibi Regem corona conspicuum, horrentique barba vultu circumfusus cum his literis AGILULFUS. Reliquorum Regum Langobardorum numismata, eorumque caput coronatum idem Breventanus in æs incidit, quæ tamen mihi non sine dolore hucusque videre non licuit. Igitur coronas Langobardis Regibus in usu fuisse liquido constat, idque etiam ex antiquis carminibus in Modoëtiensi Basilica sculptis probari non leviter potest, nam ibi hæc leguntur:

*Condidit hoc templum mira virtute verendum*

*Theodelinda potens Regni Diademate pollens.*

Theodelindæ quidem iussu carmina hæc fuisse composita nemo facile opinetur, quod Zucchius fidenter agebat, siquidem Leoninam indolem sapiunt, atque iccirco seculis inferioribus ortum habuere. Nihilominus vetustatem aliquam præferunt, & huic loco fortasse lucem afferant. Sed ne hinc quidem Coronæ ferreæ antiquitatem, atque institutionem quisquam se speret hausturum, nam toto, ut ajunt, cælo diademata Langobardorum a ferreo differunt. Scilicet, quod alibi scriptum est, Coronam ferream circulus aureus efformat sine radiis, aut pinnis, cui tenuissima lamina e ferro ducta artificiose inserta est. At corona, qua Agilulfus redimitur, galericulus est, seu mithra calanticæ instar, totum capitis verticem obvolvens, unionibus ubique nobilitata, Crucemque in apice fixam deferens. Similem Langobardorum Regum Coronam in Grimoaldi numismate se vidisse mihi affirmavit eruditissimus Joannes Maria Bidellus, inter Iuris peritos Mediolanenses melioris antiquitatis, rei que nummarie cultor, quem de Ambrosiana Bibliotheca bene aliquando meritum speramus. Quod si laudati Ciampini conjecturæ in Marmor Neapolitanum productæ a veritate non absint, Agilulfum itidem intueare coronam insignitum radiata, ac propterea, a Modoëtiensi longe diversa, Quamquam igitur coronas a Langobardis aliorum Principum more adhibitas ponamus, Coronam tamen ferream tantæ antiquitate donare non possumus, ut usurpatam ab iisdem credamus. Verum hæc melius in reliquo Commentarii contextu exploranda nobis erunt,

## CAP. IV.

*Modoëtiensium, Ticinensium, ac Mediolanensium prerogative  
pro Coronationibus Regum Langobardorum recensentur.  
Mediolanensium jura Pauli Diaconi auctoritate  
firmantur.*

ET si Langobardorum Regum coronationes incertæ sint, aut saltem nullam ii Coronam ferream adhibuisse videantur, cujus ope regalem dignitatem publice consequerentur, heic tamen recentioribus scriptoribus liberaliter demus, Regum coronandorum consuetudinem ab iis non temere tradi. Quo posito locum inquirimus, ubi solemnitas coronarum traditio perageretur. Hoc autem commode præstari non potest, nisi eorum, quorum coronationes referuntur, chronologicæ Historiam pertexamus. Mediolanum, Ticinum, ac Modoëtiæ pro tanta gloria inter se certantes video, singulis populis pro jure suo aut rationibus, aut Historicorum auctoritate propugnantibus. Ticinum, urbs elarissima, Regumque Langobardorum domicilio diutissime usa, quin suum olim esset domesticos Reges coronare, minime dubitat. Modoëtiæ vero, quam veteres lapides fortasse Moguntiacum, scriptoresque Modiciam, aut Moguntiam appellant, celeberrimum Oppidum, atque a Theodelinda Regina illustratum, quum Langobardici Regni Sedes a nonnullis dicatur, nostrisque etiam temporibus ferream apud se Coronam fervet, sibi antiquam coronationis laudem tribuit. Mediolanum tandem hujusmodi jus vetustate tuetur. Et huic quidem Urbi potissimam tantæ gloriæ partem adjudicandam arbitror non cœco illius studio præreptus, sed rationum Scriptorumque inter se consentientium auctoritate ductus. Ut autem a Ticino sermonem instituam, quoties ejus dotes, atque antiquitatem specto, cum præclarissimis Italiciæ Civitatibus illam conferre minime dubito. Nemo tamen melius quam Gothi, ac Langobardi Reges istius Urbis præstantiam novere, quum in illa regalem constituerint sedem, ac ibi tamdiu se continuerint, quamdiu Italiciæ partem Deo visum est eorum imperio subiici. Plurimum hinc decus, *Regiæque Urbis* nomen Ticino accessit, sique Ticinensibus fidem habemus, veluti altera Roma Civitas haberi cœpit. Nunc etiam in ponte, quem extra urbis illius portam fluvio Ticino impositum nemo non laudat, vetus lapis legitur cum hisce carminibus:

*Quisquis huc intrat deflexo poplite dicat,  
Dic prope qui transis, qui porta limina tangis:  
Roma secunda vale, Mundi caput imperiale,  
Tu bello Thebas, tu sensu vincis Athenas,  
Te metuant gentes, tibi flectunt colla potentes.*

Hæc

Hæc tamen inscriptio an olim ad Ticinenses referretur, sunt qui dubitent; Gualvanus enim Flamma tum in Chronico Extravaganti cap. 49. tum in Manip. Florum cap. 22. Urbi Mediolanensi elogium hoc tribuit. Quin marmor portæ Urbis, quæ Romana dicitur, affixum fuisse est auctor. Variant nihilominus aliquantulum inter se versus, quare & hos legendos exhibeo:

*Dic homo, qui transis, qui portæ limina tangis,  
Roma secunda vale, Regni caput imperiale,  
Urbs veneranda nimis, plenissima rebus opimis,  
Te metuunt gentes, tibi flectunt colla potentes,  
In bello Thebas, in sensu vinctis Athenas.*

Utrumque tamen se res habeat, siue lapis ab Urbe hæc sæpe funditus eversa Ticinum delatus fuerit, siue ad exemplar Mediolanensis lapidem Ticinenses inscripserint (nam ante annos tantum trecentos lapidem exaratum fuisse characterum forma luculenter prodit) seu Gualvanus minus certa retulerit, Civitati illi præclarissimæ gloriam hanc nequaquam invidemus, diuturnamque inscriptionis possessionem, ac maiestatem intactam relinquimus. Nil itaque mirum est, si in urbe sua peractas Langobardorum Regum coronationes arbitrentur Ticinenses, inter quos præcipue Stephanus Breventanus Historiæ Papiensis Scriptor lib. 3. cap. 1. in S. Michaëlis æde Reges Langobardos antiquitus coronari consuevisse scribit. Sed quod Ticinum Regni Sedem Longobardis statuerint, minime idcirco ibidem etiam coronatos eorum Reges fuisse probatur. Aquisgrani Germanicam coronam, ut Regnum Teutonicum inirent Cæsares, posterioribus seculis acceperunt, Augustalem vero Romæ, quum tamen sedes Imperii aut Viennæ in Austria, aut alibi fuerit sita. Sic Parisiis Gallici Regni summa constitit, quamvis in urbe Rhemeni Galliarum Reges inungi soleant. Atque huc respexisse censeo Bernardum Saccum Ticinensis Historiæ clarissimum auctorem, quando lib. 8. cap. 4. hæc ait: *Qua quidem ex re, etsi Regii nominis honor in Papiensibus constitutus non fuit, Regia tamen familiaritatis, sessionisque compos, ac digna effecta Civitas ipsa ea actu fuit.* Quibus verbis, ni fallor, sibi exploratum esse ostendit Saccus, Ticini quidem Langobardos Reges sedisse, sed alibi honore coronæ decoratos fuisse. Itaque Modoëtienses audiamus, quorum causam Bartholomæus Zucchi agit tum in Hist. Reg. Theod. tum in Hist. Coronæ ferreæ. Scribit hic in primo libello cap. 16. Langobardorum Regum sedem primo Veronæ stetit, deinde Modoëtiæ a Theodelinda translata, ibique ab Othone Tertio Imperatore confirmatam. In altero libello eorum Regum, qui Modoëtiæ Coronam ferream suscipere, Catalogum offert. Ex his primus illi est Agilulfus Theodelindæ coniux, tum Adalvaldus horum filius, Arioaldus dein, Rotharis, Rodoaldus, Aripertus, ac Liutprandus. His addit Carolum Magnum, Pipinum, Bernardum, Lotharium primum, Berengarium primum, & plerosque alios

alios Italiz Reges. Verum quod est ad Langobardos Reges, nullus ei Scriptor vetustus laudatur, qui pro hac veritate vadem se offerat. Annales tantum Modoëtienses, & Sigonius utramque paginam implent, sive de illis Regibus, sive de Imperatoribus res habeatur. Meum itaq; erit ostendere, quantum Mediolanensis Civitas Ticinensi, ac Modoëtiensi in Italicis Regibus inaugurandis præstet. Ita tamen in-hujus præstantissimæ Urbis laude me non continebo, ut de Ticinensium, & Modoëtiensium prærogativis omnino taceam. Quem autem melius, dum de Langobardis quæstio agatur, quam Paulum Diaconum, natione Langobardum, qui sub Desiderio Rege ultimo floruit, sequamur? Enim verò quoties cum illo, quod pertinet ad res Langobardorum, sentimus, toties nos veritatem assequuturos facile speramus. Alboino barbaræ illius gentis Rege primo, Veronæ violenta morte e vivis erepto, communi Langobardorum procerum consilio ad Regnum Clephæ eligitur. Quo in loco id contigerit, nos docet laudatus Auctor lib. 2. cap. 21. de gest. Langobard. *Langobardi, inquit ille, apud Italiam omnes communi consilio Cleph, nobilissimum de suis virum, in urbe Ticinensium sibi Regem statuerunt.* Ticini igitur primam coronationem factam merito opinetur quispiam, nisi assensum sustinere dicenda inferius nos cogerent. Paulo in hac re concordem habemus Bonincontrum Modoëtiensem; quin & ipse Gualvaneus Flamma negare id noluit, quamquam rationem, ut puto, excogitavit, cujus ope jura Mediolanensium heic violari probaret. Cap. 482. Chron. Maior. de isto Clephone hæc habet: *Qui cum vellet in Civitate Mediolani in Regem Langobardorum coronari, Cives de Mediolano propter odium Albuini, qui hanc Civitatem destruxerat, ei coronam, & Civitatis introitum negaverunt, & tunc in Pavia fuit coronatus.* Fides sit penes Auctorem, & ad Autharis Regnum transeo. Vbinam creatus hic fuerit, Paulus non docet. Bonincontrus vero Mediolani diadema Regni ei fuisse collatum scribit. Gualvaneus quoque de illo scripserat cap. 495. Chron. maior. *Hic fuit coronatus Mediolani Corona ferrea in parva Ecclesia S. Michaëlis juxta S. Ambrosium.* Autharum fato postremo functum excepit Agilulfus a Theodelinda ex Langobardorum consensu in thalami, ac Regni consortium adscitus. Regem hunc *in Civitate Mediolani Regni diadema suscepisse* auctor est Bonincontrus, ejusque opinionem reliqui fere Mediolanensium rerum Scriptores una cum Sigonio sequuti sunt. Quare subit mirari, cur hunc Principem *in burgo de Modoëtia Corona ferrea fuisse coronatum* Gualvaneus scribat cap. 500. Chron. Maior. Sed quid hisce insitimus, quum Paulum Diaconum rei testem habeamus? Inquit, is lib. 2. cap. ult. *Suscepit Agilulfus, qui erat cognatus Regis Authari, inchoante jam mense Novembrio regiam dignitatem. Sed tamen congregatis in unum Langobardis, postea mense Mayo ab omnibus in Regnum apud Mediolanum levatus est.* Ex his, ni fallor, tanti Historici verbis, quid nobis de coronationis loco sentien-

dum

du m sit, plane discimus. Mense Novembri Anno 590. renunciatus Rex fuerat Agilulfus, regalemque dignitatem, ut ait Paulus, inierat. Anno vero proxime sequenti mense Maio in publico Langobardorum conventu coronam Mediolani accepit, qua re peracta dein ius regnandi numeris omnibus absolutum obtinuit. Anno postea 604. in ipsa etiam Mediolanensi Urbe Adalualdus Agilulfo ex Theodelinda natus in regalis dignitatis communionem publice advocatus fuit. Sunt Pauli verba lib. 4. cap. 31. *Igitur sequenti astate mense Iulio levatus est Adalualdus Rex super Langobardos apud Mediolanum in Circo in praesentia patris sui Agilulfi Regis, astantibus legatis Thendeberti Regis Francorum.* Ambos hos Reges Mediolani consedisse pluribus in locis prodit laudatus Auctor, ac proinde veram Langobardici Regni sedem eo tempore Mediolanum fuisse, hinc quoque intelligimus. Ceterum de reliquis Langobardorum Regibus quamquam Paulus multa tradiderit, locum tamen urbemque, ubi eorum singuli aut electi, aut inaugurati ad Regnum fuerint, nequaquam memoravit. Eorum sedes Ticini plurimum stetit, & quum duos filios Rex Aripertus sibi successores reliquisset, Pertharicum, & Gundibertum, unus Ticini, alter vero Mediolani Regnum quisque suum moderabantur. Animadvertimus etiam Hildeprandum Luitprandi nepotem extra muros Ticinensis urbis in Basilica S. Mariae ad Porticas Regem fuisse salutatum. Porro in referendis reliquorum Scriptorum, ac potissimum Gualvani, & Bonicontri verbis non immorabor; uterque enim pro suo erga patriam studio aut Mediolani, aut Modoëtiæ Reges coronatos affirmat. Restat igitur, ut Pauli Diaconi auctoritate ducti fateamur, Ticini quidem Langobardos Reges plerumque consedisse, Mediolani vero corona saepius fuisse donatos. Nunc ad Imperatores, aliosque Cisalpinos Reges sermonem convertamus.

## C A P. V.

*Reges Franci neque Mediolani, neque Modoëtiæ coronati.  
Sigonii sententia exploditur. Roma corona  
iis imposita.*

**E**Xactis a regali throno Langobardis, & victo captoque Desiderio Rege, rerum in Italia potius est Carolus Magnus, in quem e Graecis Imperii quoque Romani iura per Urbis Pontificem fuere translata. Illum Modoëtiæ Corona ferrea ab Archiepiscopo Thoma redimitum Carolus Sigonius lib. 4. de Regno Ital. tradit, ejusque opinioni lubentissime Zucchius subscripsit. Eadem de Pipino Caroli filio, & Bernardo, ac Lothario nepotibus narrant ambo laudati Scriptores, & ne quid dissimulem, Gualvanus quoque in Manip. Flor. cap. 126. & sequ. eisdem



eidem consentientem invenio. Atta meritis solis conjecturis Auctores ista affirmasse tam certum est, quam quod certissimum. Mihi sane, veri videtur simillimum, ab huiusmodi coronatione Carolum, ceteroque e Francorum gente Imperatores abstinuisse. Sexcentos, ut ita dicam, Historiarum conditores legimus, partim Caroli Magni, ejusque successorum æquales, partim ab eorum ætate parum remotos, quos aut in Bibliotheca nova Labbei, aut in singulari Collectione Scriptorum Historiæ Francicæ a Duchesnio elaborata, aliisve in locis invenire est. Quis ergo non videt in tot monumentis hanc Regum coronandorum consuetudinem præteriri non debuisse, si umquam invaluisset? Nihilominus, etsi minutissima quæque Caroli Augusti, & reliquorum gesta ibidem recenseantur, nullum tamen verbum de Modoëtiensi coronatione perinde occurrit, quasi contemnendum, & silentio obvolvendum decus illud fuisset. Contra nemo ex his Scriptoribus silentio præterit Romanam Caroli Magni coronationem, quam etiam inter præcipuas ejus laudes referendam esse quisque agnoscebat. His accedit Cointii viri celeberrimi auctoritas, qui Gallicos Annales immensi labore Latinis literis mandavit, suorumque Regum gesta omnium accuratissime exploravit. Postquam hic Sigonii verba retulit ad Annum Christi 774. *Non temere, inquit, negabis Carolum Magnum illa corona per Archiepiscopi Thomæ manus hoc anno redimitum, cum in antiquis Auctoribus nulla sit hujusce rei memoria.* Vileat igitur Sigonius, quod se Auctore tueatur, ubi Modoëtiæ coronatum affirmat Carolum. Nam quod est ad Pipinum ejus filium, non Modoëtiæ, sed Romæ, Italiæ Regem fuisse renunciatum, ibique corona donatum scimus. Vetusissimi Francorum Annales apud Duchesnum, tom. 2. pag. 32. hæc tradunt ad Annum Christi 781. *Et Rex Carolus celebravit Pascha in Romana. Et ibi baptizatus est Dominus Pipinus filius supradicti Domni Caroli M. Regis ab Adriano Papa, qui & ipse eum de sacra fonte suscepit. Et duo filii Domni Caroli Regis in manu sunt in Reges a supradicto Pontifice. Hi sunt Dominus Pipinus, & Dominus Hludovicus Reges. Dominus Pipinus Rex in Italiam, & Dominus Hludovicus Rex in Aquitaniam.* Tunc igitur Italici Regni corona Pipino collata fuit. Porro addit idem Chronologus: *Et inde revertere Domno Carolo Rege, Mediolani Civitatem pervenit. Et ibi baptizata est filia ejus Domina Gisela ab Archiepiscopo nomine Thoma. Et ab inde reversus est in Franciam.* Eadem scribit Eginhardus de Gestis Caroli M. Imperatoris, coronamque Pipino, ac Ludovico Romæ ab Adriano impositam & ipse narrat. Ceteri vero Historici similia memoriarum manderunt. Quamobrem videas, ad Civitatem etiam Mediolanensem devenisse Carolum, ibique ab Archiepiscopo Thoma filiam ejus Gisela sacris undis fuisse purgatam; Quod si Modoëtiæ coronam iterum Pipino contulisset Mediolanensis Archiepiscopus, neque ignorare id Auctores potuissent, & scribere debuissent, qui sacram Gisela, expiationem,

quamquam longe minoris momenti rem, nequaquam omisere. Atque ex his hactenus enarratis constat, ni mea me fallit opinio, quamdiu Romanum Imperium, Italiamque Reges Francorum, tenere, Italici Regni diadema Romæ tantummodo illis fuisse collatum. Ut autem evidentius hæc pateant, exemplum Ludovici II. Imperatoris heic itidem producā, neque enim hunc Sigonius Modoëtiæ coronatum affirmare est ausus. De illo in Vita Sergii II. Papæ hæc ait Anastasius Bibliothecarius: *Tunc almissus Pontifex in Basilica Principis Apostolorum manibus suis ipsum Ludovicum Lotharii Imperatoris filium oleo sancto perungens, regali, ac pretiosissima coronavit Corona, Regemque Langobardis præfecit.* Post Ludovicum II. Italico Regno præfectus est Carolus Calvus, eumque Papæ corona redimitum manu Ansperti Archiepiscopi Mediolanensis Sigonius ad Annum 876. scribit. Quin verba addit ab Ansperto in coronatione pronunciata, quæ ita se habent: *Nos Anspertus cum omnibus Episcopis, Abbatibus, Comitibus, & reliquis, qui nobiscum convenerunt, Italici Regni Optimatibus, perpetuam optamus prosperitatem, & pacem, & reliqua apud Puricellum in Monum. Ambros. Basil. num. 127. legenda.* Verum nullus dubito, quin Sigonianam assertionem totius antiquitatis silentium infirmet, Nimirum Scriptores ceteri Carolum Calvum Romæ Summo Pontifice Regem, Cæsaremque inauguratum perducunt, Ticinensem vero coronationem nullam prorsus commemorant. Quæ vero verba Ansperto Sigonius affligit, ea quidem, seu melius dicam, eorum familia in Synodo Ticinensi, quo convenerant Episcopi, ceterique Italici Regni Optimates Anno 876., fuisse pronunciata, & forsan ab ipso etiam Mediolanensi Antistite, sed ut Carolum solummodo Protectorem, dominum, ac defensorem omnium eligeret Synodus, non ut Corona insigniret. His accedit, Ticinense istud Concilium anno eodem a Patribus Synodi Pontigonensis fuisse confirmatum, nullisque, præterquam Romanæ, coronationis mentionem illic factam fuisse. Sicut, inquit Patres, *Domnus Iohannes Apostolicus, & universalis Papa primo Roma elegit, atque sacra unctione constituit, omnesque Italici Regni Episcopi, Abbates, Comitesq; Domnum nostrum gloriosum Imperatorem Karolum Augustum unanimi devotione, elegerunt sibi protectorem, ac defensorem &c. ita & nos eligimus.* Utriusque Synodi decretum tum in magna Conciliorum Synopsi Labbeana, tum apud Sismondum Tomo 3. Concil. Gall. & apud Duchesnium Tomo 4. invenias. Quod reliquum est, Sigonius in postrema Historiæ de Regno Italicæ editione verba superius allata e libro induxit, coronationis tamen mentione minime oblitterata. Carolum tandem Crassum Italicæ Regem a Mediolanensi Archiepiscopo Cisalpinæ Regni insignia suscepisse, quibus tabulis fretus aescio, affirmat Sigonius ad Annum 880. Ego vero in antiquissimo Chronico Monasterii S. Galli Regem hunc a Joanne Papa benedictum legi, non ab Archiepiscopo

capo coronatum, quod referunt etiam Annales Francorum Metenses; alique Auctores. Cum Carolo Crasso Francorum in Italia Regnum desit. Quod si veteres Historias sedulo revolvamus, a Romanis tantum Pontificibus Francos Reges Italico diademate cinctos intelligimus. Sigonii vero sententiam, ubi veterum suffragiis ea sit destituta, somno iustius quam Historiæ compares. Sane Donatus Bossius, Georgius Merula, Tristanus Chalcus, alique rerum Mediolanensium diligentissimi Scriptores, & in hujus Urbis antiquitatibus versatissimi, hanc Francorum in Italia Regum coronationem prorsus omisere, quum revera nullæ eis tabulæ suppeterent, quibus tantam gloriam insubribus vendicarent.

## C A P. VI.

*Post Francos Italici Reges coronam in usu habent. Vbi eam receperint, inquiritur. Berengarii I. Rodulphi, Hugonis, Lotharii, Berengarii II. Adalberti, atque Ottonis M. coronationes referuntur.*

FRANCOS in Cisalpino Regno excepit Berengarius, natione Italus, & Dux Forojulienfis, quem Sigonius lib. 6. de Regno Italiæ Anno 888. Papiæ coronam accepisse de manu Anselmi Mediolanensis Archiepiscopi tradit. Gualvanus tamen Flamma cap. 650. Chronici Maioris MS. hæc de illo narrat: *Hic in Modoëtia fuit coronatus, sicut patet in Privilegio dato Civibus de Pergamo, quia dum coronaretur in Modoëtia concessit Pergamensibus, ut suam possent readificare Civitatem.* Gualvanum Bonincontrus, & Zucchius exscribere. Quam vero ex hisce Scriptoribus habenda sit fides, non video, neque enim præstantiora monumenta consulere hæc possumus. Idem etiam difficultatibus obsepta est Rodulphi Regis coronatio, quem in Italiam contra Berengarii tyrannidem accitum, Sigonio teste, Lampertus Mediolanensis Archiepiscopus Ticini coronavit, *illa quidem corona, qua Modoëtia servatur.* Postrema hæc tamen verba nusquam apud Sigonium legas, quum ei affingentur a Zucchio, qui ut patriam suam extolleret, religioni sibi non duxit hoc in loco fluxam, atque confictam adhibere auctoritatem. Sequitur Sigonius ad Annum 916. *Hugo ab Italis accersitus Pisas lætus accessit, tum restæ Papiam contendit, quo cum venisset, Rex summo omnium studio salutatus Coronam Mediolani ab Archiepiscopo sumpsit.* Et hunc locum Zucchius corripit, uti Puricellus etiam noster in Monum. Basil. Ambros. num. 159. animadvertit; hæc enim verba veluti a Sigonio pronunciata refert: *Papiam perveniens Rex summo omnium studio salutatus Coronam ferream ab Archiepiscopo Mediolanensi sumpsit, quasi non Mediolani, sed Papiæ*

Coronatus Hugo acceperit. Sigonius porro in hac re affirmanda præcessere Gualvaneus Flamma, Auctor Chronici Flos Florum, & Catalogus Archiepiscoporum Mediolanensium; quorum verba legas apud Puricellum num. 162. in Monum. Basil. Ambros. His igitur Auctoribus Sigonio consentientibus Hugo Rex Mediolani coronam obtinuit, qua etiam in Urbe Lotharius ejus filius pari honore consalutatus Rex fuit. *Lotharius iste*, inquit Gualvaneus in Manip. Flor. cap. 133. *Imperii diadema in Ecclesia S. Ambrosii, sicut & pater eius suscepit*. Hujus quoque rei fidem facit Luitprandus Ticinensis, pervetustus Auctor, dum lib. 5. cap. 13. Histor. *Lothario, ait, denique Mediolanum petente, Rex Hugo Papiam omni cum pecunia egressus Italiam deserere, atque in Burgundiam ire cogitavit. Sed res ista eum retinuit, quoniam dum misericordia inclinati Lotharium in Ecclesia Beatorum Confessoris, & Martyrum Ambrosii, Gervasii, & Protasii ante Crucem erigerent, & Regem sibi constituerent &c.* Regibus hæcenus enumeratis subrogatus est Berengarius II. cum Adalberto filio Italiæ Rex. Illum Zucchius tertium, Bonine contrus hujus nominis quartum appellant, unanimique consensu Modoëtiæ coronatum affirmant. Sed quum probatissimi Annales hinc nobiscum facere incipiant, eorum beneficio imposterum utemur, ut posteriorum Historicorum errores emendare possimus. Itaque in eo Chronico Regum Italiæ, quod in hoc libro edidimus, ista leguntur: *In vicesimo quarto die, qui fuit die Dominico XV. die Decembr. in Basilica S. Michaelis, qua dicitur Major, fuerunt electi, & coronati Berengarius, & Adalbertus*. Igitur non Modoëtiæ, sed Papiæ in Ecclesia S. Michaelis regia insignia Berengarius, atque Adalbertus obtinuerunt. Et quoniam ita res poscit, hæc iterum Zucchii diligentiam examinare mihi liceat. Ad Berengarium hunc refert ille Diploma quoddam Canonici Abbatæ S. Joannis Baptista de Moditia collatum, & datum. *Kalend. Julii Anno Dominica Incarnationis DCCCCXX. Domni vero Berengarii piissimi Regis XXIII. Imperii vero sui V. Indict. VIII.* Equidem Modoëtiensis Historiæ infortunium doleo, quod homini aut parum accurato, aut parum fideli commendata fuerit. Quin germanum sit Diplomatis memorati exemplar, minime ambigo, verum Chronicas notas male Zucchius descripsit, nec bene earum sententiam assequutus est. Primo non ad Berengarium, ut is opinatur, Tertium, sed ad Primum, Diploma referendum fuit; hunc enim ad Annum usque 923. vixisse ac regnasse constat, alter vero Berengarius multum post tempus Regnum suum est auspicatus. Secundo quum hic Berengarius Regiam dignitatem Anno Christi 888. inierit, cum Anno Epochæ vulgaris DCCCCXX. trigésimus quartus Regni illius conjugendus erat, quo & Kalend. Julii annus Imperii ejus quintus, atque Indictio octava decurrebant, ut recte in Diplomate notatur. Quod si Zucchius singula accuratius lustrasset, pro XXIII. Anno Regni Berengarii XXXIII., ut reor; scriptum invenisset. Sensim ad Othonem

Ma-

Magnum nostra devenit Oratio, quem primum e Germanica gente Romanorum Imperatorem, suumque Regem Italia vidit, nisi etiam (quod per me licet) Germanis Francos Reges accendere velimus. Ubi nam Coronam Italianam acceperit iste, e Zucchio accipere juvat. Postquam is nonnulla Sigonii verba in unum coegit, hæc velut ab ipso Auctore derivata refert: *Othonem vero Valpertus Archiepiscopus Mediolani in Basilica Ambrosiana ex promisso Corona ferrea, quæ Modoëtiæ asservatur, redemit, eamque ob causam multa ab eo oppida dono accepit.* Hæc procul dubio se cornicula prodit, ubi alienas imitari, aut suffurari vult pennas. Mediolani quidem Corona ferrea Othonem exornatum censet Sigonius, sed coronam illam nequaquam appellavit, quæ Modoëtiæ asservatur. Ipsum loquentem audiamus ad Annum 961: *Interim Mediolani Archiepiscopus promissi memor Principum, Episcoporumque de more Concilium vocat, atque ex omnium sententia Regnum Berengario, atque Adalberto abrogatum ad Othonem desert, ipsumque in eade D. Ambrosii urbana inungit, consecratumque ferrea Corona condecorat.* Utinam tamen Sigonianam phrasim confingere Zucchius scivisset; sed ille regulis Prisciani posthabitis pro redimivit scribere non erubuit *redemit*, verbis profecto ab elegantia Sigonii alienis, homineque Latini sermonis imperito dignis. Addit vero Zucchius, Othonem coronatione Mediolanensi minime contentum Modoëtiensem quoque recepisse, *ut multi Scriptores testantur.* Si tam multos Auctores Zucchius habuerat tantæ rei testes, miror, cur ne unum quidem produxit, qui quum veris testimoniis niti non poterat, appositis utebatur. Sed homo aliis imponere solitus sat habuit rem affirmare, alioqui certus fore, ut pauci ex Lectoribus rem intimo examinarent. Ego quotquot hucusque Auctores pervolui, Mediolani tantum, non vero etiam Modoëtiæ Othonem coronatum didici. Quin Boniacotrus in Chronico MS., & Balchassar Fidelis Archipresbyter Modoëtiensis in libro de prerog. B. Joannis Baptistæ cap. ult. dum Italiæ Reges Modoëtiæ coronatos recensent, Othonem Magnum ibidem coronatum nusquam commemoravere. Placet huc referre, quæ de hujus Imperatoris inauguratione Landulfus habet Scriptor Mediolanensis, qui, prout in primo Anecdotorum Tomo animadverti, sub finem seculi a Christo nato undecimi Historiam hucusque MS. lucubravit, sub Datii Mediolanensis Archiepiscopi nomine sæpe a Scriptoribus laudatam. Inquit autem hic: *Spreta Alberti (hoc est Adalberti) ac sue gentis superbia, qui Italiam quasi ancillam dominabantur, Oto ab omnibus in Regem magnis cum triumphis Mediolanum electus, & sublimatus est. Interea Valperto mysteria Divina celebrante, multis Episcopis circumstantibus Rex omnia regalia, lanceam, in qua Clavus Domini habebatur, & ensim regalem, bipennem, balteum, clamidem Imperialem, omnesque regias vestes super B. Ambrosii Confessoris altare deposuit, perscipientibus, atque celebrantibus Clericis, omnibusque Ambrosianis*

*stianis ordinibus divinarum solemnitarum mysteria; Vualpertus magnanimus Archiepiscopus omnibus regalibus indumentis cum manipulo Subdiaconi, corona superimposita, astantibus B. Ambrosii Suffraganeis univrsis, multisque Ducibus, atque Marchionibus, decentissime, & mirifice Othonem Regem collaudatum, & per omnia confirmatum induit, atque perunxit. Eadem, aut similia legas apud Gualvaneum Flammam descripta, & a Puricello in Monum. Ambrosianæ Basilicæ n. 177. relata. Litulfum quoque Othonis M. filium, quem contra Berengarium Italix tyrannum e Germania cum expedito militum robore pater ad Insubres miserat, Langobardorum corona decoratum legi in vetustissima Historia MS. de Gestis Comitisse Mathildis, quam Ambrosiana Bibliotheca servat. Ibi scriptum est: Et venit prædictus Litulfus cum prædictis militibus quadam die mensis Maii eiusdem Anni a Civitate Verona usque ad arcem Canossinam per unum diem, & alia die sequenti ivit Parmam, & accepit Coronam Longobardiæ, & rediit &c. Parmæ tamen coronationem hanc celebratam fuisse nemo suspicetur, sed quidem, ut par est credere, Mediolani.*

## CAP. VII.

*Othonis III. coronatio illustratur. Fortasse primus is fuit, qui Modoëtia coronam accepit. Insigni huic Oppido munera ab illo collata referuntur.*

**O**Thonem II. Imperatorem in Insubribus coronatum nequaquam legimus. Quare ad ejus filium Othonem Tertium nos conferamus. Illi Coronam Italicam in urbe Mediolanensi ab Archiepiscopo Landulfo collatam his verbis adnotavit Sigonius Anno 995. *Landulfus Urbem (scilicet Mediolanum) ingressus Othonem Regio diademate decoravit.* Verum non Mediolani tantum, sed Modoëtia quoque coronatum Othonem tradunt Modoëcienses Scriptores, quorum vetustissimus Bonincontrus lib. 1. cap. 30. Chronici MS. in hæc verba loquitur: *Perro hic Otto Tertius primo in Modoëtia, postea in Mediolano Italici Regni coronam accepit.* Id si verum est, cur in Oppido illustri dignitatem regiam obtinere voluerit Otho, causam mihi videor assequutus. Maximè iis temporibus controversiæ inter Cives Mediolanenses, & Archiepiscopum Landulfum intercedeabant. Adeo autem exarsere odia, ut in apertum bellum deducta res fuerit. Magno prælio Landulfus profligatus nullum præsentis præsidium invenit, quam se ad Othonem in Germania morantem recipere, eumque in Italiam grandibus promissis illectum pertrahere. Superatis Alpibus Otho cum ingenti exercitu in Insubres fertur, Urbemque Mediolanensem obtemperare adhuc recusantem aucta obsidione cingit. Dum ita res ageretur,

tur, non sine probabili conjectura arbitror, Modoëtiâ proximè  
Oppidum, & Reginz Theodelindæ, aliorumque Regum donis celebre  
ab Othone fuisse delectum, ut ibi regalia ab Archiepiscopo obtineret  
insignia, simul atque ut Mediolanenses sibi viles esse ostenderet. Neque  
enim necessum erat Mediolani potius quam alibi Reges inungi, ut ex  
coronationibus Ticini peractis patet, dummodo Mediolanensis Ar-  
chiepiscopi opera in coronatione minime desideraretur. Et sane ex  
iis temporibus Modoëtia Langobardici Regni Sedes audire cœpit, ti-  
tulo ei ab Othone collato. Hoc vel ipsi Modoëtienses fatentur. Audi  
Baltasarem Fidelem eorum Archipresbyterum, qui Anno 1513. libel-  
lum de Prærogativa B. Joannis Baptistæ publici juris faciebat. Sunt  
ejus verba cap. postremo: *Orto tertius Modoëtiâ Regni Sedem consti-  
tuit, Casareæque corona incorporavit, ut in quacumque huius provin-  
cia investitura non comprehendatur, nisi de illa specialis mentio fiat.*  
Bonincontrus vero, a quo Modoëtiense Chronicon Anno 1345. condi-  
tum dixi, cap. 30. lib. 1. de Othone laudato hæc aliquantulum confusa  
narrat: *Hic ordinavit, & instituit, quod terra de Modoëtia esset ca-  
put Lombardia, & Sedes Regni illius. Sciens ubi cunctis Lombardis  
ad illorum protectionem ab Imperatore caelesti principem, & audito-  
rium constitutum est. Propterea placuit ipsi Imperatori terreno consti-  
tuere maiorem, & nobiliorem in Regno suo Lombardia terram Mo-  
doëtia, & eam caput, & sedem Regni illius esse ad hoc, ut locus  
auditorii magni Principis caelestis Imperatoris, qua est in dicta  
Terra adificatus, & in quo loco sancto de iure Regni Lombardo-  
rum debet coronari propter reverentiam, & devotionem ipsius Regni  
Imperatoris terreni ibi custoditur &c.* Addit rursus: *Quod Imperator  
debeat coronari in Modoëtia, & quod illa sit caput Lombardia, patet  
manifeste ex dictis, & Scripturis Imperatorum, qui privilegiando di-  
ctam Terram, nominando aliarum Terrarum Lombardiæ iura dicunt:  
Sicut inter cetera Modoëtiâ specialem Sedem nostram, qua caput  
Lombardia, & Sedes Regni illius esse dignoscitur, in qua etiam nostri  
Antecessores de iure Regni coronari consueverant, cum Burgo, & pra-  
to, & omni districtu, & pensitationibus, & cum omnibus possessioni-  
bus, ac pertinentiis suis, insuper cum omni familia intus, & foris ex  
legali sententia iudicum Lombardia cum omni integritate recuperavi-  
mus. Hunc itaque prædictum locum nostra tantum jurisdictioni, & soli  
nostra potestati specialiter, & proprie vendicavimus, quem in corde  
nostro inconvulsibiliter fixum tenemus. Et præfatam Sedem nostram  
regalem per Feudum aliquod nunquam velle imbeneficiare, neque no-  
stris temporibus aliquo modo ab Imperio alienare, quia hoc esset caput a  
membris separare &c. prout in illis plenius continetur.* Hactenus Bo-  
nincontrus, a quo per hæc verba laudari video Diploma quoddam ab  
Imperatore Modoëtiensi Oppido concessum; sed quinam hic Cæsar  
fuerit, in incerto relinquitur. Quam tamen ibi Feudum fiat commo-  
mo-

moratio, longe post Othonis Tertii tempora Diploma illud prodiiſſe, veri ſimile omnino videtur. Bonincontrum Zucchiuſ excripſit, neque contentuſ *Modoëtiã urbem Imperii* appellafſe, quaſi hæc verba a Bonincontro acceperit, Diploma etiam, ſi faſe eſt in eum hanc ſuſpicionem conferre, conſingere non erubuit, illudque Othoni Tertio tribuere. Quod tamen ridiculuſ eſt, Italico tantum, non Latino ſermone eſt uſuſ, ne poſſet ſingentis imperitia tam facile prodi. Primum igitur Modoëtiẽſem coronationem ſub Othone Tertio inſtitutam fuiſſe, a vero non abhorret, ſiquidem hiſ auctoritatibuſ fidem habemus. Porro ex hoc tempore Modoëtiã apud Scriptoreſ vetuſtoſ aut Italici Regni Sedem, aut Langobardiaz primum locum appellari animadverſat, ipſique Imperatoreſ Mediolanenſi coronatione non contenti, Modoëtiã quoque inungi voluere. Ineunte ſeculo Epochæ noſtræ duodecimo Hiſtoriam Mediolanenſem Landuſſuſ a S. Paulo memoriæ prodebat. Hic autem in Hiſtoria, quam MS. Ambroſiana ſervat, de Conrado Cæſare loquẽſ ait: *Pontifex Mediolanenſiſ Anſelmus a Leuco diſcedit ad Modoëtiã, qui eſt primuſ locuſ Corona Regiſ Italia, ibique pernoctavit.* Otho Friſing. lib. 7. cap. 17. Chron. circiter Annuſ 1125. ait: *Conraduſ a Mediolanenſium Archiepiſcopo Anſhelmo Modoyci* (hoc eſt Modoëtiã) *Sede Italici Regni in Regem ungitur.* Similia loca a Gunthero lib. 8. Ligut. & a Radevico lib. 2. cap. 20. de geſt. Frider. I. Imperat. petita inferiuſ commemorabo, ut quanta in ſigni Oppido gloria acceſſerit, clariuſ innoſcat. Alciatuſ tamen vir celeberrimuſ huiſ ſententiæ repugnat, nam in lib. de form. Rom. Imperii Coronam ſerream Mediolani ex inſtituto Pipini accipi ſolitam ſcribit, aperteque tradit, coronationem in Oppido Modoëtiẽſi cepiſſe peragi a Conrado Suevo, illegitimo primogenito, ſed poſtea a ſucceſſoribuſ probato exemplo. Poſtquam Tertiuſ Otho dieſ poſtreſ clauſit, ſtudio recuperandæ libertatiſ Inſubrum proceres omnia tumultibuſ, ac ſeditionibuſ miſcere. Itaque Ticini Anno 1002. ut Sigoniuſ ſcribit, atque ex Diplomaſ probari poteſt, Rex Italia creatuſ eſt Ardoinuſ Eporedienſiſ Marchio. Huiuſque ubi Regium diadema iſ obtinuerit, in incerto fuit; at opẽ Chronici Regum Italia per me in hoc Tomo. editi hic locuſ innotuit. Legitur ibi: *Fuit tunc Regnum ſine Rege XXIV. dieſ. Die qui fuit Dominico, & fuit XV. die Menſiſ Februarii in Civitate Papia inter Baſilicam S. Michaëliſ fuit coronatuſ Ardoinuſ Rex.* Tuſ ab Italia aberat Arnulfuſ Mediolanenſiſ Antifſeſ Conſtantinopolitanæ legatione occupatuſ: quare ubi Mediolanuſ rediit, ſuo inuſu Regem & electuſ, & coronatuſ fuiſſe agre ſerẽſ, ſuaque iura peſſum dari vidẽſ, in Concilio Laude Pompeii coacto Ardoinuſ Regem vicio creatuſ pronuntiãt. Tum Henricuſ Germaniæ Regem Archiepiſcopuſ Italico Regno donat, atque in Inſubreſ contra Ardoinuſ accerſit. Sigoniuſ lib. 8. de Regno Ital. Anno 1013. Henricuſ ab Arnulfo coronam accepiſſe ſcribit; locuſ vero coronationiſ nequaquam memorat.

Porro



Porro Baronius meliora nactus monumenta ad Annum usque 1005. Italicam Henrici coronationem retrahit, eamque Papiæ peractam fatetur. Hujus rei Auctor est illi Dithmarus, qui Henrici laudati vitam accuratissime conscripsit, & lib. 6. ita loquitur: *Post hæc Papiam visitans urbem, ab Archianfite hoc, nempe Mediolanensi, & a primis illius regionis susceptus, cum admirabili laude ad Ecclesiam ducitur, & communi electione sublimatus in solium regale collocatur.* Quod ad locum coronationis attinet, illud certissimum; verum in anno ejus rei assignando minus recte positi sunt calculi. Anno 1002. die 15. Februarii Ardoinum ex Chronico superius commendato didicimus fuisse coronatum. At postquam is regnasset annos duos, & menses duos, in die Dominico, qui fuit die Mensis Madii inter Basilicam S. Michaelis, quæ dicitur Major, fuit electus Henricus, & coronatus in secundo die, qui fuit die Luna XII. die Mensis Madi, & coronatus in Civitate Papiæ. Hæc habet Chronici illius auctor, qui Anno MXXVIII. Regum Italiæ Chronologiam literis mandabat. Igitur si post diem XV. Februarii Anni MII. Annos duos, menses duos, & aliquot dies numeres, quibus Ardoinus Cisalpinum Regnum moderatus est, videas Henrici coronationem ad Annum MIV. & ad Mensẽ Majum esse referendam. Iterum inquit laudatus Chronographus: *Et regnavit Henricus Annos X. minus menses IV. & in festivitate Cathedræ S. Petri VIII. Kal. Martias fuit coronatus ad Imperatorem.* Certum est Anno MXIV. Henrico Romani Imperii insignia in Urbe fuisse collata. Ergo si retro numeres Annos IX. menses VIII. & aliquot dies, quibus Italiæ tantummodo Rex Henricus est appellatus, ad Mensẽ Majum Anni MIV. devenies, quo tempore, ut dictum est, contigit ejusdem Principis coronatio Italica. Ex alio Chronico Regum Italiæ hæc etiam evulgato eadem veritas, confirmatur, etenim hæc ibi scribuntur: *Post Ottonis Tertii decessum, regnavit Ardoinus Rex annos II. & menses II. & dimidio. Deinde venit Anricus Rex, & imperavit Regnum ejusdem Ardoini. Fuit coronatus ad Regem in Papiæ tertio die ante festivitatem Sanctæ Xiri, quæ fuit in Media Majo, & habet modo regnatum IX. annos, & dies IX. XII. Kal. Iunias bodie, & percurrit Indictio XI.* Anno Christi MXIII. undecima Indictio excurrerat, quo ipso Anno Chronicon vere exaratum fuit. Si igitur a die XII. Kal. Iunias illius Anni retrorsum numerando IX. Annos, & IX. dies colligas, quibus Henricus a suscepta corona Italiam rexerat, ad Annum pervenies MIV. mensẽque Majum, quo Henricus in Cœlitum album postea relatus Italici Regni Coronam accepit. Quod reliquum est, non Ticini tantum, verum etiam Mediolani Henricum Corona redimitum fuisse animadvertit doctissimus Puricellus num. 208. in Monum. Ambros. Basil. siquidem Gualvanus Flamma in Chronico Majori MS. num. 730. *Interim, inquit, pugna committitur, & Arduinus usque Papiam fugatur. Tunc per Archiepiscopum Mediolanensem fuit coronatus Henricus in Ecclesia S. Ambro-*

iii. In Mahipulo vero Florum cap. 138. eadem repetit his verbis: *Hic Henrichus audita sui electione nimis gavisus fuit. Congregato exercitu Theotonicorum permaximo in Italiam intravit, & intrans Civitatem Mediolanensem in Ecclesia S. Ambrosii de manu Arnulfi Archiepiscopi amici sui Imperator Coronam accepit.* Id quoque in aliis Archiepiscoporum Mediolanensium Catalogis MSS. affirmatum invenias. Certe mihi omnino veri videtur simile, ab Henrico Mediolanensem coronationem haud prætermisam fuisse, tum quod in hac urbe Regni Langobardici jura inire poterat, eademque ab Archiepiscopo amico suscipere grati animi causa debebat, tum etiam quod Dithmarus hæc de illo scribat: *Inde vero (scilicet ab urbe Papia) idem Rex Mediolanum amore S. Ambrosii accessit.* Tandem Bonincontrus cap. 33. lib. 1. Chron. Modoët. de Rege hoc ita ait: *Si fuerit coronatus in Modoëtia, vel in Mediolano, ista Chronica non loquitur, sed credendum est in Modoëtia.* Equidem consilium laudo artificis, quippe nihil est quod credere de se non possit quicumque gloriæ cupidine vrgetur,

## CAP VIII.

Conradi I. Henrici II. Henrici III. Conradi II. Henrici IV.  
& Conradi III. coronationes illustrantur;

**H**enicum I. Imperatorem Sanctum vita defunctum in Imperio, ac Regno Conradus Dux Franconiz excepit. Arnulfus Mediolanensis Scriptor eorum temporum fere æqualis, cujus Historiam nondum typis commissam in Ambrosiana servamus, hæc de ejus coronatione tradit: *Rediens vero securus Heribertus Archiepiscopus in omnibus, totam suis legationibus evertit Italiam, alios re, alios spe benevolos faciens, donec suum Electum laudare fere omnes suscipiendum. Tali fultus remigio veniens Conradus Italiam, ab eo, ut moris est, coronatur in Regno.* Sed ubinam, inquires, Conradi inunção celebrata fuit? Responsum Sigonii verbis dabo ad Annum 1026. ita loquentis: *Magno inde honore Mediolanum Conradus intravit, ac Regium ab Archiepiscopo Diadema suscepit.* Basilicam Ambrosianam ad hoc munoris delectam, prout ab aliis Regibus usurpatum fuerat, Puricellus num. 217. adnotavit. Hujus autem coronationis in urbe Mediolanensi peractæ fidem faciunt tum Gualvaneus Flamma in Chronico Majori MS. num. 746. & in Manip. Florum cap. 141. tum alia Mediolanensium documenta. Quin ipsi Modoëtienfes Historici hanc laudem Mediolano tribuunt, quamquam Modoëtia quoque Conradum corona donatum scribant. Utramque coronationem post Gualvaneum, ceterosque Historicos Mediolanenses Sigonius affirmavit, remque gestam his ad opinionem suam accommodatis verbis Anno 1026. descripsit: *Mediolano deinde Conradus Modoëtiam progressus, ibi iterum coronari se, veteri renovata consuetudine, petiit. Et cum id necessarium esse Herebertus negaret* se

se Caroli Magni, ac posterorum ejus exemplo permoveri respondit. Sed heic præterire non possum Gualvanei sententiam a nonnullis etiam aut relata, aut probatam de origine nominis *Modoëtia*. Cap. 746. Chron. Major. inquit hic Auctor: *Conradus fuit per Archiepiscopum Mediolanensem coronatus in S. Ambrosio. Deinde petiit coronari in Burgo dicto Narentia, cui cum dictum fuisset, ex quo in Mediolano coronatus fuerat, non oportet, ait: Modo etiam. Ex tunc illa Terra quondam dicta Narentia dicitur Modoëtia.* Nugatur hercle hoc in loco Gualvaneus; pro comperto enim habemus ante illa tempora *Modoëtia* nomine insigni Oppidum appellatum fuisse. Paulus Diaconus *Modiciam* cap. 22. lib. 4. de Gestis Langob. & alibi appellaverat; Berengarius vero Italiae Rex, Tertiusque Ordo hujusmodi nomen ante Conradi ætatem loco tribuerant. Conrado postea Cæsare e vivis sublato, in ejus locum subrogatus est Henricus Secundus, qui, ut ait Sigonius lib. 8. de Regno Ital. Anno 1046. *a Lombardis benigne acceptus continuo accessit Mediolanum, ac Mediolanensium cum Vidone Archiepiscopo lite composita, ferream illius manu de more Coronam in ade D. Ambrosii suburbana recepit.* Recepta iam sibi licentia Zucchius his Sigonii verbis aliam adtexuit, nempe *tum Modoëtia accepit.* Mediolanenses sane Scriptores semel tantum Italici Regni Coronam ab Henrico acceptam scribunt, eamque non e Vidonis, sed ex Heriberti Archiepiscopi manu. Verum Bonincontrus lib. 1. cap. 35. hunc *primo in Modoëtia postea in Mediolano coronatum* fuisse tradit. Quod quam verum sit, videat ille; & Balthassar Fidelis, neque enim falsi crimine eorum testimonium heic arcescere licet. Henricum II. sequitur Tertius, seu ut alii appellare solent, Quartus, homo seditiosus, multorumque in Italia, atque in Ecclesia Schismatum Auctor. Hunc Italici Regni diademate donatum nusquam legimus, si Balthasarem Fidelem, & Zucchium Scriptores *Modoëtien*ses excipias. Et quidem hujus rei testes a Zucchio producuntur Bonincontri Annales, quum tamen Bonincontrus idem candido fateatur, sibi rem prorsus latere his verbis: *Obiit Henricus Anno Domini MCVII. Quod fuerit coronatus in Modoëtia, vel in Mediolano, in Scripturis Chronicarum non invenimus.* Vivente adhuc Henrico, dirisque omnibus per Gregorium VII. Sanctissimum Pontificem, eiusque successores devoto, Langobardici Regni habenas sibi regendas adversus patrem ex auctoritate Urbani Papæ Conradus sumit, quem Cononem ab aliis appellatum invenio. Is Germania relicta ad Insubres, aliosque Imperium Henrici perosos, feliciter se recipiens cum *Modoëtia*, tum Mediolani honorem Coronæ consequitur. Auctorem habeo Landulfum a S. Paulo, cuius Historiam MS. in Ambrosiana Bibliotheca custodimus, seculi a Christo nato duodecimi accuratissimum scriptorem, atque in hæc verba loquentem cap. 1. *Cono quoque Rex, qui dum pater eius Henricus viveret, per contractionem Matildis Comitissa, & officium huius Anselmi de Rode (Mediolanensis Archiepiscopi) fuit co-*

ronatus *Modoëtia*, & in Ecclesia S. Ambrosii regali more. Landulfo testimonium addamus Bertholdi Presbyteri Constantiensis, fidelissimi eorum temporum Historici, qui ad Annum 1093. hæc narrat: *In Longobardia Cuonradus filius Heinrici Regis a Patre dolo circumvenitur, & captivatur, sed Dei misericordia inde ereptus a Mediolanensi Archiepiscopo, & reliquis fidelibus S. Petri in Regem coronatur.* Iterum inquit laudatus Auctor: *In Longobardia venerabilis Anselmus Mediolanensis Archiepiscopus in causa S. Petri studiosissimus, & qui nuper Cuonradum incoronavit &c.* Eiusmodi coronatio, ut animadvertit Puricellus num. 281. Zucchium fugit, imo, ut animadverti ego, Bonincontrum quoque, aliosque Mediolanensium Historiarum conditores. Illam tamen alii scriptores retulerunt, & omnium novissime Cl. Pater D. Benedictus Bacchinus Monachus Benedictinus adnotavit lib. 3. Historiæ Monasterii di Polirone. Annus a Christi nativitate 1110. agebatur, prout Sigonius lib. 10. de Regno Ital. scribit, quum Henricus Imperator huius nominis Quartus Henrici famosi Imperatoris filius *valida exercitu coactio in Italiam traiecit. Mediolanum deinde accessit, atque ibi per Chrysolauum Archiepiscopum regium insigne suscepit.* Sunt hæc Sigonii verba, quæ pro more, ac fide sua in hæc Zucchius mutavit: *Ibi per Chrysolauum Archiepiscopum insigne ferreum suscepit.* Neq; præmittam, a Bonincontro coronationem hanc affirmari, ita tamen ut *Modoëtiæ* primo, deinde Mediolani peractam fateatur. Audiamus ipsamet huius verba: *Hic Henricus a Grisolano Mediolanensi Archiepiscopo primo in Modoëtia, postea in Mediolano coronatus est.* Puricellus quidem num. 310. & 320. Landulfi supra laudati auctoritate nixus, Chrysolauum, seu Grosulanum, ut vulgus appellabat, Imperatoris huius inaugurationi haud interfuisse contendit, neque Gualvano assentiri potest, qui Anno 1110. Cæsarem hunc ab Archiepiscopo Iordano inunctum tradit cap. 162. Manip. Florum; etenim eo anno Episcopales infulas nondum Jordanus acceperat. Utcumq; tamen res acta fuerit nil in præsentia moror, satis enim constat, Coronam Italicam Henrico Quarto collatam, licet a quonam collatio fuerit facta, incertum sit adhuc. Post Henrici Quarti interitum a Gibellinorum impotenti dominatu soluta Italia respirare aliquantulum poterat, nisi diu cladibus, intestinisque odiis fœde discerpta bello quam paci servire maluisset. Neque meliori fato Germania tunc fruebatur, ubi Lotharius, & Conradus Regni jura armis prosequabantur. Conradus prospero usus consilio in Italiam properat, exercitu potenti septus, gratiamq; Mediolanensium iniens ab eorum Archiepiscopo Anselmo Modoyci (nempe *Modoëtiæ*) sede Italici Regni in Regem ungitur. Postrema hæc verba Othonem Frisingensem Episcopum auctorem habent cap. 17. lib. 7. Chron. Similia Sigonius repetit ad Annum 1128. quo Anno probabilius est, coronationem hanc fuisse factam, Verum nollem ab his verbis alicui moveri suspicionem, *Modoëtiæ* tantum coronationis huius honorem contigisse;

etc.

etenim Mediolani quoque Conradum pari splendore inunctum narrat locupletissimus ipsarum rerum temporumque testis Landulfus a S. Paulo, cujus Historiam nobis MS. esse supra significatum est. Hic igitur cap. 39. ita scribit: *Anselmus Archiepiscopus Mediolanensis in Castellis habitans intellexit, quod Clerus, & Populus Mediolanensis nobilem Principem Conradum cum Ecclesiastica pompa, & civili triumpho conveniente Regi naturali suscepit. Cum autem Clerus, & Populus idem de coronando Rege tractaret, Pontifex idem Anselmus a Lenco descendit ad Modoëtiam, qui est primus locus coronæ Regis Italiae &c.* Post alia, quibus operam a se pro coronatione hac nauatam Landulfus narrat, hæc addit: *De cetero ipse, quasi consentiens communi omnium gentium voto, in Ecclesia S. Michaelis, quæ est Modoëtia, benedixit, & unxit &c. & Coronam electo Conrado in Festo S. Petri posuit &c. eandem quoque solemnitatem coronationis idem Pontifex in Ecclesia S. Ambrosii me alibi non meo vitio detento celebravit.* Lotharium vero II. Imperatorem meliori jure ad Regium munus electum, tum Bonincontrus, tum Gualvaneus, aliiq; Scriptores Mediolanenses non Mediolani tantum, sed etiam Modoëtiz coronam donatum scribunt. Tot Auctoribus fidem non adhibere, illiberalis animi foret, quamquam minus rectis fundamentis illos inniti animadverterim; siquidem Gualvaneus facti hujus testem appellat *copiam Landulfi*, hoc est Landulfi a S. Paulo Historiam, ubi certum est unius Conradi coronationem referri. Zucchius vero Othonem Frisingensem laudat, & hæc verba illi pro more affingit: *Lotharius a Mediolanensibus honorifice suscipitur, & ab eorum Archiepiscopo Anselmo Modoëtia sede Italici Regni in Regem ungitur.* Quæ certe de Conrado tantum pronunciaverat Otho. Ceterum Lotharius humanis ereptus Conrado, qui Regno antea renunciarat, justam regnandi spem aperuit. Votum res plane sequuta est, etenim rite ab omnibus Rex renunciatus, si Scriptores Mediolanensibus hæc fidem habemus, Italiam rursus intrans Modoëtiz, ac Mediolani justiore titulo Coronam obtinuit. Gualvaneus hæc ad illum pertinentia carmina cap. 171. Manip. Florum refert:

*Consilio Seneca, specie Paris, Hector in armis,  
Lothario moriente, venit Conradus honestus,  
Est Mediolani diadema potenter adeptus.*

An hoc revera præstitum fuerit, valde Puricellus num. 400. Monum. Basil. Ambr. dubitare videtur, quum ferme constet, Conradum pluribus distentum implicitumq; curis ad Insubres redire minime potuisse, ejusque de ingressu in Italiam consilium morte repentina fuisse præreptum.



*Friderici I. Anobarbi coronationes variae explicantur. Henrici eius filii,  
Othonis IV. & Friderici II. examinantur.*

Venio nunc ad Fridericum I. Imperatorem cognomento Anobar-  
bum, quo nemo crudelius Italiam caedibus, & vastitate direxit.  
Illum teterrium Urbis suae everforem nunc etiam. Insu-  
bres horrent, illum Cathedra Petri, imo Italia universa diu sensere hostem, libidine  
dominandi virtutes opprimente, quibus alioqui animus Friderici af-  
fuebat. Hunc in Italiam trajecisse, coronamque ab Uberto Archiepi-  
scopo suscepisse Annales Mediolanensium testantur. Gualvaneus in  
Manipulo Florum cap. 178. Anno, inquit, Domini MCLV. Federicus  
Barbarus aper montes Taurinos faciens transitum pervenit Mediola-  
num, ubi coronatus est. Idem repetit in Chronico Majori cap. 841.  
Quod tamen Gualvaneus ad Annum 1155. refert, Sigonius, ceterique  
Scriptores accuratissimi Anno 1154. peractum tradunt. Sed minime  
contentus Mediolanensi coronatione Fridericus, ubi Dertthonensem  
Urbem captam, direptam, flammisque barbare traditam vidit, Papiam  
quoque Anno 1155. sibi coronam imponendam curavit. Hujus rei te-  
stem habeo Othonem Frisingensem ipsius Friderici patrum, qui lib. 2.  
cap. 20. de gestis hujus Imperatoris, ita scribit: *Peracta victoria, Rex  
a Papiensibus ad ipsorum Civitatem triumphum sibi exhibituris invita-  
tur, ibique ea Dominica, qua lubilate canitur, in Ecclesia S. Michaelis,  
ubi antiquum Longobardorum palatium fuit, cum multo civium tripu-  
dio coronatur.* Eadem iuxta Sigonium, ceterosque Auctores legas.  
Plures deinde causas intercessere, quibus Mediolanensium potentia Im-  
peratori suspecta, atque adeo ingrata esse cepit; quumque hi in officio  
contineri haud possent, Fridericus ad iram pronus armis rem agere  
decrevit. Tunc primam ab hoc Imperatore obsidionem experta est  
Civitas, majoribus etiam damnis affligenda, nisi populus concordiam  
cum Caesare pactus speciem quamdam deditionis elegisset. Anno igitur  
quinquagesimo octavo supra Millesimum, ac centesimum Frideri-  
cus motis Mediolano castris, *Modoetiam sedem olim Italici Regni perre-  
xit, & Coronam induit.* Haec Sigonius lib. 12. de Regno Italicae, cui  
praeruerat Radevicus, qui ordinem prosequitur Historiae ab Othone  
Frisingensi de Frider. rebus gestis scriptae. Ita vero hic loquitur l. 1.  
cap. 44. *Princeps Romanus a Mediolano castra movens apud Modoicum  
(scilicet Modoetiam) sedem Regni Italici coronatur. Quam Ecclesiam  
iam dudum a Mediolanensibus subactam, ac fere destructam pristina  
libertati reddidit, sedemque propriis expensis magnifice reparari praece-  
pit.* Guntherus etiam Ligurini lib. 8. luculentum hujus rei testimo-  
nium posteris dedit canens:

Tunc

*Tunc demum victa Fridericus ab Vrbe recessit ;  
 Modoinumque petens prisco dignatus honore  
 Illustrare locum , sacro diademate crines  
 Induit , & dextra gestavit sceptrum potenti .  
 Hanc fortuna diu , Ligurumque potentia dives  
 Eximiam Regni proavorum tempore sedem  
 Preferat , & longa victam ditione tenebat .  
 Sed placidus Princeps primævo cuncta decori  
 Restituenda putans , iniustis legibus illam  
 Exemit , priscumque loco reparavit honorem .*

Hoc alii Scriptores tradidere , quamquam in Anno hujus coronatio-  
 nis assignando inter se dissentiant . Pervetustam in Ambrosiana Biblio-  
 theca Historiam MS. habemus , quæ *Chronicon Angleria* inscribitur .  
 Auctor fortasse quidam nomine Daniel fuit , vixitque ante Gualvanei  
 tempora , quippe ab isto sæpe in Historiis laudatur . Si huic Scriptori  
 credimus , longe post Annum 1158. Modoëtiensis coronatio contigit ;  
 enumeratis enim iis , qui Mediolanum aut per prodicionem dederant ,  
 aut per summam barbariem everterant , hæc addit : *Et isti fuerunt tra-*  
*ditores , qui intraverunt vigesima die mensis Aprilis pro Imperatore ,*  
*& duxerunt eum una die Paschatis Pentecostes ad S. Iohannem de Mo-*  
*doëtia ad coronandum eum .* Bonincontrus vero cap. 40. *Hic , inquit ,*  
*ante quam Romam iret , in MCLIV. Lombardiam ingreditur de mense*  
*Octubris , & in Modoëtia coronatur .* Ita Fridericus sive ut populorum  
 animos sibi arctius devinceret , sive ut meliori jure in Italia dominari  
 videretur , ter coronari voluit . Annus deinde sexagesimus secundus  
 supra millesimum , ac centesimum , Mediolanensis urbis funestissimum  
 excidium vidit . In eo non tantum populi vires fractæ , sed Urbs ferme  
 tota solo æquata ; barbaro plane exemplo , quum ne ipsa quidem aut  
 antiquitate , aut magnificentia illustra Civitatis monumenta impo-  
 tentiam victoris effugere potuerint . Rebus tandem compositis , Anno  
 1184. ut Sigonius , & Gualvaneus censent , sive ut Baronius , ac Puri-  
 cellus arbitrantur , 1185. Imperator rursus Mediolanum venit , ubi  
 Henricum filium Corona Italica vincendum Uberto Archiepiscopo  
 obtulit . Res magno apparatu & pompa celebrata est in Ambrosiana  
 æde , atque a Gualvaneo in Manip. Flor. cap. 230. his describitur :  
*Anno Domini MCLXXXIV. in Civitatem Mediolani Imperator Fede-*  
*ricus cum filio suo Henrico summo cum gaudio intravit . Ibi per Ar-*  
*chiepiscopum Algisium de Pirovano Henricus in presentia Imperatoris*  
*coronatus fuit in Brolio S. Ambrosii .* Eadem iterum legas cap. 212.  
 Manipuli laudati . In Chronico vero Majori cap. 927. descriptis nup-  
 tiis inter Henricum , & Constantiam incredibili magnificentia penes  
 S. Ambrosium celebratis , addit : *Et ambo scilicet sponsus , & sponsa*  
*fuerunt coronati in S. Ambrosio , & in Modoëtia .* Atque hæc quidem  
 secundum exemplar MS. Ambrosianæ Bibliothecæ ; nam in exemplari ,  
 quo

quo ufuseft Puricellus, nihil de Modoëtiensî coronatione Gualvaneus habet, imo non ab Algifio, fed ab Uberto Archiepifcopo Henricum corona redimimû affirmat, funtque ejus verba: *Post aliquot dies venit Henricus filius eius Rex Alania, & petiit coronari per Archiepifcopum Mediolanensem. Ubertus de Crivellis ipfum incoronavit in Ecclefia S. Ambrofii*. Similiba retulere Donatus Boffius in Chronico Mediol. Corius parte 1. Hift. Mediol. aliique Chronographi. At Bonincontrus lib. 1. cap. 41. Hift. Modoët. fic loquitur: *Quod hic Henricus fuerit coronatus in Modoëtia, vel in Mediolano non habemus*. Balchaffar vero Fidelis cap. ult. de prærog. B. Joannis Baptiftæ, Regibus Modoëtiæ inauguratis minime Henricum Quintum accenfer. Proinde locum nobis efle non video, ut Henricum Modoëtiæ coronatum affirmemus, ſilentibus Auctõribus, aut rem Mediolani tantum peractam ſcribentibus. Nihilominus Zucchiuſ cap. 27. ex probato Auctore, ut iſe eum ſuppreſſo nomine appellat, hæc ſe accepiffe tradit: *Fridericus Verona digreſſus Mediolanum petiit, atque ibi primo, mox in templo maximo Modoëtia ingenti rerum apparatu Henricum filium Regem Italia Corona ferrea redimiri per Archiprebyterum baud difficile impetravit*. Si bona fide Zucchiuſ perpetuo eſſet, utique hoc in loco ex æquo & bono cum eo agi poſſet, eique Anonymum Auctorem laudanti fides aliqua haberetur. Verum qui toties Lectoribus imponere ſibi religioni haudquaquam duxit, merito heic quoque falſi ſuſpicionem aſpergitur. Cur enim Scriptoris a ſe producti nomen producere erubuit, niſi ut fictis nominibus incautæ genti illuderet? Patiantur quæſo benignæ aures, ſi verba ſuperius laudata partim a Sigonio accepta, partim a Zucchio conficta arbitrer, nimio ſuæ patriæ illuſtrandæ ſtudio eum ſtimulante. Inquit Sigoniuſ ad Annum 1184. *Fridericus Verona digreſſus Mediolanum acceſſit, atque ibi magno rerum apparatu Henricum filium, qui ſe ſubſequutus advenerat, per Lambertum Archiepifcopum Regem Italia faventibus Mediolanenſibus coronavit*. Philippo, quem Henricuſ Quintuſ ſucceſſorem habuit, e vivis violenta morte erepto, Germaniæ Rex Ortho Quartuſ renunciatus fuit. Hic Italiæ Regni, Romanique Imperii ſuſcepturuſ inſignia Anno 1209. Italiam ſuperatis Alpibus intravit, & a Mediolanenſi populo ſumma cum magnificentiâ, quantam unquam majores viderunt, exceptuſ ab eorum Archiepifcopo Coronam in Ambroſiana Bâſilica accepit. Rem prodit Gualvaneuſ cap. 984. in Chron. Majore hiſ verbis: *Fuit autem coronatuſ per Archiepifcopum Mediolanensem in Sabbato Sancto in Ecclefia S. Ambrofii, qui pro ſua coronatione nihil voluit recipere*. In Manipulo vero cap. 244. eadem repetit, apparatusque pompæ deſcribit, qua Cæſari Mediolanenſes occurrerunt. Gualvanei ſententiæ ſubſcribunt Coriuſ, Boffiuſ, una cum aliis Mediolanen. Scriptõribus. Sigonium etiam lib. 16. hæc narrantem audiamuſ: *Conſtituto die, inquit, ab Huberto Archiepifcopo in Bâſilica S. Ambroſii ingenti pompa corona ferrea, antiquæ Regni*



*Regni Italici monumento ornatus est.* Porro Zucchius, qui Modoëtiæ coronationem hanc tribuere, Bonincontro potissimum silente, non est ausus, sat habuit Sigonii loco unum addere verbum, *Coronaque ferrea Modoëtiensi* Othonem insignitum dicere. Ceterum hic Imperator neque promissorum memor, neque religionis studiosus, ubi Romanam Ecclesiam, Pontificemque Innocentium contemnere cœpit, de Imperii jure deturbatus, & Catholicorum communione privatus iusto Friderici II. Regno locum fecit. Sed Fridericus impotenti ambitione inflatus tor cladibus modo victor, modo victus, Italiam ita, Ecclesiamque dein afflixit, ut Regno & ipse indignus Romani Pontificis sententia habitus fuerit. Infelix, qui Avum Enobarbum errantem imitatus, illum pœnitentem sequi recusavit. Anno 1210. ad solium ascendit, Anno vero 1250. ad tumulum, relicta sui nominis infami memoria. Hunc Principem Mediolani coronatum nusquam legi; imo Gualvanus in Manip. Flor. cap. 255. hujusmodi honorem illi a Mediolanensibus denegatum testatur. Anno, inquit is, *MCCXX. V. die Septembris Rogerius Federicus Rex Sicilia electus Imperator Italiam intrans a Mediolanensibus Coronam petiit, quam eius Avus Federicus Barba- rubea, & pater eius Henricus quondam in S. Ambrosio receperant, quod Mediolanenses rotundo ore denegaverunt.* Quod Sigonius etiam eodem Anno, atque alibi scribit. Certe huic Cæsari insensus perpetuo fuit Mediolanensis populus, neque minis, armisve umquam ita flecti potuit, ut superbo Regi parceret. Attamen Auctor est Bonincontro cap. 45. Fridericum Modoëtiæ Italici Regni Corona redimitum fuisse, quod ille his tantum verbis jejune refert: *Hic in Modoëtia coronatur.* Nihil hujus Auctoris testimonio movemur, quum nullus alios hujusce facti testes inveniamus.

## C A P. X.

*Henricus VII. Mediolani Corona redimitus ?  
Monumentis vetustis res gesta  
illustratur.*

**P**Lurimi post hæc intercesserunt anni, quibus Italia contumacibus Guelforum, ac Gibellinorum discordis dissensionibusque agitata, nullum Cæsarem vidit. Anno vero 1310. Henricus hujus nominis VII. (ita enim appellari solet) Romanorum Imperator electus, ut afflictam Italiam recrearet, Regnique insignia acciperet, Germania relicta Mediolanum se consulit. Fervebant heic potissimum improba partium studia, hinc Guidone Turriano, illinc Matthæo Vicecomite rerum potiri cupientibus. Sed his odiis aliquantulum Augusti præsentia compressis Anno sequenti 1311. die sacro Epiphaniæ in Ambrosiana Basilica

lica per manus Cætonis Archiepiscopi Henricus ipse Italianam Coronam consequutus est. Habeo istius rei Auctores Joannem de Cernate, & Gualvanem illius temporis æquales, tum Georgium Merulam, Tristandum Chalcum, Corium, ceterosque Mediolanensem Annalium conditores. Unum Gualvanem audiamus ita in Manip. Flor. cap. 352. scribentem: *Anno Domini MCCCXI. Imperator in die Epiphania in Ecclesia S. Ambrosii fuit coronatus per Cætonum de la Torre Archiepiscopum Mediolanensem super totam Italiam, Normandiam, & Saxoniam, & ista Corona fuit ferrea; Imperatrix autem Corona aurea coronata fuit, & sic soluto crine ad suum Palatium reversa est. Interfuerant isti coronationi Archiepiscopi, & Episcopi numero XXXVII. Ambasciatores de Roma, & de Ianua, totaque Lombardia &c. Sed quoniam Henrici VII. coronatio hujus libelli ansam præbuit, non absurde facturum me arbitror, si longiori oratione Historiam hanc persequar, ut quid hac in re tum Mediolanenses, tum Modoëtienses præstiterint, clarissime explicetur. Incerto consilio distrahebatur Henricus, utrum Mediolani solum, an Modoëtiæ quoque regalia ornamenta sibi suscipienda forent, quum utrinque & exempla veterum Cæsarum, & rationes dubiam loci præstantioris dignitatem relinquerent. Quod ex usu sibi futurum Rex putabat, ad Archipresbyterum, Canonicosque Basilicæ S. Joannis Baptistæ Modoëtiensis literas dedit, quibus exposcebat, ut si qua forent Diplomata, ac monumenta jus eorum probantia, ea Mediolanum continuo transferrentur. Epistolam Bonincontrus refert cap. 6. lib. 2. Eaque sic se habet:*

*Henricus Dei gratia Romanorum Rex semper Augustus honorabilibus viris Archipresbytero, & Capitulo in Modoëtia devotis suis dilectis gratiam suam, & omne bonum.*

**D**Evotioni vestra serio præcipimus, & mandamus, quatenus Archipresbyter, & tres vestrum de Capitulo seniores, & prudentiores, quibus de negotio Coronæ ferrea magis constet, sine contradictione, & dilatione qualibet nostram præsentiam accedatis, privilegia, vel instrumenta, si qua sunt in Modoëtia, & habueritis, apportantes. Et super his strenuis viris Alard de Robaës, & Clecumpber de Genuille militibus nostris, exhibitoribus præsentium fidem credulam apponentes. *Data Mediolani VIII. Kalendarum Januariar. Regni nostri Anno secundo.*

Quasnam ad tuendum jus suum rationes attulerint Modoëtienses, me plane fugit. Certe illæ hujusmodi non fuerunt, ut Mediolano palmam præriperent; in hac enim Urbe revera Cæsar coronandum se præbuit, nulla Modoëtiensium ratione habita. Albertinus Mussatus eorum temporum Scriptor lib. 1. de Gestis Henrici VII. postquam Mediolanensem coronationem narravit, hæc addit: *Quamquam disceptatum, an Modoëtia id fieri oportuerit, ut plurimum moris antiqui fuerat: decissum tamen, & illic fieri non oportere. Verum quænam causa tantum*

Mo-

Modoëtiensi populo decus contenderit ; a Bonincontro Scriptore & ipso Modoëtiensi audire non pigeat , rem ita cap. 6. lib. 2. memorante : *Convocatis igitur undique Italicis Principibus ad solemnem coronationem fiendam Regi in Modoëtia , prout debet de iure , parabantur festinando necessaria coronationi Regis in templo B. Ioannis Baptista universæ Italia sanctiori . Qui Rex die VI. Ianuarii Anni proximi sequentis ad Modoëtiam Terram cepit iter , & magnifice a Modoëtiensibus receptus fuit . Cumque ibi partem trium dierum stetisset , & cautissime , quod ad Mediolanum prodiones a Guidone de la Turre texebantur , ei intimatum foret , ipsa die super populum Modoëtia in prato magno pulcherrimum sermonem locutus fuit , & multa bona tamquam hominibus solummodo ad Imperatoriam maiestatem pertinentibus promissit . Et accipi iussit baculum abbati , & libellum orationum ad eius coronationem locum habentium , qui dudum in dicta Ecclesia Beati Ioannis fuerant . Sine dilatione properavit in die Epiphania in Ecclesia Beati Ambrosii Confessoris a Castone de la Turre Archiepiscopo Mediolani in Regem Italia unctus ferreo diademate coronatus fuit . Faciens coram Baronibus suis tradere cartam , quod per illam suam coronationem nolebat derogare , nec derogabat iura Terra sua de Modoëtia , in qua sui Antecessores de iure Regni coronari consueverant , quæ carta est hodie ad Cameram dicta Communis Terra . Et ultra homines dicta Terra , oblati per eos V. mill. Florenorum auri ad Cameram illius , de fortissimis privilegiis , prout sui Antecessores fecerunt , adoptavit . Hæc Bonincontrus , quæ ad trutinam , & examen revocari debere videntur . Equidem miror , Scriptori huic , qui circiter Annum Christi 1345. Historias suas literis consignavit , atque Henricum propterea in vivis agentem videre potuit , Imperatoris hujus gesta tam parum fuisse perspecta , ut secum ipse in eorum descriptione pugnare videatur . Extra omnem dubitationis aleam positum est , vel ipso Bonincontro fatente , die Sacro Epiphaniæ , videlicet sexto Ianuarii die , Henrici coronationem Mediolani fuisse celebratam . Qui igitur eodem die Modoëtiam se conferre Imperator potuit , ibique partem trium dierum immorari , tum ad Mediolanensem coronationem accedere ? Deinde si tres ferme dies in illustri Oppido se continere potuit Cæsar , cur per illud tempus ibi coronam suscipere minime illi vacavit , quum alioqui uno tantum die opus facile expediri posset ? Postremo pene exploratum habeo , nisi sibi Henricum eo tempore a Guidone Turriano timuisse ; Scriptorum enim omnium auctoritate constat , seditionem longe post eos dies exarsisse , neque vel levem pacis infringendæ suspensionem tempore coronationis occurrisse . Utrique Bonincontri rationes , & dicta non assequor , tamen si damnare falsi non audeam . Rectius fortasse hæc tradit discretissimus , ac diligentissimus Historiæ Mediolanensis Scriptor Tristanus Chalcus , quum lib. 20. peracta coronatione Henricum Modoëtiam*

movisse narrat, ut Civium illorum querimoniis faceret satis. *Eorum* (sunt verba Tristani) *vanitatem, intempestivasque querimonias, etsi vetera exempla coarguebant, tamen Henricus Moguntiam profectus est, & visitata adeo celeberrima, privilegia Oppidanis confirmavit, quibus a jurisdictione Prætoris Mediolani eximuntur.* Quod reliquum est, injuste, ut mihi videtur, Georgio Merulæ succenset Balthassar Fidelis, quod scripserit lib. 7. Antiqu. Vicec. Modoëtiensibus ab Henrico jus coronandi Regis fuisse restitutum, quod beneficium haud gratuitum fuit; quinque enim millibus aureorum privilegium eos redemisse constat. Hæc Georgius Merula, & post illum Gaudentius Merula lib. 3. cap. 9. Antiqu. Gall. Cisalp. non ex opinione sua, sed ex Bonincontri sententia scripsere, cujus Historias quin illi evoluerint, minime dubium est mihi. Risi autem dignus est Zucchius, dum contra aut per errorem, aut per malam fidem tanta aureorum mole Modoëtiensem populum ab Henrico donatum narrat; constat enim inter Principes pauperimum fuisse Henricum, ut Joannes de Cermenate sæpe testatus est.

## C A P. XI.

*Ludovici Bavari. Caroli IV. ac Sigismundi Coronationes  
Mediolanenses referuntur. Fridericus III., & Carolus V.  
Corona ferrea donati. Onuphrii Panvini  
opinio refellitur.*

POST Henrici VII. mortem, Regnum, Imperiumque Ludovicus Bavariz Princeps invasit. Hunc in Italiam advenientem Galeatus Vicecomes Mediolani Dominus, Romano Pontifice nequicquam reluctante, summo cum honore excepit, ejusque coronationem in hac Civitate promovit. In æde Ambrosiana collata est Ludovico dignitas Anno 1327. sed nec rite, nec a legitimo Episcopo. Vido Tariatius, seu Petramala, ut Volaterranus lib. 13. Anthropol. tradit, Aretinus Episcopus, Ecclesiasticis antea censuris per Joannem Papam XXII. innodatus, coronandi Pseudoimperatoris munere est functus, Aycardo Archiepiscopo Mediolanensi exulante, seque Schismaticis immiscere nolente. Rem a Gualvano, qui coronationi interfuit, in Manip. Flor. cap. 357. his verbis descriptam audiamus: *Anno Domini MCCCXXVII. Ludovicus Bavaria Rex, quem Joannes Papa omni Regno, omnique iure Imperiali privaverat intrat Lombardiam, & Mediolanum cum Regina die Dominico XV. Maii ingreditur &c. Hic petiit Corona ferrea coronari. Quia vero Frater Aycardus Archiepiscopus Mediolani, ad quem coronatio Imperatoris de iure pertinebat, exulabat, per quemdam Episcopum Aretinum in Festo Pentecostes sequenti, qua fuit die ultimo Maii, Corona ferrea coronatur in Regem totius Italia, Normandia, &*

Saxo-

*Saxonia; Regina vero Corona aurea coronata fuit, sicque Episcopus depositus Imperatorem depositum injuste perunxit &c.* Porro Bonincontrus a vero longe abest, quum lib. 2. cap. 42. Ludovicum Mediolani coronatum ab Episcopo de *Arexio Mediolanensi Archiepiscopo* scribit. Italiam deinde meliore auspicio ingressus est Carolus IV. Caesar, Regalisq; dignitatis jura ex Romani Pontificis consensu adepturus. Ubi nam Italici Regni insignia suscepit ille, a Zucchio sciscitemur oportet. Respondet is cap. 32. Petri Galestinii verbis ita in Catalogo Archiepisc. Mediolan. scribentis: *Robertus Vicecomes Mediolanensis Archiepiscopus Carolum Quartum Imperatorem regali hospitio accepit, & Modoëtia in Basilica S. Ioannis Baptista Regem Longobardiae coronavit.* Verum a Galestinii sententia discedere, eumque heic minus accurate loquutum pronunciare cogor. Non Modoëtiae, sed Mediolani Carolum Quartum Corona insignitum fuisse, locupletissimi, ac gravissimi rerum Mediolanensium Scriptores testantur, eorumque sententiam pluris heic faciendam reor. Perverustus Auctor, qui Gualvanei Historiam Manip. Flor. continuavit ad Annum usq; 1371. hæc habet cap. 379. *Anno MCCCCLV. Carolus Rex Romanorum in B. Ambrosii per ipsum Robertum coronatur.* Donatus Bossius ad Annum Christi 1355. *Carolus*, inquit, *Rex coronatus fuit die, quo Epiphania solemnitas celebratur, ad Altare D. Ambrosii per Robertum Vicecomitem Mediolanensem Archiepiscopum.* Corius præterea, Bugatus, ac Morigia iisdem fere verbis coronationem describunt. Sed & in vetusta Cortusiorum Historia MS. quam laudat Odoricus Raynaldus in Annal. Eccles. ad Annum 1355. ista leguntur: *Mense Ianuario, & die Epiphaniae in Ecclesia B. Ambrosii de licentia Summi Pontificis per Archiepiscopum Mediolani Corona ferrea honorifice coronatur.* Idem tradunt Ioannes Dubravius lib. 22. Hist. Bohemicæ, Albertus Argentin. in Chronico, Raphael Volaterranus lib. 23. Anthropologiz, Gherardacius in Historia Bononiensi, Bzovius in Annalibus, & Cuspinianus in ejus vita hæc habet: *Mediolanum delatus ferrea est insignitus Corona de veteri more.* Referendis aliis Auctoribus supersedeo, quum satis hî nostram tueantur sententiam. Annus a Christi Nativitate trigessimus primus supra millesimum, & quadringentesimum recurrebat, quum Sigismundum Imperatorem insubres a Germania venientem exceperet, & VII. Kal. Decembris die sacro Catharinæ in Ambrosiana Basilica per Bartholomæum Capram Archiepiscopum inungendum curarunt. Ipsemet Cæsar rem per literas Iuliano Cardinali S. Angeli, aliisque Patribus Concilii Basilienensis significavit, ut videre est Tomo 4. par. 2. pag. 219. Concil. edit. Bini. Inquit autem: *Significamus paternitatibus vestris, quod ipso Festo S. Catharinae Virginis proxime præterito heic Mediolani in Domicilio S. Ambrosii, majorum nostrorum imitando vestigia, Regium diadema assumimus.* Eadem tradunt Raynaldus in Annalibus, Morigia in Hist. Mediol. aliique Auctores. Corius vero hac de re iussu Archiepis-

copi publicum Diploma confectum fuisse scribit. Illud ego hoc loci producere opportunum arbitror, acceptum a Doctissimo viro Ioanne Baptista Blanchino, qui a Modoëtiensis Basilicę Archivio se olim descrip-  
sisse mihi affirmavit.

Instrumentum Coronationis Serenissimi Imperatoris  
SIGISMONDI de Corona Ferrea Mediolani &c.

**I**N Nomine Domini Anno a Nativitate eiusdem millesimo qua-  
dringentesimo trigesimo primo, Indictione decima, die vero Domi-  
nico vigesimo quinto mensis Novembris secundum stylam, & con-  
suetudinem Civitatis, & Diacesis Mediolani. In prasentia mei  
Notarii, & testium infrascriptorum ad hoc specialiter vocatorum, &  
rogatorum, Reverendissimus Dominus Dominus Bartholamęus de la-  
Capra DEI, & Apostolica Sedis gratia S. Mediolanensis Ecclesia Ar-  
chiepiscopus, ad quem, ut dixit, impositio Corona ferrea in Civitate,  
vel Diacesi Mediolani, Romanorum more Casareo imponenda tam de  
jure, quam de longa, antiquaque consuetudine approbata noscitur per-  
tinere, existens ad Altare majus Ecclesia S. Ambrosii Majoris Medio-  
lani in Pontificalibus revestitus, & Serenissimus Princeps, & Domi-  
nus Dominus Sigismondus Romanorum semper Augustus Boemiaque  
Rex, Coronam huiusmodi eidem imponi a pradiçto Domino Archiepisco-  
po iuxta morem solitum, postulans, & in coronatione huiusmodi effe-  
ctualiter adimpleri, qua consueverunt, & debent in tali celebratione  
servari. Itaq; dictus Archiepiscopus volens officii sui debitum perage-  
re, & exequi, ut tenetur, auctoritate sua ordinaria, qua fungitur in  
hac parte, pradiçtum Serenissimum semper Augustum, Boemiaq; Regem  
ibi personaliter existentem pro sua Coronationis, suscepcionisque mune-  
re unxit in humero ejus dextro iuxta formam Ecclesia consuetam, &  
prout alii Reges Romanorum in susceptione Corona ferrea consueve-  
runt, & debent ungi. Et deinde post inunctionem huiusmodi, ut præ-  
fertur, factam eidem Domino Regi in digito annulari ejus dextra manus  
annulum imposuit, eique tradidit enssem nudum, ac subsequenter capiti  
suo Coronam ferream imposuit. Et insuper in eius dextra virgam Scep-  
tri, & deinde pomum deauratum, quod Monarchum significat, in sinistra  
manibus assignavit, servatis omnibus solemnitatibus, qua consueve-  
runt, & debent Romanis Regibus in tanta celebratione servari.

Et de pradiçtis &c.

Annus agebatur vulgaris Epochę 1451. quum Fridericus III. Roma-  
norum Imperator renunciatus, Alpibus emensis, Ferrariam contendit,  
illuc Romam accipiendę Imperialis coronę ergo iter contionaturus.  
Id eam urbem Franciscus Sfortia Vicecomes, qui tum in Infubribus re-  
gnabat, Galeacium filium, nonnullosque Langobardię Optimates cum

do-

donis ablegat, ut benevolum sibi Cæsarem faciant, eique Mediolanensem coronationem bono animo offerant. Verum Fridericus, tum quod minime ei probabatur Sfortiæ Imperium (quippe Romanorum Regum iura in Insubres per vim usurpaverat ille) tum etiam quod Mediolanensem agrum teterrima pestis nuper vastarat, Romam recta ire perrexit. Ibi a Nicolao V. Romano Pontifice per amice susceptus, omnibusque honoribus cumulat, rem non parvi ponderis ab eo expetivit; dicens enim: *Terram Mediolanensem, ubi Corona Langobardici Regni suscipi consuetum est, pestifera lux infectam, nullosque mortales sine periculo illuc proficisci posse, Nicolaum rogavit, ex plenitudine potestatis ut se Romæ Longobardorum Regem coronaret.* Sunt hæc Aeneæ Silvii verba, quæ in Austriaci Historia lib. 4. leguntur. Quid egerit Pontifex, tradit idem celeberrimus Auctor: *Visa gravis res est Pontifici. Sed cum consulti Cardinales nihil Cæsari negandum dicerent, invitatis, ac multum reclamantibus Mediolanensium Legatis, Idibus Martii apud S. Petri summum Altare Fridericum in Regem Longobardiae coronavit.* Ceterum iustissimus Pontifex publicas sub id tempus literas promulgavit, quibus iuri, & consuetudini Langobardici Regni nihil derogari huiusmodi exemplo volebat, Archiepiscopi Mediolanensis in hac re auctoritate nihil imminuta. Laudatum Diploma Raynaldus retulit in Annales Anno 1452. num. 2. Nihilominus Friderici gesta tantum ad exemplum momenti habuere, ut deinde Carolo Quinto Imperatori, qui Bononiam coronationis ergo accesserat, argumento fuerint, illic diademæ ferreum suscipiendi. Hujus rei fidem habeo apud Raynaldum eundem, qui ad Annum 1530. verba rituum Magistri de huiusmodi coronatione refert. Inquit autem hic Auctor in libro MS. VII. Februarii cæpi proponere, & interrogare deputatos Imperiales, an electus Imperator, qui iam in Germania primam Coronam secundum ritus illorum, sumpserat, vellet secundam coronam, quæ ferrea dicitur, capere, & ubi, & a quo, seu quibus, & quibus solemnitatibus, de qua inventebam quandoque a diversis, & diversimode recepta modo Modestia, quandoque Mediolani, & quandoque alibi. His meis interrogationibus responderunt Imperiales, quod Cæsar illam capere omnino intendebat heic Bononia, & de manu Pontificis per aliquot dies, antequam caperes diadema Imperiale; & allegabant similitudinem bonæ memoriæ Friderici III. proavi moderni Caroli electi, qui de Anno MCCCCII. per diem ante Coronam Imperialem recepisse ferream de manu felicitis recordationis Nicolai V. reperiebatur. Ceterum innumeri Scriptores Bononiensem Caroli Augusti coronationem literis prodidere, ideoque in re nimium vulgata diutius insistere supervacaneum foret. Quibus hæcenus perspectis reliquum est, ut Onufrii Panvini celeberrimi viri sententiam proponamus, illam ad Lydium veritatis lapidem examinaturi. In lib. de Comitibus Imperatoris cap. 11. de ea Corona, quæ ferrea dicitur, sic disserit laudatus Scriptor secundum exemplar Ambrosianæ Bibliothecæ

ab ipso castigatum: Postquam vero Rex Romanorum primum Aquilgrani ab Archiepiscopo Coloniensi diademate Regni Germanici, quod corona argentea dicitur, coronatus est, postea se preparat ad suscipiendam Imperialem unctionem a Romano Pontifice. Nam coronam secundam, quam ferream vocant, Mediolani a posterioribus Imperatoribus assumi solitam, ante Friderici II. tempora in usu nequaquam fuisse crediderim. Post cuius obitum ea consuetudo, ut existimo, inolevit, ut Imperator designatus, antequam Imperii Romani diadema a Pontifice Maximo suscipiat, Mediolanum primum profisciscatur, ubi in Basilica S. Ambrosii, vel Modoëtia in Basilica S. Ioannis Baptista, iterum consecratur, & alia corona, quam ferream vocant, ab Archiepiscopo Mediolanensi in Regem Longobardorum, vel Italia coronetur. Quod ante Henrici VII. Lutemburgensis tempora nunquam (quod sciam) factum fuisse legi. Ipsum enim Henricum VII. primum fuisse existimo, qui Mediolani ea ratione coronatus sit: qui mos cum ceteris quoque eiusmodi novis ritibus inventus est post Fridericum II. Imperatorem &c. Neminem præterea superiorum Imperatorum ab Othone primo usque ad Fridericum II. hoc diademate coronatum fuisse, unquam quod sciam meminisse apud veteres Auctores me legisse &c. Tum sibi obicit Panvinus Sigeberti Gemblacensis, atque Othonis Frisingensis testimonia de Conradis Primi, ac secundi coronatione, quæ tamen ut tamquam dubia, notat, aut aliter explicat. Repellit inde Corii Mediolanensis auctoritatem, quem non sine errore aliquando scripsisse animadvertit. Sed multa accuratissimum Panvintum fugere, quæ si vidisset, non dubito, quin numquam eam animo opinionem imbibisset. Tot sunt documenta, tot vetusti Auctores, qui hujus consuetudinis si sem fecere, ut nil minus ad veritatem accedat, quam quod Henricus VII. omnium primus Cisalpini Regni insignia apud Insubres acceperit. Heic itaque minime immorabor, ut Panvini argumenta refellam, quæ procul dubio, si Commentarius iste legatur, per se ipsa ruunt, atque evanescent. Neque Sebastianum Munsterum obtorto collo in jus traham, quod lib. 2. Cosmograph. univers. de Modoëtia loquens hæc habeat: *In hac Civitate consueverunt Imperatores ante quadringentos annos suscipere coronam ferream, sed quæ postea translata est Mediolanum.* Si enim singulorum Scriptorum hac de re opiniones aut perpendere, aut damnare animus foret, præterquam quod operam luderem, me citius charta, deficeret, quam scribendi materies. Atque ex his hæcenus collectis, ac disputatis, evidenter patebit, Papiæ interdum, sæpius Modoëtia, Mediolani vero fere semper Italicorum Regum coronationes fuisse peractas, ideoque hanc Urbem uti Insubrum longe præstantissimam, ita in coronandis Regibus primas semper tulisse. Hoc autem plane consequitur, quoties se Mediolani coronandos exhibent Cæsares, posse illos ab aliis in Langobardia coronationibus abstinere; heic enim legitimum regnandi ius sedet. Si alibi Corona expectitur, splendori potius, quam



quæ dignitati amplificatio paratur, & onus minime necessarium inquiritur. Vidit hoc Fridericus I. Imperator, atque idcirco in Diplomate, quod Mediolanensibus concessit, apud Puricellum in Monum. Basil. Ambrosi. num. 187. ita loquitur: *Et reservata paratice nobis, quæ debet prestari Filio nostro Illustri Regi Henrico, & omnibus successoribus eius cum primo Coronam Regni Mediolani, aut Modoëtiæ.* Quæ etiam apud Tristandum Chalcum, & Gualvaneum cap. 918. Chron. Major. leguntur; ubi animadvertas, Modoëtiensem coronationem Cesaribus necessariam handquaquam videri, quod etiam exemplis confirmari potest; etenim quamplures Mediolani tantummodo regalia susceperunt insignia.

## C A P. XII.

*Quanam Basilica fuerint, ubi Reges, ac Imperatores coronabantur.  
S. Michaelis aedes Ticini, S. Ioannis Baptista in Oppido  
Modoëtiensi, ac Ambrosiana  
Mediolani.*

PRO diversa, locorum ratione, ubi Italicis Regibus Corona imponebatur, diversæ etiam fuerunt Basilicæ, in quibus coronationis sollemnitas peragi consueverat. Quod ad Ticinum attinet, quando ibi ut Regum quicumque coronaretur, contingebat, vetustissima S. Michaelis aedes tanto muneri destinabatur. Scimus Berengarium, atque Adalbertum, Harduinum, Henricum primum, & Fridericum primum ibidem inunctos. Quod si concedamus, Langobardos quoque Reges Corona uti consueville, aliam Basilicam in urbe Ticinensi huiusmodi dignitate conspicuam fuisse invenio. Paulus Diaconus lib. 6. de Gestis Langob. de Liutprando ægrotante in hanc sententiam loquitur. *Quem Langobardi vita excedere existimantes, eius nepotem Hildeprandum foras muros Civitatis ad Sanctæ Dei Genetricis Ecclesiam, quæ ad Persicas dicitur, in Regem levaverunt.* Verum consuetudinem, an temporis tunc Langobardi servierint, investigare non licet, monumentis iam diu dissipatis, totaque antiquitate silentis. Quum vero Modoëtiæ inungebantur Reges, in insigni Basilica S. Joannis Baptiste, quam Theodelinda Regina edificavit, illustre spectaculum celebrabatur. Pluribus exemplis id ita probatum est, ut in præsentia ostendere supervacaneum foret. Non inutile tamen erit huc Bonincontri Modoëtiensis Scriptoris verba hunc derivasse ex eius Historia MS. lib. 1. cap. 22. ubi Coronam ferream describit. Ita vero se habent: *Secunda Corona in Modoëtiâ in nobiliori, & sanctiori Oraculo totius Regni Lombardorum, maxime pro iure ipsius Regni dato ab Apostolica Sede Imperatori. Qui Oraculus adificatus fuit a Sanctissima Theodelinda Lombardorum Regina*

gina per revelationem divinam in honorem Dei, & S. Iohannis Baptista, in quo etiam Oraculo plurimi Longobardorum Reges coronati, alii ad Fidem conversi baptizati sunt, & sepulti, & ipsa Regina una cum Rege unanimiter cum maioribus natu Longobardorum ibi S. Iohanni revererunt suum patrimonium, & defensorem ipsum vocaverunt, prout de ipso diximus supra. Et hæc Corona super Italiam, Normandiam, & Saxoniam est ferrea in signum iustitiæ, & maxime quia victa fuerunt a Karolo dicta provincia ferro, ideo datur de ferro, quia sicut ferrum est durius, & fortius super omnia metalla, & cuncta metalla, & omnia alia domantur a ferro, & ei supponuntur, sic omnia temporalia debent supponi, & subiacere ad iustitiam Imperatoris. Quapropter cum provincia Lombardia sit fortior, & fertilior super ceteras provincias Italiae, in ipso nobiliori, & sanctiori illius provincia Lombardia Oraculo S. Iohannis Imperatori datur balia, & fortitudo faciendi iustitiam sanguinis. Non ita tamen in S. Ioannis templo coronationis locus fixus erat, ut alibi rem peragere piaculum foret. Anno 1128. Modociæ quoque, ut supra adnotavi, inunctus in Regem fuit Conradus. Interfuit coronationi Landulfus a S. Paylo, cuius Historiam MS. Ambrosiana servat, atque ideo quid ille referat, summa dignum est animadverti. De cetero, ait, Anselmus Archiepiscopus, quasi consentiens gentium voto, in Ecclesia S. Michaelis, quæ est Modociæ, benedixit, & unxit, & Coronam Electo Conrado in Festo S. Petri posuit, altero Episcopo affante Regi coronando. Vilius & nostris temporibus in Oppido illustri S. Michaelis vetusta ædes, quanquam ad eadem sit cum memorata a Landulfo ignorem. Ceterum in S. Ioannis Baptista absque sollemnibus adhuc debebant; ibi enim Sacrum celebrabatur, ut his verbis narrare pergit laudatus Historicus: In quo facta ego quippe piger non fui, sed ante ipsum Pontificem, ipsumque coronatum ab Ecclesia S. Michaelis Pontificalem virgam, in admirabili pompa per Dei voluntatem congregata ad honorem illius Regis, usque ad Ecclesiam S. Ioannis bonam voluntate portavi, & in S. Ioannis Ecclesia solemniter cum Rege isto quamoptimo Missam audiui. Atque hæc de Ticino, ac Modociæ dicta sunt facis. Nunc Mediolanum revertamur, quæ in Urbe, & Gualvano fidem hæc habere licet, S. Michaelis ædes regiæ coronationi olim destinata fuerat. Inquit igitur hæc Auctor cap. 470. Chronici Maioris secundum exemplar MS. Ambrosianæ Bibliothecæ: Mortuo Theodobergo, siue Lamberto Imperatore (fuit hic Francorum Rex, a quo in Italiam facta est ante Longobardorum adventum impressio) Theudoricus frater eius Italiae Rex sedebat in Civitate Papienti &c. Hic honorem Corona sublatum Mediolano restituit, & in parva Ecclesia S. Michaelis iuxta S. Ambrosium fieri ordinavit. Similia legas in alio exemplari MS. quo usus Puricellus cap. 101. Monum. Basil. Ambros. Quare iterum Gualvanus coronationem Autharis Regis Longobardorum describens ita loquitur cap. 495. Et fuit coronatus Corona ferrea

*in parva Ecclesia Sancti Michaelis iuxta S. Ambrosium*. In exemplari vero Puricelliano additur: *Sicut, ab antiquis temporibus servatum fuerat secundum quod dicit Chronica Ptolomei Episcopi*. Nota etiam tempestate Mediolani erat memorata. S. Michaelis aedes Sanctimonialium curæ a longo tempore commendata. Sed his Gualvanei verbis erunt, qui acquiescere nolint, ac proinde certiora nos querere oportet. Est autem certissimum, in celebri, vetustissimaque S. Ambrosii Basilica Regibus Italicis coronam imponi consuevisse. Quod si memoria repetantur innumera exempla in superioribus capitibus prodita, nullum luculentius hujus rei testimonium desideres. Attamen neque his parcere volo, ut, majori in luce ædis hujus excellentia collocetur. *Chronicon Angleria*, quod toties Gualvaneo commemoratur, MS. in Ambrosiana custodimus. Ejus Auctor ignotus, nisi forte is fuerit Daniel quidam, qui Historiam illam circiter Annum 1280. elaboravit. Describit ipse coronationis ritum, atque his verbis exorditur: *Quando Rex Alamania electus est, & qui est Romanorum, debet venire in Italiam ad recipiendum primam Coronam Imperatori, quam debet recipere in Civitate Mediolani in Ecclesia S. Ambrosii &c.* Gualvaneus quoque cap. 506. Chron. Major. hæc tradit: *Ordo coronationis, qui fit in Ecclesia S. Ambrosii, est talis secundum quod colligitur ex Chronica Comitum Angleria &c.* Huc accedat Factii de Ubertis perantiqui Poetæ Florentini testimonium, qui lib. 3. Cantu 4. Dittamundi ita canit:

*Giunti en Milan, cost' uolsi vedere*

*A Santo Ambrosio, dove s'incorona*

*Quel d'Alamagna il Re, se n'ha il potere.*

Porro subobscurus videtur quidam Sigeberti Historici locus, ubi Conradum I. his verbis coronatum describit Anno Domini MXXXIX. *Et quia Episcopus Mediolanensis fuga lapsus est, Imperator suburbia Mediolani incendit. Die vero Pentecostes cum Imperator in parva Ecclesia secus Urbem coronaretur ad Missam, tam grandia fuerunt tonitrua &c.* Quod ad Annum, quo coronatus heic dicitur Conradus, spectat, in eo recensendo, lapsum esse Sigebertum arbitror, nam Anno 1026, rom peractam fuisse præstantissimi Scriptores tradidere, ejusque gesta luculenter ostendunt. Verum ubi de coronationis loco verba facit, non male Sigebertus loquutus videtur. Aut enim parvam S. Michaelis aedem intelligit Ambrosianæ Basilicæ proximam, de qua superius Gualvanei sententiam reculimus, aut ipsum Ambrosii templum; utraque enim aedes his temporibus secus Urbem sita erat. Atque hætenus de coronationis loco. Nunc de coronarum numero disseramus.



*Plures fortasse fuerunt Corona. Quid Corona Palearis, ac Laureæ fuerint: Ferrea nomen sero excogitatum videtur.*

*Henrici VII. coronatio illustrata. Modoëtienses Scriptores emendati.*

**Q**UOT Coronæ fuerint, quibus Italiæ Reges olim vinctebantur, non ita facile ostendi potest. Unam tamen fuisse, quum una in urbe (seu Mediolanum, seu Ticinum foret) Reges inaugurabantur, consentaneum veritati puto; nulla enim necessitas videbatur, ut plures Coronæ ad usum Principum servarentur. At postquam consuetudo inolevit, ut non Mediolani solum, verum etiam Modoëtiæ Regni insignia conferrentur, probabile est, geminas coronas usurpari cœpisse, quarum unam Ambrosiana Basilica, alteram S. Joannis Baptistæ Modoëtiensis ædes sibi servarent. Et sane Mediolanenses coronam illam, qua Modoëtiæ insigniri quidam Reges voluere, fortasse per contemptum *palearem* appellabant, quod utique ut ego opinor nequaquam fecissent, si cum Mediolani, tum Modoëtiæ una eademque corona adhibita fuisset. Sigonius lib. 8. de Regno Ital. ad Annum 1026. de Conrado I. scribens, qui Modoëtiæ quoque inungendum se præbuit, hæc refert: *Conradum inde imitati posteri, ac successores eius plerique Modoëtiensem quoque coronam appetiverunt, quam coronam Mediolanenses invidia perciti ad contemptum palearem vocarunt.* Hinc autem est quod Blondus, qui medio sæculo Epochæ vulgaris decimo quinto Historias literis consignabat, hujus eruditionis ignarus, revera *palearem* coronam Modoëtiæ conferri est arbitratus. Inquit is lib. 3. Dec. 2. *Voluere veteres, ut is, qui Cæsar in Germania declaratus Romam venisset confirmandus, duas medio itinere Coronas acciperet, ex palea unam Modoëtiæ, ex ferro alteram Mediolani ab Archiepiscopo imponendam, quod quidem ad tempora usque nostra servatum videmus.* Huc profecto respexit Carolus Paschalius lib. 10. cap. 7. de Corona, quum ait: *Modoëtiensem coronam invenio fuisse e palea, quum illa, qua accipiebatur Mediolani, esset ferrea.* Et Raphaël Tolcanus in Italicis carminibus Anno 1587. editis de urbe Mediolanensi ita canit:

*Di Ferro si cingean qui poi la Chioma,*

*Di paglia in Monza, e d'or lucente in Roma.*

Blondi quidem temporibus Modoëtiensis quoque coronationis vestigia supererant, verum nullus certe palearis coronæ usus fuit, Quam vero antiqua fuerit hujusce agnominis origo, e Gualvano discamus, qui ista e Chronico Philippi de Castro Seprii (erat autem longe vetustior Gualvano Historia) refert cap. 503. Chron. Major. *Statuit B. Gregorius*

ritus Papa de consensu Senatus, quod Archiepiscopus Mediolanensis convocatis omnibus suis Suffraganeis Episcopis eligeret unum virum virtuosum, & Imperio aptum, non in Imperatorem, sed in Comitum totius Italia, qui per Archiepiscopum Mediolanensem coronaretur in Modoëtia corona ex paleis contexta, & turgentibus spicis redimita &c. Postea redire debebat versus Mediolanum, & iterum per Archiepiscopum coronari Corona ferrea. Vides, quam altas radices hæc fama egerit; quamquam libenter fatear, hujus opinionis originem a contemptu Mediolanensium natam esse, quibus inutilis ut palea Modoëtienfis Coronatio videbatur. In eadem vero sententia fuit Mediolanensium deus Andreas Alciatus, cujus verba et libello de formula Romani Imperii huc referre non ab re erit, inquit enim *Conradi exemplo & alii quidam ex Caesaribus urbe Mediolanensi armis exclusi Moguntia (Moguntiam veteres dixerunt agri Mediolanensis ad decimum lapidem Oppidum) se coronari voluerunt. Enere & qui cum ulterius progredi non possent, Alexandria, qua Statiliensium Ligurum Civitas est, insulam susceperint. Sed Mediolanenses has coronas contemptus causa paleas vocant, prisco loquendi more, quo vilis res, & nihili palea dicitur. Ex quo & Aristophanes inquilinos Atticos paleam Civium in antiqua Comædia appellavit. Quæ hæcenus tamen recensuimus, ostendere nequaquam possunt, utrum una, an plures coronæ apud Insabres coronandi Regis gratia olim fervarentur. Æque vero difficile demonstrata est, an unius Modoëtienfis Coronæ, quam ferream appellamus, perpetuo usus obtinuerit, quum non nisi sero coronationes in eo Oppido celebratas fuisse animadverterimus. His accedit, a veteribus Coronam quidem commemorari, qua Italix Reges adornabantur. Sed *ferrea* nomen proxime tantum superioribus seculis usurpatum invenio. Primus, quod sciam, *Corona ferrea* vocabulum adhibuit Chronici Angleriensis MS. Auctor, quem sub finem seculi a Christo nato decimi tertii vixisse adnotavimus; inquit enim: *Rex Alamania primam coronam Imperatori debet recipere in Civitate Mediolani in Ecclesia S. Ambrosii &c. qua Corona debet esse de ferro.* Huc etiam referri possent S. Thomæ Aquinatis verba e lib. de Regim. Principum lib. 3. cap. 20., quæ ita se habent: *Duplicem habent coronam, & recipiunt electi in Imperatorem, unam quidem prope Mediolanum in Pilla, qua dicitur Modoëtia, ubi sepulti sunt Reges Lombardorum, qua quidem Corona ferrea dicitur esse insignum, quod primus Imperator Germanus Carolus M. colla Regum Longobardorum, suæque gentis perdomuit.* Sed hujus Opusculi Thomam Auctorem fuisse, quamplures negant eruditi, ac potissimum Cl. Cardin. Bellarminus in lib. de Scriptor. Ecclesiast. Obseru. 2. Uti enim animadvertit Emin. Scriptor, lib. 3. cap. 20. hujus libelli, mentio fit de Adolfo, ac Alberto Imperatoribus, qui multis post S. Thomam annis Regnum iniere. Frequens deinde apud recentiores Historicos *ferrea* Coronæ est mentio, quod insigne aliq. etiam cognomine appella-*

la tum

latum fuisse legi. Albertinum Mussatum lib. 1. de Gest. Henr. VII. loquentem audiamus. *Coronati itaque Henricus Caesar, Augustaque Margarita Anno ab Ortu Domini N. 1. C. 1311. VII. Idus Januarii ferrea Corona, quam Lauream appellabant.* In eandem sententiam loquitur Rollandinus in Chronico, & Diploma infra recitandum. Hoc autem nomen ferreae Coronae inditum puto, quod olim lauri insigniri solerent Augusti, ac triumphantes, eorumque corona haec ideo appellaretur. Sed quoniam de Henrici VII. Coronatione rursus verba fecimus, locus poscit, ut arcanam eruditionem haec proferamus, cujus beneficio nonnullorum errores emendare licebit. Anno, ut diximus, 1311. Henrico in urbe Mediolanensi collata est Italici Regni corona, & quidem ferreum diadema illud fuit, sed a Medoëntensi diversum, quippe Imperator novum procudi, quo tunc uteretur, voluit. Coronatione vero absoluta quum quæreretur, cuiam Corona illa conservanda tradi deberet, in eam sententiam ivit Henricus, ut Abbati, Monachisque Cenobium Ambrosianum, celeberrimaeque ejus Basilicam incolentibus traderetur. Superest adhuc publica hujus rei fides in eorundem Patrum tabulario, nempe germanum Diploma, cujus exemplar primum a doctissimo viro Joanne Baptista Blanchino obtinui, tum impressum animadverti a Reverendissimo, ac eruditissimo P. D. Bartholomæo Aresio Cisterciensi Abbate inter Privilegia, ac Diplomata insigni Basilicæ S. Ambrosii concessa pag. 93. Ita vero se habet.

*In nomine Domini. Anno a Nativitate eiusdem millesimo trecentesimo undecimo, die Luna, decimo nono mensis Aprilis. Indictione nona. In Monasterio Beati Ambrosii Mediolani in Camera Reverendi viri Domini Dopni Astulphi de Lampugniano Dei gratia Abbatis prefati Monasterii S. Ambrosii Mediolani. Magister Bartholomæus de Virginiana Bononiensis, & Magister Andreas de Puteo, Placentinus Medici Serenissimi Regis Romanorum Domini Henrici Septimi, presentaverunt auctoritate, voluntate dicti Regis prefato Domino Dopno Abbati Coronam Ferream Lauream, cum qua extitis coronatus in predicta Ecclesia B. Ambrosii Mediolani coram Altare eius in Regem Italia in eodem Anno in die Epiphaniæ Domini. Volens dictus Dominus Rex, ipsam in dicto Monasterio ad perpetuam eius memoriam conservari debere. Qui prefatus Dominus Abbas, ab eisdem Medicis dicti Domini Regis, ipsius nomine, cum maxima reverentia recepit, & eam conservare promixit, presente Magistro Lando de Senis Aurifabro predicti Domini Regis, qui predictam Coronam propriis manibus fabricavit, & Girardus Malaspino de Florentia, & Falcutio Tebalducci de Florentia, & Dopno Ambrosio de Travedona Monacho ipsius Monasterii, & Presbytero Beltramo Donago Capellano dicti Domini Abbatis, & Ognibeno de Guarizio de Vicentia, & Manfredino Platto Domiacello dicti Domini Abbatis, & Beltramollo de Lampugniano, & Comollo Bisso ambobus Domiacellis dicti Domini Abbatis, & me Notario infrascripto, qui rogatus sum,*

*sum, ut traderem publicum Instrumentum de prædictis.*

*Ego Crescinius de Ladenate Notarius filius quondam Venturę Civitatis Mediolani Porta Vercelling Parochia S. Naboris prædictis interfui, tradidi, & scripsi.*

Vides heic ferream Coronam *Lauræ* cognomento insigniri. Vides etiam heic nominari Magistrum *Landum de Senis Aurifabrum Domini Regis*, qui prædictam Coronam propriis manibus fabricavit. Quare nulla heic dubitatio relinquitur, quin revera novum Diadema suæ coronationi adhibuerit Henricus. Id autem clarius constabit, ubi Bonincontri verba perpendantur, qui hæc de Henrico Modoëtiensi profecto habet: *Es accipi iussit baculum abbati, & libellum Orationum ad eius coronationem locum habentium, qui dudum in dicta Ecclesia B. Ioannis fuerant.* Si Coronam quoque Modoëtiensem Imperator accepisset, utique Bonincontrus prætermittere non debuisset, præcipuum enim hoc eius patriæ decus fuisset. Quæ ex re nonnulli argumentum depromere posse sibi videbantur, ut nullam antiquitus coronam Modoëtiæ asservatam fuisse affirmarent. Equidem si perverso studio materiem hanc pertractarem, mihiq; Lectorum iudicio contra Modoëtiensium iura animus foret abuti, huic uni insisterem argumeto, ut Coronæ vetustatem, gloriamque insigni Oppido eriperem. Verum quum Historicorum primam laudem, legemque esse arbitrer, ut inquit Tullius lib. 2. de Orat., *ne quid falsi dicere audeant, deinde ne quid veri non audeant, ne qua suspicio gratia sit in scribendo, ne qua simultatis*, Modoëtiensium causam heic defendendam suscipio, ut nihil ab huiusmodi exemplo eorum iura læsum iri ostendam. Illud autem minime ignorandum, quod sub Imperio Henrici VII. Infidèles adhuc intestinis Guelforum, Gibellinorumque discordiis distrahebantur in partes. Per ea autem tempora Turrianis rerum potitis religio non fuerat, Modoëtiensis Basilicæ totam fore gazam, illiusque pretiosorem suppellectilem auferre, ut eam pignori darent, pretioque uterentur. Sex & quadraginta annos thesaurum suum Modoëtienses desideravere, donec Matthæus Vicecomes anno 1319. recuperatum insigni templo restituire. Rem his verbis narrat Bonincontrus cap. 25. lib. 2. *Interea Matthæus summo studio suo interponente favore, partem thesauri Ecclesie S. Ioannis Baptiste de Modoëtia, scilicet Corona aurea, Calices aureos, & alia iocalia margaritis, & lapidibus pretiosis ornata, quæ omnia per XLVI. Annos proximis præteritis existerunt impignorata per illos de la Turre, dicto Anno die xxii. mensis Decembris exigi fecit, quæ Matthæus ipse in Vigilia Natalis Domini super Altare S. Ioannis Baptiste propriis manibus in Modoëtia prædicta iocalia genu flexo cum devotione deposuit, quæ existimata fuerunt esse valoris xxvi. mil. Florenorum auri.* Quare nil mirum imposterum videbitur, si Henricum VII. ferrea quidem Corona, sed non Modoëtiensi, coronatum fuisse quis affirmet, tunc enim antiquum Diadema ferreum pignori datum Modoëtia aberat.

Hoc

Hoc etiam ex alio diplomate probari potest, quod in ejusdem Cœnobii Ambrosiani tabulario adservatur, & a doctissimo P. D. Bartholomæo Aresio euulgatum fuit, estque hujusmodi.

*Arnaldus miseratione Divina Sancta Maria in Porticu Diaconus Cardinalis, Apostolica Sedis Legatus, dilectis in Christo Abbati, & Conventui, ac Preposito, & Capitulo, & singulis Canonicis, & personis Monasterii, seu Ecclesie S. Ambrosii Mediolanensis salutem in Domino.*

*Quia inest tempus Coronationis, quam Serenissimus Princeps Dominus Henricus, DEI gratia Rex Romanorum illustris recepturus est in partibus istis, reddimur corde solliciti, ut circa Coronationem ipsius adhibeamus diligentia studium efficacis. Sane cum idem Dominus Rex ad exquirendum, ubi, & in quo loco sit Corona ferrea, quam habiturus est, sui que habuerunt predecessores, nec non ad perscrutandum, & sciendum, & se plenius informandum de modo, & forma tenendis in Coronatione tenenda, mittat ad vos Venerabilem virum Magistrum Gulassum de Comitibus de Mangone Canonicum Camervensem, Domini Papa Capellanium, ipsius Domini Regis Consiliarium, & familiarem, presentium portitorem, Discretionem vestram requirimus, & rogamus, attenteque vos nihilominus, & vestrum quemlibet monentes pro primo, secundo, & tertio peremptorio, imo vobisque sub excommunicationis, quam in vos, & singulos vestrum, & interdicti panis, quam in Capitulum, & Conventum ipsa, ex nunc prout ex tunc monitione premissa ferimus in his scriptis, vosque manere volumus ipso facto, si monitis, & mandatis vestris obtemperaveritis, in hac parte districte precipiendo, mandantes auctoritate eidem Magistro Gulasso, ubi sit Corona predicta, & superscripta quolibet necessaria, ac modum, & formam tenendos, & quicquid scitis, vel scire potestis per vos, vel alios circa Coronationem eandem referatis, eumque informetis plenarie, ut in reditu suo sciat dicto Domino Regi referre per ordinem, nullo dimisso, omnia que circa Coronam, & Coronationem hujusmodi sunt agenda. Has autem literas ad cautelam in Registro nostro Curie fecimus registrari, de quarum presentatione eidem Magistro Gulasso dabimus plenam fidem. In cuius rei testimonium presentes literas exinde fieri fecimus, & sigilli nostri munimine roborari. Datum Ast die XXV. mensis Novembris. Pontificatus Domini Clementis Papæ V. Anno sexto.*

Tot Apostolici Nuncii plena sollicitudinis verba, quibus ubinam Corona ferrea tunc haberetur inquirat, abunde producit, eam tunc lausisse; quumque fortasse id videretur dolo malo factum, minis precibus, que usus est Cardinalis, ut voti sui composceretur. Sed nullum secundum exitum Diploma hoc habuit, quippe, ut vidimus, novam Coronam adhibere necesse habuit Cæsar. Interim censuram nostram non effugeret Balthasar Fidelis, qui cap. ult. de Prærog. Bloan. Bapt. tradidit ferream Modoëtiensem Coronam Henrico VII. collatam, quod revera a veritate abhorret. Neque verius loquitur Zucchi, qui sacrum Clavum,



Clauum, hoc est Modoëtiense Diadema, eiusdem Imperatoris capiti impositum ab Archiepiscopo Mediolanensi scribit. An vero antiquioribus etiam temporibus ferream Coronam in gaaphylacio suo seruauerint Modoëtienses, atque an eadem in Regis coronationibus usurparetur, in tanta rerum obscuritate aliquid definire non audeo. Certe Gualvanus in Chron. Majori cap. 328. a Maximiano Herculeo Imperatore Coronam ferream, sive fastiam Mediolani relictam scribit, opinionemque suam ex dictis Sicardi, Atlantis, & Ptolomei confirmat. Addit etiam: *Ex hoc excluditur error dicentium, quod Corona ferrea fuit in Arelate, vel Modoëtia, vel Papia.* Idem alibi affirmat laudatus Auctor, sed quibus fundamentis eius sententia innitatur, aliis investigandum relinquo. Mihi, quum nullam peculiaris Coronæ, quæ a Modoëtiensi diuersa foret, ac Mediolani asservaretur, mentionem inueniam, liberaliter affirmandum videtur, ante Henrici VII. tempora Coronam ferream Modoëtiæ fuisse seruata.

## C A P. X I V.

*Coronare Imperatores Mediolanensem ad Archiepiscopum pertinebat; aut ad Ambrosianæ Basilicæ Abbatem; aut ad Modoëtiensem Archiepresbyterum. Diplomata duo ad Caroli V. coronationem pertinentia exhibentur.*

Nunc ad quemnam jus coronandi Italicos Reges pertineat, exploremus. Equidem laudem hanc Mediolanensi Archiepiscopo tribuendam esse, neminem fugiet, qui tot hæcenus allata exempla secum reputauerit. Neque Mediolani tantum, sed etiam Modoëtia, ac Papiæ quum ea solemnia peragebantur, munus Archiepiscopi fuit pretiosissimis insignibus Reges designatos ornare. Itaque supervacaneum omnino foret, novis uti auctoritatibus, ut luci lux addatur. Quod si ab Urbe sua aberat Mediolanensis Antistes, quando in Ambrosiana Basilica Cæsares inungendi erant, Ambrosiani Monasterii Abbatibus gloriosum illud munus deferabatur. Auctor Chronici MS. cui titulus *Flos Florum*, & Gualvanus in Chron. Majore cap. 506. ex Chronicis Comitum Angliæ hæc referunt: *Quando Rex Romanorum vult recipere Coronam Regni Italia in Ecclesia S. Ambrosii &c. Archiepiscopus, vel Abbas S. Ambrosii debet ipsum coronare Corona ferrea super Italiam.* Porro nullum monumentum mihi legenti hucusq; occurrit, quo coronationem unquam ab his Abbatibus celebratam confirmem. Uni Puricello num. 310. Monum. Basil. Ambr. Henricum Quartum Imperatorem, absente Archiepiscopo, ab insignis Cænobii Abbate coronatum fuisse, aliqua esse suspicio videtur. Si vero Modoëtiam sumendæ Coronæ gratia se conferebant Reges, modo abesset Mediolanensis Archie-

chiepiscopus, ad Modoëntensem Archipresbyterum coronandi Principis cura, decusque pertinebat. Illustrem Archipresbyteratus dignitatem in Capitulo suo ab antiquis temporibus S. Ioannis Baptistæ Basilicæ servat, tamque novis honoribus certatim Summi Pontifices Regesque amplificaverunt. Pontificalibus ornamentis, ac Mithra Archipresbyter utitur, ubi solemniora per Annum Festa recurrunt. Nunc vero sedem illam dignissime implet Reverendissimus, ac doctissimus vir, Petrus Paulus Boscha, olim Ambrosianæ Bibliothecæ Præfectus, cuius eruditionem, atque eloquentiam tum edici libri luculenter testantur, tum ego pluribus prædicare possem. Archipresbyteri igitur munus erat coronare Reges, quod Bonincontrus quoque scripsit lib. 1. cap. 30, Chron. Modoëntensis in hæc verba: *Archiepiscopus Mediolanensis debet in Ecclesia Modoëntensi coronare Imperatorem, eo quod sit maximus Prælatus Regni Lombardorum. Licet, si deficeret, cum Archipresbyter Ecclesiæ Modoëntensis ab Apostolica Sede in Pontificalibus honoribus ampliatus, tamquam magnus Episcopus, fuerit, de iure possit ibi Imperatorem coronare.* Incertum vero est, an unquam Modoëntenses Archipresbyteri hoc iure fuerint usi; quamvis enim a Zucchio Fridericus II. per manus ejusdem Archipresbyteri Modoëntiæ coronatus affirmetur, nulla eius fidei præsto est antiquorum auctoritas, & Bonincontri Annales ab hoc Scriptore in testimonium producti de Archipresbytero omnino tacent. Gratium autem non Modoëntensibus tantum, sed eruditis etiam me facturum spero, si gemina proferam monumenta, quæ in sacra S. Ioannis Baptistæ æde visuntur, & quibus tum coronantes, tum coronationes illustrari possunt. Eadem memini me videre, quum Anno 1696. Modoëntiam divertissem, quamquam nullus mihi tum foret hujus lucubrationis cuedendæ animus. Primum ergo monumentum in pervetusta pictura extat, ubi Mediolanensis Archiepiscopus Regem coronat. Sedet Antistes sacris vestibus ornatus, Augustus vero in genua procumbens, capiteq; acclinato Regium diadema accipit. Alterum monumentum lapis marmoreus assabre sculptus efformat, visiturque sub ambone (sic appellare liceat) ubi a sacris Liturgis Epistola, ac Evangelium canuntur. Stat ibi Modoëntensis Archipresbyter Mithræ, vestiumque Pontificalium maiestate conspicuus, Regique in folio sedenti ferratum offert insigne. Circumstat Optimatum Germanorum corona una cum Modoëntensibus Legatis, quodque æstimandum pluris est, verba in coronatione pronuntianda illic leguntur, Sed quid ego rem describam, ubi illustria duo documenta suppetunt, quæ singula accuratissime ante oculos ponant? Sunt hæc Diplomata duo ex Archio Modoëntensis Ecclesiæ olim eruta, mihiq; benigne communicata a doctissimo viro Ioanne Baptista Blanchino, cuius humanitati multa debeo. Hæc habes quidquid Caroli V. ævo colligere potuerunt Modoëntenses, ut ius suum in tribuenda Regibus Corona probarent, ferreæq; Coronæ Historiam illustrarent. En primum Diploma

ploma Anno MDXXX. die xiv. Mensis Februarii promissum.

In Nomine Domini Anno a Nativitate eiusdem Millesimo quadringentesimo trigesimo. Indictione tertia. Die Luna, quartadecimo Mensis Februarii. Cum expediat Serenissimum, & Catholicum Dominum Dominum Carolum Divina favente clementia Romanorum Regem, cupientem in praesentia coronationem suam absolvere, & perficere servatis omnibus, & singulis solemnitatibus observari requisitis, & consuetis ex dispositione Ordinum, & Constitutionum tam a Summis Pontificibus, quam a Serenissimis Praedecessoribus suis in Imperio, editorum, & in Chronicis, aliisque monumentis continentibus solemnitates, & alia, in coronationibus huiusmodi servatas, & servari requisitas in Oppido Modoetia existentibus descriptas autenticas habere, & de eis fidem publicam fieri. Cum huiusmodi Chronica, & alia monumenta ad Civitatem Bononia, in qua ipsa coronatio fieri debet, deferri non possint, hinc est, quod pro habenda fide, praedictorum, instantibus Agentibus pro Communitate ipsius Oppidi Modoetia, Spectabilis Dominus Iacobus Capredonus filius quondam Spectabilis Domini Prandini, nunc Castellanus, & Capitaneus Modoetia, eiusque districtus pro Excell. & Illustr. D.D. Francisco. II. Sfortia Mediolani Duce, convocatis de mandato praefati Domini Castellani, & Capitanei Agentibus pro dicta Communitate, nec non venerabilibus Canonis, & Fabriceris Sacelli S. Iohannis Baptista Modoetia, expositisque eis hoc praefati Serenissimi Imperatoris desiderio, cupientesque Agentes praefatae Communitatis, ac Canonici, & Fabricerii huic honesto voto suo satisfacere, prout tenentur. Delatis per eos coram praefato Domino Capiteano, & lectis prius omnibus Chronicis, & Monumentis dicti Oppidi Modoetia commemorantibus, omnia, & singula, quae in his coronationibus observari debent, & consueverunt, compertum in primis fuit in Bibliotheca venerabilis Canonici Sacelli D. Iohannis Baptista eiusdem Oppidi adesse quamdam Chronicam iam antiquissimo tempore in charta membrana manuscriptam, descriptaque ibi esse Capitula infra scripta videlicet. in folio X. capitulum tenoris huiusmodi, videlicet. Et quod Capitulum est. XXI. in ordine: Cum narrare decreverimus, quare Imperatores instiguerint &c. Adest & aliud Capitulum XXII. in Chronica tenoris huiusmodi, videlicet: Karolus Magnus huius nominis primus, Pipini Grossi Franconiae &c. In eadem etiam Chronica folio XII. adest Capitulum, quod est XXVIII. in ordine tenoris huiusmodi, videlicet: Otto Henrici Alamannorum Regis filius &c. Compertum postremo fuit in Ecclesia S. Iohannis Baptista Modoetia post locum, super quo capiantur Epistola, & Evangelium, quando Missa solennes celebrantur, tabula marmorea, in qua sculptum est. Altare maius ipsius Ecclesiae, & super Altari sculpto adsunt vasa tria sculpta ad representationem trinus vasium thesauri dictae Ecclesiae, sculpta quoque est Crux ad

representationem Crucis Theſauri prædicti, in qua adest de Ligno Crucis D. N. I. C. & deſuper Altare ſculptum adest etiam ſculptus baculus, in quo dependent 17. Coronæ aureæ ſculptæ ad representationē earum 17. Coronarum Theſauri prædicti reliſtarum per Reginam Theodelindam. Apud dictum Altare ſculpti ſculptæ ſunt duę ſtatue representantes duos Canonicos, alterum indutum, ſcilicet veſte Subdiaconi, & alterum indutum veſte Diaconi, & qui Diaconus veſte indutus eſt, manibus tenet baculum Paſtorales ſculptum in modum tridentis. In eadem etiam tabula apud has duas ſtatuas Canonicorum ſculptorum ſculpta eſt ſtatua Archipreſbyteri diſtę Eccleſię, induti veſtibus Episcopalibus, habentis etiam inſulam Episcopalem in capite, & ambabus manibus imponentis Coronam ferream in capite ſtatue Cęſarem repręſſentantis, ſedentem, armatum ſuper quadam Cathedra emittente ab utroque latere ipſius Cathedre caput animalis, quod non potuit diſcerni, habentemque veſtem quandam ſuperiorem more Imperii longam, & talos excedentem, ſultata pelle varii coloris circa humeros, & collum, & ornamenta quadam auri, videlicet ſimbrias quaſdam. Et memoratę ſtatue Archipreſbyteri, & Canonicorum ſunt a manu dextra Cęſaris ſedentis. A manu autem ſiniſtra apud Cęſarem ſedentem in eadem tabula ſculpta eſt ſtatua Archiepiſcopi Coloniensis tenentis in manu dextra quandam cedulam, & in manu ſiniſtra librum, & in utraque manu habet annulos, capite deſecto, veſtitique veſtibus Episcopalibus, & ſtantis in pede, Sequitur poſtea ſtatua Ducis Saxonię ſtantis in pede, habentis manu dextra enſem Imperialem coopertum, & ſeu teſtum fodro rubeo, & cingulum aureum involutum circum enſem, induti veſte alba habente ſimbrias aureas, & tenentis manum ſiniſtram ſuper pugione, & veſtis ſulta videtur pellibus variis; habentisque caput nudum. Sequitur poſtea imago Archiepiſcopi Treverensis induti veſtibus Episcopalibus, pro more tamen quotidiano deferri ſolitis. Et cum ſimilibus veſtibus induta eſt ſtatua Archiepiſcopi Coloniensis, & ſtatua hæc habet etiam caput deſectum ſtans in pede. Sequitur poſtea ſtatua Landegravii, qui prout ex Chronicis Modoſtię deprehenditur, eſt Comes Palatinus, induti veſte conſimili veſti Ducis Saxonię, habentis chirothecas in manibus, biretum in capite, & ſtantis. Sequitur poſtmodum ſtatua Archiepiſcopi Maguntię induti conſimilibus veſtibus, quibus induti ſunt Archiepiſcopi Coloniensis, & Treverensis, cum capite deſecto, tenentis in manu dextera cedulam ſculptam, in quā ſcriptum eſt: IMPERATOR. Sequitur poſtea ſtatua Marchionis Brandeburgensis induti conſimilibus veſtibus, quibus indutus eſt Landegravius, manu dextra accipientis a ſtatuis ſeptem Oratorum Modoſtiensium privilegium Communitatis Modoſtia cum ſigillis pendentibus. Et in eadem tabula inter primum Oratorem Modoſtiensium, & dictum Marchionem ſcripta ſunt hæc verba, quæ videntur pronunciata a præſato Marchione: DOMINUS REX BENE NOVIT, QUÆ DIXISTIS, IDEO AMPLIABIT FOR-  
TER,

TER, ET CONFIRMABIT PRIVILEGIA VESTRA. *Supercapita autem dictorum Oratorum Modoëtiensium in eadem tabula scripta sunt infra scripta verba, quæ videntur pronunciata per ipsos Oratores: HOMINES MODOETIÆ A MAIORE USQVE AD MINOREM SEMPER FVERE, ET SUNT IMPERATORIÆ MAIESTATI FIDELISSIMI: In eadem etiam tabula super capita dictarum statuarum Archipresbyteri, & Canonicorum infra scripta sunt hæc verba, quæ videntur pronunciata ab ipso Archipresbytero: ALTISSIMI DEI, ET APOSTOLICÆ SEDIS GRATIA CONCEDENTE, PROVT CONSTITUTUM EST MODOETIÆ, QUÆ CAPUT LOMBARDIÆ, ET SEDES REGNI ILLIVS ESSE DIGNOSCITUR IN S. ORACULO S. IOANNIS BAPTISTÆ FERREO DIADEMATE DE IVRE REGNI CORONO TE PRIVS ELECTUM IVSTE, ATQVE UNCTVM REGEM FERTILIS ITALIÆ. Et ideo prædictus Dominus Capitaneus pro Tribunali sedens super eius solito Tribunali consistente in Palatio Communis Modoëtia ex auctoritate sibi virtute dicti Officii sui attributa iussit, & iubet mihi Notario infra scripto, ut per hoc præsens publicum Instrumentum cunctis fidem faciam, & attester, prout etiam attestor, dicta Capitula, & prædicta superius narrata a dictis Chronica, & tabula fideliter, & ad unguem extracta fuisse, nil addito, vel diminuto, aut alterato, quod substantiam huius rei vitiet, variet, vel immutet &c.*

*Actum Modoëtia die quarto decimo Februarii MDXXX.*

Chronica illa antiquissima in membranis descripta, cujus hoc Diploma mentionem facit, alia non est ab Annalibus Modoëtiensibus, quos, ut sæpe numero animadverti, Bonincontrus Morigia circiter Annum 1345. elucubravir. Integra capita ab hoc Auctore desumpta illic exhibebantur, quæ tamen ego in præsentia omittenda censui, tum quod partim nihil ad re attinere videntur, partim vero utpote necessaria per me in hoc libello iam promulgata fuere. Ceterum Codex, ni fallor, idem, qui olim Modoëtia extabat, nunc in Ambrosiana Bibliotheca adservatur, idemque ille est, quem Modoëtienses Legati una cum ferrea Corona Bononiam detulere, ut Caroli Quinti coronationi interessent. Audi Iovium lib. 27. Hæstor. ita loquentem: *Præsto igitur affuere Modoëtiensium Legati, cuius erant Principes Polydorus Veltius, & Paulus Velaninus, qui ad retinendam veteris prerogative dignitatem vetustissimi operis Coronam, & Annalium Codices antiquitate pernobiles detulere.* Do alterum Diploma Anno eodem 1530. confectum. Descriptionem tabulæ marmoreæ hæc prætermisi; eisdem enim verbis refertur, quæ in primo Diplomate leguntur.

663.663  
663.663

MDXXX.

MDXXX. Die Iovis 17. Mensis Februarii.

**Q**uam Illustrissimus, & Excellentissimus DD. Franciscus II. Sfortia Mediolani Dux Serenissimo, & Catholico D. D. Carolo Divina, favente clementia Romanorum Rege Imperatore elasso requirente literis suis scripserit Illustri D. Alexandro Bentivolo in Ducali Dominio Mediolani pro praefato Excell. Duce, Gubernatori, & locum Tenenti, ut curaret ea, quae posset, diligentia habere Scripturas, Instrumenta, & protocollos, & alia quaecumque monumenta continentia solemnitates, & alia quaeque servata in Coronationibus factis tam in oppido Modoetia, quam in Civitate Mediolani de Imperatoribus praecessoribus praefati Serenissimi Imperatoris electi, & Scripturas ipsas, Instrumenta, protocollos, ac monumenta ad praefatum Excellentissimum Ducem nostrum tradenda praefato Serenissimo Carolo destinaret, & propterea facta per praefatum Illustris D. Alexandrum diligentis inquisitione, & investigatione pro habendis dictis scripturis, & ex omnium relatu praefatus Illustris D. Alexander pro explorato haberet huiusmodi scripturas, & monumenta facilius Modoetia, quam alibi reperiri posse, & certior esset factus propter diuturnum bellum, quod in dominio Mediolani nimium diu invaluit, & propter validam, & ferissimam pestem, quae in eo oppido anno superiore debacchata fuit, plerisque incolae aut absentes, aut mortuos esse, ita ut ex solita multitudine hominum unus tantum Notarius in eo oppido praesens conperiatur, qui requisita ab Illustrissimo Duce possit perquirere, & investigare, & de inventis solemnne transumptum facere, & propterea Reverendissimus, & Magnificus Senatus praefato Excellentissimo Duci obtemperare, & Casarea Catholicaeque Maieitati satisfacere, ut ea, quae potest solemnitate omnia agantur, Senatus consultum edidit tenoris huiusmodi.

MDXXX. die 16. Februarii. Quam Illustris, & Excellentis. Princeps Franciscus II. Mediolani Dux &c. Bononia literas dedisset ad Illustris virum Alexandrum Bentivolum generalem in universa ipsius Iurisdictione locum Teneantem, ut omnes ritus, omniaque instituta, quae ad coronandos in oppido Modoetia, & Civitate Mediolani Imperatores per tempora servari consueverunt, ex veteribus monumentis, & Archivis summa cum cura perquireret, & in publicas tabulas referri mandaret, ad eumque transmitteret, ita requirente sacratissimo, atque invictissimo Principe Carolo V. Romanorum electo Imperatore, qui ex Hispania profectus coronationis sua causa Bononia nunc moratur. Quamque idem Illustris locum Tenens certior esset factus omnes Modoetienfes Notarios propter belli, pestisque gravissima incommoda, quae duobus regionum incolae nimium diu affligerunt, aut absentes, aut mortuos esse, & praeter unum, qui huic perquisitioni adesse possit, neminem alium in eo oppido ad praesens reperiri; eaque de causa hoc ad amplissi-

num ipsius Illustrissimi Ducis Senatum retulisset, qui & voluntati Caesaris, & mandato Principis nostri cumulatissime satisfaceretur.

Senatus ut hæc omnia maiori cum fide, atque solemnitate peragerentur, censuit mittendos esse Modoëtiæ egregios Iulianum Piscinam Cameræ præfati Excell. Ducis Mediolani Notarium, nec non Ioannem Petrum Gazurrum Notarium publicum Mediolanensem, qui una cum Notario Modoëtiensi, vocatis, atque adhibitis Capitaneo, Castellanoque, ac Canonicis, & Decurionibus ipsius Oppidi, testibusque omni exceptione maioribus, qui per tempus inveniri poterunt, ex Chronicis, Annalibus, Archivis, actisque publicis, & literarum monumentis omnes ritus, solemnitates, ceremonias, omniaque instituta, quæ faciundæ Ferreæ Coronationis gratia tradita sunt a maioribus, quam diligentissime scrutentur, perquirant, & investigent, & quæcumque comperuerint, omnia summa cum fide describant, & in publicum, atque solenne Instrumentum redigant, ut ad ipsam Illustrissimum Ducem perferri possint. Signatur superscriptam Bartholomæus Landrianus, & sigillatus sigillo consueto præfati Senatus.

Quum etiam in executione mandati præfati Illustris D. Locum tenentis, & Senatus consulti prædicti, Domino Capitaneo, & Castellano dictæ Terræ una cum Consiliariis, Præfatis, ac Deputatis Oppidi, & Canonicis ad id congregatis prædicta significaverimus, & inter dictos D. Capitaneum, Deputatos, & Canonicos habitum super inde longum colloquium fuerit, & Consilium, & aucti fuerimus in Archivum, & Bibliothecam prædictæ Terræ positam in Ecclesia S. Ioannis Baptiste, quæ Cathedralis est eiusdem loci, clausam, & per Deputatos ipsius Oppidi de publico diligenter custoditam, presentibus præfato D. Capitaneo, dictis Dominis Canonicis, ac deputatis, & infra scriptis testibus, ingressi fuimus nos infra scripti tres Notarii Archivum prædictum, & compertis in eo diversis voluminibus librorum iam antiquissimo tempore in carta membrana manuscriptorum, unum tantummodo librum comperimus, cui titulus est Chronica Oppidi Modoëtiæ vetustissimum, eoque a nobis infra scriptis Notariis diligenter, & accurate lecto, etiam ad presentiam præfati D. Capitanei, & præfatorum Dominorum Canonicorum, & Deputatorum, nec non infra scriptorum testium, quatenus per tempus licuit, compertum fuit in eadem Chronica descripta esse Capitula infra scripta, & videlicet folio decimo Capitulum tenoris huiusmodi, videlicet: In quadam Chronica existente in Bibliotheca Canonica S. Ioannis Baptiste Modoëtiæ manuscripta in carta membrana descripta sunt infra scripta Capitula, videlicet folio decimo Capitulum tenoris huiusmodi, videlicet, & quod Capitulum est vigesimum primum in ordine. Cum narrare decreverimus quare Imperatores instituerunt Terram de Modoëtiæ caput Lombardiæ, & eam sic affirmant esse, & quare debeant ibi in Ecclesia S. Ioannis Baptiste coronari, possumus ostendere pluribus

bus rationibus, & exemplis &c. Adest & aliud Capitulum XXII. in eadem Chronica tenoris huiusmodi, videlicet: Karolus Magnus huius nominis Primus &c. In eadem etiam Chronica folio XII. adest Capitulum, quod est XXVIII. in ordine tenoris huiusmodi, videlicet: Otto Henrici Alamanorum Regis filius &c.

Quum autem prefatus D. Capitaneus, dicti DD. Canonici, deputati, & ego Iulianus Notarius ut supra, ac dicti infra scripti alij Notarij, & testes predictis expeditis egressi essemus dictum Archivum, nobisque omnibus existentibus in Ecclesia predicta, Canonici ipsi prefato D. Capitaneo, ac dictis Deputatis, & nobis Notarijs, & testibus infra scriptis quamdam tabulam marmoream in muro posteriori loci, super quo cantantur Epistola, & Evangelium in eadem Ecclesia, quando Misse solemnes celebrantur, affixam ostendissent, asseverantes in eadem sculptas esse caerimonias solitas in huiusmodi coronationibus servari, propterea ego Iulianus Notarius, ut supra, cupiens huius rei veritatem indagare, & elicere, apposita iuxta dictam marmoream tabulam scala, per gradus ascendens ipsi tabula propinquus factus, assistantibus, & presentibus, videntibusque predictis D. Capitaneo, Canonicis, Deputatis, & Notarijs, ac testibus infra scriptis, cum vidissem in ea Tabula sculptas esse plurimas statuas, & infra scriptas etiam quasdam literas, descripsi statuas ipsas, ac literas, & comperi, quod in tabula ipsa sculptum est Altare maius &c.

Quibus omnibus peractis, iussu prefati D. Capitanei, & auctoritate nobis attributa per Reverendissimum, & Magnificum Senatum, Ego Iulianus Piscina una cum infra scriptis Notarijs de predictis omnibus, & singulis tam a dicta Chronica, quam a supra scripta tabula marmorea fideliter extractis, hoc publicum transumptum confecimus, publicum de eo tradimus Instrumentum.

Acta hac fuerunt in Palatio Communis Modoëtiæ presentibus Venerabile D. Presbytero Ioanne de Rippa Canonico predictæ Ecclesiæ S. Ioannis Baptistæ, nec non &c.

## C A P. XV.

Quaritur num S. Gregorius M. Archiepiscopus Mediolanensis ius eligendi Reges Italia contuleris. Negatur. Sub Francis Cesaribus hoc ius obtinere capit.

Explicata Modoëtiensis Archipresbyteri præstantia restat, ut aliquid de Mediolanensis Archiepiscopi iure in eligendis Regibus Italicis commentemur. Siquidem Sigonius lib. 1. de Regno Ital. Anno 601. hæc scribit: Mediolanenses prædunt Annales, Mediolanensem Archiepiscopum eo iure a Gregorio Pontifice decoratum, ut vacante Italiæ Regno,



*Regno, ipse post XIV. dies Suffraganeorum suorum Concilium advocaret, atque ex eorum sententia Regem constitueret, eumque Corona ferrea a Theodelinda instituta Modeste redimiret.* Quod Sigonius alieno tantum nomine tradit, Gaspar Bugatus in Hist. univers. lib. 2. ad Annum 603. probavit, tum Morigia in Hist. Mediol. lib. 1. cap. 8. Joseph Ripamontius lib. 8. Dec. 1. Hist. Eccles. Mediol. alique Mediolanenses Historici retulere. Ego horum testimoniis recensendis supersedeo, utpote cuilibet obvis, & e MS. Codicibus longe antiquioribus sententiam hanc peti oportere censeo. Seculo Christianæ Epochæ decimo tertio vivebat Philippus a Castro Seprii, qui res Mediolanensium memoriz prodebat. Ex ejus Chronico hæc refert Gualvaneus Flamma cap. 503. Chron. Majoris MS. *Statuit B. Gregorius Papa de consensu Senatus, quod Archiepiscopus Mediolanensis convocatis omnibus suis Suffraganeis Episcopis eligeret unum virum virtuosum, & imperio aptum, non in Imperatorem, sed in Comitem totius Italiæ &c.* Addit infra: *Si autem Archiepiscopus Mediolanensis a Regni vacatione Comitem Italiæ non eligeret infra dies XIV., pro illa vice cadebat a iure suo, & electio pertinebat ad Papam.* Hoc privilegio usi sunt Archiepiscopi de Mediolano, sicut expresse habetur de Valperto, & Heriberto, & pluribus alijs Archiepiscopis. Ad hoc etiam Mediolanensium Archiepiscoporum jus procul dubio respexit Auctor Chronici de Comitibus Angliæ, qui, ut alibi dictum est, seculo Christi decimo tertio floruit, ubi *Alionum filium quondam Regis Millij de Inglexio Regis Italiæ electum fuisse, & factum Comitem totius Italiæ Anno DCVI. per consilium generale Domini Archiepiscopi Mediolanensis Constantij scribere non dubitavit.* Verum ne nostris quidem Mediolanensibus assentari didicimus, qui veritatem ubique præ oculis, veluti Historiæ animam, habendam esse arbitramur. Commentitium igitur appellare nunc liceat privilegium istud Archiepiscopis tantæ Urbis a Gregorio concessum, quam sententiam rationibus exemplisque probare contendam. Nemo est, qui nesciat Gregorii M. temporibus infelicem Italiam geminis parvulis Principibus, videlicet Græcis Imperatoribus, & Langobardorum Regibus. Hi non solum totum agrum, qui Pado alluitur, sed alias quoque provincias occupaverant, sui que imperii fines tam late protulerant, ut ipsas urbes Beneventum, Spoletum, Forum Julii, aliasque, ut refert Paulus Vvarnefridi, insignia Oppida barbaræ ditioni adiecerint. Græcis vero Imperatoribus cum Ravenna, ejusque Exarchatu, ipsa Roma, aliasque provinciæ adhuc obtemperabant. Quis igitur per ea tempora credat, a Gregorio Magno in Mediolanensem Archiepiscopum eligendi in Italiam Regis jura fuisse translata? Irritus sane S. Pontificis conatus fuisset, si Italiam & Græcorum, & Langobardorum juribus tunc subtraxisset, quum utraque natio aut vi gladii, aut successionis antiquitate provinciam nostram teneret. Sed & ab eorum temporum, Gregorijque moribus ea sententia abhorruisset, quippe ex

eiusdem Vita per Joannem Diaconum scripta, atque ex ejus Epistolis constat, nihil ei antiquius fuisse, quam intacta Græcis Augustis jura servare, provinciasque Italicas in eorum obedientia continere. Ad hæc cur Mediolanensi Archiepiscopo conferret, & non sibi jus eligendi Regis retineret Gregorius, quum Romæ non minus quam Mediolani imperaturus Rex ille fuisset? Quæ tamen prorsus opinionem hanc evertunt, exempla sunt, eaque vulgaria; Etenim post Gregorii mortem ad Caroli usque Magni tempora Græcis Imperatoribus eadem fuit, ac antea fuerat, regnandi in Italia consuetudo, atque potestas. Sive armorum potentia, sive jus succedendi Principes illos ad solium pervaderet, nullo Mediolanensis Antistitis suffragio illi indiguere, ut iuste in Italia imperarent. Neque diversa regnandi ratio apud Langobardos fuit, quos Paulo Diacono teste aut a Regni Optimatibus Langobardis electos fuisse, aut parentibus successisse liquet. Atq; hæc pauca sufficiant e multis, quæ in hanc rem proferri possent. Quod enim est ad eruditissimos Scriptores, illi de tam præclaro privilegio omnes dubitare videntur. Sigonius enarratis iis, quæ supra retulimus, addit: *Quod ius a Rege ullo Longobardorum usurpatum, Paulus nusquam ostendit &c.* Lib. vero 4. idem Auctor sic loquitur: *Carolus M. Regnum Italicum, sibi iure victoria vindicavit. Quod ut novo præterea iure sanciret, vetus, ut putabatur, Pontificis Gregorii Decretum adhibuit.* Sed tamen hæc in re Mediolanensibus fidem abrogare non posse proficitur Sigonius, quod hoc muneris Gregorium Theodelindæ petenti tribuisse non sit absolum. Hæc ille, atque utinam tam vere quam modeste; nam & nos, si firma argumenta pro hoc tanti Archiepiscopi iure succurrerent, in eius sententiam lubentissime iremus. Eandem porro opinionem a Sigonio mutuatus Erycius Puteanus lib. 2. Hist. Insubr. proposuit, si tamen, inquit, *Annalibus est fides*; in notis vero ad hæc verba addit: *Patria Mediolanensium lingua conscriptis.* Atque hinc est, quod doctissimus Cointius in Annal. Franc. ad Annum 774. relatis Sigonii, ac Ripamontii verbis in hanc sententiam loquitur: *At ubi legitur hoc Privilegium? Quando habitum ab Archiepiscopo Mediolanensi, & Comprovincialibus Episcopis Concilium; ut ex eorum sententia Rex Italia crearetur? Filicia profecto sunt, quæ temporibus Theodelinda Regina de Corona Ferrea, deque Privilegio concessa a Gregorio Magno circumferuntur.* Emanuel quoq; Thesaurus lib. 3. de Regno Italiz S. Henricum Imperatorem hujus nominis Primum ab Arnulfo Mediolanensi Archiepiscopo contra Ardoinum regnantem Regem electum, Sceptroque Italico fuisse donatum scribit, sotto intempestivi pretesti (hunc eius verba) *d'un' antica Costituzione di S. Gregorio Magno, priva d'autorevole testimonianza, ne mai vicevnta, o praticata fra' Longobardi.* In notis vero ad Thesaurum Valerianus Castillionæus multa assert, quæ penitus hoc privilegium explodat. Puteani tamen verbis, quibus plurimum insitit, deceptus est ille, nam non Annales tantum patria

patria Mediolanensium lingua conscripti, sed vetustissimæ etiam Historiæ Latino sermone lucubratur. privilegii istius mentionem fecere. Quod etiam magis mirere, Gualvaneus cap. 674. de Ilduino Archiepiscopo Mediolanensi circiter Annum Christi 930. hæc habet. *Hic fuit primus Archiepiscopus, qui de electione Imperatoris se unquam intromisit; Ipse enim congregato Concilio Prælatorum, & Baronum in Ecclesia S. Ambrosii elegit in Regem Italia Vgonem Regem Burgundie.* Quibus animadvertens ea fortasse nobis sententia placeat, non a Gregorio Magno, sed a Gregorio V. potius privilegium huiusmodi prodiisse, quod etiam Blondus lib. 3. Dec. 2. scripsit, Auctoresq; eorum nomina confudisse. Certe ab hoc Pontifice Imperatorum, Regumque Italiæ electionem, novis sanctionibus ornatam, & confirmatam fuisse, quamplures tradunt, legiturque in c. venerabilem extra. de Electione, & Electi potest. Verum utcumque se res habeat, etsi Archiepiscopo Mediolanensi ius eligendi Regis a Gregorio M. tributum non fuerit, extra omnem tamen dubitationis aleam positum reor, huiusmodi iure primum sub Carolo Magno, eiusque Successoribus Antistites Mediolanenses frui cœpisse. Et Francisquidem Regibus per ea tempora Langobardorum, provincia parebat, sed Regum illorum iura Episcoporum, Procerumque in Langobardia viventium electione, aut saltem approbatione nitentur. Quum vero totius provinciæ primas absque dubio teneret Mediolanensis Præsul, æquum erat, ut eligendi Regis potestas ad illum præcipue pertineret. Illustre huius rei documentum dabo, nempe Synodum Ticinensem habitam Anno 876. a Synodo Pontigonensi eodem Anno confirmatam, & ab eo, qui Aimoini Historiam prosequitur, ab Annalibus Bertinianis, a Sirmondo, atque a Labbeo publicè iuris factam. Ibi Carolus Calvus Imperator Cisalpini Regni patronus, Dominus, ac defensor eligitur, præeunte omnium sententiæ Ansperto S. Mediolanensis Ecclesiæ Archiepiscopo. Nos unanimiter, aiunt Patres, vos Carolum protectorem, Dominum, ac defensorem nostrum omnium eligimus, cui & gaudentes toto cordis affectu subdi gaudemus. Lectorum patientia facile abuterer, si singulos Regum Italicorum, ab Archiepiscopo Mediolanensi ad solium erectos enumerarem. Duobus vetustissimi Auctoribus contentus heic ero, primusque erit mihi Landulfus senior Mediolanensis Historicus, qui, ut alias significavi, sub seculi Epochæ nostræ undecimi finem Historiam scripsit S. Datii nomine celebrem, & apud nos hodie MS. Ab Arnulfo Archiepiscopo Henricum Primum electum fuisse his verbis narrat: *In Ronchalia Arnulfus cum omnibus Italiæ primatibus colloquium statuit, ubi cum diverse de Regni negotiis tractassent, Arduini spreto dominio, quod malis artibus usurpaverat, Henricum Tentonicum scientia illustrem, armis fortissimum, militumque copiis abundantem, ac divitiis affluentem elegit.* Idem tradunt Gualvaneus, Sigonius, ceteriq; Scriptores. Quamobrem aliquibus saltem seculis Archiepiscopos Mediolanenses iure eligendi Regis usos

fuisse, nemo inficias ibit. Accedit alter Scriptor, videlicet Arnulfus, & ipse Mediolanensis Historiographus, cuius Historiam eodem seculo undecimo compositam in Ambrosiana Bibliotheca MS. adservamus. Conradum Primum circiter Ann. Christi 1024. a Germanis renunciatum Regem Heribertus Mediolanen. Archiepiscopus Italici Regni accessione potentior effecerat. Anno vero 1027. quum Romam Conradus se contulisset, ut Augustalia insignia de manu Pontificis Magni reciperet, inter Mediolanensem, Ravennatemque Archiepiscopos controversa exarsit, dum quisque Regem coronandum Pontifici sistere vellet. Hinc singulorum Civium pro suis Archiepiscopis studia excitata, & ad tumultum seditionemque res adducta. Quid tum Conradus? Audi Arnulfum: *Rex igitur tumultuantium strepitu attonitus, cognita tandem rei veritate, gradum scandens, taliter est concionatus: Certum quidem est Reverendi Patres, quod sicut privilegium est Apostolica Sedis consecratio Imperialis, ita Ambrosiana Sedis privilegium est Electio, & Consecratio Regalis. Unde ratum videtur, ut manus, quæ benedicit, & prius Coronam Regi imponit, si præsens fuerit, repræsentet Regem ad Imperium promovendum S. Petro, & eius Vicario, quatenus Ambrosiano testimonio iure possit imperare, qui ab Ambrosiana consecratione didicit, & capit regnare &c.* Huius rei gestæ fidem non Arnulfus tantummodo, Tristanus Chalcus, Gualvaneus, Sigonius, alique Scriptores faciunt, verum superest adhuc illius insigne monumentum in Capituli Metropolitani Bibliotheca, ubi antiquissimus Beroldi MS. Codex legitur, atque in eo Historia hæc ita inscripta: *Commemoratio superbie Ravennatis Archiepiscopi &c.* Illic non semel ego legi, sed & ante me legerat Puricellus, a quo luci tradita fuit in vita Laurentii Litz cap. 24. num. 29. Videas ibi iisdem fere verbis descriptam Conradi Orationem. Et quandoquidem in ea Antistiti Mediolanensi electio, & consecratio Regum Italicorum luculenter tribuitur, nullum expectes huius iuris uberius testimonium.

## CAP. XVI.

*Coronationum ritus varii explicantur. Othonis M. Coronatio descripta. Vetusissima Liturgia e MS. Codicibus deprompta proponitur.*

Qui vero coronationum ritus forent, diligenter nobis explorandum videtur, ut quantum licet Coronæ ferreæ usus per nos illustretur, atq; ut copiosorem segetem scribendi Clarissimo Vuagensilio paretur, qui de Coronis Cæsareis amplissimum Commentarium meditatur, uti me per literas certiore fecit celeberrimus Medicæ Bibliothecæ Præfectus Antonius Magliabechius. Hoc autem mea quidem sen-

sententia præstari melius non poterit, quam si ex antiquis Codicibus MS. in Ambrosiana Bibliotheca extantibus, & ex aliis documentis luce adhuc carentibus singula describamus, Itaque exordium a MS. Chronico Comitum Angliæ ducamus, cuius Auctorem (Danielem fortassis nomine) seculo Christi decimo tertio floruisse iam diximus. Is quidem Comitibus Angliensibus nimium addictus plura in eorum gratiam commentatur, quæ suspitione falsi absolvere vix possum; Attamen heic nonnulla invenias, quæ ad veritatem accedere nemo negabit. Ita igitur hic Auctor loquitur:

*Quando Rex Alamania electus est, & qui est Rex Romanorum, debet venire in Italiam ad recipiendam primam Coronam Imperii, quam debet recipere in Civitate Mediolani in Ecclesia S. Ambrosii. Et ante quam recipiat istam Coronam, dictus Rex debet iurare super Missale S. Ambrosii, quod poni debet extra dictam Ecclesiam, ubi est Lapis marmoreus directus, & istum Librum, sive Missale dicti Comites de Inglexio debent præstare dicto Regi, qui Comites sunt obedientes tam in Spiritualibus, quam in Temporalibus S. Romanæ Ecclesiæ. Quorum primum sacramentum est, quod Imperator obediens erit S. Romanæ Ecclesiæ, & Domino Apostolico, & omnibus Sanctis obedientibus dicti Apostolici, & tam in temporalibus, quam in spiritualibus. Et quæ Corona debet esse de ferro, & debet amplexari dictum directum Lapidem, & sicut Lapis directus est, ita directus debet esse iustitia in ipso Imperatore. Et qui major est prior de istis Comitibus de Inglexio, debet habere Crucem in manu. Et dictus Rex, sive Imperator debet flectere genua ante dictam Crucem Christi, & osculari Christi pedes. Et iste Comes debet portare Crucem istam, & quando vadit ad Altare S. Ambrosii, ubi est sculptus in lapide Hercules, qui est signum istorum Regum, & Comitum de Inglexio, & qui Hercules est a parte dextera cundo versus Altare S. Ambrosii, & iuxta dictum Herculem debet poni iuxta Crucem, & debet dictus Imperator flectere genua ante Crucem, & debet osculari pedes dicti Herculis, & hoc ex quadam regula, & honore istorum Dominorum Regum, & Comitum de Inglexio. Et prædictis factis debet prædictus Imperator post dictam Crucem ire ad Altare S. Ambrosii, & ibi se inclinare, & flectere genua, & debet esse ibi dictus Archiepiscopus Mediolani, sive Abbas S. Ambrosii, & dictus Comes de Inglexio debet accipere Coronam de capite Imperatoris, & eam ponere super Altare S. Ambrosii, & dictus Dominus Archiepiscopus, sive Abbas S. Ambrosii tunc debet dare dicto Imperatori suam benedictionem. Dictus Comes de Inglexio debet accipere Coronam de Ferro, & ponere super caput dicti Imperatoris, & debent ibi esse duo de quadam Parentela de Mediolano de Porta Nova, qui nominantur Cotti, qui duo debent accipere dictum Dominum Imperatorem in brachiis, & ipsum ferre ad Cathedram S. Ambrosii, & eum ibi ponere, & dictus Comes de Anglexio, qui coronavit dictum Imperatorem, debet se genibus flectere coram dicto Imperatore, & sibi osculari pedem*

*pedem dexterum, & illi duo de Cortis debent sibi osculari pedem sinistrum. Et tunc dictus Imperator debet confirmare dictos Comites de Inglezio in suis honoribus, & Regalibus, sicut fecerunt alii Imperatores. Et praedicti Comites debent facere fieri publicum Instrumentum, quomodo, & qualiter dictus Imperator recepit dictam Coronam, & fuit obediens in omnibus tam Temporalibus, quam Spiritualibus. Et post istam Coronam dictus Imperator non debet habere moram in Civitate Mediolani ultra tres dies, nisi casus infirmitatis accideret.*

Auctorem Anglieriensis Chronici ferme descripserunt Gualvaneus Flamma cap. 506. Chronici Majoris, & Auctor alterius Chronici MS. de antiquitatibus Civitatis Mediolani, cui titulus est *Flos Florum*. Ea de causa ab eorum verbis heic iterum inculcandis abstinco, eo maxime quia Gualvanei locum retulerit Puricellus in Monum. Basil. Ambr. num. 102. Ceterum in collatione Augustalis Coronæ pluribus exemplis constat, Imperatores sacris Diaconi, vel Subdiaconi, vestibus cinctos incruento Sacrificio ministrasse. Hoc autem & olim in coronatione Italicorum Regum fuisse usurpatum, luculentis probabo auctoritatibus. Florebat, ut alibi significatum est, seculo Christi XL Landulfus, cuius Historia Mediolanensis MS. apud nos sub Datii nomine populari errore legitur. Describit ille Othonis Magni coronationem in Ambrosiana Basilica peractam anno 961. his plane verbis: *Otho ab omnibus in Regem magnis cum triumphis Mediolanum electus, & sublimatus est. Interea Valperto Mysteria Divina celebrante, multis Episcopis circumstantibus Rex omnia Regalia, lanceam, in qua Clavus Domini habebatur, & ensen regalem, bipennem, baltheum, Chlamydem Imperialem, omnesq; regias vestes super B. Confessoris Ambrosii Altare deposuit, perficientibus, atque celebrantibus Clericis, omnibusque Ambrosianis Ordinibus divinarum solemnitatum mysteria, Valpertus magnanimus Archiepiscopus omnibus regalibus indumentis cum manipulo sub Diacone Corona superimposita, astantibus B. Ambrosii Suffraganeis universis, multisque Ducibus, atque Marchionibus, decentissime, atq; mirifice Othonem Regem collaudatum, & per omnia confirmatum induit, atq; perunxit. Iuvat & heic Gualvaneo aures præbere ita dissenti cap. 506. Chron. Majoris: De Othone primo legitur, quod quando debuit coronari in S. Ambrosio deposuit omnes regias vestes, & in modum Subdiaconi indutus fuit striete cum manipulo in sinistra manu. In Manipulo vero Florum rem eandem describit, ac ait: *Postea stola, & manipulo induitur quasi Subdiaconus (seu Diaconus, ut fert Puricelli exemplar) & celebratis Mysteriis Archiepiscopus Valpertus ipsum Othonem laudatum, & confirmatum in Imperatorem, perunxit, ac Coronam capiti eius imposuit.* Sigismundi Imperatoris coronationem anno 1431. in Ambrosiana Basilica Mediolani celebratam, quam describunt Corius in Historia Mediolanensi, & luculentius Morigia in Hist. Mediol. lib. 1. cap. 25. nunc omittere satius duxi, & plurima quoque alia Scriptorum docu-*

documenta, ne inutili, ac ambitiosa exemplorum verborumque copia chartam potius impleam, quam Lectores nova eruditione instruam. Quoniam vero ad perfectiorem huius materię formam futurum est, ut plurimum conducatur, si & Liturgia proferatur, quę in ipsa Italicorum Regum coronatione usurpabatur, en antiquissimam exhibeo e MS. Codice descriptam. Modoëtiensi in Archivio monumentum hoc olim extabat, ejusq; exemplar inde educendum curavit doctissimus vir Ioannes Baptista Blanchinus Mediolanensium antiquitatum egregius cultor, illudque mihi perhumaniter communicavit. Arbitrabar ego primum, his precibus ritibusque Henrici VII. coronationem fuisse designatam, atque decoratam. Verum intime rem perpendenti ad tempora longe antiquiora Liturgiam hanc esse referendam visum est mihi. Ex enim uni tantummodo Regi hos ritus inservisse patet, quum tamen una quoque cum Henrico VII. eius conjux Margarita Augusta Coronam sumserit. Pręterea in Italici Regni jura successisse patribus suis Henricus iste dicitur iis verbis: *Ita, & retine a modo locum, quem hucusque paterna successione retinui, hæreditario iure tibi delegatum &c.* Quę sane verba Henrico VII. convenire nequaquam possunt, quum hic e Germanicorum Electorum voto Imperium obtinuerit, & nemo ex ejus Majoribus Cæsarea Dignitate auctus aliquando fuerit. Additur etiam: *Pt regale solatium Saxonum . . . . . aliorumque populorum sibi subditorum sceptrum non deserat &c.* Quod Henrico VII. non ita liquido tribui potest; non enim is in Saxoniam revera dominabatur. Scriptores quidem Mediolanenses tradunt, provinciam illam, atque Normandiam Italicę ditioni ab Othone Magno fuisse conjunctas, ita ut cum Mediolanensi Corona non in Italiam solum, sed in eas quoque provincias iura Cæsaribus conferrentur; At ex Modoëtiensi marmore didicimus, aliisq; auctoritatibus ostendi potest, coronatione Insubrica Reges tantum *fertilis Italię* Augustos pronuciari. Demum ante Henrici VII. tempora procul dubio usurpabatur hæc Liturgia, nam ut Bonincontrus lib. 2. cap. 6. Chron. Modoëc. memorat, idem Imperator e Modoëtiensi Sacratio accipi iussit baculum abbati, & Libellum Orationum ad eius coronationem locum habentium, qui dudum in dicta Ecclesia B. Ioannis fuerant. Igitur Henricum potius Quartum, quam alios Henricos, Liturgia nostra respicit, qui seculo a Christi ortu duodecimo ineunte Mediolanensi Corona redimitus fuit; Is enim e Saxonum sanguine prodierat, atque in eam provinciam potestatis iura exercebat. Similis autem Liturgię Sigonius mentionem habet initio lib. 4. de Regno Italię, ubi Italicam coronationem describens in hanc sententiam loquitur: *Ea res maxima fieri caremonia consuevit, quę in Rituali antiquissimo continetur, qui Ordo Romanus vocatur. Perducto scilicet per Episcopos ex cubiculo in Templum, atque ad aram maximam Rege, Archiepiscopus post solennes aliquot preces effusas populum alloquutus interrogabat, num se tali Regi subiicere, atque illius*

man-

mandatis, & inssionibus constanti fide vellet obtemperare? *Phi* vero populus se velle responderat, Regis caput, pectus, scapulas, atque ipsas brachiorum compages Oleo Sancto ungebat, Deum orans, ut in bello gerendo, & in sobole propaganda votis eius annueret. Ornato deinde ense, armillis, pallio, annulo, & sceptro Coronam imponebat, & per Chorum ductum in solio collocabat, atque osculo pacis oblato divinam inde rem faciebat. Hæc Sigonius ex Ordine Romano mutuatus, quæ Regum omnium, velextra Italiam, coronationi adhiberi posse videntur. Nostra vero Liturgia Mediolanensem tantum coronationem in Ambrosiana Basilica peractam respicit, in usu etiam futura, si quando contingat, ut Romanorum Reges designati sola electione minime contenti Italicarum Coronarum splendorem expetant, amentq; Imperii iura Augustali diademate e Summi Pontificis manu suscepto firmiora efficere.

## C A P. XVII.

*Liturgia ferme ante sexcentos Annos in Mediolanensi  
Imperatoris Henrici coronatione usurpata, atque  
e MS. Codice descripta.*

**I**ncipit Ordo ad consecrandum Regem. Veniant cum magna processione in Palatium Regis Episcopi suffraganei Episcopaliter parati, & Chorus Majorum decenter adornatorum cum Crucibus, & incenso, ut mos est in solemnitatibus incedere. Et illi de centum cum Primicerio, qui Primicerius habeat pluvialem, & baculum cum Thuribulo, & Cruce. Ipsi vero habeant Cottas albas.

Modus Processionis talis est.

Primo incedunt Vegloni, & Veglonæ decenter ornati, & ornata. Secundo incedunt Clerici de numero centum. Tertio Chorus Ordinariorum cum suis Officialibus. Quarto incedunt Episcopi Suffraganei. Cum autem pervenerint ad Palatium, ubi est Rex, dicat unus Episcoporum hanc Orationem:

*Dominus vobiscum. &c. Et cum spiritu tuo.*

*Omnipotens sempiterne Deus, qui famulum tuum Henrichum, Regni fastigio dignatus es sublimare, tribue ei quasumus, ut ita in eius seculi cursu cunctorum in communem salutem disponat, quatenus a tua veritatis tramite non recedat. Per Dominum &c.*

Postea suscipiant duo Episcopi dextrâ, lævâque: Clerici autem cantant responsorium:

*Dirumpam vincula populi mei, dicit Dominus, & disperdam omnia mala, quæ induxi super eos, ut auferam univrsam dolorem a facie terra, & a Civitate ista. Versus. Israel si me audieris, non eris in te Domi-*



*nus recens, neque adorabis Dominum alienum.*

Deducitur Rex ab ipsis Episcopis cum processione usque ad Ecclesiam Beati Ambrosii Ducibus, Marchionibus, nobilibusque cum populo ipsos Episcopos, & Regem comitantibus, Clericis autem canentibus Psallendas:

*Benedices Coronam anni benignitatis tuae, & campi tui replebuntur ubertate.* Psalmus. *Te decet hymnus Dominus in Sion, & tibi reddetur votum in Hierusalem.* Antiphona secunda. *Benedictus homo Domine, quem erudieris, & de lege tua docueris.* Antiph. III. *Lucundus homo qui disponit sermones suos in iudicio, non movebitur in aeternum.* Antiphona IV. *In via peccatorum non stetit, & in Cathedra pestilentiae non sedit, sed in lege Domini fuit voluntas eius.* Antiphona V. *Erit iustus tanquam lignum fructiferum, quod plantatum est secus decursus aquarum.* Antiphona VI. *Desiderabilia sunt Deus mandata tua super aurum, & lapidem pretiosum, & dulciora super mel, & farum.* Antiphona VII. *Et si coram hominibus insecutus est, Deus tentavit illum, tanquam aurum in fornase probavit eum, & sicut holocausti hostias accepit illum.* Antiphona VIII. *Dicit Dominus: super quem requiescam? super humilem, & mansuetum tremementem verba mea.* Antiphona IX. *Sicut fui cum Moysse, ita ero tecum, dicit Dominus. Confortare populum tuum, ne timeas, ecce Dominus Deus tuus ante te, & non te derelinquet.* Antiphona X. *Ecce mitto Angelum meum, qui praecedat te, & custodiat semper. Conferua, & audi vocem meam, & praecedat te Angelus meus.*

Ad Ostium autem Ecclesiae Clerus subsistat. Alter Episcopus dicit Orationem hanc: *Dominus Vobiscum. R. Et cum spiritu tuo.*

*Deus qui suis genus humanum nulla virtute posse subsistere, concede propitius, ut famulus tuus Henrichus, quem populo tuo voluisti preferri, ita tuo fulciatur adiutorio, quatenus quibus potuit praesse valeat, & prodesse. Per Dominum &c.*

Intergressi cantent Clerici Antiphonam: *In virtute tua Domine letabitur Rex, & super salutare tuum exultabit vehementer. Desiderium animae eius tribuisti ei Domine.* Usque ad introitum Chori. Illis autem subsistentibus dicat Dominus Archiepiscopus: *Dominus Vobiscum.*

*Omnipotens sempiternae Deus Coelestium, terrestriumque moderator, qui famulum tuum Henrichum ad Regni fastigium provehere dignatus es, concede quasumus, ut a cunctis adversitatibus liberatus & Ecclesiasticae pacis donuminiatur, & ad aeternae pacis gaudia te donante pervenire mereatur. Per Dominum &c.*

Cantent Clerici Antiphonam post Kyrie cum Gloria. *Exaltent eum in Ecclesia plebis, & in Cathedra seniorum laudent.*

Post haec inter manus Episcoporum perductus in Chorum usque ad Altaris gradum incedat, cunctoque pavimento tapetibus, & paleis

contacto, ibi afferantur Regalia, & deponatur corona in Altari. Tunc interrogetur ipse Princeps a Domino Archiepiscopo per hunc modum:

*Vultis sanctas Dei Ecclesias, ac Rectores earum (additiones tempore D. Ludovici Regis Romanorum. Canonice institutos, & secundum Religionem Christianam debitam viventes), nec non & cunctum populum sibi, & vobis subiectum iuste, ac religiose regali providentia iusta morem patrum defendere, ac regere?*

Responsio Regis: *Profiteor in quantum divino fultus adiutorio, ac solatio omnium Fidelium meorum valpero, ita me per omnia esse acturum.*

Dominus Archiepiscopus coram omnibus addat legens: *A vobis perdonari petimus, & unicuique de vobis, & Ecclesiis nobis commissis Canonicum Privilegium (additio eiusdem: Sacro Imperio nobis, & Successoribus nostris non obvians, nec derogans honori Imperiali in aliqua parte), ac debitam legem, atque Iustitiam conservetis, ac defensionem exhibeatis, sicut Rex in suo Regno unicuique Episcopo, & Ecclesie sibi commissa per rectum exhibere debet.*

Ad hoc Rex respondeat, & taliter dicat: *Promitto vobis Sanctissimi Patres, & perdono, quia unicuique de vobis, & Ecclesiis vobis commissis Canonicum Privilegium (additio eiusdem: Prout iam promissum est), & debitam legem, atque Iustitiam servabo, & defensionem, quantum potuero adiuvante Domino exhibebo, sicut Rex in suo Regno unicuique Episcopo, & Ecclesie sibi commissa per rectum exhibere debet.*

Deinde alloquantur duo Episcopi populum in Ecclesia, inquirentes eorum voluntatem, si tali Principi, ac Rectori se subicere, ipsiusque Regnum firma fide stabilire, atque inssionibus obtemperare velint, & si concordēs taliter sunt in consecratione, qualiter fuerint in electione, & si concordēs invenerint, agant gratias Deo, & omnis plebs cantet *Kyrie eleison*. Post hæc ante Altare Rex totus in Cruce prostratus cum Episcopis jaceat, & Presbyteris desuper Choro Letanias agentibus: *Domine miserere. Domine miserere. Domine miserere. Christe libera nos. Salvator libera nos. Christe libera nos. Salvator libera nos. Christe libera nos. Salvator libera nos. Sancta Maria. Sancte Michael. Sancte Gabriel. Sancte Raphael. Sancto Ioannes. Sancte Petrus. Sancte Paulus. Sancte Andreas. Sancte Thomas. Sancte Luca. Sancte Stephanus. Sancte Clemens. Sancte Nazari. Sancte Celse. Sancte Gervasi. Sancto Protasi. Sancte Grisante. Sancta Daria. Sancte Pantaleon. Sancte Ambrosi. Sancte Satire. Sancta Marcellina. Sancta Candida. Sancta Iustina. Sancte Benedicte. Omnes Sancti. Exaudi Christe. Voces nostras. Exaudi Christe. Voces nostras. Exaudi Christe. Voces nostras. Exaudi Deus. Et miserere nobis. Exaudi Deus. Et miserere nobis. Kyrie eleison. Kyrie eleison.*

Fi.

Finitis Letaniis erigant se Episcopi, & unus eorum dicat Dominus vobiscum. R. Et cum spiritu tuo.

Te invocamus Domine Sancte Pater omnipotens aeternae Deus, ut huic famulum tuum Henrichum, quem tua divina dispensationis providentia in primordio plasmatum usque in hunc praesentem diem inveniri flo-  
re letantem crescere concessisti, cum tua pietatis dono ditatum, plenum-  
que gratia veritatis de die in diem coram Deo, & hominibus ad meliora  
semper proficere facias, ut summi regiminis solium gloriae supernae largi-  
tate gaudens suscipiat, & misericordiae tuae muro ab hostium adversitate  
undique munitus plebem sibi commissam cum pace propitiationis, & vir-  
tute victoria feliciter regere valeat. Per Dominum &c.

Tunc alius Episcopus appropinquans dicit hanc Orationem.

Deus qui populis tuis virtute consulis, & amore dominaris, da huic  
famulo tuo Spiritum Sapientiae cum regimine disciplina, ut tibi toto cor-  
de devotus in Regni regimine maneat semper idoneus, tuoque munere  
ipsius temporibus securitas Ecclesiae dirigatur, & in tranquillitate de-  
votio Christiana permaneat, ut in bonis operibus perseverans ad aeter-  
num Regnum te duce valeat pervenire. Per Dominum &c.

Alius Episcopus:

In diebus eius orietur omnibus equitas, & iustitia, amicis adiutorium,  
inimicis obsecutum, humilibus solatium, elatis correptio, divitibus  
doctrina, pauperibus pietas, peregrinis pacificatio, propriis in patria  
pax, & securitas unicuique secundum suam mensuram: moderate guber-  
nans se ipsum sedulus discat, ut tua irrigatus compunctione toti populo  
tibi placita praebeere vita possit exempla, & per viam veritatis cum  
grege gradiens sibi subdito opes frugales abundanter acquirat simul, ad  
salutem non solum corporum, sed etiam cordium, a te concessa cuncta  
accipiat, sicque vita cogitatum animi, consiliumque omne componens  
plebem gubernare cum pace simul ac sapientia semper invenire videatur,  
teque auxiliante praesentis vitae prolixitatem percipiat, & per tem-  
pora bona usque ad summam senectutem perveniat, huiusque fragilita-  
tis finem perfectum ab omnibus vitiorum vinculis tuae pietatis largitate  
liberatus, & infinita prosperitatis premia perpetua Angelorumque  
aeterna commercia consequatur. Per Dominum &c.

Tunc consecrat eum Metropolitanus in haec verba:

Omnipotens sempiternae Deus Creator, & Gubernator Caeli, & Terra  
conditor, & dispositor Angelorum, & hominum, Rex Regum, & Do-  
minus Dominantium, qui Abraham fidelem famulum tuum de hostibus  
triumphare fecisti; Moysi, & Iosue tuo populo praelatis multiplicem vi-  
ctoriam tribuisti; humilem quoque David puerum tuum Regni fastigio  
sublimasti, cuiusque de ore Leonis, & de manu bestiae, atque Goliath, sed  
& de gladio maligno Saul, & omnium inimicorum eius liberaisti, & Sa-  
lomonem sapientiae, pacisque ineffabili munere ditasti, respice propitius  
ad preces nostrae humilitatis, & super hunc famulum tuum, quem sup-

*plici devotione in Regnum pariter elegimus, benedictionum tuarum dona multiplicata, atque dextera tua potentia semper ubique circumdata, quatenus pradiſſi Abrahæ fidelitate firmatus, Moysi manſuetudine fretus, Iſue fortitudine munitus, David humilitate exaltatus, Sapientia Salomonis decoratus tibi in omnibus complaceat, & per tramitem juſtitiae inoffenſo grefſu ſemper incedat, & totius Regni Eccleſiam deinceps cum plebibus ſibi annexis ita enutriat, & doceat, munias, & inſtruat, contraq; omnes viſibiles, & inviſibiles hoſtes idem, potenter, regaliterq; tua virtute regimen Italicorum adminiſtret, ut Regale ſolatinum Saxonum ..... que, aliorumque populorum ſibi ſubditorum Sceptra non deſerat, ſed ad priſtina fidei, & pacis concordiam eorum animos te opitulante reformet, ut uterque horum populorum debita ſubiectione fultus cum digno amore per longum vitæ ſpatium paterna apicem gloria tua miſeratione unicum ſtabilire, & gubernare mereatur, tua quoq; proteſtationis galea munitus, & ſcuti inſuperabili jugiter proteſtus, armisque cæleſtibus circumdatus optabilis victoriæ triumphum de hoſtibus feliciter capiat, terrorem ſua potentiæ infidelibus inferat, & pacem tibi militantibus latanter reportet: virtutibus nec non quibus præfatos fideles tuos decoravi multiplici honoris benedictione condecora, & in regimine Regni ſublimer colloca, & oleo gratiæ Spiritus Sancti perunge, Per Chriſtum Dominum noſtrum &c.*

✠ Tum ungatur Rex a Domno Archiepiſcopo ad modum Crucis in ſpatulis de Oleo exorcizato, & cantent Clerici Antiphonam.

*Dilexiſti juſtitiam, & odiſti iniquitatem; propterea unxit Deus Dominus tuus oleo lætitiæ præ conſortibus tuis. Vixerunt Salomonem Sadoch Sacerdos, & Nachaz Propheta Regem in Geon, & ambulantes læti dixerunt: Vivat Rex in æternum.*

*Qua finita proſequatur Domnus Archiepiſcopus:*

*Vnde unxiſti Sacerdotes Reges, & Prophetas, & Martyres, qui per fidem vicerunt Regna, & operati ſunt juſtitiam, atque adepti ſunt promiſſiones; cujus ſacraſſima unctio ſuper eum effluat, atque in interiora deſcendat, & cordis illius intima penetret, & promiſſionibus, quas adepti ſunt victorioſiſſimi Reges gratia tua, dignus efficiatur, quatenus & in præſenti ſeculo feliciter regnet, & ad eorum conſortium in cæleſti Regno perveniat. Per Dominum N. Jeſum Chriſtum Filium tuum, qui unctus eſt oleo præ conſortibus tuis, & virtute Crucis poteſtates æreas debellavit, Tartara deſtruxit, Regnumque Diaboli ſuperavit, & ad Cælos victor aſcendit, in cujus manu victoria omnis, gloria, & poteſtas conſiſtunt, & tecum vivit, & regnat in unitate ejusdem Deus per omnia ſecula ſeculorum. Amen.*

*Post unctionem dicatur:*

*Dominus Dei Filius Jeſus Chriſtus Dominus noſter, qui a Patre oleo exul.*

exultationis unctus est prae participibus suis, ipse per praesentem sacra-  
ti unguinis infusionem Spiritus Paracliti super te effundat  
benedictionem, eamque denique usque ad interiora cordis tui pene-  
trare faciat, quatenus visibili, & temporali dono invisibilia per-  
cipere, & temporalia regere iustis mundaminibus atque aeternali-  
ter cum eo regere merearis, qui solus sine peccato Rex Regum vivit,  
& glorificatur cum Deo Patre in unitate Spiritus Sancti Deus,  
Per &c.

Haec detur ei anulus a Metropolitano:

Accipe Regiae dignitatis anulum, & per hunc Catholica Fidei in  
te cognosce signaculum, quia ut hodie ordinaris caput, ac Princeps  
Regni, ac populi, ita per se veraciter actor, ac stabilitor Christia-  
nitatis, & Christiana fidei, & per hunc scias triumphali potentia  
hostes repellere, haerese destruire, subditos coadunare, & converti  
perseverabilitati Fidei Catholicae, ut felix in opere, locuples in fide,  
cum Rege Regum glorificeris in aeternitate per eum, cui honor, & glo-  
ria per infinita secula seculorum.

Sequitur Oratio:

Deus, cuius est omnis potestas, & dignitas, da famulo tuo prosperum  
sua dignitatis effectum, ut remunerante te permaneat, semperque te  
timeat, tibi que iugiter placere contendat. Per &c.

Postea ab Episcopis enslem accipiat, dicente Metropolitano:

Accipe gladium per manus Episcoporum, licet indignus, vice ta-  
men, ac auctoritate Sanctorum Apostolorum consecratus, tibi regaliter  
impositum, nostraeque benedictionis officio in defensionem Sanctae Dei  
Ecclesiae divinitus ordinatum, & esto memor, de quo Psalmista prophe-  
tauit dicens: Accingere gladio tuo super femur tuum potentissime, ut  
in Henrico per eum vim exerceas aequitatis, molem iniquitatis poten-  
ter destruas, & Sanctam Dei Ecclesiam, eiusque fideles propugnes, ac  
protegas, nec minus sub fide falsos, quam Christiani nominis hostes exe-  
cres, & destruas, viduas, & pupillos clementer adiuves, & defendas,  
restaures desolata, construas restaurata, ulciscaris iniusta, confirmes bene  
disposita, quatenus hoc agendo virtutum triumpho gloriosus, iustitia-  
que cultor egregius cum Mundi Salvatore typum geras in nomine sine  
fine merearis regnare, qui cum Patre &c.

Quo finito sequitur Oratio:

Deus, qui providentia tua caelestia simul, & terrena moderaris,  
propitiare Christianissimo Regi, ut omnis hostium suorum fortitudo  
virtute gladii spiritualis frangatur, ac te pro illo pugnante penitus con-  
teratur per Filium tuum Dominum nostrum &c.

Post haec Dominus Archiepiscopus Coronam capiti Regis cum Epif-  
copis suis imponat, & dicat:

Accipe Coronam Regni, quae, licet ab indignis, Episcoporum tamen ma-  
nibus capiti tuo imponitur, quamque sanctitatis gloriam, & honorem, &

opus

opus fortitudinis expresse signare intelligat, & per hanc te participem ministerii nostri non ignores, ita ut sicut nos in interioribus Pastores, Rectoresque animarum intelligimus, tu quoque in exterioribus verus Dei cultor, strenuusque contra omnes adversitates Ecclesia Christi defensor, Regniue a Deo tibi dati, & per officium nostrae benedictionis vice Apostolorum, omniumque Sanctorum tuo regimini a Deo commissi utilis executor, regnatorque perspicuus semper appareas, ut inter gloriosos athletas virtutum gemmis ornatus, & premio sempiternae felicitatis coronatus cum Redemptore, ac Salvatore IESU Christo, cuius nomen vicemque gestare crederis, sine fine glorieris, qui vivit, & imperat Deus cum Deo Patre in unitate Spiritus Sancti.

Oratio: Deus perpetuitatis lux virtutum cunctorum hostium victor benedic hunc famulum tuum tibi caput suum inclinantem, & prolixa sanitate, & prospera cum felicitate conserva, & ubicumque, vel pro quibuscumque auxilium tuum invocaverit, cito adsit, & protegas, ac defendas; tribue quaesumus Domine ei divitias gratia tua, comple in bonis desiderium ejus, corona eum miseratione, & misericordia, ut tibi Domino patri pia devotione jugiter famuletur.

Hic detur ei Sceptrum:

Accipe Sceptrum Regiae potestatis insigne, virgam, scilicet rectum, Regni, virgam virtutis, qua te ipsum bene regas, Sanctamque Ecclesiam, & populum Christianum tibi a Deo commissum regia virtute defendas ab improbis, pravos corrigas, rectos pacifices, & ut viam rectam tenere possis, tuo iuvamine dirigas, quatenus de temporali Regno ad aeternum Regnum pervenias ipso adiuvante, cuius regimen, & Imperium sine fine permanet in secula seculorum. Amen.

Oratio sequitur: Omnium Domine fons bonorum, cunctorum Deus institutor praefectuum, tribue quaesumus famulo tuo adeptam bene regere dignitatem, & a te sibi praestitum honorem corroborare dignare: honorifica eum praecunctorum Regibus Terra, verbi eum locupletata benedictione, & in solio Regni consolida firma stabilitate, visita eum in sobole, praesta ei prolixitatem vitae, in diebus ejus semper oriatur iustitia, & cum jucunditate, & letitia aeternoglorietur in Regno.

Tunc detur ei Virga.

Accipe virgam virtutis, atque equitatis, qua intelligas mulcere, pios, & terrere reprobos, errantes viam docere, lapsisq; manum porrigere, disperdasque superbos, & releves humiles, & aperiat tibi Dominus N. I. C. os suum, qui de se ipso ait: Ego sum ostium, per me si quis introierit, salvabitur, & ipse, qui est clavis David, & Sceptrum Domus Israel, qui aperit, & nemo claudis, & nemo aperit, sit tibi adiutor, qui eduxit vincens de domo carceris sedentem in tenebris, & umbra mortis, & in omnibus sequi merearis eum, de quo Prophetam David cecinit: Sedes tua Deus in seculum seculi virga equitatis, virga Regni tui, & imitando Spiritum diligas iustitiam, & odio habeas iniquitatem, quia prop-

*propterea unxit te Deus Dominus tuus oleo latitiæ ad exemplum illius, quem antefecula unxerat oleo exultationis præ participibus suis Iesum Ch. D. N. &c.*

Tunc benedicat eum Archiepiscopus :

*Extendat omnipotens Deus dexteram suæ benedictionis, & effundat super te donum suæ protectionis, & circumdet muro felicitatis; ac custodiat, suæ propitiationis Sanctæ Mariæ, & Beati Petri Apostolorum Principis, Sanctique Ambrosii, atque omnium Sanctorum intercedentibus meritis. Amen. Alleluia. Victoriosum te, atque triumphatorem de invisibilibus, atque visibilibus hostibus semper efficiat, & sancti nominis sui timorem pariter, & amorem continuo cordi tuo infundat, & in Fide recta, ac bonis operibus perseverabilem reddat, & pace in diebus tuis concessa cum palma victoriæ te ad perpetuum Regnum perducatur. Amen. Alleluia. Benedic Domine hunc Regem nostrum, qui Regnum omnium moderaris a seculo, & tali eum benedictione glorifica, ut . . . . . teneat sublimitatis sceptrum, & glorificatus in eius protinus reperiatur merito. Amen. Alleluia. Honorifica eum præ cunctis Regibus gentium, felix in populo dominetur, & feliciter eum omnes nationes adorent, vivat inter gentium catervas magnanimus, sit in iudiciis æquitatis singularis. Amen. Alleluia. Presta ei prolixitatem vitæ per tempora, & in diebus eius oriatur iustitia, a te robustum regiminis solum teneat, & in æterno Regno gloriatur cum incunditate, & iustitia. Amen. Quod ipse præstare &c.*

Deinde Coronatus honorifice deducatur ad solium, & accipiat stationem a Domino Archiepiscopo dicente sic :

*Sta, & retine amodo locum, quem hucusque paterna successione tenuisti, hereditario iure tibi delegatum per auctoritatem Dei omnipotentis, ( additio eiusdem; Tunc Dei mysterio mihi cum ceteris Episcopis devoti, & religiose adstitimus cum ceteris Dei servis ), & per præsentem traditionem nostram, omnium scilicet Episcoporum, ceterorumque Dei servorum, & quatenus Clerum sacris altaribus propinquiorem perspicias, tanto potius in locis congruis honorem impendere memineris, quatenus mediator Dei, & hominum te mediatorem Cleri, & plebis in hoc Regni solio confirmet, & in Regnum æternum secum regnare faciat Iesus Ch. D. N. Rex Regum, & Dominus Dominantium, qui cum Deo &c.*

Post hæc detur sibi Pomum aureum cum Cruce, & dicantur hæc verba :

*Accipe Pomum aureum, quod significat Monarchiam omnium Regnorum in nomine Patris, & Filij, & Spiritus Sancti. Amen.*

Et dicat Dominus Archiepiscopus omnibus audientibus :

*Restitutio Regis est noviter ordinati, & in solium sublimati hæc tria præcepta populo Christiano sibi subdito præcipere. In primis ut Ecclesia Dei, & populus Christianus veram pacem servet in omni tempore.*

*Secundum est ut rapacitates, & omnes iniquitates omnibus gradibus interdicat. Tertium est, ut omnibus iudiciis equitatem, & misericordiam præcipiat, ut illi, & nobis indulgeat suam misericordiam clemens, & misericors Deus, qui cum &c.*

Et dicat Rex tertio: *Sic fiat.* Tunc det Dominus Archiepiscopus pacem Regi, & Rex det pacem omnibus, & Clerici cantent alta voce: *Te Deum laudamus, te Dominum confitemur &c.*

Tunc Dominus Archiepiscopus Missam celebrat cum plena Processione.

Oratio super Populum:

*Deus qui miro ordine universa disponis, & ineffabili gubernas præsentia, quasumus ut famulus tuus Henrichus in huius seculi cursu implenda decernas, unde tibi in perpetuum placere valeat. Per &c.*

Epistola, & Evangelium, Responsorium in Missa pro Rege, & dicto Evangelio Rex offerat panem, & vinum ad manus Domini Archiepiscopi.

Oratio super Syndonem:

*Omnipotens sempiterne Deus, qui de plebe tua Regni fastigio famulum tuum Henrichum dignatus es sublimare, fac eum humilitatis, iustitiæ, ceterarumque virtutum bono exuberare, ut a tua veritatis tramite non recedat, & ad te, qui vita es, graciosus perveniat. Per &c.*

Super Oblationem:

*Concede quasumus omnipotens Deus his sacrificiis salutaribus placatus, ut famulus tuus Henrichus ad peragendum regalis dignitatis officium inveniatur semper idoneus, & celesti patriæ reddatur acceptus. Per Dominum &c.*

Præfatio:

*Eterne Deus, qui es auctor totius bonitatis, Regum consecrator, bonorum omnium attributor, dignitatumque largitor, cuius ineffabilem clementiam votis omnibus exoramus, ut famulum tuum Henrichum, quem regalis gloria culmine voluisti sublimari, sapientiæ, ceterarumque virtutum ornamenti facias decorari, & ut tui est numeris, quod imperat, tua sit pietatis, quod id feliciter agat, quatenus de visibilibus, & invisibilibus hostibus triumphator effectus, & transitorii Regni gubernacula inculpabiliter teneat, & ad æterni Regni infinita gaudia te miserante perveniat. Per Dominum &c.*

Benedictio Archipræsulis:

*Benedicat tibi Dominus, custodiatque te, & sicut voluit te super populum suum esse Regem, ita in presenti seculo felicem, & æterna felicitatis tribuat esse consortem. Amen.*

*Clerum, & populum, quem sua voluit opitulatione in tua sanctione congregari sua dispensatione, & sua administratione per diuturna tempora faciat feliciter gubernari. Amen.*

*Quatenus divinis monitis parentes, ad veritatibus carentes, bonis*



omnibus exuberantes, tuo Imperio fideli amore obsequentes, & in presenti saeculo tranquillitate fruantur; & tecum eternorum Civium confortio potiri mereantur. Amen. Quod ipse prestare &c.

Post Communionem.

Hæc Domine salutaris sacrificii perceptio famuli tui Henrici peccatorum maculas diluat, & ad regendum secundum tuam voluntatem populum tuum idoneum reddat, ut hoc salutari mysterio contra visibiles, atque invisibiles hostes reddatur invictus, per quod mundus est divina dispensatione redemptus. Per Dominum &c.

Et finita Missa Rex communicetur, & sic ait. Deo gratias.

## C A P. XVIII.

*An Clavus Crucis sit Corona ferrea intextus. Rationes pro Modoëtiensium opinione referuntur. Quid Mediolanenses Archiepiscopi in hac causa egerint.*

**H**Actenus, Rubine doctissime, quis Coronæ ferreæ usus, quinam coronationum ritus forent, tantoque muneri destinatae Urbes, ac Basilicæ fuerint, longa inquisitione investigavimus, quod nescio molestiæne plus, an eruditionis attulerit. Nunc autem postulat locus, ut quæ ad nostram Coronam pertinent propius, atque interius attingamus, ejusque pervulgatam, ut ita appellemus, sanctitatem ante eruditorum tribunal constituamus. Quam quæstionem utique ea ratione ad postremas paginas reservavimus, ne qui minus hujusmodi disputationes curare solent, a reliquorum lectione avertantur. Quamquam fortasse nulla res in hac disquisitione occurrit, quæ majori consideratione sit digna, & cui nostrates impendere studium curiosius debeant. Itaque rem prodam, tibi quidem jam dudum perspectam, sed plerisque eruditorum hucusque incognitam. Alibi adnotatum memini, Ferream Coronam circulum esse ex auro obrizo constantem, cui introrsus ferrea lamina intexta etiam ferreæ nomen dedit. Laminam vero illam nil aliud esse, quam unum e Sacris Clavis, quibus in Cruce omnium Redemptor Deus confixus fuit, apud Modoëtienses fama celebratur, in quorum gazophylacio ab antiquis usque temporibus Corona servatur. Et eo quidem adducta res erat, ut (seculo fortasse nostro tantummodo) publicæ populorum venerationi Corona exponeretur, inclusaque sacrarum Reliquiarum thecis solemnî cultus ritu per insignè Oppidum in Supplicationibus deferretur. Verum Eminentissimo Card. Federico Vicecomiti, Mediolanensi olim Archiepiscopo, quum minime hujusmodi cultus probaretur, neque enim sat firmis rationum præsidis Cives Modoëtienses causam suam tueri videbantur, prudentissimi, ac pii delecti sunt, qui Coronam viserent, ejusque singulares prærogati-

vas describere. His peractis Eminen. Antistiti, a quo prudenter omnia perpendebantur, ejusque ministris sententia sedere, Coronam Ferream publicæ venerationi amplius non proponendam. Ex eo tempore sub custodia, ut ita dicam, collocatum diadema, aut nemini, aut paucis videndum, desituit. Hinc Modoëtienses precibus agere, scriptis pugnare, omnemque apud Archiepiscopum movere spem, ut pristino decori sua restituerentur. Sed eorum votis Archiepiscopi decretam minime respondit. Illius partem hec describam, quod in hanc rem laudatus Cardinalis promulgavit: *Instabant*, inquit ille, *Modoëtienses, ut ipse auctoritate ordinaria declararem, ferream illam laminam confectam esse ex uno Clavorum, quibus confixus Christus Dominus pendit in Cruce, Verum non tanti me facio, ut decernere velim, quod tot Sanctissimi, sapientissimi Antistites Præcessores mei non definivere; atque idcirco tam grandis momenti integram illibatamque dijudicandam relinquo supremis prudentissimisque Congregationis Romanæ &c.* Quum itaque nonnullis videri jam possit, non in hocce tantum Decreto, sed in alio tanti Archiepiscopi gestis pro sublata ferrei diadematis veneratione, æquitatem desiderari, meum esse arbitror ostendere, justissimis rationibus sententiam hanc undequaque niti, & sine periculo infringendæ veritatis sanctitatem Coronæ Modoëtiensis definiri non posse. Qua in re facile, ut spero, emicabit obsequium illud, quo Sanctam Mediolanensem Ecclesiam, ejusque dignissimam Præsulem Emin. Cardinalem Federicum Gacciam prosequor, siquidem prudentissima Archiepiscoporum Mediolanensium iudicia defendere illorum præcipue est, quatum instituto vitæ, tum Ambrosianæ Bibliothecæ legibus Ecclesiasticæ palestræ se prorsus dicavere. Quum vero nullo odii, nullo ambitionis stimulo ad scribendum adigar, locum modestiæ potissimum faciam, daboque operam, ne dicta mea in nervum erumpant, atque ut eruditorum gratia mihi concilietur, amicorum vero non corrumpatur. Memini enim, quam bene velim iis, a quibus amari me sentio, & subit, quo reverentiæ modulo cum doctissimo illo viri agendum sit, qui firmis adductis rationibus pro Modoëtiensium opinione certavit. Nobis igitur, licet diversa sentientibus eadem gratus constet, quippe nil æquius dico, quam in opinionum differentia animorum concordiam servare. Quis autem prudens ingenuorum contentionibus corda quoque immiscenda esse putet? In artem igitur quæstionis libero pede invadamus, & quæ sint Modoëtiensibus argumenta in æciem prodncantur. Auctor est Sanctissimus Mediolanensium Antistes Ambrosius in Oratione de obitu Theodosii num. 47. Crucem Dominicam ab Helena Constantini M. matre fuisse repertam una cum Clavis, quibus Christus in Cruce affixus est. Unum ex his fratre addidit pia Imperatrix, quo Augusti filii regebatur equus, alterum eiusdem diademati intexuit. Ita S. Episcopus loquitur: *Quæsit Helena Clavas, quibus crucifixus est Dominus, & invenit. De uno Clavo fra-*

frangere fieri praecepit, de altero Diadema interitus: unum ad decorem, alterum ad devotionem veruit. Tum addit: Misit itaq; filio suo Constantino Diadema gemmis insignitum, quas praestiosior ferro iuvencas Crucis redemptionis divina gemma conduceret. Misit & frenum. Utroque usus est Constantinus, & fidem transmisit ad posteros Reges. Post alia prosequitur Ambrosius: Sapienter Helena, quae Crucem in capite Regum locavit, ut Crux Christi in Regibus adoretur. Bonus itaque Clauus Romani Imperii, qui totum regis Orbem, ac vestit Principum frontem &c. Constantinianam porro Coronam eandem esse ac ferream Modoëtiensē tradunt, quā ad Theodelindam Langobardorum Reginam dono misit Gregorius Magnus. Hae Summo semper servata studio in S. Ioannis Baptistae Basilica, ad nostra usque tempora transit, illudare procul dubio, antiquitatis monumentum. Rata autem Franciae se habere, primum vetustate famae, scriptorumque nonnullorum auctoritate, tum aliis conjecturis probant. Anno Christianae Epochae octogesimo septimo supra millesimum, & quingentesimum Gaspar Buegatus in Additā. ad univers. Historiam haec scribit: *L'altro Chiodo, che è quello, il quale si conserva nel Tempio di Monza nella Corona Imperiale, secondo che se n'ha relazione antica, accanciato in un cerchio, e sotto dentro d'essa Corona d'oro al di fuori, il qual ferro sempre sta lustro per le testimonianze de' vecchi universali.* Huic subscribere. Anno 1613. Bartholomaeus Zuchius in Hist. Car. Ferrer, Anno 1617. Franciscus Jollus, & Ioseph Ripamontanus arabo Collegii Ambrosiani Doctores, in lib. 3. disput. 16. cap. 14. de Sanguine Christi, hic Dec. 1. lib. 2. & lib. 8. Hist. Eccl. Mediolanensis. Anno vero 1645. P. Tobias Corona in lib. inscripto Sacri Tempii par. 3. cap. 11. Anno 1645. Ioannes Petrus Paricellus in Monza. Basil. Amb. num. 71. & 101. ac praeter hos Ignatius Lamius, Ioannes Baptista Villa, Paulus Morigia, alique Scriptores seculo nostro tantae rei mentionem reliquere. Ex his nonnulli quā vetustā famā Modoëtiensibus praeclarissimi huius ornamenti eandem esse scribant, aperta etiam probari posse videtur, germano Crucis Clavo Basilicam Modoëtiensē ornari. Sententia quippe, aiant illi, luxi peritiorum est. Legibus Ecclesiasticis, Caesarisq; solita: In rebus antiquis probationem per famam admitti. His accedit antiquae possessionis ius, & S. Caroli Mediolanensis Archiepiscopi testimonium, a quo ferream Coronam quā maxima veneratione inspectam fuisse ferunt. Eminentissimi deinde Cardinalis Littae Mediolanensis iocū Antistitis pro hac re suffragia Anno 1656. promulgata laudantur, illo eam veniam dante, libere in supplicationibus Coronam deferre Modoëtiensibus postea licuit. Postremo sacrum illud pignus prodigia quādam probavere; si tamen prodigi nomen mereretur: numquam a ferro contracta rubigo, depulsaq; de capite Eminentissimi Littae gravis dolor. Arque his, similibusque argumentis Coronae sanctitatem proximè elapsis annis celebrat doctissimus vir sa.

miliaris meus, cuius opinio quin altis fundamentis nitatur; nemo inficiat ibit. Ceterum quæ mihi in huiusmodi quæstione animadvertere nuper vacavit, accipe, benignasque aures ita differenti præbe.

## C A P. XIX.

*Diadematum, & Coronarum differentia. Constantini M. Corona describitur. Eadem a ferrea differebat. S. Ambrosii, aliorumque Scriptorum sententia perpenduntur.*

Quid retulerit de sacro Clavo Constantinianæ Coronæ intertexto Ambrosius, jam vidimus. Atqui tricari verbis in ipso disputationis limine videar, si ejus verba expendam, quæ magnam dubitationem reliquere. Uti enim cap. 1. hujus Commentarii animadverti, pluribusque in locis testatur Carolus Paschalius lib. de Corona, nil aliud Diademata olim erant, quam panni, ac fasciæ, lineæ, plectiles, textilesque, quibus Regum capita vincebantur. Contra Coronæ ex auro, foliis, floribus, aliisque ornamentis constabant. Cum harum, tum illorum exempla graphice descripta, eorumque differentiam exhibuit Clarissimus, meique dum viveret amantissimus vir Joannes Ciampinus, bonarum literarum decus in lib. de veter. Monum. ac Musivis cap. 14. pag. 107. quem consulere heic poteris. Diadema vero Imperatoribus Romanis antea minime usurpatum Aurelianus Augustus omnium primus adhibere cœpit, Romana Republica, Imperique jure in Regni speciem fere converso. Aureliani exemplum succedentes Principes imitati Diademata quam coronas in usu frequentius habuere, ita ut Aurelio Victore teste *Constantinus M. habitum regium gemmis, & caput exornaret perpetuo diadmate*. Certe plurima illa Constantini numismata, quæ Historiæ Byzantinæ inseruit Cl. V. Du-Fresnius, Augustum Principem aut galea, aut lauru munitum, aut vario Diadematum genere ornatum sæpissime exhibent. Quædam ex his pulchre sunt multis gemmis ornata, quædam duplici margaritarum ordine distincta visuntur, vitæ, quibus singula colligabantur, in humeros pendentibus. Ergo si Ambrosii verbis Constantinianum Diadema proprie describebatur, utique illud a Modoëtiensi Corona nunc plurimum differre, nemo non videt, siquidem hæc proprie non Diadematis, sed aureæ coronæ appellationem meretur. Non sum tamen nescius, horum duorum insignium nomina a quibusdam promiscue usurpari, atque ideo Ambrosii verba: *De altero Diadema intexit*, posse de Corona intelligi. Verum quænam Constantinianæ Coronæ forma fuerit, optimarum artium studiosi eruditi hinc intelligant. Scilicet in numismate apud laudatum Du-Fresnium pag. 17. CONSTANTINUS AV.

inspi-

inspiciatur, cujus capiei aurea corona cum radiis aut pianis, sed sine gemmis imposita est; in postica vero nummi parte legitur BEATA TRANQUILLITAS cum VOTIS. XX. Quam itaque Constantiniana Corona a Modoëtiensi dissimilis sit, continuo cognoscas; illa enim radiata fuit, hæc vero sine radiis, una gemmis carens, altera iisdem referta. Ad hæc nullam Coronam, quæ ab antiquis Regibus, aut Imperatoribus adhiberetur, hucusque inspexi, cujus forma cum Ferrea convenire possit. Modoëtiensium igitur impofterum erit ostendere a Constantiniano Diademate, aut Corona Ferream nihil differre. Quod ubi non præsent, jam primum sententiæ nostræ argumentum habemus, quo adducti sacrum Clavum eorum Coronæ minime intextum esse suspicemur. Hoc quidem ex Ambrosii Sanctissimi Episcopi verbis consequitur; nam si ab illis discedere in præsentia fas esset, res pene confecta foret, herbamque dare continuo Modoëtienses cogerentur. Reliquorum ergo Historicorum una sententia est, non Coronæ, aut Diademati Constantiniano sacrum Clavum fuisse intextum, sed ejus galeæ. Rufinus Aquilejensis Presbyter S. Ambrosii æqualis, eoque vivente clarus, in Palæstinæ locis diu versatus hæc habet lib. 1. cap. 8. *Historiæ Eccles. Clavos quoque, quibus corpus Dominicum fuerat affixum, Helena portat ad filium. Ex quibus ille frenos composuit, quibus uteretur ad bellum. Et ex aliis galeam nihilominus belli usibus aptam fertur armasse.* Seculo vero a partu Virginis quinto, centum ferme annos post Constantini mortem, literis Græcis Ecclesiasticam Historiam mandarunt Socrates Scholasticus, Theodoritus Episcopus Cyri, & Sozomenus. Primus lib. 1. cap. 13. Alter lib. 1. cap. 18. Tercius lib. 2. cap. 1. concordioratione testantur in Constantini M. casside unum e sacris Clavis artificiose inclusum fuisse, ut in certaminibus ineundis tutus a vulneribus Cæsar esset. Similia tradunt e Theodorito Cassiodorus lib. 1. cap. 18. Hist. Tripart. Nicephorus Callistus lib. 8. cap. 29. Eccles. Historiæ. Paulus quoque Diaconus, cui ferreæ Coronæ notitia (si Langobardorum temporibus illa extitisset) latere non debuit, lib. 1. Historiæ Miscellæ ita loquitur: *De Clavis, quibus manus Christi fuerunt perforatæ, alios in galeam misit Imperatoris, filij capitis providentiam gerens, ut iacula bellica submoveret, alios freno equino permiscuit.* Plures alios Auctores tum vetustos, tum recentes hujus rei testes omitto, unumque addo antiquissimum Scriptoris testimonium, quippe nondum luci publicoque redditum. Anonymus hic est, cujus Historiam MS. Græca lingua in membranæ Bibliotheca nostra servat, ab exordio Mundi ad Valentis, ac Valentiniani tempora usque perducendam. An eo seculo Auctor scripserit, non liquet; desideratur enim in MS. Codice postrema hujus Historiæ pagina, post quam Julii Pollicis Onomasticon sequitur. Postquam igitur de S. Crucis inventione Historicusegit, hæc addit: *Τῶν δὲ ἡλὼν τὰς μὲν εἰς τὴν Ἰσθίαν περικεφαλαίας ἐκάλουν, τὰς δὲ ἀντιμῆτι τῇ σάλισσῳ τῇ Ἰππικῇ αὐτῇ.*

Hoc

Hoc est. *E Clavis vera quosdam quidem ad eundem sibi galeam addi-  
buit, alios vero infernis frano equi sui.* Gregorius vero Turonensis,  
cui hac in re consentientem Zonaram invenio, atque athenis misit, ac  
centum lib. 1. cap. 6. Mirac. rei illius fama aliquantulum deceptus in  
hæc verba loquitur: *Quartum clavum adferunt esse depositum in capite  
Baltha Constantini, qua Civitate, ut aiunt, tota excelsior esse suspici-  
tur, scilicet ut tota, cunctisq; munitione salutis quodammodo galea  
coronata esset.* Hæc antiquissimi Historiarum Scriptores, necumque  
Græcorum optime quari; quæ si vera sunt, negotiorum Medoënsibus  
non leviter facessant oportet, eamque ob causam non amplius Con-  
stantiniam Coronam appellatione sibi usurpabunt. Ex profecto adhibi-  
ta, quam par est, S. Ambrosii verbis reverentia, arquiis videbatur cas-  
sidi, quam coronæ Constantini Clavum inserere, rei enim singuli Au-  
gures fatentur, consilium huiusmodi Helena Augusta in viæ, et filium,  
dum acie cum hoste confugeret, Divina virtute Clavis indita incolu-  
men tueretur. Galea vero, non Diademate in eestaminibus opus erat  
Augusto, neque enim Regalia ornamenta tunc Principibus usurpari  
solent, quum in ducem militemque potius quam Regem, agunt, ne-  
cminus vestium, insigniumque splendor periculo propiores facit.  
Videant igitur eruditi, quibus difficultatibus utriusque Medoënsi-  
sum causa prematur, & urgeatur, quocumque prima eorum funda-  
menta convellantur.

## C A P. XX.

*S. Gregorius M. Coronam Ferream Theodolinda nequaquam donat.  
Illam Langobardi, Francique Reges non usurpare:  
Zucchi mala fides imbratur.*

**N**unc vero a Medoënsibus sciscitemur, undeam in accipere.  
Constantinianam Coronam in Italicas regiones fuisse aduocam?  
Nullum in procul dubio ætatem antiquam laudabunt, atque adeo inter-  
ruptam Coronæ ferreæ Histosiam eas fieri necessum esse. Nobis op-  
stra simile veri haudquaquam videtur, Cæsares Byzantinos M. Con-  
stantini successores tam parum preciosissimi illius pignoris studiosos  
fuisse, ut alio asportari vincerent. S. Ambrosii tempore tantæ Clavis  
summo non tantum in honore habebatur, sed ipsa etiam Principum  
tempora cingebat. Audi iterum S. Antistitem in Orat. de Obitu Theod.  
ista loquentem: *Bona itaque Clavis Romanæ Imperii, qui totum regit  
orbem, ac vestit Principum frontem &c. Clavam Græcis eius Diade-  
mate suo præferunt Imperatores, & Ariani potestatem eius innotuunt?*  
Cur igitur in tanto ornamento Constantinopolitani Principes privare-  
runt, cum tum Constantinus M. exemplum decus addiderat, tum sacri  
ferri

ferri. Inelufum pondus reverentiam conciliat? Verum enim verò nullam interrogationis noſtræ Modoëtiensēs rationem habent, & ad Gregorii M. tempora hēbere ſe conferunt, ut a Sanctiſſimo Pontifice Regnam Theodelindam Corona ferrea donatam oſtendant. Aureſ itaque Zucchio adhibeamus, ut quid certi ille ſerāt, intelligamus. Cap. 1. lib. de Cor. Fer. in hanc ſententiam ſatur: *Inſtior dubitandi cauſa aliorum mentes occupare poſſet, quomodo in Regina Theodelinda manus Corona iſta pervenerit, niſi Carolus Sigonius præter alios dubitationem ſatis eo in loco amoveret, ubi ſic ſcribit: S. Gregorius Pontifex Theodelindam Corona ferrea donavit.* Sed ut alibi animadvertimus, & Puricellus in Monum. Baſil. Ambt. num. 101. adnotavit, aut fallit, aut fallitur heic Zucchiuſ, ſententiam huiuſmodi Sigonio aſſingens. Nuſquam hoc Sigoniuſ ſcriptis mandavit, nuſquam hoc eruditiſſimuſ vir excogitavit. Quin Græcorum Auctorum opinionem ille ſequutus, non Coronam Conſtantini, ſed ejus galeam ſacro Clavo munitam affirmavit. Inquit igitur lib. 3. de Occident. Imperio ad Annum 327. *Conſtantiuſ ex tribuſ Claviſ uno galeam, altero franum equi ornavit.* Coronam vero, qua Langobardi uti cœpere, a Theodolinda inſtitutam Sigoniuſ arbitrabatur, ut e lib. 1. de Regno Ital. liquet, quod tamen Zucchiuſ, utpote opinionī ſuæ omnino contrariuſ, data opera diſſimulavit. Sed neque omittendus eſt aliuſ Sigonii locus, quo Zucchiuſ, Scriptor Lectoribuſ imponere ſolituſ, ad ſuam opinionem conſirmandam abutebatur. *Verum*, inquit Sigoniuſ lib. 1. de R. Ital. *ne auctoritatem proruſ Mediolanenſibuſ abrogem, illud facit, quod Coronam hanc ferream poſt Caroluſ M. omnibuſ Italia Regibuſ video deincepſ fuiſſe ſolemnem, & quod hoc muneris Gregorio Theodolindæ petenti tribuiſſe non ſit abſonum, ut gratiam Regina referret &c.* Quibuſ verbis Coronam ferream Theodelindæ a Gregorio conceſſam probare contendit Zucchiuſ, ſed infelici ſucceſſu; Etenim non de Coronæ ferreæ dono, ſed jure eligendi, coronandique Italicoſ Reges, quod a S. Gregorio Archiepiſcopiſ Mediolanenſibuſ collatuſ quidam opinantur, Sigoniuſ apertiffime loquitur. Reliqua Sigonii verba huc non adſero, ne clariuſ malam Zucchii fidem ſub omnium oculiſ ponam. Ceterum quod ex Annaliſum Modoëtienuſum, nempe Bonincontri auctoritate (nulliſ tamen Annaliſum verbis productiſ) refert idem Auctoſ, videlicet Modoëtienuſi Templo ferream Coronam a Theodelinda Regina dono datam fuiſſe, falſi crimine itidem argui poteſt. Bonincontruſ ſæpe legi, pluraque ejuſ verba deſcripti, neque huiuſ rei teſtimoniū ulluſ offendi. Et cur huiuſ Auctoſ locuſ non deſcribebat Zucchiuſ mire cum opinione ſua conſentientem? Nimirum Bonincontri ſilentiū, quam verbis commodiſ fallere iſ poterat. Et quaſo mihi veniam humaniſſimi Lectoreſ tribuant, quod Zucchiuſ aſpere adeo acceperim. Non eſt hoc in moribuſ meiſ, neque enim iſ, qui nolenteſ errant, ſeveritatem adhibere conſuevi, erraturuſ & ego. At quum conſulto

peccant Historici, ut faciles aliorum animos decipiant, & præstent in iis, quæ ad religionem pertinent, remisse nimium cum illis ageretur, si aliam personam iis imponeremus, atque ipsi ceperunt. *Prædenter ille sane ac graviter eos arguit, qui pietatis loco duxerint mendacia pro religione fingere; id quod & maxime periculosum est, & minime necessarium*, agebat inter Hispanos eruditissimus vir Ludovicus Vives lib. 5. de tradend. Discipl. Quamquam quis credat Gregorium tam facile Theodelindæ sacrum pignus concessurum fuisse? Quam sacram Reliquiarum tenax Sanctissimus Pontifex fuerit, in Disquisitione ad Catalogum Sanctorum Martyrum, qui Romæ Gregorii ejusdem tempore quiescebant, hoc Tomo inclusa ostendi, idque melius patebit legentibus Epistolam ejus trigessimam lib. 3. lodicæ. 12. libi Constantinæ Augustæ vel Sudarium S. Pauli Apostoli negat, vixque se de catenis, quas ipse S. Paulus Apostolus in collo, & in manibus gestavit, partem aliquam transmissurum promittit, si tamen istas limando atterere possit. Præterea cur Coronam Imperatoribus redimendis destinatam, Langobardorum genti concederet Gregorius? Ereptumne tunc fuerat Constantinopolitanis Cæsaribus jus in Romanum Imperium, & Constantino acquisitum, Italicque Regni summa ad Langobardos transierat? Atqui hoc nemo eruditorum somniavit; certis enim finibus Langobardorum Regnum definiebatur, neque per Italiam universam extendebatur. Quicumque vero ex Imperatoribus Coronam ferream postea sibi imponendam curarunt, non illam ut Augustalis dignitatis, sed ut Langobardici Regni insigne usurparunt. At, inquit, Modoëtienses, quum Theodelindæ, ceterisque Langobardorum Regibus Corona hæc in usu fuerit, consuetudinemque hujusmodi postea retinuerint tum Franci, tum Germani Imperatores, id reverentia factum, qua sacrum Coronæ ferreæ pignus omnes prosequabantur. Quæ hæc respondeamus, multa nobis occurrunt; sed ne crambem, usque ad fastidium recoquamus, breviter ea repetemus, quæ longo sermone superius commentati sumus. Scilicet ut a Paulo Diacono, aliisque Scriptoribus accepimus, aut nullam Langobardi Reges Coronam usurpavere, & longe adeo petita ferrei Diadematis antiquitas incaute affirmatur. Aut si vero similior eorum sententia videtur, qui eosdem Reges aliorum more coronatos arbitrantur, explorandum restat, quænam Coronarum Langobardarum forma foret. Ut autem e vetustissimis nummis patet, Agilulfus, & Grimoaldus galeiculam concavum, seu mithram, aut quod ajunt cuspam gestant unionibus perornatam, quæ superiorem capitis partem totam involvit, ac operit. Similem fere inspicias apud Cl. Du. Fresnum in Histor. Byzant. pag. 92. ubi numisma producitur THEODAHATI REGIS Gothorum. Ubina igitur inter Langobardos Reges Coronæ ferreæ usum invenias, quæ omnino a vetustis eorum coronis differt? His adde, quantum e Pauli Diaconi Historia colligi potest, nullum e Langobardis Regibus



Modoëtiæ fuisse inauguratum, sed Mediolani quidem, & fortassis etiam Ticini. Qua ex re quid aliud consequitur, nisi quod regnantibus Langobardis nulla ratio Modoëtiensis Coronæ, atque Oppidi in coronationibus habebatur. Certe Modoëtiensium erit probare, tametsi Langobardi Reges Mediolani coronarentur, illos ferrea Corona usos fuisse. Quid si Gualvaneo Flammæ, qui ante Annos ferme quadringentos in vivis erat, fidem heic habeamus? Tum tota Modoëtiensium moles evertetur; hic enim ante Langobardos Coronam ferream Mediolanensi in urbe servatam affirmat, idque aliorum Scriptorum auctoritate confirmat. Ad Carolum M. ejusque successores in Italia dominatos quod attinet, ut superius adnotatum est, veri simillimum videtur, coronationem Modoëtiensem, ipsamque Mediolanensem ab illis omnino fuisse neglectam. Reliqui vero Italici Reges usque ad Germanorum Imperium aut Papiæ, aut Mediolani Corona donati sunt. Quis heic quæso locus Modoëtiensium juri, ferreæque Coronæ antiquitati a Gregorio usque Magno petita, quando tot Reges Cisalpini Regni insignia alibi quæsivere, pluribusque seculis Coronam Modoëtiensem obliti videntur? Igitur si Constantinum Magnum, vel Gregorium Pontificem, Regesve Langobardos, & Francos in hac causa consideres, Coronæ ferreæ institutionem, ejusque sanctitatem, atque usum non modo probare nequeas, verum etiam veritati haudquaquam consentire animadvertas, ita ut quis facile cum Tertulliano in lib. de Corona Militis cap. 7. iaculare possit: *Sed & de mendacio erubescenda est Coronæ Modoëtiensis origo.*

## C A P. XXI.

*Recens est fama Modoëtiensibus sapientis. Id probatur silentio antiquorum; imo ipsorum Modoëtiensium Scriptorum. Vis argumenti a negatione exploratur.*

**I**Taque ad famam traditam Modoëtienses Cives confugiant oportet, ut sacrum Clavum ferreo diademati inditum probent. Videamus, an in munere obeundo melius se gerant. Collum, Ripamontium, Puricellum, Coronam, Bugatum, Morigiam, Zucchium, alioque Auctores proferunt, quorum nonnulli perveterem ajunt esse, certamque omnium Modoëtiensis Oppidi incolarum opinionem; ferream Coronam Dominico nobilitari Clavo. Et quoniam Jurisperitorum sententia est, *plene per famam probari, quæ non ita facile probari possunt*, hinc sequitur, Modoëtiensium causam validissimis fundamentis niti. Hæc illi, & quamvis hujusmodi fama in limine offendat, rationibusque & principiis, ut hæcenus vidimus, firmis careat; maximum tamen fidei

argumentum nobis afferret, si aliqua vetustate illa fulciretur, nec calaturam, ut ita dicam, oleret. Verum hanc famam *χθής, ηχι πρῶτον*, quod ajunt, natam, medioque summi seculo proxime elapso mentibus Modoëtiensium traditam, affirmare non vereor. De ferreo Diadema ante Bugatum, qui Anno 1587. additamenta ad Historiam universalem promulgavit, innumeri Scriptores egerant, illud accuratissime descripserant, & nemo tam præstans, pretiosumque pignus illi infertum fuisse pronuntiaverat. Facile egrediar libelli propositi finibus, si singula veterum monumenta, in quibus Coronæ ferreæ sit mentio, ante oculos tuos, doctissime Rubine, constituam. Nonnulla tamen seligenda videntur, ut quam sero Modoëtienses opinionem hanc induerint, exploratum fiat. Gualvaneus Flamma circiter Annum 1330. Chronicon suum lucubravimus, ut optime nosti. Hic vero etiam innumeris in locis ferream Coronam memoret, nusquam tamen illam sacro Clavo exornatam dicit. Qui Pontificale Romanum olim edidit, ubi de triplici Imperatorum Corona agit, ferream his verbis describit: *Quæ quidem corona ideo appellatur ferrea, eo quod laminam quamdam habeat ferream in summitate, alioquin aurea, ac pretiosissima*. Et hic sane Auctor, si Modoëtiensi Coronæ sacrum Clavum intextum credidisset, adeo abiecte de illa nequaquam sensisset, ut *e quadam lamina ferrea* constare affirmaret. Quum vero ea, quæ ad Augustalium coronarum Historiam pertinebant, a Pio II. Pontifice se accepisse prodatur hic Scriptor, vide sis, quid Aneas Silvius, nempe Pius II. & ipse de Corona ferrea senserit. Sic ille in Historia Austriaci lib. 4. loquitur: *Has autem coronas omnes aureas esse compertum habeo, quamvis per medium circum Corona Mediolanensis lamina quadam parvula ex ferro ducatur, quæ multa interpretationi effecit locum*. Quid ferrea Corona foret, reapse *compertum habebat Aneas*, siquidem non semel Mediolanum accesserat, ibique dignitate etiam illustri, ut alibi dictum est, fuerat auctus. Is nihilominus tantum abest, ut Clavum Dominicum illi intextum affirmer, quin *laminam quamdam ex ferro* appellat, quæ ferreo Diademat nomen dedit. Accuratissimus quoque Scriptor Sigonius Modoëtiensem Coronam lib. 1. de Regno Italiæ ad Annum 591. *auream illam quidem nuncupat; verum circulo ferreo interiore intextam, unde post ferreæ Coronæ nomen Italico Longobardorum in Regno enituit*. Bernardinus item Corius Mediolanensium Historiarum conditor sæpe quidem Coronæ hujus mentionem iniecit, numquam tamen sacrum, nullum Crucis Clavum in ea coli animadvertit. Quin, ejus institutionem a temporibus Maximiani Imperatoris, qui Romanum Imperium ante Constantinum moderatus est, arcessere videtur. Cur vero in hanc sententiam Corius loqueretur, si ejus tempestate, Modoëtiæ tam pretiosi pignoris fama increbuisse? Hoc procul dubio Corium non fugisset, ut enim ipse testatur, plerosque Historiæ suæ libros, dum Modoëtiā incoleret, literis consignavit. His accedant Tri-

Tristani Chalci, discretissimi Historici, qui seculo Christianæ Epochæ decimo quinq̃uo Historiam Patriz scripsit, luculenta verba ex ejus lib. 4. desumpta: *Est autem, inquit is, circulus ferreus, quem Corona aurea gemmis, margaritisque ornata extrinsecus circumducta complectitur. Intus ferrum apparet, a quo & nomen tenet.* Nil vero de sacro Clavo Tristanus affirmat, quum tamen lib. 2. Clavos, quibus Cruci affixus fuerat Christus, enumerans unum Constantiniano Diademati, alterum fræno additos referat, frænumque in urbe Mediolanensi præcipuam religionem coli. Non hoc quoque Chaleus Mediolanensis agri ornamentum præterisset; si compertum illi fuisset, a Constantiniano Modocientense diadema diversum haudquaquam fuisse. Similia habent Erycius Puteanus Hist. Insul. lib. 2. Georgius Merula in Antiqu. Vicecom. Donatus Boffius in Chronico, Hieronymus Balbus in lib. de Coronat. Sithon Majolus in dieb. Canicular. alique Scriptores innumeri, quorum nonnullos in superioribus capitibus testes adduxi. Nunc quid aliud e tot Auctorum silentio consequitur, nisi nullam umquam Modocientensis Clavi opinionem, ac famam viguisse? Mirum sane foret, adeo ingentem Scriptorum turbam ferrei Diadematis descriptionem instruxisse, omnesque silentio concordi usos præcipuum illius pretium præterisse. Scilicet potissimum illud erat ferreæ Coronæ decus, quamvis enim hæc illi laus foret, quod coronandis Imperatoribus destinata esset, longe procul dubio præstantior illa fuisset, quod sacrum Clavum complecteretur. Sed jam quibdam mihi reponentes audire videor, hanc argumentandi rationem enervatam plumbeamque esse, quippe argumento, ut Logici appellant, *negativo* nil potest probari: Ita fortasse respondeant, qui Ecclesiasticam eruditionem neque a limine salutant, eorumque cerebrum tricus Scholasticis devovere. Nam quantum roboris negativo argumento hæc, tum luculentus hac de re Laundli tractatus prodit, cum universa eruditorum Respublica quotidie experitur. Ecquo pacto amabo tot commenta, fabulæque explorari, atque exhiberi possent, quæ in posteriorum temporum Historias irrepsere, nisi antiquiorum silentium pluris, quàm imperita audaxque recentiorum loquacitas, penderetur? Affirmant hi ad arbitrium suum, gesta que a temporibus suis remotissima somniant; illi vero ne volam quidem vestigiumque earum rerum relinquere, relicturi sane, si illarum noticiam habuissent? Et nos affirmantium potius imperitia, quam tacentium doctrina duelli sinemus? Fridericum I. cognomento *Enobarbum* nimio despicatu Venetiis ab Alexandro III. Pontifice exceptum, monumenta quamplura, plurimique Auctores testantur. Atqui Emin. Annahum parens Baronius ad Annum Christi 1177, opinioni huic dicam grandem impingit, eamque exulare prudenter jubet, quod nemo ex Auctoribus Friderici æqualibus, Venetique congressus Historiam sedule describentibus, tantum facilius ab Alexandri Papæ moribus omnino alienum prodiderit. Eo quo-

que Cyriacum quemdam Romanorum Pontificum albo enpūginū, quem Historiarum scriptores immemorati scoli quidam, Et tamen in Breviario Romano Anni 1222. Venetiis excuso, uti etiam in alio Anni 1559. itemque in Glossa ad lib. 1. Decretal. tit. 7. de renunc. atque apud alios Scriptores illius mentio habebatur, nostro autem ævo Hermannus Crombachius adhuc ut Pontificem Sanctum nobis obtrudere non dubitavit. At Baronius commentitium Pontificem iure appellat, quum apud vetustissimos Auctores nulla ejus mentio occurrat. Sexcenta hujusmodi exempla producere possem. Neque vero aut ex incuria, aut ex invidia tantum Modoëtiensium decus omisissent Historici, si de illo seculis proxime elapsis fama fuisset; ecquis enim credat, universos ita affectuum perversitate abrapto, aut negligentia, inscribendo actos, ut in hoc silentium concorditer conspirassent? Neque ex ignorantia id contigit; etenim quamplures Modoëtiā, ejusque Coronam perfectam penitus habuere. Quanam vero causa dici poterit, ubi ipsomet Modoëtienses Historicos opinioni hujus ignaros ostendam? Profecto Bonincontrus seculi decimi quarti Scriptor, Civisque Modoëtiensis pluries, ut vidimus, Coronam Ferream memoravit, summumque in ea patriæ suæ decus constituit, quod Augustorum capiti solet imponi. Nusquam tamen pretiosissimi illius Clavi memoriam reliquit. Anno quoque 1514. Mediolani publicis typis tradidit libellum de prærogativa B. Joannis Baptistæ Balthasar Fidelis Archiepresbyter Modoëtiensis. Singula hic Basilicæ suæ ornamenta, Majorumque suorum privilegia recenset, Coronam ferream laudat, Regesque illa redimitos enumerat, & ne unum quidem verbum de sacro Clavo habet. Quis credat, hosque Auctores splendoris sui certe studiosissimos, diligenterque singularia Modoëtiensis Coronæ decora describentes, tam sui, tam patriæ oblitos, ut præclarissimum inter omnia ornamenta prætermitterent? Habemus heic, ut cum doctissimo viro Melchior Cano loquamur, Scriptores antiquos, ejusdem Oppidi, ejusdem Coronæ encomiastas, qui tantum decus tacherunt, non omisere, si scivissent, scituri autem, si fuisset. Sed ut clarius animadvertas, non dum Romincōtri ævo Clavi hujus fama natam fuisse, audi quid ille ferat, dum causam inquirat, cur ferreum sit Modoëtiense diadema. Et hæc ait, Corona super Italiam, Normandiam, & Saxoniam est ferrea in lignum, iustitia, & maxime quia victa fuerunt a Karulo dicta, proinde ferro, ideo datur de ferro, quia, sicut ferrū est durius, & fortius super omnia metalla, & omnia alia metalla domantur a ferro, & ei supponuntur, sic omnia temporalia debent supponi, & subiacere ad iustitiam Imperatoris. Antonius quoque Thylesius in libello de Coronis, quem Clariss. P. Joseph Hieronymus Sementius, doctissimus vir e Congregatione Somascheni, publicusque in Ticinensi Lyceō Lector mihi communicavit, hæc habet: Rigit altera e ferro conflata, virtutem Caesaris arguens, ac iustitiam, eamque Meguntia, quam Modoëtiā nunc dicunt, in Subria Oppidum, celeberrimū.

*nam gaudet Casari dono dare.* Has & alias his similes interpretationes reliqui Iurisperiti adhibere, & potissimum Glossa in c. Romani. Clementina de iurejur. Auctor libelli de Regim. Principum, quem S. Thomas Aquinatus adscribunt multi, Hieronymus Balbus lib. de Coronat; alique Auctores, ut rationem afferrent, cur e ferro Modoetienfis Corona constaret. Stupidum hercle bardumque se Bonincontrus prodidisset una cum aliis, quod huiusmodi explicationem, quam ceteroqui Aeneas Silvius, Georgius Merula, alique irrident, sibi probari affirmasset, quando commodissime non solum, verum etiam honorifice ferreæ Coronæ titulus a sacro Clavo illi inserto poterat peti. Quin addas, Bonincontrum non a Constantino M. non a Theodelinda, Gregoriove Pontifice Diadematis patris originem ducere, sed a Carolo Magno, qui tres Coronas, ut hic Auctor opinatur, instituit. Ubinam igitur Modoetienfis populi per vetus fama latebat, quum tot Scriptores in Historiis suis ferreæ Coronæ laudes perrezebant, neq; Sacri Clavi mentionem ullam relinquebant?

## C A P. XXII.

*Tempore Caroli V. nulla de sacro Clavo fama erat.*

*Quin recentiores Auctores de ea opinione dubitant,  
aut consilio silent. Qua tempore hac  
invaluerit.*

**A**ttamen ex Ripamontii fide saltem Caroli V. Imperatoris ævo præiudici huius pignoris opinionem viguisse, ut arbitror, probare Modoetienfes contendunt; scribit enim hic Auctor Dec. 1. lib. 8. Histor. Mediol. Eccles. *Novissime nostra memoria* (scilicet ante annos LXXXVII.) *cum ea Corona per legatos allata Bononiam Carolus V. imperium auspicaretur, adessentq; Ecclesie viri, magni sunt motus animarum facti, certissimo inter omnes consensu; veram esse famam, & ferrum ibi quantalibet aurea mole pretiosius latere. Legati quin etiam increpiti, quod vili nimium, ac paupere cultu, nec ea, qua par esset, celebritate salutis humana monumentum, & adactum olim per divina illa membra ferrum attulissent. Narrant qui spectaculo adfuere, cum prolata ea capiti Casaris imponeretur, subito perfusam horrore concionem obligasse, æqualem & manantia innoxio sanguine trophæa Cracis, & Christi iussu, totaq; facies acerbissima mortis ante oculos obversaretur &c.* Neque tam vere semper, quam diserte Ripamontius loquatur, firmumque huius saltem rei fundamentum Modoetienfis est. Sed vereor, ne hæc confidentius proferantur, quam ut a quopiam debeant credi. Bononiensem Caroli V. coronationem diligentissime descriptam literis mandavit Paulus Jovius eius temporis Scriptor, lib. 27. Histor.

Ror. atque in hæc verba loquutus est : *Erat de more veterum Caesarum, ut Modoëtia prope Mediolanum Coronam ferream susciperent, qua indicaret Romano Imperio firmitatem ferro, & militariibus copiis comparari. Tres enim Coronæ Caesaribus debentur. Prima est argentea, Germanici scilicet Regni, quam suffragio procerum Aquilegani decennio ante susceperat. Secunda ferrea Regni Longobardici. Tercia vero aurea Romani Imperii. Præsto igitur affuere Modoëtienfium legati, ejus erant principes Polydorus Veltius, & Paulus Velanius, qui ad retinendam veteris prærogativa dignitatem vetustissimi operis Coronam, & Annalium Codices antiquitate pernobiles detulere. Ea erat sine florentibus pinnis, in simplicem, & latum orbem circumducta, ferro introrsus tempora præcingente, sed exterius auro, & gemmis exornata. Reliqua etiam legas, nullamque heic habebis affictam Modoëtienfibus legatis notam, nullum horroris signum, quo tota concio perfusa dicitur, imo nullam Sacri Clavi mentionem. Et quoniam ferro introrsus tempora præcingente interiorem Coronæ circulum Iovius describit ferreumq; Diadema ideo usurpari ait, ut indicaretur Romano Imperio firmitatem ferro, & militariibus copiis comparari, utiq; aliis fuisset usus verbis, si pretiosum Dominicæ mortis monumentum illic delitescere apud omnes, qui Caroli coronationi intererant, exploratum fuisset, Caroli Quinti coronationem accuratissime etiam literis consignatam ab ipso Rituum Præfecto Pontificio legimus apud Raynaldum in Annal. Eccles. ad Annum 1530. Ibi vero ferreum Diadema sæpe memoratur, atque describitur, & ne unum quidem verbum invenias, quo sententiam suam munire Modoëtienfes possint. At Ripamontius ex Historia Pontificali Besucii laciniam hanc libris suis intexuit. Besucius vero in Vita Constanti Archiepiscopi est auctor, Hispanos Præsules, qui Caroli Quinti coronationi aderant, quum Modoëtia Bononiæ ferrea Cordona delata fuit, dixisse : maiorem cum reverentia Coronam delaturos fuisse Modoëtienfes legatos, si perfectam notumque non habuissent arcandam illius Ferri, quod sub auro latebat. Quibus ex verbis (modum vera sint) intelligas, ignaros eo tempore Clavi pretiosissimi Modoëtienfes fuisse. Quid plura? Quum peculiati mandato a Modoëtienfibus laudatus Imperator petisset, ut quidquid ad Historiam, usumque Coronæ ferreæ portineret, scriptis commendaretur, quorum notitiam in Bononiensi coronatione sibi futuram ex usu Carolus sentiebat, singula Modoëtienfis Basilicæ monumenta excussa fuere, delectisq; id muneris prudentibus viris. Aderant inquisitioni, præter insignis Oppidi Rectores, Modoëtienfes Canonici, dum sedulo ferrei Diadematis documenta colligerentur, dataque est publicis Notariis cura, ut æta. universa literis mandarent. Superfunt adhuc gemina huius rei diplomata, quæ Modoëtienfi olim etæbulario deprompta cap. XIV. luce donavimus. Quis non putet, hoc saltem loci famam extrinsecus sacrique ornamentum a Modoëtienfibus revelatum, vulgatumque fuisse? Sed frustra.*

expectes; etenim postquam multa heic legeris de Corona ferrea, ne semel quidem sacrum ullum Clavum memorari animadvertis. Et tamen quis umquam aptior, quis opportunior locus Modoëtiensibus fuit, ut Coronæ suæ sanctitatem testarentur, matureque decus suum Cæsari inaugurando, gentibusque proponerent? Extant adhuc in Archiepiscopali Archio Mediolanensis Curia Sixti V. literæ ad Archipresbyterum, ut arbitror, Modoëtiensem datæ, in quibus hæc leguntur. *Sixtus PP. V. Dilecte fili salutem, & Apostolicam benedictionem. Exponi nobis nuper fecistis olim in Oppido isto Modoëtia Mediolanensis Diocesis Ecclesiam S. Iohannis Baptista una cum Archipresbyteratus dignitate inibi principali, necnon Canonicatibus, & Præbendis, ac perpetuis Capellaniis in magno numero a Clara memoria Theodolinda Langobardorum Regina ad laudem omnipotentis Dei fundatam, & dotatam, atque decentissime ornatam tam a M. Gregorio Papa primo, quam aliis Pontificibus Prædecessoribus nostris, multis Sanctorum Reliquiis, gratiis, & Privilegiis, etiam Corona Ferrea, qua Romanorum Imperatores coronantur, decoratam, & ab Imperatoribus ipsis dotatam fuisse &c. Die 28. Septembris. MDLXXXV. Pontificatus nostri Anno Primo.* Vides heic ferream Coronam a Sanctorum Reliquiis, rebusque sacris distinctam, illamque ideo solum recenseri, atque laudari, quod Romanorum Cæsarium coronationi infer viret. Atqui ornamentum hoc Diadematis illius minimum fuisse præ sacro Clavo illi, ut fertur, intexto. Itaque si ad Lydiam lapidem sacri Clavi, quem a vetustis temporibus, atque a tot seculis se possedisse Modoëtienses arbitrantur, famam admoveamus, illam continuo, ni mea me fallit opinio, sub finem tantum seculi a Christo nato decimi sexti originem habuisse, facile sapientibus patebit, qui singula sine ullo partium studio pensant. Quod si quis quaerat, undenam hæc opinio tandem invaluerit? coniectura fortasse non inepta ad respondendum utar. Seculo proxime elapso fortasse inquirebatur, cur Modoëtiensi Coronæ ferreus circulus insertus fuisset? Quum vero in interpretationibus, quas ad hanc rem explicandam, Iuris periti, alique Scriptores excogitarant, sal desideraretur, & forsitan cuidam legenti S. Ambrosii de Constantiniana Corona sermo occurrisset, facile in eam sententiam is abiit, ut eandem Constantini M. Coronam, ac Ferream esse censeret. Plausibilis sane opinio, & cui hand ægre Modoëtienses reliqui manum darent, quippe, quum nostra laudantur, dulce videtur falli. Sententiam hanc forsitan juvabat quod una cum sacris vasis in Modoëtiensi thesauro Corona hæc asservabatur. Hoc autem non sine ratione usurpatum est, teste enim Carolo Paschalia in lib. 10. cap. 7. de Corona, Insignia regalia inter sacra censi solent, suntque hæc thronus, sceptrum, ac Diadema. Bugatus deinde omnium, quod sciant Modoëtienses, primus in Additam. ad H. st. univers. Anno 1587. rem scriptis prodidit; sed parum iudicio, memoriæque suæ consulens, auctor enim ipsemet quoque fuerat lib. 2. Hist. uni-

verſalis, a Maximiano Herculeo, qui ante Conſtantinum regnavit, Coronam ferream fuiſſe inſtitutam, eamque ſua etiam tempeſtate ſervari in Modoetienſi Baſilica, Quæ opinio quam male cum altera cohe-  
near, vel tonſores intelligant. Bugato præter alios ſueceſſit Zucchi-  
us, qui nil penſi habuit, Gregorii M. munus comminici, aliſque phaleris  
Coronam Modoetienſem exornare, pio forſan errore, ſed ſiniſtris avi-  
bus. Quamobrem non deſuere, qui in horum ſententiam pedibus irent,  
neque enim eorum intererat opinionem vulgatam intime examinare.  
Hinc univerſi Modoetienſes nil certius in hanc diem habent, quam ſibi  
ſacrum eſſe ſalutis humanæ pignus. Sic incertarum opinionum ſemina  
propagantur, ſitque libenter tunc locus errori, quum placeat. Quid  
quod ex iis Scriptoris, a quibus hæc tradebantur, quamplures veluci  
rem incertam narrant, dubitationemque de veritate fame relinquunt.  
*Si conſtans fama vera eſt, plures alii reperiri videntur Dominici Clavi,*  
ajebat Collius, atque his Modoetienſem accenſebat. Clarius autem  
loquebatur Ripamontius lib. 8. Dec. 1. Hiſtor. Eccleſ. Mediol. Coronam  
eam, (ſunt eius verba) Theodolinda munus proſequitur fama, tam-  
quam interior circulus ſit unus e Clavis, qui Chriſtum liberatorem aſſi-  
xere Cruci. Ei porro fama ſunt qui fidem adſtruant coniecturis, atque  
teſtimoniis, ſunt qui abrogare non dubitent, prout nimirum ſuis quem-  
que ſenſus prout in talia, difficilemve facit. Quæ poſtrema verba  
quid ſonent, omnium eſt intelligere. Pergit Ripamontius argumenta  
Modoetienſibus faventia prode, ac demum in hæc verba deſinit: *Ver-*  
*um enim vera de tota re, ut cuique libitum fuerit, opinetur: nos vul-*  
*gata referre, & quo pietas animum inclinabat, eo famam dare ſatis ha-*  
*buiſimus.* Non vacat reliquorum Auctorum, qui pro agenda Mode-  
tienſium ſententia propugnant, examinare verba, quamquam multa  
ſint dubitantium, famamque huiusmodi referentium potius quam pro-  
bantium. Illud tamen haud prætermittam, quod in MS. Codice Bi-  
bliothecæ Ambroſianæ inſcriptio *Gli onori Eccleſiaſtici di Milano* ani-  
madverti. Auctor libri eſt Ioannes Antonius Caſtillonæus Vincentia-  
næ Mediolanenſis Baſilicæ olim Vicarius, vir exquisita eruditione, li-  
brisque editis apud nos celebris. Floruit is ſub Clar. Cardia. Federico  
Borromæo Ambroſianæ Bibliothecæ parente, Annoque 1630. peſte  
ingruente e vivis ſublatus fuit. Ita vero ſcribit ille: *Altri Scrittori del*  
*ſecolo ſuperiore, & alcuni de' noſtri tempi ancora, più toſto per certa-*  
*loro immoderata brama di rendere coll' antichità maggiore, & più ſpecioſi*  
*gli onori della patria, che per mala intenzione di vender favole, e di*  
*ſcriver bugie, non dubitarono di dire, che la Corona di ferro di Milano*  
*fù in uſo innanzi a S. Ambrogio ſin' al tempo di Conſtantino Magno.*  
*Anno per loro fondamento alcune parole del medefimo S. Ambrogio, il*  
*quale nell' Orazione funebre di Teodoſio riſerifce &c.* Tum Caſtillio-  
næus huius rei iudicium Lectoris facit; neque enim inſtituti ſui eſſe ar-  
bitratur quæſtionem alius perſcrutari. Ego quoque pari conſilio uſus  
diu.



diudicandum Lectoribus relinquo, an Coronæ ferreæ sanctitas per famam, Auctoresque probari possit abunde. Recentem illam esse, istos vero in illa affirmanda incertos, nemo non videt. Quare quum de re antiquissima agatur, quid ponderis habet tam parum antiqua opinio? Caveamus quæso, ne majores nostros aut imperitiz, aut invidiæ damnemus, quod pignus tam grandis momenti ignorare sub meridiano sole potuerint, aut occultare omnes voluerint. Quid si eos proferremus, qui adhuc post hanc opinionem natam scribere, illamque omittere, quam memorare maluerunt? Instar omnium sit nobis doctissimus Gretserus, qui Tomo 1. lib. 1. cap. 20. luculentissimi Operis de Cruce numerum Dominicorum Clavorum erudite explorat. Nil porro de Modoetiensi Clavo refert, quin etiam ut Christum quatuor Clavis confixum ostendat, ibidem hæc habet: *Modoëtia in Sacrario Ecclesiæ S. Ioannis, quam Theodolinda Regina Longobardorum magnis sumptibus edificavit, & ubi Corona ferrea, qua coronantur Imperatores, multa aservantur ornamenta templi dono missa ei Regina a Gregorio Primo Pontifice, ut constans fama est apud incolas, & rerum vetustas suadet. Inter qua vidi ego tabulas quasdam argenteas, in quibus Christus Crucifixus quaternis Clavis celatus est, inquit R. P. Iulius Nigronius Soc. nostræ Theologus. Sub finem seculi proxime elapsi, nostroque ineunte florebat P. Iulius Nigronius, vir disertissimus, ac celebris. Utique si pretiosum Dominicæ mortis pignus ferreæ Coronæ inclusum credidisset, adeo jejune Diadema illud non descripsisset, quum potissimum, ut reor, ad Gretserum scriberet, qui de S. Cruce Commentarios consiciebat.*

## C A P. XXIII.

*Alia argumenta, quibus Modoetiensis Corona sanctitas suspecta habetur. Romana Rota decretum in causa simili.*

*Quid Archiepiscopi Mediolanenses  
hac de re senserint.*

QVamquam neque certa sententia est, plene per famam probari, quæ non ita facile probari possunt. Multas habet hæc regula exceptiones, cum ut ne latius excurrat, tum ne fabulæ, quas nonnulli recentiores antiquitati affingunt, confirmentur. Ut enim Iurisperitorum armis & ego utar, parvi peditur fama recens, ubi res est de antiquissimis factis. Eam porro famam non inviti probamus, qualem Baldus Confil. 77. num. 6. lib. 3. dopingit videlicet *solidam, inconcussam, excellentem, non vagam, non levem, non contrariam*. Rolandus quoque a Valle in Confil. 3. Tomo 1. num. 48. in hæc verba loquitur: *Licet fama in antiquis faciat plenam probationem, illud est verum, quando fama est*

uniformis, nec de ea esset contradictio apud peritos. Ita Baldus in l. *conventiculum*. C. de Episc. & Cler. Tum alios Auctores hujus opinionis vindices profert, quos, ut brevius faciam, non adfero. Neque vero Historicis recentibus multum fidei habetur, quum de antiquissimis est quaestio, quamvis enim habeamus in iure Conclusionem super fide Chronistis, & Historicis praestanda ex deductis per Mascardum &c. nihilominus ea intelligitur, ubi agitur de antiquis, & probatis Historicis, in quibus nulla affectationis, & suggestionis suspicio vigeat &c. Sunt verba Doctissimi Cardinalis de Luca lib. 6, de iurisdic. Disc. 20. num. 7. Sed in hac re nullum luculentius documentum expectes, quam Decisionem LX. Rotae Romanae par. 8. Recentior. Inter Archiepiscopos Calaritanum, ac Turritanum lis Romae intercedebat, uter in Sardiniae Regno primas ferre deberet. Calaritani iura confirmabat Quintius, seu Quintianus eiusdem Ecclesiae Antistes, qui Arelateni Synodo Anni 314. interfuit, Turritanus vero SS. Gabinum, & Gaudentium memorabat, qui cum Martyres, tum Turritanae Ecclesiae Episcopi ante Annum Christianae Epochae CCC. vixisse dicebantur. Quam quidem Historiam fama non solum, sed multis Scriptoribus Turritani, non secus ac Modoëtienses Coronae ferreae sanctitatem, tuebantur. Nihilominus quum in Martyrologiis vetustissimis Martyres tantummodo nuncuparentur laudati Coelites, nullumque apud antiquos de eorum Episcopatu verbum occurreret, tanti facta est silentis vetustatis auctoritas, ut contra Turritanum Antistitem iudicaretur, atque a Calaritano victoria staret. Inverisimile enim est, inquiunt sapientissimi Iudices, probari posse per famam id, quod non dixerunt antiqui Patres ante tot secula, videlicet Beda, Vsuardus, & Ado, qui simpliciter reliquerunt in Martyrologiis scriptum, Gabinum Martyrem solummodo, & quod non ausi sunt dicere alii Scriptores in suis Legendariis, & propterea ratione inverisimilitudinis articuli non sunt admittendi. Pro hoc facit quod notavit in c. quia verisimile, de praesumpt. Specul. de probat. §. nunc dicendum num. 1., Tiraquel. in l. si unquam C. de reuoc. donat. &c. Plura alia ex egregia hac Decisione colligas, quae quoniam Modoëtiensium causae omnino similia videntur, facile intelligent eruditi, quid inde consequatur. Atque haec de famae traditae auctoritate sufficiant. Nunc ad alia progredimur, quibus opinio nostra validius confirmetur, Modoëtiensis Coronae formam alibi descripsimus, sed ejus latitudinem ad hoc loci designandam consulo reservavimus. Scilicet brevissimo e circulo ferreum Diadema constat, ut singulis constet, qui monimentum illud oculis prope lustrarunt. Homini vel biennis fortasse caput Corona illa non capit, atque ita olim Imperatoribus imponebatur, ut tamen in eorum capitibus consistere non possit. Hoc etiam animadvertit Cærimoniarum Praefectus, qui Bononiensem Caroli V. coronationem accuratissime apud Raynaldum in Annal. Anno 1530. memoriz mandavit. Haec, inquit is, Corona (ut habeatur aequaliter eius cogni-

*cognatio, & eius forma) circularis, & latitudine quinque digitorum est, vix coronam unius Episcopi circueus, nec capiti firmari potest. Reliquas Imperatorum, Regumque coronas tam latas fuisse in comperto est, ut eorum tempora commodè cingerent. Vetustos consule nummos, probatissimos interroga Auctores, nullumque ostendes locum, quo tam arctum Diadema Regum coronationibus destinatum ostendatur. Ea de causa suspicari admodum cogor, ad alios usus Coronam hanc olim fuisse proculsam, ac postea aut aliarum coronarum inopia, aut alio consilio ab Imperatoribus usurpari cœpisse. Certe quantum a Constantiniano Diademate Ferreum differat, ex Ambrosio ipso discas, cujus in Orat. de Obitu Theod. sunt verba: *Bonus itaque Clavus Romani Imperij, qui totum regit orbem, ac vestit Principum frontem*. Quomodo Principum frontem ferrea Corona vestiat, quæ summo tantum capiti imponi potest? Verum & alia idem Ambrosius Sanctissimus Antistes nos docet, quum unum Clavum Constantiniano Diademati intextum, alterum vero equi fræno additum scribit. Porro Modoëtiensis Coronæ tenuis adeo est circulus ferreus, ut vix tertiam sacri Clavi partem efficere possit. Norunt hoc, qui Diadema illud attente explorarunt. Itaque aut Ambrosius errat, quod nemo cordatus, & pius dicit, quum integrum Clavum Coronæ insertum fuisse ex ejus verbis constet, aut ii minus rectè sentiunt, qui Constantinianam Coronam eandem cum Modoëtiensi esse arbitrantur. Quod si a Constantino ferreum Diadema haud prodiit, quam aliam inibimus viam, ut ejus sanctitatem probemus? Tandem nescio, cuinam facile persuaderi possit, sacrum Dominicæ mortis instrumentum ignibus tradi, malleis attenuari, lima atteri potuisse, ut inde ferrea lamina efformaretur? Hoc a parentum nostrorum religione abhorret, fidemque apud Catholicos viros ægre inveniet; neque enim sine mentis horrore excogitare possumus, adeo negligenter pretiosum illud pignus consulto tractatum esse, ut sacer Salvatoris nostri sanguis, quo inspersus fuerat Clavus, proculcaretur, atque omnino disperderetur. Intextum Constantinianæ Coronæ Clavum Ambrosius affirmavit, artificiose in galea Imperatoris inclusum alii Auctores perhibent, cur nos adeo temere tam pretiosum monumentum figura sua, sacroque sanguine spoliatum, ac dilaceratum opinemur? Absit a piorum animis hujusmodi sententia, nisi si eam validis auctoritatibus firmare fas sit. Ceterum in marmore illo, quod a me descriptum cap. XIV. fuit, ac in Basilica S. Joannis Baptistæ Modoëtienses servant, alia animadversione digna se offerunt. Sedentis Imperatoris capiti Modoëtiensis Archiepiscopus Diadema imponit, stante interea procerum Germanicorum corona. Hæc mihi ostendas velim reverentiam, cultumque sacro huic pignori debitum. Sedet Cæsar, non assurgit, non veneratur Christi morientis memoriam, nil denique præstat, quo Clavum Coronæ insertum significet. Imo ne ipsi quidem Modoëtienses Oratores, Germa-*

Atque Principes ulum exhibent venerationis officium . Quare ipsorum Modoetiensium testimonio elapsis temporibus non aliter ferreum Diadema tractabatur , quam reliquæ Coronæ , quibus sacri Clavi intexti non erant . Et horum similia in Caroli V. coronatione observata video . Nam ut refert laudatus supra Cærimoniarum Præfectus apud Raynaldum Anno 1530. hoc ordine ad coronationis locum Principes accedebant : *Immediate ante Casarem veniebant quatuor ex nobilioribus deferentes eius insignia, videlicet illustris Marchio de . . . . . ensen nudum , illustris Dux Alexander de Medicis pomum , illustris Comes de Asse sceptrum , Coronam vero illustris Comes de Nanson .* Paulus vero Jovius Histor. lib. 27. a Bonifacio Marchione Montisferrati Modoetiensem Coronam publice Imperatori prælatam affirmat . Ergone profanis, ac laicis hominibus sacra Dominicæ Crucis monumenta conrectanda relinquuntur ? An vero tum Episcopi desiderabantur , qui venerabilem Coronam deferrent ? Irreligiosum hoc plane fuisset, atq; iccirco in Concilio Provinc. 4. S. Carolus cavit , *ne Sacra Reliquia per laicos etiam cujusvis ordinis, & dignitatis homines ullo modo tractentur, nec vero tangerentur, cum hoc sacrilegium , ac minus propterea ferendum esse S. Gregorius Pontifex scribat .* Equidem a tanti pignoris opinione populos eo tempore abfuisse constanter affirmo . Quin ipsi Modoetienses ferream Coronam sino ullo religionis , ac venerationis apparatu Bononiam transmisere , ut Carolum Imperatorem illa insignirent, & quamquam Besutius, ac Ripamontius legatos Modoetienses hac de causa increpitos scribant , fortasse vanis rumoribus sunt usi, ut argumentum eluderent , quod eorum quoq; temporibus Coronæ ferreæ opponebatur . A Turrrianis, ut cap. xiii. dictum est , Coronæ quoque ista pignori data fuerat . Quis autem credat, illos adeo irreligiosos fuisse, ut insigne hoc Dominicæ mortis monumentum in usus profanos converterent ? Boniacontrus sane res quidem sacras , ut sunt Calices, resque alias pretiosas e Modoetiensi Sacratio sublatas tradit ; Reliquias vero intactas illic mansisse, satis aperte significare videtur . Atque heic prodere possem diversas Historicorum de Clavo hoc sententias . Quidam enim a Theodosio Coronam ferream S. Ambrosio , alii a Gregorio M. Theodelindæ Reginæ dono datam scribunt . Sunt etiam contra, qui Gregorium M. a Theodelinda donatum referunt . Nonnullis placet, sacrum Clavum ex iis fuisse , qui Christum Redemptorem e Cruce pendentem sustinuerunt ; alii vero Clavum , quo Cruci titulus affixus est, Modoetiensi Coronæ intextum opinantur . At hæ scribentium discrepantiæ quid aliud ferunt , quam inconsistentem thesauri tantifamam, ac traditionem fuisse, ideoq; fluxa esse Modoetiensium fundamenta ? Præterea sigillum, quo Modoetiensis populus utitur , a Zucchio graphice descriptum fuit cap. 18. Histor. de Cor. Ferr. Ibi Coronam eandem exhibet, qualem & nos alibi describebamus , videlicet radiis, pinnisq; carentem cum hac epigraphe : *Est sedes Italiae Regni*

*gni Modoëtia magni.* Verum Bonincontrus, a quo circiter Annum 1345. Modoëtienſes Annales lucubratos diximus, idem ſigillum proferre cap. 32. lib. 1. cum his verbis: *Legitur, quod Imperator inſtituit, & ordinavit Communi Modoëtia infra designatum ſigillum.* In eo vero ſigillo Corona ſe offert cum radiis liliorum inſtar, quibus Gallici Reges ſtemma ſuum inſigniunt. Circum ſculpta leguntur hæc verba: *Eſt Sedes Italia Regni Modoëtia magni. Sigillum Communiſ Modoëtia.* Quamobrem arbitror, non deſore, qui prudenter cenſeant, aliam ab antiqua nunc eſſe Coronam ferream, quippe forma adeo ab illa differt. Piam vero conjecturam expoſuit Puricellus, quum num. 71. Monum. Baſil. Ambr. ſiniſtrum Tribunalis, ut vocant, latus explicans, S. Ambroſium Corona ferrea exornatum inſpici illic ſuſpicatus eſt. Formam Coronæ illius & ego admotis ſcalis exploravi, nummumque lata viſa eſt, ut cum Modoëtienſi Diademate componi poſſit. Quod reliquum eſt, prodigiorum teſtimonio, Caroli Archiepiſcopi Sancti exemplo, & Emin. Card. Litæ ſuffragio opinionem ſuam confirmare pergant Modoëtienſes; nihil enim moror. Hoc prudentiſſimis aut Romanæ, aut Mediolanenſis Curie iudicibus inquirendum, probandumque reſtingo, etenim non tam facile aliorum dicta falſi arceſſere, aut approbare conſuevi. Certe ſapientes viros novi, quibus hæc argumenta aut ſpuria, aut ſuſpecta videntur. Neque enim S. Carolus, ajunt iſti, ullam de ſacro Clavo Modoëtienſi memoriam reliquit in libro Viſitationum Baſilicæ illius, quum tamen S. Antifite nemo ſtudioſior ſacrarum Reliquiarum cultor eſſet, atque illuſtrator. Coronam vero ferream inter pretioſiora Sanctuarii pignora collocare, quod tamen non præſtitit. Emin. etiam Cardinalis Federicus Borromæus, viſitato Modoëtienſi templo, Coronæ ferreæ mentionem in librum Viſitationum intulit, ſed ſacrum Clavum ibi adſervari numquam memoravit, & Diadema rebus tantum Theſauri pretioſis, non ſacris Reliquiis, rebusque cultu dignis accenſuit. Anno item 1651. Reverendiſſimi Vicarii Capitularis Matthæi decreto cautum eſt, ne in Supplicationibus publice geſtaretur Corona ferrea. Quin ſurrepticia partim ſunt impetrata ab Eminent. Archiepiſcopo Litæ facultas exponendi Coronam plebis cultui. Hæc aliaque hi longo ſermone pertexunt, quibus tamen abſtinere in præſentia volo, ne longior ſim, quam præſinita brevitæ ferat. Atque his hætenus viſis, Rubine doctiſſime, etiamſi pauca quædam omittantur nobis ſaventia, minime deſuturos reor, quibus Modoëtienſis Coronæ ſanctitas ſuſpecta, aut ſaltem quod mihi explorandum propoſueram, difficilis probatu videatur. Quod ſi hoc obtinuerimus, incertamque ſaltem eſſe Modoëtienſis Coronæ ſanctitatem probaverimus, quis illam cultu, publica que veneratione dignam arbitretur? *Incerta Sanctorum Reliquia non debent cultui exponi*, ſententia eſt Eminentiſſimi Cardinalis Laurentii de Lauræa in Epitome Canonum, imo Gregorii M. Pontificis in Lib. 12. Epist. 31. Interrog.

terrog. 9. Enimvero quum res religionis agitur, non minoris est periculi, omnibus vulgi, Scriptorumque rumoribus fidem indiscriminatim habere, quam omnibus denegare. Hoc temeritatis, illud ignorantiae est, cavendumque est, ne dum facile incertis credimus, certis nimia credulitate fidem adimamus. Neque vero his dictis Modoetensium causam aliqua ex parte labefactari cupio, quin te, Lectoresque meos luculentum de Corona ferrea Commentarium expectare jubeo, cujus mihi dudum spem fecit Clarissimus vir Petrus Paulus Boscha Archipresbyter Modoetiensis. Quid vero ab hujus eruditione, atque eloquentia nobis non spondeamus, quum istum in Basilicæ suæ antiquitatibus sit versatissimus, tum in Ecclesiasticarum rerum peritia eximium apud eruditos locum occuparit? Certe longe felicius, atque fidelius, quam Bartholomæus Zucchi, munere suo defungetur vir sapiens, & forsan ita difficultatibus, quibus ferreum Diadema obsidetur, occurret, ut nullam ambigendi de ejus sanctitate causam relinquat. Nos interea prudentissima Mediolanensium Archiepiscoporum judicia deosculemur, præceptique illius perpetuo memores simus, quod in Epistola 1. ad Thessalon. cap. 5. Paulus promulgavit inquit: πάντα δοκιμάζοντες, τὸ καλὸν κατέχετε. *Omnia examinantes, quod bonum est tenere.*

LAUS DEO, ET BEATÆ MARIÆ VIRGINI.



IN-



# INDEX RERVM præcipuarum,

Quæ in hoc Tomo continentur.

A.

**A**bas Cænobii Ambrosiani Imperatores coronare potest. 313  
**Adalbertus** Berengarii II. filius Ticini coronatus. 184  
**Adalvaldus** Langobardorum Rex Mediolani coronatus. 180  
**Æneas** Silvii, qui fuit Pius secundus Vitæ brevis narratio. 176  
 & seq. Eius dignitates Ecclesiastica. 176. & seqq. Laurentiana Mediolanen. Basil. Præp. fuit. 177  
**Agilulphi** Langobardorum Regis Corona describitur. 276. Is Mediolani coronatus fuit. 279  
**Agilulphus** Abbas Bobiensis. 188  
**Albertus** Austria Dux a suis occisus iuxta fluvium Lytham. 138  
**Albertus** Dux Austriae an condiderit testamentum. 134. & seq.  
**Albertus** filius Rodulphi Imperatoris, Austria præfectus. f. 138  
**Amedeus** cur Nicolao V. manus dederit. f. 146  
**Amedeus** patruus, & tutor Philippi Comititis Sabaudia dominium usurpat. f. 81  
**Amati**, inter Cremonenses, potentes. f. 62  
**Ambrosiana** Basilica Regum coronationi destinata. f. 307

**S. Ambrosius** quid retulerit de Clavis Crucis. f. 339  
**Anathemare** pro anathematizante. f. 12  
**Anima** arcana custodienda. f. 16  
**Anima** origo quam fuerit incerta. f. 20  
**Aspertus** Mediolan. Archiepiscopus. f. 282  
**Antonius** de Fixiraga Laude Pompeii princeps. f. 44  
**Apollinaris** errores de Christo. fol. 215  
**Appellatio** ab Ecclesia Romana non datur. 162. 163  
**Appellatio** a gravamine ut valida sit, quid requiratur. 159.  
**Appellatio** Austriacum a Pontifice. 180  
**Appellationes** a Romana Sede ad Concilium quam inanes. f. 181  
**Apulia** Ecclesie patrimonium. f. 93  
**Apulia**, & Sicilia Carolo fratri Regis Francorum a Romano Pontifice concessa. f. 91  
**Aragonia** stirpis implacabile in Gallicam gentem odium. 92  
**S. Archelaus** Manetis Hæresiarcha flagellum. f. 113  
**Archiepiscopus** Calaritanus in Regno Sardinia primas habet ex decreto Rotæ Romana. 354  
 Ar.

- Archiepiscopus Mediolanensis Ro-  
ges Italicos coronat . 313  
Archipresbyteri Modoëtienses ali-  
quando coronare Imperatores  
possunt . 314  
Eorum prerogativa . Ibid.  
Arduinus an fuerit Rex Italia, nec  
ne . 206. Is quando Ticini corona-  
tus . 288  
Archinta familia laudes . 184  
Argumenti a negatione vis . 347  
Arii errores circa substantiam di-  
vinarum personarum . 213  
Arnulfus Mediolanensis Historicus  
quo tempore floruerit . 324  
Aruns Senonum provocator, ut in  
Italiam transirent . 34  
Athanasius Ariarum antagoni-  
sta . 219  
Athanasianum Symbolum Ambro-  
siana Bibliotheca . 225  
Augustini Vicecomitis nobilitas,  
& laudes . 237. & seq.  
Augustinus primo Mauetis secta-  
tor, postea hostis . 114  
Augustorum anni a die tantum su-  
scepta Romana corone compu-  
tabantur . 206  
Austrialis Historia . 180  
Austriale rebellium contra  
Pontificem querela impruden-  
tes . 127  
Illorum seditionis origo, & præ-  
textus . 132. 133. & 180  
Ipsorum vana rationes ex fa-  
cti narratione elisa . 141. &  
seq.  
Autharis Langobardorum Rex  
Mediolani coronatus, ut credi-  
tur . 279  
B.  
Bachiarus Philosophus Christia-  
nus . pag. 1. Gennady Massilien-  
sis de Bachiaro opinio . Ibid.

- Eius patria . 2. Opinio auctoris  
de patria Bacharij . 2. Pela-  
giana heresis prorsus labe inta-  
ctus . 3  
Illius gens, & tempus quo vi-  
xit . 4. Scripta, & dignitates  
Bacharij . 6. & seq.  
Apologia, & fides . 9  
Illius de ieiunio locus obscurus .  
246  
Basilica S. Michaelis Papia locus  
erat, ubi Reges Italia corona-  
bantur . 204  
Basilica Vaticana multa millia  
martyrum servat . 202  
Basilica Vaticana hodie sepulcrum  
est solis Pontificibus, & magnis  
Principibus . 202  
Basilica, ubi Regum Italicorum  
coronationes celebrabantur . 305  
S. Michaelis, & S. Maria ad  
Perticas Ticini . Ibid. S. Iohannis  
Baptista, & S. Michaelis Mo-  
doëtiæ . 306. S. Michaelis, &  
Ambrosiana Mediolani . 307  
Bellorum incommoda, & misere-  
ria . 145  
Bellavesi in Italiam profectio . 34  
Bellum movendi potestas penes  
quem sit . 153. 154  
Berengarius I. Modoëtiæ corona-  
tus creditur, aut Papia . 283.  
Eius Diploma . 284  
Berengarius II. Ticini corona-  
tus . 284  
Biragi Turrianis fauentes . 106  
Boij Tuscos, & Umbros, Liguri-  
bus iuncti pellunt . 34  
Bonconventum locus ubi Henricus  
VII. obiit . 99  
Bonincotrus Morigia Auctor Chro-  
nici Modoëtiensis MS. quo tem-  
pore vixerit . 274. Eius senten-  
tia perpenditur . 298. Eius Chro-  
nicon



*Alcon in Ambrosiana.* 317  
*Bonomica profapia origo, & præ-*  
*conia.* 334. & seq. & 238. 240.  
 & seq.  
*Brandem quid esset.* 196. & seq.  
*Brennus Dux Senonum.* 34  
*Britannia ab ipsis fidei incunabilis*  
*veræ religionis cultrix.* 2. 3.  
*Brixia a Boijs occupata.* 34  
*A Brenno, & a Gallis adifi-*  
*cata.* 37  
*Henrico rebellis ab eodem ob-*  
*sidentur.* 66  
*Eadem Henrico victori deditur.*  
*fol.* 72  
*Bulla Pontificia contra Gallicam*  
*stirpem Imperatori faventis re-*  
*iecta.* 92. 93

## C.

*Carnes cur prohibeantur ab Ecce-*  
*sia certis temporibus.* 116.  
*Carnis humana natata a Mani-*  
*chæis pessime indelicta.* 120  
*Sancti Caroli Bortomæi gloriosa*  
*mentio.* 240  
*Carolus Apulia, & Sicilia rex*  
*Ludovici Regis Gallia frater.* 91  
*Carolus Calvus non Ticini, sed*  
*Roma coronatus.* 282. Ab Ar-  
*chiepiscopo Mediotanenſi elec-*  
*tus in Regem.* 323  
*Carolus Erassus a Joanne Summo*  
*Pontifice coronatus.* 282  
*Carolus M. Modoetia coronatus*  
*non fuit.* 282  
*Romanam liturgiam invehit in*  
*Galliam.* 258  
*Carolus IV. non Madoetia, sed Me-*  
*diolani coronatus.* 301  
*Carolus V. Coronam Ferream Bo-*  
*nomia accipit.* 303. A Mediola-  
*nenſibus, ac Madoetienſibus pr-*  
*æmonstrata ad Coronam Fer-*  
*ream pertinentia.* 315. Diplo-

*maraduo iccirco scripta propo-*  
*nuntur.* Ibid. & 318  
*Chananea cur etiam Syrophaniſ-*  
*sa dicatur.* 12  
*Chananaei vocantur promiscue*  
*Phanices.* 12  
*Christus an possit Samaritanus vo-*  
*cari.* 10  
*Chronici Angleriensis MS. Aucto-*  
*quando floruerit.* 325  
*Chronicon Regum Italia.* 204.  
 & 205  
*Clavi Crucis ubi collocati.* 340  
*Constantini Corona, aut galea:*  
*unus eorum intextus fuit.* 341  
*Clavus Crucis Dominica, ut Mo-*  
*doetienſes opinantur, Corona:*  
*Ferrea intextus est.* 337. Ar-  
*chiepiscopi Mediolanenſes tan-*  
*tum decus approbare non au-*  
*dent.* 338. Madoetienſium ra-  
*tiones pro hac opinione.* 339. Re-  
*gens huius rei fama.* 346. Perusti  
*Scriptores, ipsique Madoetienſes*  
*tanti decoris ignari.* 347. 348.  
*Evo Caroli V. nulla huius rei*  
*fama fuit.* 350. Unde hac opinio  
*prodierit, conjectura.* 351  
*Clepho Langobardorum Rex Ti-*  
*cini coronatus, ut creditur.* 279  
*Clusini, ab Arunte proditi, a Gal-*  
*lis subacti.* 34  
*Comites de Inglexio, seu de An-*  
*gleria. Eorum munus in coro-*  
*natione Regum.* 315  
*Comitis Serapontis gesta.* 102.  
 & 103  
*Concilia an cogi potuerint contra*  
*Manichæos, & an unquam coa-*  
*cta fuerint.* 116  
*Concilia contra Ethnicos Ecclesia*  
*non habet.* 114  
*Concilium Aquienſe quando coa-*  
*ctum.* 114

- Concilium Constantinopolitanum*  
I. quando habitum. 14  
*Concilium* quando sit supra Pa-  
pam. 162  
*Conradus I. Mediolani, & Modoe-*  
*tia coronatus.* 291. *Mediola-*  
*nensibus Archiepiscopis* ius eli-  
gendi Reges Italicos esse affir-  
mat. 324  
*Conradus II. Henrici III. filius, Co-*  
*no appellatus, Modetia, & Me-*  
*diolani coronatur.* 292  
*Conradus III. Modetia, ac Me-*  
*diolani coronatur.* 292. *Eius co-*  
*ronationes illustrantur.* 293  
*Constantinus M. Constantinopolim*  
*condit.* 40  
*Diademate perpetuo usus.* 340.  
*Eius Corona describitur.* 341.  
*Qua a Ferrea differt.* *Ibid.*  
*Corona Ferrea Modetia aserva-*  
*tur.* 271. *Eius origo quaeritur.*  
272. *Quidam a Theodelinda in-*  
*stitutam affirmant.* *Ibid.* *Hac de*  
*re Scriptorum opiniones refe-*  
*runtur.* 273. *A Maximiani Im-*  
*peratoris tempore male eius ori-*  
*go arcessitur.* 274. *A Langobar-*  
*dorum Regum Coronis differt.*  
276. *Palearis ad contentum ap-*  
*pellata.* 308. *Ferrea Corona no-*  
*men sero usurpatum.* 309. *Laurea*  
*appellabatur.* 310. *Corona*  
*Modetienfis a Turrianis pigno-*  
*ri data, ac recuperata.* 311.  
*Clavum Crucis continere credi-*  
*tur.* 337. *Archiepiscopi Medio-*  
*lanensis decreto populorum ve-*  
*nerationi subtrahitur.* 338. *A*  
*Constantiniana Corona differt.*  
341. *Eius latitudo expenditur.*  
355. *Sine ullo venerationis signo*  
*olim accipiebatur.* 356. *Illam*  
*Sacro Clavo nobilitari difficile*  
*probatum est.* 357  
*Corona Laureae eadem ac Ferrea.*  
*fol.* 310  
*Corona Palearis quid fuerit.* 308  
*Coronarum usus, & antiquitas.*  
268. *Earum differentia a Diade-*  
*matibus.* 269. & 340. *Tres Co-*  
*rona ab Imperatoribus Romanis*  
*usurpata, Antea, Argenteae,*  
*Ferrea.* 270. *Quot Coronae in In-*  
*subribus conferrentur.* 308. *Co-*  
*rona Constantini M. a Ferrea*  
*differt.* 341. *Langobardorum a*  
*Ferrea etiam diversa.* 344  
*Coronatio magnificentissima Fri-*  
*derici Imperatoris Romae cele-*  
*brata.* 147. 148  
*Coronationum Italicarum ritus de-*  
*scribuntur ab Auctore Chronici*  
*Anglieriensis.* 325. *A Landolfo*  
*Mediolanensi Historico.* 326. *A*  
*Sigonio.* 327. *Et in vetustissima*  
*Liturgia, quae MS. Codice pro-*  
*fertur.* 328  
*Corradinus Rex, Friderici Impe-*  
*ratoris nepos, a Carolo captus, &*  
*condemnatus.* 91  
*Cremonenses Gibellinos expel-*  
*lunt.* 62  
*Cremonensium fuga, & rebellio ob*  
*adventum Henrici VII.* 63. *Hi*  
*asperse habiti ab Henrico VII.* 64  
*S. Cyprianus Novatianos debel-*  
*lat.* 12  
*Cyriacus Romanus Pontifex fitti-*  
*sius.* 348  
D.  
*Diaboli natura a Manicheis pra-*  
*ve intellecta.* 120  
*Diaconi, vel Subdiaconi vestibus*  
*Italici Reges utebantur, dum*  
*coronarentur.* 326  
*Dies olim ieiuniis assignati.* 247.  
& seq.

P R A E C I P U A R V M .

**Diademata** differebant olim a Coronis . 269. Quando a Romanis Imperatoribus usurpari ceperint . Ibid. Constantinus perpetuo Diademate usus . 340  
**Doctor** quisnam mereatur vocari . 123  
**Doctores** quatuor Ecclesiae cur vocentur Doctores . 122. 123 E.  
**Ecclesiae** nomen varie intellectum . fol. 249  
**Ecclesiae** universalis nomine quid intelligendum . 250  
**Educatio** pueri principis . 141  
**Electores** septem Imperii quinam , & eorum origo . 41  
**Episcopis** nova indicere ieiunia . licet . 264  
**Epistolae** decretales Pontificum . confictae quanam sint . 258  
**Eucharistia** arcana custodienda . 15  
**Euticus** quis fuerit . 13  
**Eutychianae** haeresis tempus . 4  
**Expositio** Fidei Catholicae Fortunati . 212  
**Exelini** de Romano imprudentia , & mors . 105 F.  
**Fabia** gens Romana laudata . 35  
**Federici** Cardinalis Borromaei laudes . 240  
**Fidei** professio antiquitus ante Baptismum solemniter emittebatur . 14  
**Fides** quid sit , & eius virtus , & necessitas . 212  
**Florentiae** obsidio ab Henrico inchoata . 82. Florentinorum contra Henricum propugnatio . 83. Obsidionis solutio . Ibid.  
**Fortunati** Symbolum . V. Venantius .  
**Fragmentum** vetustissimum , in

quo Manichaeorum haeresis damnatur . 112  
**Francisca** Lancelotti Vicecomitis filia , Philippi Borromei uxor . fol. 234 & 243  
**Fratres** in Ecclesia primitiva invicem se appellabant Christiani . 8  
**Fratris** , & filij titulus quei a Romano Antistite usurpetur . Ibid. Hoc nomen prioribus Ecclesiae seculis quomodo ab Episcopis usurparetur . 7  
**Fridericus** Arago Petri filius . 92  
**Fridericus** I. Mediolani , Ticini , ac Modoetia coronatus . 294. Modoetiensium iura restauras . 295. Mediolanum solo aequat . Ibid. Venetijs male ab Alexandro III. exceptus non fuit . 347  
**Fridericus** II. neque Mediolani , neque Modoetia Coronam accipit . 297  
**Fridericus** III. Coronam Italici Regni Roma accipit . 303. Eius Elogium , & res gestae . 144. & sequ. In Italiam proficiscens quanto fuerit honore exceptus . 147. Eius responsio ad Austriales . 133  
**Fridericus** Siciliae Rex . 89 G.  
**S. Gabinus** non Episcopus , sed tantum Martyr fuit . 354  
**Galeaz** fil. Matthaei Vicecomitis . 53  
**Placentia** custos pro Imperatore . 94. c. 64. Illam a Guelfis defendit . 107  
**Galli** Mediolanum dirutum restaurant . 37. Tuscorum expulsaes . 33  
**Gennadij** Massiliensis opinio de Bachiaro Philosopho Christiano . pag. 1

*Germana gentis ferocitas, & aviditas.* 89  
*Gibellina factionis post mortem Henrici VII. depressio.* 101  
*Gibertus de Corrigha Guelphorum Parma princeps.* 94  
*Gisela Caroli M. filia Mediolani baptizata.* 281  
*Gregorum prava opinio de processione Spiritus Sancti. 227. & seq.*  
*S. Gregorius M. ius eligendi, & coronandi Reges Italicos Archiepiscopis Mediolanensibus cōtulisse dicitur.* 320. *Commentitium ius merito creditur.* 321.  
*Gregorius M. Gracos Imperatores regnandi in Italiam iure expoliare noluit.* 322. *Nequaquam Corona ferrea Theodelindam donavit.* 343. *Sacrarum reliquiarum tenax fuit.* 344  
*Gualvanens de la Flamma, Historicus Mediolanensis laudatus.* 29. *Quo tempore Historias MS. lucubravit.* 273  
*Guelphi quid egerint occasione adventus Henrici VII. in Italiam.* 44. *In præio Sonciniano a Gibellinis sede percussi.* 78. 79. 80  
*Guido Comitiss Flandriæ filius, bellica virtute celebris perit.* Terdonæ sepultus. 73  
*Guidonis de la Turre gesta.* 44. *Eius accessus ad Henricum qualis.* 46. 47  
*Guiniforti Barzixij oratio in Sponsalibus Philippi Bonromei anno 1430.* 231  
*Illius opem, vita, & laudes.* 241. & seq.  
*Guilielmus Cavalcabos, Cremonæ princeps.* 44. & 62  
 H.  
*Heresis Manetis antiquitas ana-*

*thematè percussa.* 118  
*Hereses Manichæorum.* 119  
*Heliæ domicilium Sarepta.* 11  
*Helvidij heresis tempus. s. A Hieronymo, & Epiphanio repressa hæc fuit.* 18  
*Henricus Dodovellus de paucitate Martyrum confutatus.* 200  
*Henricus I. Imperator ubi, & quando coronatus fuerit, quaritur.* 289. *Ab Archiepiscopo Mediolanensi electus.* 323. *Eiusdem Constitutio.* 207  
*Henricus II. Mediolani coronatus.* 291  
*Henricus III. Italicum Diadema non accepit.* 291  
*Henricus IV. Mediolani coronatus.* 292. *Liturgia fortasse in eius coronatione adhibita e Codice MS. profertur.* 327  
*Henricus V. Friderici I. filius Mediolani coronatur.* 295. *Modoësia coronam accepisse non videtur.* 296  
*Henricus VII. quomodo electus Imperator.* 41. *Quo tempore, & loco coronatus.* Ibid. *Eius in Italiam adventus.* 46. *Et ingressus in Urbem Ambrosianam.* 47. *Ab Archiepiscopo Mediolanensi in S. Ambrosii coronatus.* 47. & 297. *Eius coronatio illustratur.* 298. *An Modoëtiam se contulerit, quaritur.* 299. *Novam Coronam Ferream procundi iubet.* 310. *A Mediolanensibus grave subsidium extorquet.* 51. *Mediolano Laudem processit, in seditiosos mitis.* 61. *Illius clementia.* 48. & 55. *Tuscos, & præcipue Florentinos adoritur, & fugat.* 81. *Eius mors.* 99. *Causa mortis diligenter discussa.*

- sa. 28. 29. Hostia veneno infecta fuisse necatum vana opinio. 28. Eius cadaver Pisas translatum ibi honorifice sepultum. 99
- Hieronymus Helvidium, & Iovinianum confutat. 5
- Hildeprandus Lintprandi nepos Ticini coronatus. 280
- Hispania heresi Priscilliani infecta, & defensa. 117
- Homellina pars agri Papiensis. 109
- A Luchino Matthaei Vicecomitis filio hostiliter invasa. 109
- Hugo Italiae Rex Mediolani coronatus. 283
- 1.
- Ieiunia quatuor temporum an, & a quibus observata. 249. & seqq. Quomodo olim computarentur. 257. Ieiunia primi, quarti, septimi, & decimi mensis ab ipsa Romana Ecclesia nuncupata fuerunt. 260. & seq. S. Ambrosii aeo Mediolani non vigeant. 252. A S. Carolo introducta. ibid. A paucis Occidentis Ecclesiis usurpata olim fuerunt. 253. Eorum origo. 247. & seqq. Ab ipsis Apostolorum temporibus in Ecclesia Romana observata. 257. e. 4. Quando in Gallias, & in Hispanias introducta. 254. c. 3. Certam sedem Gregorii VII. tempore obtinent. 264
- De ieiunijs disquisitio. 240
- Ieiunia quibus anni temporibus olim apud Christianos observarentur. 247. Voluntaria, & quae praescripta olim fuerint. 248. & 249. Ex Apostolica institutione observanda S. Leonis iussu quae. 254. & seq. Quanam in Liturgia Romae antiquitus observata. 260
- Ieiuniorum usus primis Ecclesiae seculis varius. 247. Quadragesimalis ante Pascha origo. 247. Eius vera ratio in quo consistat. 24. Generale efficacius, quam particulare. 249. Mediolani Sabbatho non servabatur. 252. Etiam tempore quadragesimali, excepto antepaschali Sabbatho. Ibid. Venum pro Quadragesima antepaschali intelligendum. 255. Solum Quadragesimale olim ab universis Christianis servabatur. 253. Triduanum prioris hebdomadae Quadragesimalis cur institutum. 255. Triduanum, venum unde originem traxerit. 257. c. 5. & seq. Cur prima Quadragesima hebdomada celebratur. 257. c. 5.
- Ieiunium triduanum veris olim in usu non fuit. 254. & seqq. Quale in orientis Ecclesiis servaretur. 252. Et in Gallis tempore Caroli M. 258. Montanistarum, quale foret. 253. Pessime a Ioviniano improbatum. 23
- Iesus cur Christus dicatur. 214. & seq.
- Imperatoriae potestatis origo. 40. Et electio cur in Germaniam devoluta. Ibid.
- Imperii rebelles quot rationibus confutati. 150
- Imperii Romani sedes ad Graecos translata. 40
- Imperium ab Apostolica sede nationi Germaniae tributum. 149
- Index Sanctorum Martyrum, quorum Corpora S. Gregorii Magni temporibus Romae quiescebant. fol. 191
- Ingenitus an dici possit Spiritus Sanctus. 16. 17

*Ioannes de Ceimenate auctor*  
*laudatus quis fuerit . 29. Quo*  
*anno floruerit . 30*  
*Eius Historia luci datur . 27*  
*Ioannes de la Calcea Vicarius Me-*  
*diolani ab officio remotus , &*  
*cui . 49*  
*Ioannis Hierosolomytani errores de*  
*resurrectione carnis . 19*  
*Ioviniani hæresis tempus . 5. Error*  
*de Ieiunio a Hieronymo confuta-*  
*tus . 23. De peccatis ab Augu-*  
*stino confutatus . 23*  
*Isidorus Mercator Epistolarum de*  
*cretalium confictarum inuen-*  
*tor . 288*  
*S. Isidori Hispalensis Episcopi ver-*  
*sus . 208*  
*Italia obsequia erga Imperatorem*  
*per illam transeuntes . 147*  
*Italia status Gregorii M. tempo-*  
*re . 321*

## L.

*Ladislai Regis Hungariae, & Bohe-*  
*miae, laudes . 125. 126*  
*Landulfus a S. Paulo Historicus*  
*Mediolanensis quo tempore vi-*  
*xerit . 288. Interfuit Coronatio-*  
*ni Conradi III. 293*  
*Langobardi Reges Coronam non*  
*usurpasse, probabile quibusdam*  
*videtur . 275. Hastam pro Coro-*  
*na adhibuisse creduntur . Ibid.*  
*Contrarium veri videtur simi-*  
*lius . 276. Non eligebantur a*  
*Mediolanensi Archiepiscopo .*  
*322. Eorum in Italiam adven-*  
*tus . 38*  
*Laurentiana Mediolanensis Basili-*  
*ca Præpositus fuit Aeneas Sil-*  
*vius . 176. 16*  
*Leges variorum Principum de ser-*  
*vis . 189*  
*Legnanum, locus prope Mediola-*

*num . 106*  
*Ligures Boiis iniuncti Tuscos, & Ph-*  
*bros pellunt . 34*  
*Litulfus Othonis M. filius Medio-*  
*lani fortasse coronatus . 275*  
*Liturgia Ecclesiae Romana anti-*  
*quissima a P. Thomasio evul-*  
*gata auno 1680. 261*  
*Liturgia vetustissima adhibita in*  
*Regum Italicorum coronatione*  
*expenditur . 327. Eadem e Co-*  
*dice MS. profertur . 328*  
*Lombardia a Langobardis appella-*  
*ta . 38*  
*Eadem Henrico VII. se dedit .*  
*fol. 47*  
*Lotharius Hugonis filius Mediola-*  
*ni coronatus . 284*  
*Lotharius II. Mediolani, ac Mo-*  
*doetia coronatus creditur . 293*  
*Ludovicus Bavarus Mediolani co-*  
*ronatus . 300*  
*Ludovicus Rex Francorum frater*  
*Caroli Apuliae, & Siciliae Re-*  
*gis . 98*  
*Ludovicus II. Imperator Roma*  
*Coronatus . 282*

## M.

*Magistri nomine quis dignus sit .*  
*123.*  
*Mahumetanismi mater, Manetis*  
*doctrina . 114. 115. Eius, & Ma-*  
*nichaeismi comparatio . 115*  
*Mahumetis doctrina . 114*  
*Maimburgi calumnia, Pontificiae*  
*auctoritati impacta . 181*  
*Mandella familia nobilitas, &*  
*laudes . 238. & seq.*  
*Maues Persa Hæresiarcha . 114.*  
*Eius facinora, ac Vita. Ibid.*  
*Vnde Hæreses suas hausert . 115.*  
*Quot provincias infecerit . Ibid.*  
*Eius errores . 119*  
*Manfredus Rex Apuliae, & Sici-*  
*liae .*

- lia, Friderici Imperatoris filius  
a Carolo domitus, & perem-  
tus. 91
- Manichæi, & Priscillianistæ in  
quo conveniant. 113. A car-  
nibus abstinebant, ab Augusti-  
no confutati. 115
- Manichæismi, & Mahumetanif-  
mi comparatio. 115
- Manichæorum errores. 119. Hære-  
ses damnata. 112. Anathema-  
tismi discussi. 113. Error de  
Diabolo. 21
- Manumissio sine qua ex familia ne-  
mo propria ad sacros ordines  
promovere valet. 187. Manu-  
missionum usus quam antiquus.  
fol. 189
- Mare Tuscum, & Adriacum a  
Tuscorum Colonij nomina for-  
tiuntur. 33
- Margarita filia Vitaliani Bonro-  
mei Augustino Vicecomiti nup-  
ta. 245
- Marthesana, tertia pars Mediola-  
nensis agri. 101
- Martyrum innumera corpora Ro-  
ma. 199. & seq.
- Matrimonij forma ante Concilium  
Tridentinum. 243
- Matthæus de Madijs Gibellina fa-  
ctionis princeps. 47
- Matthæus Vicecomes Mediolani  
Gibelinorum princeps. 28. Eius  
varia fortuna, prudentia, & ad  
clementiam propensio. 100. Qua  
de causa fuerit ad Mediolani re-  
gimend destinatus ab Henrico Im-  
peratore. 101. Mediolani Vice-  
comes constituitur. 73
- Mediolanenses quid egerint, audi-  
to Henrici VII. proximo in Ita-  
liam adventu. 42. Eorum gesta  
sub imperio Henrici Septimi. 31.
- Faciles ut regantur. 49
- Mediolanenses ad Archiepiscopos  
spectat coronare Italicos Reges.  
313. Illis ius eligendi Reges non  
contulit S. Gregorius M. 321.  
Sub Francis Imperatoribus ius  
istud vigere cepit. 323
- Mediolanum a Gallis conditum, &  
appellatum. 34. Ab eisdem re-  
novatum. 37. Huius urbis situs,  
origo, & cultores tempore Hen-  
rici septimi. 31. Status mor-  
tuo Henrico Imperatore. 101.  
A Turrianis alijsque hostibus  
infeliciter oppugnat. 101.  
Plures ibi Græcorum ritus vi-  
gebant. Ibidem Langobardorum  
Reges coronabantur. 279. 280.  
Coronam heic non accipere Frā-  
ci Imperatores. 281. Ius primum  
Corona Ferrea conferenda heic  
sedet. 304
- Micrologi Auctor emendatus. 262
- Modoëtia Oppidum insigne. 278.  
An Langobardi Reges ibi fue-  
rint coronati, quaeritur. Ibid.  
Franci Reges ibi coronati non  
fuerunt. 281. Cordua fortasse ab  
Othone III. ibi accepta primum  
fuit. 287. Illius Oppidi præro-  
gativa, ac laudes. 288. Modoë-  
tiæ nomen unde. 291. A Fride-  
rico I. Modoëtiæ restaurantur  
hombres. 294. Ibi Coronam Fer-  
ream accipere non est necessa-  
rium. 304. Ibi servata antiqua  
lipsana. 195
- Modostienses Henricum VII. coro-  
nare frustra cupiunt. 298. Pri-  
vilegia sua ab hoc Imperatore  
magna auri copia redimunt. 300.  
Recens est apud illos fama, Co-  
ronam Ferream Dominico no-  
bilitari Clavo. 346. Ipsi Modoë-  
tenses

tienſes Scriptores ſanti orna-  
menti dudum ignari fuere. 348.  
Ævo Caroli V. opinionem hanc  
ignorarunt. 350  
Monitorium Apoſtolicum quam  
venerandum, & iuſum. 127  
N.

Neflorij hæreſis tempus. 4  
Nicolans de Bonſignoribus Tuſens,  
peſſimus Mediolani Vicarius, ab  
Henrico VII. deſignatus. 49  
Nicolaus K. Aeneam Silvium mit-  
tit nuncium ſuum in Germa-  
niam. 180.  
Nicornum oppidum inſigne Ho-  
mellinae. 109.  
Nicolans diaconus Nicolaitarum  
hæreticorum auctor. 10  
Novaria laudatur. 73  
Novatiani Hæretici, & eorum  
errores. 12

## O.

Olea in materia ſacrarum Reli-  
quiarum quid ſignificent. 197.  
& ſeq.  
Omouſſon ab Athanaſio propugna-  
tum. 219  
Onuphrij Fanvinij ſententia de  
Corona Ferrea exploditur. 303.  
304.  
Oratio Aeneæ Silvij pro auctorida-  
te Romani Pontificis. 121. &c.  
Orationes Aeneæ Silvij hucusque  
ineditæ, in Ambroſiana Biblio-  
theca extantes. 184. 185  
Ordinum ſacrorum collatio quando  
fieret. 255. & ſeq. Menſe De-  
cembriam ſemper olim habere-  
tur. 256  
Origenis error de reſurrectione  
carnis. 19  
Ottho M. Mediolani coronatus. 285.  
Eius coronatio deſcribitur. ibid.  
Subdiaconi, vel Diaconi veſti-

bus utitur. 326  
Ottho III. Mediolani, & Modoetia  
coronatus 286. Fortaſſis Modoë-  
tia primus Coronam accepit.  
ſol. 287  
Ottho IV. Mediolani Corona dona-  
tus. 296  
Ottho Karus Bohemorum Rex. Au-  
ſtrig invaſor. 138. eius mors. ibid.  
P.  
Papamandatum Apoſtolicum con-  
cedit Roberto Regi Apulia con-  
tra Imperatorem. 93. Quando  
Papa ſubſit Concilio. 162  
Papalis dignitas, & Imperialis  
poſtea divinitus ad mundi re-  
gimen deſtinata. 39  
Papia, olim Ticinum, a Gallis  
fundata. 37. ſacris interdicta.  
73. Combusta ſub Henrico Italia  
Rege. 204. ab Henrico uti per-  
duellis ſeveriſſime damnata. 89.  
90. Vide Ticinum.  
Papienſium natura præda avida.  
ſol. 107  
Papyrus Egyptiaca quid ſit. 194.  
An uſus huius papyri a Chriſto  
nato deſerit. 194. & 195. An  
ex hac papyro reperiantur vo-  
lumina poſt Chriſti adventum.  
ſol. 194  
Patris vocabulum Papæ quando  
ceperit inſcribi. 7  
Pauli Diaconi auctoritas. 275. 279.  
Pelagus Britannia ægermen. 3  
Pelagiana hæreſis in Britannia. 3  
Petraſancta oppidum in diſtrictu  
Lucano ab Henrico VII. expu-  
gnatum. 93  
Petrus Arago, expulſo Carolo,  
crucidatusque Gallis Sici-  
liam occupat. 91  
Philæſteria quid ſit. 199  
Philippa de Langſcho Guelpho-  
rum



rum Papia caput. 44. In oppu-  
gnatione Placentia captus a  
Gibellinis. 97  
Philippus Comes Sabaudia ab  
Amadco patruo, & tutore do-  
minio spoliatus. 81  
Philippi Mariae Vicecomitis, Me-  
diolani Ducis laudes. 238  
Philippi Regis Francorum ad Pa-  
pam Clementem aspera legatio.  
fol. 92  
Pipinus Caroli M. filius non Mo-  
doëtiq, sed Roma tantum coro-  
natus. 281  
Pisanorum, & Lucanorum bel-  
lum. 93  
Placentia in Gibellinorum pote-  
state a Guelfis infeliciter op-  
pugnata. 94. A Guelfis invasa.  
fol. 107  
Priscilliani heresis Hispaniam in-  
fecit, a Leone Sancto Pontifice  
expugnata. 117  
Priscillianista, & Manichei in  
quo convenirent. 113. Illorum  
error de diabolo. 22  
Provincia quomodo pervenerit  
sub dominio Regis Francorum. 91  
Pugna memorabilis inter Luca-  
nos, & Germanos victores. 94  
Q  
Quadragesimę tres annis singulis  
olim celebratę. 265. Earum an-  
tiquitas. 266  
Qua non ita facile probari possunt,  
si antiquissima sint, plene per sa-  
mam probari non possunt. 353  
Quatuor Tempora. Vide. Leiu-  
nium l. Temporum.  
R.  
Ravennę origo, & etymon. 32  
Reges Franci neque Mediolani, ne-  
que Modoëtiq, coronati. 281  
Regnum Italis, Berongario, &

Adalberto ab Othone privatis,  
ad Imperatorem traslatum. 205  
Religiosi qui vere vocandi. 124. 125  
Reliquiarum nomine quid intelli-  
gendum. 197. Earum transla-  
tiones quam originem habue-  
rint. 197. Reliquię antiquitus  
a Romanis Pontificibus non con-  
cedebantur; sed solum brandea.  
fol. 195  
Rhaude, locus sex millibus passuum  
Mediolano distans. 104  
Roberti Regis Apulię origo. 91. Is  
uti perduellis ab Henrico dam-  
natus. 89. Sed a Philippo Rege  
Francorum protectus. 92. 93  
Robertus Comitis Flandrię filius.  
fol. 85  
Rodopiam locus insignis Homelli-  
nę. 109  
Rodolphus Romanorum princeps  
Ottocaro superato, & occiso  
Austriam recuperat. 138  
Roma Camilli virtute a Gallo-  
rum barbarie liberata. 37  
Romani a Gallis sede fugati. 36  
Eorum gesta Gallis ad Romanam  
urbem appropinquantibus. 35. &c.  
Romani Pontificis auctoritas in  
rebus fidei statuendis. 14. Illius  
auctoritas ad que se extendat.  
fol. 128  
Rote Romanę decretum pro Ar-  
chiepiscopo Calaritano. 354  
S.  
Sabbati ieiunium Romana consue-  
tudine introductum. 251. Apud  
alias Ecclesias arbitrariū. ibid.  
Sabbato antepaschali, cur ieiunium  
indictum. 250  
Sabbatum apud Orientales præter  
antepaschale a ieiunio immu-  
ne. 250  
Sabellij errores in confessione per-  
sonarum.

- sonarum divinarum. 212  
 Sacris initiandi a dominorum potestate debent esse soluti. 190  
 Samaritani an debeant heretici appellari. 10. & seq.  
 Samaritani nomen an Christo competere possit. 10  
 Sancti Miniatis Terra antiquus Bonromeorum principatus. 255.  
 & 244  
 Sanctuarium quid significet. 196.  
 & 197  
 Sarepta urbs in Phœnicia. 11  
 Sarsana a Gibellinis occupata. 93  
 Scriptores de Borromœa nobilitate. 241  
 Scythianus Saracenus Manichæismi origo. 115  
 Sedes fidei antonomastice Roma. fol. 13  
 Senarum oppugnatio per Imperatorem infelicitè tentata. 99  
 Senonum in Italiam adventus. 34  
 Sepraliani musæi in urbe Mediolani encomium. 194  
 Servitus an a Christianis eliminata sit. 189. & seq.  
 Sigismundus Imperator Mediolani coronatus. 301. Diploma in eius coronatione confectum. 302  
 Simon Advocatus de Collobiano Vercellarum princeps. 44  
 Simon de la Torre Mediolani princeps. 96  
 Sixti V. litera', ubi Corona Ferrea sit mentio. 351  
 Sol, Luna, & reliqua Cœli luminaria a Manichæis animam habere creduntur. 120  
 Soncinum a Cremonensibus occupatum. 37. Ezelini sepulcrum. fol. 105  
 Spiritus Sancti a Patre, Filioque processionis clara demonstratio. 15. Quæstio hac iterum discussa. 227. & sequi. An Spiritus Sanctus rectè dici possit Ingenitus. fol. 16  
 Subdiaconi, vel Diaconi vestibus utebantur Reges Italici, dum coronarentur. 326  
 Subrex filius Tubal urbem adificavit, nomine Subriam, quæ postea Mediolanum. 32. c. 1.  
 Subria in Seprium corrupto vocabulo conversa. 33  
 Symbolum Quicumque Nestorianam, & Eutychanam hæreses refellit. 218. 219. Cur Athanasio non tribuendum 219. & seqq. Cui auctori adscribendum. 221. & seqq. Eius varia Expositiones. 228  
 T.  
 Talda Vitaliani Borromæi filia, Othoni Mandello nupta. 245  
 Tebaldis de Brusadis Guelforum princeps. 49. Eius mors. 67  
 Testamentum Alberti Bobemia, & Hungaria Regis discussum. fol. 133. & seqq.  
 Teutones quoto tempore sola argentea corona contenti fuerint. 42. Eorum parva acies numerosiorem Florentinorum turpiter fundit, & capit. 88  
 Theodelinda Langobardorum Regina Coronam Ferream induisse creditur. 272  
 Thomas Aquinati Liber de Regim. Princ. abiudicatus. 309  
 Ticinum, nunc Pavia, a Gallis fundatum. 37. Frbs præclarissima. 277. Ibi an olim coronarentur Langobardi Reges, inquirentur. 278. Horum Regum Sedes ibi posita. Ibid.  
 Tubal nepos Noë Ravenna adificata.

# PRÆCIPUARVM.

371.

cator.	32. c. 1.	Verona a Boiis occupata. 34. unde dicta.	38
Tumultus Mediolani inter cives, & turmas Teutonum.	55	Vicecomitum Historia ab antiquis Historicis non medullitus scripta. 27. Eorum origo, & elo- gium.	234. & seqq.
Turriana Domus quando Ambrosiana Urbis dominium ceperit.	93	Vicomercatus Burgus celebr.	101
Turriani, mortuo Henrico VII. Mediolanensem agrum hostiliter occupant.	101	Vigilius Tapsensis Athanasiani Symboli Auctor creditus.	221. & seqq.
Tuscorum adventus in Italiam ad- ventus, progressus, potentia, & expulsio.	33. & seqq.	Vincentius Lirinensis Athanasia- num Symbolum lucubrasse dici- tur.	221. & sequ.
Tusculus ager a Teutonibus crudeli- ter afflictus.	81	Vitaliana stirps Paduę celeberrima.	234., & sequ. 238. & 243
Tutela Regi an constituenda.	151	Vitaliana, & Bonromea familię in unam Bonromeam redactę.	234. & 243. & seqq.
V.		Vitaliani Bonromei laudes.	235
Valeranus frater Henrici in obsi- dione Brixia periit.	68. 69	Vlricus Comes Cilię alter ex prin- cipibus rebellium Austriarum.	180
Vassallus de Desio Comes Serapon- tis.	96	Vlricus Heyxinger caput seditio- nis Austriarum contra Fride- ricum Imperatorem.	132. 133. & 180
Venantius Fortunatus Episcopus Pictaviensis.	228. 229. Eius ori- ga & laudes: ibid. An Athana- siani Symboli auctor, ibid.	Xbor, & Ayones primi Longobar- dorum Duces.	38
Venatorum obsequia erga Impera- torem Fridericum apud eos ap- pellentem.	148		
Vercellina seditio.	80		

FINIS.

# Errata sic corrige.

Pag. 33. lin. 35. præpollens. 41. lin. 5. Regem. 48. lin. 4. linquens.  
 52. lin. vlt. oblidum. 61. lin. 23. Iacobi. 69. lin. 4. moræ. lin. 19. tu-  
 mulus. 98. lin. penult. quærit. 99. lin. 28. ira. 101. lin. 30. colebant.  
 131. lin. 2. Imperatoris. 141. lin. 14. venustas. lin. 35. pernoctantis.  
 146. lin. 32. fortasse Istriam. 151. lin. 15. pupillis. 176. lin. 9. Lau-  
 rentianæ. 218. lin. vlt. Eutychiana. 239. lin. 35. Coelici. 283. l. 31.  
 affingantur.

